

++  
Georgij Sicyrtus  
Sadahs mariani  
minimale Congregati  
omni BV Mandi  
in uentate concepti  
omni . . .

Ed. Libris

Fausti

Narbuth O. M.


In religione huius viri purig  
Cedit duri, surgit vultus  
Incedit lantig, irigat pte  
guentig, qui cavit denuig, per  
gaty lottig, remun erat, lpio  
ig. S. Berni: de bono Re  
ligi: Thom: de querent: Bon  
magant:


Cella Religiosa et lulu  
e qd lulu:


Quia sicut cella et lulu ad  
inuicem vident, aliquem habere  
lagnas non nominis sic et pietas,  
a celando om lulu, et lulla  
non habere vident, e qd lulu  
t in lullis, h et in lullis  
qd gerit in lullis, h et in lullis  
qd nam e h. Vacare llo  
qd lulu ad ordinem pie et p doli  
l celebrat in lullis lullis,  
and eo dicitur. S. angeli Cellas




habent pro cellis, et ego soli  
tant in cellis, ac in cellis, a  
cella in cellis saepe ascendit,  
eis autem eorum in infernum  
deducit. S. Bernardus.  
De vit. Solit.





























<sup>m</sup>  
Hic liber dono  
Datus ab Adm<sup>o</sup>  
R. P. Fausto  
Narbutto  
Ordinis S. Ba-  
sily M<sup>o</sup> ptane  
Ordinarij Conuon<sup>o</sup>  
in Cantu<sup>o</sup> Biologi-  
naku O. T. Korygga  
et 8. Junij 1766

Pien. A III. 23





Niesciągłe oko nad <sup>widokiem</sup> s...  
Stran Baskie lée kawa

sie potokiem

Rumieni zdrojow Atwa  
Kieba mila

Od cieszkih razow raz bar  
zmienita

Ciernowa Głowa ponosi  
vone

Wdrzyna zrinieze od pte  
czu zemolone

Te uwaz bole a wieskym

fraszunka  
Niech ci Krol doda zbolai  
ratunku

PH  
S.  
HE



nullos  
portune  
causam  
justus  
bi cheu  
dei deb  
tis impu  
in una  
us deo  
et totus  
adter

A D M O D V M

REVERENDO PATRI

*P. P. Eremita* AC DOMINO *matr.*

PHILIPPO CAVERELE,

S. VEDASTI ABBATI

*Inculc* Religiosissimo, *Vigrent.*

HENRICVS SOMMALIVS

è Societ. IESV, S. P. D.



*Am vere quam sapienter*  
quendam d. vus Barnar-  
dus scrip. fuisse videtur: Om-  
nes causamur nobis deesse  
gratiam: sed iustius: forsi-  
tan ipsa queritur, sibi non-

nullos deesse. Ego vero quid simile non im-  
portune mihi dicere posse vi teor: Omnes  
causamur no'is deesse devotionem: sed  
iustius forsit: n' devotione i' sa queri posset, si-  
bi eheu deesse iustissimos. Quid mirum vi-  
deri debet, si multi in tentationum ven-  
tis impuls'i, hodie turpissima ac facillime  
in varia scelerum genera labantur, cum  
ipsi devotione sint destituti: que tamen  
est virtutis universe fulcrum quoddam,  
& adversus cunctos hostes clypeus tueri-

mus. Tolle ab homine devotionem : quidnam ( obsecro ) is erit , nisi animi quoddam , ad omne ineundum certamen imbecillum ac inerme ? At verò si quis alicuius devotionis munimento fultus fuerit , quæ vitiorum monstra non vincet ? Exemplo luculentissimo id commensurare haud difficile erit. Si mihi etenim centum homines devotione ornatos obtuleris , vix ex eis duos , toto biennii discursu , in mortale crimen aliquod lapsos inveniam : Si vero totidem indevotos , equidem de illis tantumdem affirmare non ausim. Sed & multa intercapedine hi à se invicem diffiti esse videntur. Qui etenim devotioni sunt addicti , si ex fragilitate quadam humana , peccatum lethale admiserint , è vestigio emergere , è ceno turpitudinis , omni studio conantur : At vero indevoti à lapsu vix iterum ad meliorem frugem assurgere norunt. Quare nihil accommodatius habere videor , cui virum devotum comparem , SELENITE : qui lapis est & gemma quædam , in Perside sive Arabia nascens , haud quidem ignobilis : cuius , cum crescente Luna , candor accrescit , & cum decrescente , pari quodam



# DEDICATORIA.

5

dam passu, novo naturæ miraculo decre-  
scit. Eadem etiam ratione vir piis rebus  
addictus, pietate & quodam animi can-  
dore crescit, crescente devotione. Secus au-  
tem in homine indevoto usu venit, in quo  
tantundem integritatis vita atque morum  
decrescit, quantum devotionis ei decedit.  
Neque illud silentio prætereundum esse du-  
co, quod quidam de hoc **SELENITE**  
refert, eum arbori alligatum, frugiferam  
illam reddere. Hoc ipsum, quotidiana ex-  
perientia, viri devotione præditi, verissi-  
mum esse, in se comperiunt, dum variis  
incumbunt Christianæ vitæ officiis, &  
multa bonorum operum segete locupletes  
feri conantur.

Porro ne multis te morer, Præsul admo-  
dum Reverende, ab amicis pridem rogatus  
fui, ut ex sanctorum Patrum monumentis,  
aliquem libellum, (velut enchiridion quod-  
dam) ad amorem divinum excitandum, &  
ad devotionem comparandam scriberem.  
Ego itaque pie ac studiosa eorum voluntati  
impigre obsecutus, hunc, quem vides  
**FASCICULUM**, quæ potui celerita-  
te confeci: quem T. P. R. ob insignem  
pietatem atque virtutem, quæ in te multo-  
rum

rum sermone elucet, nuncupandum existimavi. Spero equidem eos, qui sapientius eo nunciantur, non parvum tui in amore divino, tui vero in devotione, incrementum esse salutaris. Quid jam reliquum est, tibi optime, nisi ut animo se-

gem, quatenus ea benevolentiae manu, hoc literarium atque devotionis munus, quod ipse tibi offero, accipere non graveris. Deus Optimus Maximus te cum universis Religiosis tuae fidei commisit, multo sui amore, multoque animi devotione, augere dignetur. Vale, utrumque vale Archimandrita religiosissime, in annos plurimos salvus & incolumis.



Ex Libris Fr̃s Pr̃s  
 Mathid Fran Kowski  
 Carmel. A. R. O.  
 A<sup>o</sup> 1770 Julij 10.

MEDITATIONES  
S. AVGVSTINI.

CAPVT I.

*Invocatio Dei omnipotentis, ad morum &  
vitę reparationem.*



Omine Deus meus, da cordi  
meo te desiderare, desideran-  
do querere, querendo inve-  
nire, inveniendo amare, a-  
mando mala mea redimere,  
redempta non iterare; da Do-  
mine Deus meus cordi meo poenitentiam,  
spiritui contritionem, oculis lachrymarum  
fontem, manibus eleemosynę largitatem.  
Rex meus, extingue in me desideria carnis,  
& accende ignem tui amoris. Redemptor  
mei, expelle a me spiritum superbix, & con-  
cede propitius thesaurum humilitatis tue.  
Salvator mei, amove à me furorem irę, &  
indulge mihi benignus scutum patientię.  
Creator mei, evelle à me animi rancorem,  
& largire mihi mitis mentis dulcedinem.  
Da clementissime Pater mihi solidam fidem,  
spem congruam, charitatem continuam.

2. Rector mei, averte à me vanitatem,  
mentis inconstantiam, cordis vagationem,  
oris scurrilitatem, oculorum elationem, ven-  
tris ingluviem, opprobria proximorum, sce-  
lera detractionum, curiositatis pręiuginem,  
divitiarum cupidinem, potentatuum rapi-  
nam,

MEDITATIONES

nam, inanis gloriæ appetitum, hypocrisis malum, adulationis venenum, contemptum inopum, oppressionem debiliū, avaritiæ ardorem, invidiæ rubiginem, blasphemiam mortem. Reseca in me, factor mei, temeritatem, iniquitatem, pertinaciam, inquietudinem, otiositatem, somnolentiam, pigritiam, mentis hebetudinem, cordis cecitatem, sensus obstinationem, morum truculentiam, boni inobedientiam, consilii repugnantiam, linguæ effrenationem, pauperum prædam, impotentium violentiam, innocentum calumniam, subditorum negligentiam, circa domesticos severitatem, adversus familiares impietatem, erga proximos duritiam.

3. Deus meus, misericordia mea, oro te per dilectum Filium tuum, da mihi misericordiae opera, pietatis studia: compati afflictis, consulere erroneis, succurrere miseris, subvenire egenis, consolari mœstos, relevare oppressos, pauperes recreare, debiles refovere, dimittere debitoribus, parcere in me peccantibus, odientes me diligere, pro malis bona reddere, neminem despicere, sed honorare; bonos imitari, malos cavere, virtutes amplecti, vitia rejicere: in adversis patientiam, in prosperis continentiam, custodiam oris, & ostium circumstantiæ labiis meis: terrena calcare, cœlestia sistere.

## CAPVT II.

*Hominis accusatio, & commendatio misericordie diuina.*

1. **E**Cce plasinator mei, multa rogavi, qui nec pauca promerui. Fateor, heu fateor, non solum quæ postulo non debentur dona, sed multa & exquisita supplicia. Animant tamen me publicani, meretrices, & latrones; qui à faucibus hostis momentaneè eruti, sinibus excipiuntur pastoris. Tu enim factor omnium Deus, licet in cunctis operibus tuis sis mirabilis, mirabilior tamen crederis esse in operibus pietatis. Vnde de temetipso, per quendam tuum seruum dixisti: Miserationes ejus super omnia opera ejus. Et quasi de singulo loquentem, de universo populo tuo te dixisse confidimus: Misericordiam autem meam non dispergam ab eo. Nullum enim spernis, neminem abjicis, neminem perhorrescis; nisi forte qui amens, te exhorruerit.

2. Ergo non iratus modo non percutis, sed te irritantibus dona, si quasierint, tribuis. Deus meus, cornu salutis meæ, & susceptor mei, ego infelix, ego te irritavi, ego malum coram te feci; furorem tuum provocavi, iram promerui; peccavi, & passus es; deliqui, & adhuc sustines. Si pœniteo, parcis; si revertor, suscipis; insuper dum disfero, præstolaris. Revocas errantem, invitas repugnantem, expectas torpentem, amplexaris redeuntem. Doces ignorantem, mœren-

tem mulces; à ruina suscitās, post lapsum reparas, petenti largiris, quærenti inveniris, & pulsanti aperis. Ecce Domine Deus salutis meæ, quid opponam, nescio; quomodo respondeam, ignoro. Nullum abs te confugium, nullum à te pater latibulum. Ostendisti mihi bene vivendā viam, & gradiendi scientiam dedisti; munitus es mihi gehennam, & pollicitus es mihi paradisi gloriam.

3. Nunc Pater misericordiarum & Deus totius consolationis, confige timore tuo carnes meas, quatenus quæ minaris metuendo evadam; & redde mihi latitiam salutaris tui, ut quæ spondes diligendo percipiam. Fortitudo mea Domine, firmamentum meum, Deus meus, refugium meum, & liberator meus: suggere, quid de te cogitem; doce, quibus te sermonibus invocem; da, quibus operibus tibi placeam. Scio namque, scio unum, quo tu placaris; & aliud, quod non spernis. Est utique tibi spiritus contritus sacrificium, & acceptas cor contritum & humiliatum. His me Deus meus, adiutor meus, dita muneribus. His contra inimicum muni protectionibus; hoc de flammis victorum præsta refrigerium; his autem desideriorum passionibus pande pium refugium.

4. Fac Domine virtus salutis meæ, ne sim de numero eorum, qui ad tempus credunt, & in tempore tentationis recedunt. Obumbra caput meum in die belli, spes mea in die afflictionis, & salus in tempore tribulationis.

5. En Domine illuminatio mea, & salus mea, rogavi, quibus egeo; intimavi, quæ timeo; sed remordet *me* conscientia, reprehendunt me cordis secreta; & quod amor ministrat, timor dissipat, zelus incitat, metus increpat. Acta mea formidinem, sed tua ingerit pietas fiduciam; tua hortatur benignitas, mea tardat malignitas. Et, ut verius fatear, occurrunt memoria phantasmata vitiorum, quæ reverberant audaciam præsumptuum animorum.

## C A P V T III.

*Homini conqueslio, qui propter inobedientiam a Domino non auditur.*

1. **C**Um enim quis odio dignus sit, qua fronte gratiam requirit? Cui potius debetur, qua temeritate gloriam deponit? Lacescit iudicem, qui postposita satisfactione delicti quærit præmiis honorari. Regi insultat obnoxius supplicio, qui donari flagitat indebito bravio; & dulcem affectum patris stultus exacerbatur filius, qui post illatas contumelias ante poenitudinem hereditatis usurpat celsitudinem. Quid, mi Pater, me gessisse recolo? Merui mortem, & peto vitam. Commovi regem meum, cuius impudens invoco presidium. Contempsi iudicem, quem temere postulo adjutorem. Insolens renui audire Patrem, quem demum præsumo habere tutorem.

2. Heu mihi quam sero venio: heu, heu, quam tarde festino: heu me, quia curro post vulne-



vulnera, dedignans incolumis præcavere jacula. Neglexi prospicere tela, modò verò sollicitor de morte vicina. Vulnera vulneribus infixi, quia scelera sceleribus addere non timui: Recenti cicatrices labe respersti, quia prisca flagitia modernis iniquitatibus reciprocavi; & quæ divina solidaverat medicina, mea resolvit prurigo phrenetica. Cutis quæ superducta vulneribus morbum celaverat, sanie erumpente putruit: quia iterata iniquitas, concessam misericordiam exinanivit. Novi quippe scriptum: in quacunque hora justus peccaverit, omnes justitiæ ejus obliviscuntur. Si justitia aboletur justitientis, quanto magis poenitentia peccatoris in idipsum revertentis? Quoties ut canis redi ad vomitum, & quasi sus repeti volutabrum?

3. Fateor, quia mihi recordari est impossibile, quod mortalium ignorantes peccare docui, nolentibus delinquere persuasi, resistentes coëgi, volentibus consensi: Quod sane gradientibus laqueum induxi, viam quærentibus foveam retexi, ut patrare non horrerem, oblivisci non metui. Sed tu justus iudex signans peccata, quasi in sacculo observasti omnes semitas meas, & cunctos gressus meos dinumerasti. Tacuisti semper, siluisti, patiens fuisti. Væ mihi, demum loqueris quasi parturiens.

## CAPVT IV.

*Iudicis timor.*

1. **D**Eus deorum, Domine præstabilis super malitia; novi, quia manifestus venies; novi, quia non semper silebis, cum in conspectu tuo ignis exardescet, & in circuitu tuo tempestas valida ingruerit; cum advocaveris calum desuper, & terram discernere populum tuum. Et ecce coram tot millibus populorum nudabuntur omnes iniquitates meæ; tot agminibus Angelorum patebunt universa scelera mea, non solum actuum, sed etiam cogitationum, simulque loquutionum. Tot iudicibus inops astabo, quot me præcesserunt in opere bono. Tot arguentibus confundar, quot mihi præbuerunt bene vivendi exemplar. Tot convincar testibus, quot me monuerunt proficuis sermonibus, seque imitandos iustis dederunt actionibus. Domine mi, non suppetit, quid dicam: non occurrit, quid respondeam. Et cum jam intersim sevo illi discrimini, torquet me conscientia, cruciant cordis arcana, coarctat avaritia, accusat superbia, consumit invidia. Inflammat concupiscentia, infestat luxuria, dehonestat gula, ebrietas confutat; detractio lacerat, ambitio supplantat, rapacitas objurgat, discordia dissipat, ira perturbat, lenitas dissolvit, torpor opprimit, hypocrisis fallit; adulatio frangit, favor attollit, calumnia pungit.

2. Ecce, liberator meus de gentibus iracundis.

cundis. Ecce cum quibus vixi à die nativitat-  
is meae, quibus & studui, quibus & iidem  
servavi. Ipsa me, quae dilexeram, studia  
damnant; quae laudaveram, vituperant. Hi  
sunt, quibus acquievi, amici; quibus parui,  
magistri; & quibus servivi. domini. Con-  
sules quibus credidi, cives quibus cohabita-  
vi, domestici quibus consensi. heu mihi,  
Rex meus & Deus meus: quia incolatus  
meus prolongatus est. Vae mihi, illuminatio  
mea, qui habitavi cum habitantibus Cedar.  
Et cum David sanctus dixerit multum, quan-  
to magis ego infelix dicere possum, Nimis  
incola fuit anima mea; Firmamentum Deus  
meus, non justificabitur in conspectu tuo  
omnis vivens. Spes mea non est in filiis ho-  
minum. Quem, si remota pietate judicave-  
ris, iustum invenies? Et nisi praevenieris mi-  
serando impium, non est qui glorificet pium.

3. Credo namque, salus mea, qui audi-  
vi quoniam benignitas tua ad poenitentiam me  
adducit; tui oris mihi sonuerunt nectarea  
labia: Nemo potest venire ad me, nisi Pa-  
ter meus, qui misit me, traxerit eam. Enim-  
vero quia me instruxisti, tanquam propi-  
tius instructione formasti, totis medullis  
cordis, toto nisu mentis, rogo te omnipo-  
tens Pater, cum dilectissimo Filio tuo, teque  
dulcissima proles, cum serenissimo invoco  
Paracleta, trahe me, quatenus post te cur-  
ram in odorem unguentorum tuorum dul-  
citer.

## CAPVT V.

*Invocatur Pater & Filius.*

1. **I**NVOCO te Deus meus, invoco te: quia ipso es omnibus invocantibus te in veritate. Tu enim veritas es: doce me (quæso) per clementiam tuam, sancta Veritas, doce me invocare te in veritate, quia hoc fieri quomodo oporteat, nescio; sed à te doceri, beata veritas, humiliter imploro. Absque te enim sapere, est desipere: te vero nosse, est perfecte scire. Erudi me divina sapientia, & doce me legem tuam. Credo namque, beatus erit, quem tu erudieris, & de lege tua docueris eum. Desidero invocare te, quod quæso fiat in veritate. Quid est in veritate invocare Veritatem, nisi in Filio Patrem? Ergo sancte Pater, sermo tuus veritas est, principiumque verborum tuorum veritas: hoc quippe est verborum tuorum principium, quod in principio erat Verbum. In ipso principio te summum adoro principium. In ipso veritatis verbo, te perfecta invoco Veritas, in quo ipsa eadem veritas, dirigas me in veritate & doceas.

2. Quid enim est dulcius, quam genitorem in nomine unigeniti invocare? Patrem in recordatione Filii ad pietatem inflectere? Regem, charissimæ sobolis denominatione mitigare? Sic enim solent rei carceribus eripi, sic commancipati vinculis liberari; sic tristem accipientes sententiam capitis, non solum absolvi, sed insuper nancisci infeli-

tam

tam gratiam. Quomodo iratis Principibus dilecta prole intinaverint Charitatem hac delinquentes ferunt. Vadunt supplicia dominorum, dum pro eis interveniunt incedo filiorum. Sic te omnipotens Pater omnipotentis Filii charitatem posui. Educ de carcere ad confitendum nomen, animam meam. Libera me à vinculis peccatorum, per coeternum flagito unicum tibi natum; meque, cui propria merita, lethalem minantur sententiam, preciosissimæ ad dexteram tuam confidentis prole interpellatione restaura placatus ad vitam.

3. Quem enim alium dirigam intercessionem tibi, nescio, nisi hunc, qui est propriarius pro peccatis nostris; qui sedet ad dexteram tuam, interpellans pro nobis. Ecce advocatus meus, apud te Deum Patrem. Ecce Pontifex Summus, qui non alieno eget expiari sanguine; quia proprio refulget perfusus cruore. Ecce hostia sancta, beneplacens & perfecta, in odorem suavitatis oblata & accepta. Ecce agnus sine macula, qui coram se tendentibus obmutuit; qui alapis cæsus, spuris illitus, opprobriis affectus, os suum non aperuit. En, qui peccatum non fecit, peccata nostra pertulit, & languores nostros suo livore sanavit.

## CAPVT. VI.

*Hic presentat homo Patri passionem Filii.*

1. **A** Spice pie Pater piissimum Filium, pro me tam impia passum. Respice cle-

Domine Rex, quis patitur, & remittit, & benignus; pro quo patitur. Nomen  
Domine, innocens ille, quem,  
ut servum ~~ad~~ dimeres, filium tradidisti?  
Nunquid non auctor vite hic est, qui, ut  
ovis ad occisionem, & quærens, tibi que usque ad  
mortem obedi, & factus, atrocissima non  
timuit necis genus subire? Recole totius  
salutis dispensator, quia hic est ipse, quem  
et si ex tua virgine genuisti, mea tamen in-  
firmitatis participem fieri voluisti. Vere hæc  
est tua Deitas, quæ meam induit naturam;  
crucis adscendit patibulum, quæ in alius in  
carne triste tulit supplicium. Redue, Domi-  
ne Deus meus, oculos tuæ Majestatis super  
opus ineffabilis pietatis. Intuere dulcem  
naturam, toto corpore extensum. Cerne ma-  
nus innoxias pio manantes sanguine: & re-  
mitte placatus scelera, quæ pararunt manus  
meæ. Considera inermis litus crudeli per-  
fossam cuspide, & renova me sacro fonte,  
quem inde credo fluxisse.

2. Vide immaculata vestigia, quæ non ste-  
terunt in via peccatorum, sed semper ambu-  
laverunt in lege tua diris confixa clavis: &  
perfice gressus meos in semitis tuis, & fac  
me odio habere benignus omnes vias in-  
iquitatis. Viam iniquitatis amove à me, &  
fac me, propitius viam veritatis eligere.  
Oro te Rex Sanctorum, per hunc San-  
ctum Sanctorum, per hunc Redemptorem  
mei; fac me currere viam mandatorum tuo-  
rum, ut ei valeam spiritu uniri, qui mea non  
horruit carne vestiri. Nunquid non attendis,

pie Pater, adolescentis filii charissimè  
nivea cervice deflexa preciosissimum reitorum  
in mortem! Aspice mitissime conditor  
dilectæ sobolis humanitatem, & miserere  
super infirmi plasmatæ debilitatem.

3. Candet nudum pectus, rubet cruentum  
latus, tensa arent viscera, decora languent  
lumina, regia pallent ora, proccera rigent bra-  
chia, crura pendent marmorea, rigat terebra-  
tos pedes beati sanguinis unda. Specta, glo-  
riose genitor gratissimæ prolis lacerata mem-  
bra; & memorare benignus, quæ mea est  
substantia. Conspicere Dei hominis poenam,  
& relaxa conditi hominis miseriam. Vide  
Redemptoris supplicium, & redempti di-  
mitte delictum. Hic est, Domine mi, quem  
propter peccata populi tui percussisti, licet  
ipse sit dilectus in quo tibi bene placuisti.  
Hic est ille innocens, in quo dolus non est in-  
ventus, & tamen inter iniquos deputatus est.

## CAPVT VII.

*Hic recognoscit homo se causam esse  
Passionis.*

I. **Q**uid commisisti, dulcissime puer,  
ut sic judicareris? Quid commis-  
isti, amantissime juvenis, ut adeo dure tra-  
ctareris? Quod scelus tuum, quæ noxa tua,  
quæ causa mortis, quæ occasio tuæ damna-  
tionis? Ego, ego sum tui plaga doloris, tuæ  
culpa occisionis. Ego tuæ mortis meritum,  
tuæ vindictæ flagitium: Ego tuæ passionis li-  
vor, tui cruciatus labor. O admirabilis cen-  
suræ



ditio, & ineffabilis mysterii dispositio. Peccat iniquus, & punitur iustus. Deponitur reus, & vapulat innocens. Offendit impius, & damnatur pius. Quod meretur malus, patitur bonus, quod perpetrat servus, exsolvit Dominus; quod committit homo, sustinet Deus. Quod nate Dei, quo tua descendit humilitas? Quo tua flagravat charitas? Quo processit pietas? Quo excrevit benignitas? Quo tuus attigit amor? Quo pervenit compassio?

2. Ego enim inique egi, tu pœna mulctaris. Ego facinus admisi, tu ultione plecteris. Ego crimen edidi, tu torturæ subjiceris. Ego superbivi, tu humiliaris. Ego rumui, tu attenuaris. Ego inobediens extiti, tu obediens scelus inobedientiæ luis. Ego gulæ parui, tu inedia afficeris. Me ad illicitam concupiscentiam rapuit arbor, te perfecta charitas duxit ad crucem. Ego præsumpsi veritum, tu subiisti eculeum. Ego delector cibo, tu laboras patibulo. Ego fruor deliciis, tu laniaris clavis. Ego pomi dulcedinem, tu sellis gulas amaritudinem. Mihi ridens congaudet Eva, tibi plorans comparitur Maria. Ecce Rex gloriæ. Ecce mea impietas, & tua claret pietas. En mea iniustitia, & tua liquet iustitia.

3. Quid Rex meus, & Deus meus, quid retribuam tibi pro omnibus quæ retribuisti mihi? Non enim inveniri potest in corde hominis, quod condigne talibus referatur præmiis. Nunc quid sagacitas machinari potest humana, cui comparatur miseratio divi-

n. Nec est creatoris reus, qui se tibi immisit  
 iussu creatoris recurrens. Sed  
 autem nate Dei in hac dispensatione, est cu  
 suppetit, si tua visita  
 carnem suam crucifigat. concu  
 pilcentiis. Et hoc cum tibi immisit, quasi  
 tam tibi incipit compati, quia & tu pro pec  
 cato meo dignatus es mori. Sicque per in  
 terioris hominis victoriam, te duce arma  
 bitur ad exteriorum palmam: quatenus de  
 victa persecutione spirituali, non vereatur  
 pro amore tui subijci gladio materiali. Ita  
 exiguitas conditionis, si tuæ complacere  
 pietati, magnitudini valebit pro viribus re  
 spondere creatoris. Et hac cœlestis medi  
 cina, bone Iesu, hoc tui antidotum amoris.  
 Oro te per antiquas misericordias tuas, in  
 funde vulneribus meis, quo rejecta viperæ  
 contagionis bile reintegret me incolumitati  
 pristinæ; quo gustato tuæ nectare suavitatis,  
 faciat me illecebrosa mundi toto affectu  
 despicere, & nulla ejus adversa pro te formi  
 dare, memorque perpetuæ nobilitatis semper  
 fastidium ventos hujus transitorii timoris.

4. Nihil (quæso) sine te, mihi dulcescat;  
 nihil complacere, nil pretiosum, nihil præ  
 ter te mihi arrideat speciosum. Vilescant,  
 obsecro, absque te mihi omnia, sordeant  
 universa. Quod tibi adversum est, sit mihi  
 molestum; & tantum beneplacitum, mihi  
 indeficiens desiderium. Tadeat me gaudere  
 sine te, & delectet contristari pro te. Sit mi  
 hi nomen tuum refocillatio, & memoria  
 tui

tui consolatio: fiant mihi lachrymæ meæ panes die ac nocte investigando justificationes tuas; sit bonum mihi lex oris tui, super millia auri & argenti. Sit obedire tibi mihi amabile; & resistere tibi execrabile. Rogo te, spes mea, per omnes pietates tuas ut propitius impiecatibus sis. Adaperi aures meas mandatis tuis, & ne declines (flagito) per nomen sanctum tuum in verba malitia cor meum, ad excusandas excusationes in peccatis. Peto etiam per admirabilem humilitatem tuam, ne veniat mihi pes superbiæ, & manus peccatoris non moveat me.

CAPUT VIII.

*Hic exponit homo Deo Patri passionem Filii in sui reconciliationem.*

I. **E**cce omnipotens Deus pater Domini mei, dispone benignus, quo miserearis mei, quoniam quicquid preciosius inveni, devote obtuli; quicquid charius reperi, suppliciter presentavi. Nihil mihi reliqui, quin tuæ exposuerim Majestati; nihil jam superest, quod adjiciam: quia totam tibi delegavi spem meam. Direxi tibi advocatum meum, dilectum Filium tuum. Misi gloriosam progeniem, inter me & te mediatorem: Misi, inquam, intercessorem, per quem confido veniam. Misi verbis Verbum, quod pro meis dixi missum factis, & numeravi tibi sanctissimæ sobolis passionem, quam pro me credo fuisse perfectam. Credo à te missam deitatem, meam suscepisse humanitatem; in qua dignum duxit

alapas, vincula, spura, irrisiones perferre, nec non crucem, clavos telumque suscipere. Hanc olim infantia vagitibus demolitam, pueritia pannis cōvictam, juventutis sudoribus vexatam, jejuniis maceratam, vigiliis afflictam, itineribus fessam, postea affectam flagris, laceratam suppliciis, deputatam cum mortuis, doratam gloria resurrectionis, celorum gaudio induxit, & in dexteram tuam celsitudinis collocavit. Hæc placatio mea, & propitiatio tua.

2. Hic attende pius, quem genueris filium, & quem redemeris servum. Hic aspice factorem, & ne despicias facturam. Amplectere serenus pastorem, & respice misericors allatam propriis humeris ovem. Hic est fidelissimus pastor ille, qui ovem dudum errabundam per abrupta montium, per præcipitia vallium, multis variisque quasierat laboribus. Quique jam morienti, jam per longa exilia deficienti, tandem inventæ gaudens se supposuit, & miro sibi annisu charitatis annexam, de profunda confusione abyssso levavit, piisque astriectam complexibus, ad nonaginta novem unam, quæ perierat, reportavit.

3. Ecce Domine mi rex, Deus omnipotens, ecce Pastor bonus refert tibi quod commissi ei. Suscepit te disponente ad salvandum hominem, quem tibi restituit omni labe immunem. Ecce tuum tibi clarissimus natus plasma reconciliavit, quod à te procul deviavit. En, gregi tuo Pastor mitis reportat, quod prado violentus abegerat. Reddit tuis

con-

conspectibus servum, quem sua fecerat conscientia fugitivum; ut qui per se meruit poenam, per satisfactionem huius mereatur veniam, cuique pro culpis supererat gehenna, tanto duce jam confidat revocari ad patriam. Potui per me sancte Pater offendere, sed non **valui per me placare te**. Factus es adiutor meus. Deus meus, tuus dilectus filius, meam participans humanitatem, ut curaret infirmitatem; quatenus, unde causa emergerat offensionis, deinde tibi immolaret sacrificium laudis; meque per hoc redderet tuæ pietati placabilem, quo sedens ad dexteram tuam, semper meæ substantiæ se ostenderet esse consortem. Ecce spes mea, ecce fiducia mea.

4. Si me pro mea, ut dignum est, despicias iniquitate, respice me saltem misericors, pro dilectæ sobolis charitate. Attende in filio, quo propitius servo. Vide carnis sacramentum, & remitte carnis reatum. Quoties beata prolis tibi patent vulnera, delitescant (obsecro) scelera mea. Quoties rubet preciosus pio de latere sanguis, diluantur (obsecro) labes meæ pollutionis. Et quia caro te lacessivit ad iram, caro te flestat (imploro) ad misericordiam; ut sicut me caro seduxit ad culpam, sic caro deducat ad veniam. Multum namque est quod mea mereatur impietas, longe autem majus, quod redemptoris **mei** reposcit iure pietas. Magna enim est mea injustitia; satis vero major redemptoris justitia. Quanto namque est superior Deus homine, tanto mea malitia est infe-

rior ejus bonitate, & qualitate & quantitate.

5. Quid enim deliquit homo, quod non redemerit filius Dei factus homo? Quia tanta superbia tumeret, quam non tanta humilitas sterneret? Quodnam tantum mortis imperium, quod nati Dei non destrueret crucis supplicium? Nimirum Deus meus, si æqua lance delicta peccantis hominis, & redimentis gratia librentur auctoris: non tantum Oriens ab Occidente, seu inferior separatur infernus à summo cæli cardine. Iam lucis optime creator, jam culpis ignosce meis pro dilecti filii tui laboribus immensis. Iam ejus (quæso) pietati mea impietas, ejus modestiæ mea perversitas, & ejus mansuetudini mea dometur ferocitas; Iam ejus humilitas, meam superbiam; patientia, impatientiam; benignitas, duritiam; obedientia, inobedientiam; tranquillitas, inquietudinem; dulcedo, amaritudinem; suavitas, iram; charitas, lucrifaciat crudelitatem.

## CAPVT IX.

### *De invocatione Spiritus sancti.*

1. **I**Am, ô divini amor numinis, Patris omnipotentis, prolisquæ beatissimæ sancta communicatio, omnipotens paraclete Spiritus, maxrentium consolator clementissime, jam cordis mei penetralibus potenti illabere virtute, & tenebrosa quæque laris neglecti latibula, corusci luminis fulgore habitator latifica, tuique roris abundantia, longo ariditatis marcentia squallore, visitando

do fecunda. Saucia interioris hominis arcana, tui amoris sculo; & torpentis medullas jecoris, flammis salutaribus penetrando succende; sanctique servas igne illustrando, intima mentis & corporis universa depasce.

2. Pota me torrente voluptatis tuæ, ut nil jam mundanorum degustare libeat venenata dulcedinis. Iudica me Domine, & discerne causam meam de gente non sancta, doce me facere voluntatem tuam, quia Deus meus es tu. Credo ergo, quod quemcumque inhabitaveris, Patris ac pariter Filii domicilium condis. Beatus, qui te merebitur hospitem, quoniam per te Pater & Filius apud eum facient mansionem. Veni jam, veni benignissime dolentis animæ consolator, protegens in opportunitatibus & in tribulatione adjutor. Veni mundator scelerum, curator vulnerum. Veni fortitudo fragilium, relevator labentium. Veni humilium doctor, superborum destructor. Veni orphanorum pius pater, viduarum dulcis iudex. Veni spes pauperum, refocillator deficientium. Veni navigantium fidas, naufragii portus. Veni omnium viventium singulare decus, morientium unica salus. Veni sanctissime Spiritus, veni, & miserere mei: apta me tibi, & condescende propitius mihi; ut mea tua magnitudini exiguitas, roborique tuo mea imbecillitas, secundum multitudinem tuarum complaceat miserationum, per Iesum Christum Salvatorem meum, qui cum Patre in tua unitate vivit & regnat in sæcula sæculorum. Amen.



## CAPVT X.

*Oratio serui Dei, de se humiliter sentientis.*

I. **S**CIO Domine, scio & fateor, quod non sum dignus quem tu diligas, sed certe tu non indignus, quem ego diligam. Indignus quidem sum tibi servire; sed tu non es indignus servitio creaturæ tuæ. Da ergo mihi Domine, unde tu es dignus; & ego ero dignus, unde sum indignus. Fac me, quomodo vis, à peccatis cessare, ut quomodo debeo, possim tibi servire. Concede mihi sic custodire, & regere, & finire vitam meam, ut in pace dormiam, & in te requiescam. Præsta mihi in finem, ut me excipiat somnus cum requie; requies cum securitate; securitas in æternitate. Amen.

## CAPVT XI.

*Oratio ad sanctam Trinitatem.*

I. **T**E Deum Patrem ingentum: te Filium unigenitum: te Spiritum sanctum paracletum: sanctam & individuum Trinitatem, toto corde & ore confitemur, laudamus, atque benedicimus; tibi gloria in sæcula sæculorum. Amen.

## CAPVT XII.

*Confessio omnipotentis Dei & maiestatis ejusdem.*

I. **O** Summa Trinitas virtus una, & indiscreta maiestas; Deus noster, Deus omnipotens, confiteor tibi ego ultimus servorum tuorum, & exiguum membrum

Eccle.

Ecclesiæ tuæ confiteor tibi, & honorifico te, debito sacrificio laudis pro scire & posse, quod mihi tantillo donare dignatus es. Et quia exteriora mihi munera desunt, quæ possim offerre; ea quæ in me sunt vota laudationis, ex dono misericordiæ tuæ, ecce libens atque ovens offero tibi, de fide non ficta, & conscientia pura.

2. Credo igitur te toto corde Rex cæli & terræ Domine, & oro te; confiteor Patrem, & Filium, & Spiritum sanctum in personis trinum, & in substantia unum, verum Deum omnipotentem, unius simplicis, incorporea, invibilis, & incircumscriptæ naturæ, nihil te superius aut inferius maiusve aliquid habentem, sed per omnem modum sine deformitate perfectum, sine quantitate magnum, sine qualitate bonum, sine tempore sempiternum, sine morte vitam, sine infirmitate fortem, sine mendacio verum, sine situ ubique præsentem, sine loco ubique totum, sine extensione omnia implentem, sine contradictione ubique occurrentem, sine motu omnia transcendentem, sine statu intra omnia manentem, sine indigentia omnia creantem, sine labore omnia regentem; sine tui initio, omnibus initia dantem; sine tui mutatione, omnia mutabilia facientem: In magnitudine infinitum, in virtute omnipotentem, in bonitate summum, in sapientia inæstimabilem, in consiliis terribilem, in iudiciis justum, in cogitationibus secretissimum, in verbis veracem, in operibus sanctum, in misericordiis copiosum,  
erga

erga delinquentes patientissimum, erga poenitentes piissimum: semper id ipsum aeternum ac sempiternum: immortalem atque incommutabilem, quem nec spatia dilatant, nec brevitates locorum angustat, nec receptacula ulla coarctant; nec voluntas variat, nec necessitudo corrumpit, nec necessitas perturbant, nec lata demulcent. Cui nec oblivio tollit quicquam, nec memoria reddit, nec praeterita transeunt, nec futura succedunt. Cui nec origo initium, nec tempora incrementum, nec casus finem dabit: sed ante saecula, & in saeculis, & per saecula in aeternum vivis: & est tibi perennis laus & aeterna gloria, summa potestas & singularis honor, perpetuum regnum, & sine fine imperium, per infinita & indefecta & immortalia saecula saeculorum.

## CAPUT XIII.

*Qualiter generi humano dignatus est subvenire  
Deus Pater, & de Verbi incarnatione,  
& gratiarum actione.*

I. **H**ucusque omnipotens Deus, cordis mei inspector & scrutator, confessus sum omnipotentiam Majestatis tuae, & Majestatem omnipotentiae tuae: nunc autem qualiter humano generi subvenire dignatus es in fine saeculorum, sicut corde credo ad justitiam, ita ore coram te confiteor ad salutem. Tu quidem Deus Pater solus, nunquam & nunquam legeris missus. De filio autem tuo ita scribit Apostolus: Cum autem venit plenitudo temporis, misit Deus filium suum.

suum. Cum dicit, ( misit ) satis ostendit, quod in hunc mundum missus advenit, cum de beata Maria semper Virgine natus, verus & perfectus homo in carne apparuit.

2. Sed quid est, quod de illo ille Evangelistarum precipuus ait: In mundo erat, & mundus per ipsum factus est. Illuc vero missus est per humanitatem, ubi semper fuit, & est per divinitatem. Quam videlicet missionem opus esse totius sanctæ Trinitatis corde credo, & ore confiteor. Quomodo autem nos amasti, Pater sancte & bone? quantum nos dilexisti, pie conditor, qui etiam proprio filio non pepercisti, sed pro nobis impiis tradidisti illum? Subditus tibi ille fuit usque ad mortem, mortem autem crucis, tollens chirographum peccatorum nostrorum, & affigens illud cruci, crucifixit peccatum, & occidit mortem. Vnus ille inter mortuos liber, potestatem habens ponendi animam suam pro nobis, & iterum sumendi eam pro nobis.

3. Igitur victor & victima, & ideo victor, quia victima pro nobis. Tibi sacerdos & sacrificium, & ideo Sacerdos, quia sacrificium. Merito mihi spes valida in illo est, quia sanabis omnes languores meos per eam, qui sedet ad dexteram tuam, & interpellat pro nobis. Languores quippe mei, Domine, magni sunt & multi: multi sunt & magni. Habet enim multa in me princeps mundi hujus; scio & fateor; sed rogo te, libera me per sedentem ad dexteram tuam Redemptorem nostrum, in quo nihil fui mali

mali potui convenire. Per ipsum me iustificas, qui peccatum non fecit, nec inventus est dolus in ore ejus. Per ipsum caput nostrum, in quo nulla est macula, libera me membrum ejus, licet exiguum & infirmum. Libera, quaeso, me à peccatis, vitiis, culpis & negligentis meis. Reple me tuis sanctis virtutibus, & fac me bonis pollere moribus. Fac me in sanctis operibus propter nomen sanctum tuum perseverare usque in finem, secundum tuam voluntatem.

## CAPUT XIV.

*De fiducia, quam habere debet anima in Domino Iesu, atque ejus passione.*

I. **D**esperare utique potuissem propter nimia peccata mea, infinitas negligentias meas, nisi Verbum tuum Deus caro fieret, & habitaret in nobis. Sed desperare jam non audeo; quia cum inimici essemus, reconciliati sumus per mortem filii tui, quanto magis reconciliati salvi facti sumus per eum? Omnis namque spes & totius fiducia certitudo mihi est in precioso sanguine ejus, qui effusus est propter nos, & propter salutem nostram. In ipso respiro, & in ipso confisus ad te pervenire desidero; non habens meam justitiam, sed eam quæ est ex filio tuo Domino nostro Iesu Christo. Unde gratias agimus tibi, clementissime & benignissime amator hominum Deus, qui per Iesum Christum filium tuum Dominum nostrum, cum non essemus, potenter fecisti nos: & cum perditis fuisset culpa nostra,

nostra, mirabiliter servasti & recuperaſti nos.

2. Gratias ago pietati tue, & multas tibi laudes refero ex totis precordiis meis, qui propter tuam inenarrabilem dilectionem, qua nos miseros & indignos mirabili bonitate amare dignatus es, miſiſti eundem unigenitum tuum de ſinu tuo ad publicum proficuum noſtrum, ſalvare nos peccatores, tunc filios perditionis. Gratias ago tibi pro ſancta incarnatione & nativitate ejus, & glorioſa genitrice ſua, de qua ipſe carnem aſſumere dignatus eſt propter nos, & propter noſtram ſalutem; ut ſicut Deus verus de Deo, ita verus homo ex homine eſſet. Gratias tibi ago pro paſſione & cruce ejus, pro morte & reſurrectione ejus, pro aſcenſione ejus in cœlum, & ſede Majeſtatis ejus ad dexteram tuam. Ipſe enim quadageſimo die, poſt reſurrectionem ſuam, aſcendens videntibus diſcipulis ſuper omnes cœlos, ſedensque ad dexteram tuam, Spiritum ſanctum ſecundum promiſſionem ſuam in filios adoptionis effudit.

3. Gratias tibi ago pro ſacraſſima illa effuſione pretioſi ſanguinis ejus, quo ſumus redempti; ſimul & pro ſacroſancto & vivifico myſterio corporis & ſanguinis ejus, quo quotidie in Eccleſia tua paſcimur, & potamur, abluimur & ſanctificamur, & unius ſumma divinitatis participes efficiamur. Gratias tibi ago pro tua mira & inenarrabili charitate, qua nos indignos ſic amaſti, & ſervaſti, per unicum & dilectum filium tuum.

Sic

Sic enim dilexisti me, ut servum tuum dares: ut omnino non pereat, sed habeam vitam. Hæc est autem vita æternam, ut sciam te verum Deum, & quem misisti Iesum Christum, per fidem rectam, & condigna fidei opera.

## CAPVT XV.

*De immensa charitate Patris æterni ad genus humanum.*

1. **O** Immensa pietas, ô inæstimabilis charitas! ut liberares servum, filium tradidisti. Deus factus est homo, ut perditus homo, de potestate demonum erueretur. Quam benignissimus amator hominum, filius tuus Deus noster, cujus piis visceribus non satis visum est, ut se inclinaret factus homo de Virgine Maria, nisi etiam subiret crucis supplicium effuso sanguine propter nos, & propter nostram salutem. Venit pius Deus, venit pro pietate & bonitate sua, venit quærere & salvum facere, quod perierat. Quæsit ovem perditam, quæsit & invenit; & humeris suis reportavit ad caulas gregis pius Dominus, & vere multum pius Pastor.

2. O charitas, ô pietas! Quis audivit talia? Quis super tanta misericordie viscera non obstupescat? Quis non miretur? Quis non colatetur propter nimiam charitatem tuam, qua nos dilexisti? Misisti filium tuum in similitudinem carnis peccati; ut de peccato damnaret peccatum, ut nos efficeremur iusti-



tia tua in ipso. Ipse enim verus est agnus immaculatus, qui abstulit peccata mundi: qui mortem nostram incedendo destruxit, & vitam resurgendo restituit.

3. Sed quid tibi retribuere possumus Deus noster, pro tantis beneficiis misericordiarum tuarum? Quas laudes, qualve gratiarum actiones? Etiam si illa beatorum Angelorum scientia & potentia nobis foret, nihil tamen dignum tantæ pietati & bonitati tuæ recompensare valeremus. Si certe omnia membra nostra vererentur in linguas, ad rependendum tibi debitas laudes, nequaquam sufficeret exiguitas nostra: supereminet enim omnem scientiam tua inestimabilis charitas, quam ostendisti nobis indignis pro sola bonitate & pietate tua. Filius namque tuus Deus noster, non Angelos, sed seminem Abraham apprehendit, assimilatus nobis per omnia atque peccato. Humanam itaque, non angelicam suscipiens naturam, & eam stola sanctæ resurrectionis & immortalitatis gloriæ, vexit super omnes celos, super omnes choros Angelorum, super Cherubim & Seraphim, collocans ad dexteram tuam. Hanc autem laudant Angeli, adorant Dominationes, & omnes Virtutes celorum tremunt super se hominem Deum.

4. Hæc nempe mihi tota est spes omnisque fiducia. Est enim in ipso Iesu Christo Domino nostro uniuscuiusque nostrum portio, caro & sanguis. Vbi ergo portio mea regnat, ibi me regnare credo. Vbi caro mea glorificatur,

C

ibi

ibi gloriosum me esse cognosco. Vbi sanguis meus dominatur, ibi dominari me sentio. Quamvis peccator sum, & hac communione gratiæ non diffido. Et si peccata mea me prohibent, substantia mea requirit. Et si delicta mea me excludunt, naturæ communio non repellit. Non enim tam immitis est Deus, ut obliviscatur hominis; & non meminerit ipsius quem ipse gestat, & quem mei causa tulerit: ejus, quem mei causa requirit.

5. Mitis vero & valde benignus est Dominus Deus noster; & diligit carnem suam, membra sua, & viscera sua. In ipso Deo & Domino nostro Iesu Christo dulcissimo, benignissimo atque clementissimo, in quo resurreximus, & jam cœlos ascendimus, & jam cœlestibus consedemus, caro nostra nos diligit. Habemus autem sanguinis nostri prerogativam in ipso. Sumus autem membra ejus & caro ejus. Ipse denique est caput nostrum, ex quo totum corpus, sicut scriptum est: Os ex ossibus meis, & caro de carne mea: & erunt duo in carne una. Et nemo unquam carnem suam odio habet, sed fovet & diligit eam. Mysterium hoc magnum est; ego dico in Christo, & in Ecclesia (ait Apostolus.)

#### CAPUT XVI.

*De duplici Christi natura, qui nobis misere-  
tur, & pro nobis interpellat.*

I. **G**ratias itaque ago labiis & corde, & omni qua valeo virtute, infinitæ misericordiæ tuæ, Domine Deus noster; pro  
omni-

omnibus miserationibus tuis, quibus mirabiliter nobis perditis subvenire dignatus es; per eundem filium tuum salvatorem & recuperatorem nostrum, qui mortuus est propter peccata nostra, & resurrexit propter justificationem nostram: & nunc vivens sine fine sedet ad dexteram tuam, & interpellat pro nobis: & simul tecum miseretur; quia Deus est ex te Patre, coaeternus & consubstantialis tibi per omnia; unde potest in perpetuum nos salvare: sed secundum id, quod homo est, ex qua parte minor te est, data est ei omnis potestas in coelo & in terra: ut in nomine Iesu omne genu flectatur, caelestium, terrestrium, & infernorum; & omnis lingua confiteatur, quia Dominus noster Iesus Christus in gloria est tua, Deus Pater omnipotens. Ipse quidem constitutus est a te iudex vivorum & mortuorum; tu vero non iudicis quemquam, sed omne iudicium tuum dedisti filio tuo: in cuius pectore reconditi sunt omnes thesauri sapientiae & scientiae.

2. Ipse autem testis & iudex est, iudex & testis, quem nulla peccatrix conscientia effugere poterit. Omnia enim nulla et aperta sunt oculis ejus. Ipse sane, qui in iude iudicatus est, iudicabit orbem terrae in equitate, & populos in iustitia. Benedico ergo nomen sanctum tuum in aeternum, & glorifico ex toto corde meo, omnipotens & misericors Domine, pro illa inenarrabili & mirabili conjunctione divinitatis & humanitatis in unitate personae; ut non alter Deus, alter

homo esset : sed unus idemque Deus & homo, homo & Deus. Sed licet mirabili dignatione, Verbum caro factum sit : neutra tamen ex duabus naturis, in aliam mutata est substantiam. Trinitatis mysterio, quarta non est addita persona. Vnita quippe est, non confusa verbi Dei hominisque substantia, ut in Deum, quod ex nobis susceptum fuerat, perveniret ; & illud quod nunquam fuerat, idem quod semper fuerat, permaneret.

3. O admirabile mysterium ! O inenarrabile commercium ! O mira semperque miranda, semperque amanda divina propitiationis benignitas ! Servi digni non fuimus, & ecce filii Dei facti sumus : haeredes quidem Dei, cohæredes autem Christi. Vnde hoc nobis, & quis nos ad hoc perduxit ? Sed rogo te, clementissime Pater Deus, per hanc inæstimabilem pietatem, bonitatem, & charitatem tuam ; ut dignos nos facias multis & magnis promissionibus ejusdem filii tui Domini nostri Iesu Christi. Manda virtuti tuæ, & confirma hoc quod operatus es in nobis : perface quod coepisti ; ut ad plenam tuæ pietatis gratiam mereamur pervenire. Fac nos per Spiritum sanctum intelligere, & ænereri, & debito semper honore venerari hoc magnum pietatis mysterium, quod manifestatum est in carne, justificatum est in spiritu, apparuit Angelis, prædicatum est gentibus, creditum est in mundo, adsumptum est in gloria.

## CAP V T XVII.

*De gratia , quam habere debet homo Deo pro  
beneficio redemptionis.*

1. **O** Quantum sumus tibi debitores Domine Deus noster , tanto redempti precio , tanto salvati dono , & tam glorioso adjuti beneficio ! O quantum à nobis miseris es timendus , amandus , benedicendus , laudandus , honorandus & glorificandus ; qui nos sic amasti , sic salvasti , sic sanctificasti , sic sublimasti ? Tibi nempe debemus omne quod possumus , omne quod vivimus , omne quod sapimus . Sed quis habet quicquam non tuum ? Tu Domine Deus noster , à quo bona cuncta procedunt , propter te & nomen sanctum tuum da nobis de bonis tuis , ut de bonis ac datis tuis serviamus tibi , & in veritate placeamus , atque debitas quotidie laudes rependamus tibi pro tantis beneficiis misericordiae tuae .

2. Non enim aliunde possumus tibi servire , neque placere , nisi de tuo munere . Omne enim datum optimum , & omne donum perfectum desursum est , descen tens à patre luminum : apud quem non est transmutatio , nec vicissitudinis obumbratio . Domine Deus noster , Deus pie , Deus bone , Deus omnipotens , Deus ineffabilis , & incircumscriptae naturae : Deus institutor omnium rerum , & Domini nostri Iesu Christi Pater , qui eundem dilectum filium tuum Dominum nostrum dulcissimum misisti de sinu tuo ad publicum proficuum nostrum , suscipere

vitam nostram, ut tuus domus, et effectus  
que perfectus Deus, et perfectus  
homo ex matre: totus Deus, et totus homo,  
unus idemque Christus aeternus & temporalis,  
immortalis & mortalis, creator & creatus,  
fortis & infirmus, victor & victus, nutritor  
& nutritus, pastor & ovis, temporaliter  
mortuus, & tecum vivens in aeternum: suis  
dilectoribus vitam municipium promittens,  
suis discipulis dixit: Quodcumque petieritis  
Patrem in nomine meo, dabit vobis.

3. Per ipsum summum Sacerdotem &  
verum Pontificem, & bonum Pastorem, qui  
se tibi obtulit in sacrificium, ponens animam  
suam pro grege suo, te rogo per ipsum, qui  
sedet ad dexteram tuam, & interpellat pro  
nobis, redemptorem & advocatum nostrum:  
**pietati & bonitati** tuae supplico, clementissime  
& amantissime & benignissime amator  
hominum Deus; ut des mihi cum eodem  
filio tuo & spiritu sancto te in omnibus be-  
nedicere & glorificare, cum multa cordis  
contritione & lacrymarum fonte, cum mul-  
ta reverentia, & tremore. Quia quorum una  
est substantia, unum est & datum.

4. Sed quoniam corpus, quod corrumpi-  
tur, aggravat animam: excita (quæso) tor-  
porem meum tuis stimulis; & fac me strenue  
perseverare in præceptis & laudibus tuis die  
ac nocte: Tribue, ut concaleat cor meum  
intra me: & in meditatione mea exardescat  
ignis. Et quia ipse tuus unicus natus dixit:  
Nemo venit ad me, nisi Pater, qui misit me,  
traxerit eum; &: Nemo venit ad Patrem,  
nisi

nili per me: obsecro et suppliciter rogo,  
trahe me semper ad ipsum: ut ipse me tan-  
dem perducatur ad te illuc, ubi ipse est in dex-  
tera tua sedens: Vbi est sempiterna vita,  
sempiternae beatæ: Vbi est amor perfectus,  
& timor nullus: Vbi est dies æternus, &  
unus omnium spiritus: ubi summa & certa  
securitas, & secunda tranquillitas: & tran-  
quilla iucunditas, & iucunda fœlicitas, &  
fœlix æternitas, & æterna beatitudo, &  
beata tui sine fine visio & laudatio: Vbi tu  
cum illo, & ille tecum in communione  
sancti Spiritus, æternaliter ac sempiternali-  
ter vivis & regnas Deus, per omnia sæcula  
sæculorum. Amen.

### CAPVT XVIII.

*Oratio devotissima ad Christum.*

1. **S**pes mea Christe Deus, hominum tu  
dulcis amator,

Lux, via, vita, salus, decor, & decus omne  
tuorum:

Omnia pro quorum voluisti ferre salute,  
Cernito vincla, crucem, vulnus, mortem at-  
que sepulchrum.

Post tres inde dies devicta morte resurgens,  
Discipulis visus, nutantia corda reformans,  
Luce quaterdena cælorum summa petisti.

Vivis in æternum, nunc & per sæcula re-  
gnans.

Tu es Deus meus vivus & verus, Pater  
meus sanctus, Dominus meus pius, rex meus  
magnus, pascor meus bonus, magister meus  
unus, adjutor meus optimus, dilectus meus



pulcherrimus, panis meus vivus, sacerdos meus in aeternum, dux meus ad patriam, lux mea vera, dulcedo mea sancta, via mea recta, sapientia mea praeclara; simplicitas mea pura, concordia mea pacifica, custodia mea tuta; portio mea bona, salus mea semperpiterna, misericordia mea magna, patientia mea robustissima, victima mea immaculata, redemptio mea sancta, spes mea firma, charitas mea perfecta; resurrectio mea vera, vita mea aeterna, exultatio & visio mea beatissima, & sine fine mansura: Te deprecor, supplico, & rogo, ut per te ambulem, ad te perveniam, in te requiescam: qui es via, veritas, & vita; sine qua, nemo venit ad Patrem. Te enim desidero, dulcissimum & pulcherrimum Dominum.

2. O splendor paternae gloriae, qui sedes super Cherubim, & intueris abyssos, lumen veridicum, lumen illuminans, lumen indeficiens, in quem desiderant Angeli prospicere. Ecce cor meum coram te est: discute tenebras ejus, ut amoris tui claritate plenius perfundatur. Da mihi Deus meus te, redde mihi te: en amo te, & si parum est, amem validius. Non possum metiri, ut sciam quantum desit mihi amoris tui ad id quod satis est; ut currat vita mea in amplexus tuos, nec avertatur, donec abscondatur in abscondito vultus tui. Hoc tamen scio, quia male mihi est praeter te Domine, non solum extra me, sed in me ipso. Omnis enim copia, quae Deus meus non est, egestas mihi est.

3. Bonum

3. Bonum namque, quod neque in melius neque in deterius commutari potes, tu solus es, nec simpliciter solus es, cui non est aliud vivere & aliud beate vivere, quia tua beatitudo tu es. Creatura vero tua, tui est aliud vivere, & aliud beate vivere, omne quod vivit, & beate vivit, non debet nisi gratia tua attribueret. Et ideo nos egemus tui, non tu nostri: quia si omnino non essemus, nihil tibi deesset ad bonum, quod tu es. Tibi itaque Domino Deo nostro semper adhaerere necesse habemus, ut per continuum auxilium tuum sancte, & pie, & recte vivere valeamus. Pondere siquidem fragilitatis nostrae deorsum trahimur: dono autem tuo accendimur, & sursum ferimur: inardescimus & imus, ascendimus, ascensiones in corde facimus: & cantamus canticum graduum: igne tuo bono inardescimus, & imus.

4. Quoniam? sursum imus ad pacem Hierusalem: quoniam iucundatus sum in his quae dicta sunt mihi: In domum Domini ibimus. Illic collocavit nos voluntas bona, ut nihil velimus aliud, quam permanere illic in aeternum. Sed quia dum sumus in corpore, peregrinamur à te Domine, non habemus hic civitatem manentem, sed futuram inquirimus: noster autem municipatus in caelis est. Ideo duce gratia tua, ingredior in cubile cordis mei: & canto tibi amatoria, rex meus & Deus meus, gemens inenarrabiles gemitus, in loco peregrinationis meae: ubi cantabiles mihi factae sunt justificationes tuae.

5. Et recordans Hierusalem, extendo in eam sensum cordis: Hierusalem patriam meam, Hierusalem matrem, teque super eam regnatorem, illustratorem, patrem, tutorem, patronum, rectorem, pastorem, castas & fortes delicias, solidum gaudium, & omnia bona, ineffabilia simul omnia: quia unum summum & verum bonum. Et non avertar, donec in ejus pacem matris charissimæ, ubi sunt primitiæ spiritus mei, colligas totum, quod sum à dispersione & deformitate hac, & conformes atque confirmes in æternum, Deus meus, misericordia mea.

## CAPUT XIX.

*Hic distinguit inter sapientiam quæ domus Dei est, & sapientiam quæ divina est.*

1. **H**ÆC est domus tua Deus non terrena, neque ulla cœlesti mole corporæ, sed spiritualis & particeps æternitatis, quia sine labe manet in æternum: statuisti enim eam in sæculum sæculi: præceptum posuisti, & non præteribit. Hæc tamen tibi Deo coæterna, quia non sine initio facta est. Prior quippe omnium creata est sapientia. Non utique illa sapientia Patri Deo plane coæterna & coæqualis, per quam creata sunt omnia, & in quo principio factum est cœlum & terra, sed profecto sapientia, quæ creata est spiritualis natura, scilicet, quæ contemplatione luminis lumen est. Dicitur enim & ipsa (quamvis creata) sapientia. Sed quantum distat inter lumen illuminans, & lumen

lumen quo ~~tu~~ illuminatur, tantum differt inter ~~te~~ summam sapientiam, quæ es creans, & istam quæ creata est sicut inter iustitiam iustificantem, quæ ~~tu~~ Deus noster es, & iustitiam quæ iustificatione nostra facta est. Nam & nos sumus dicti iusticia Dei Patris, in te filio ejus Domino nostro, testante Apostolo.

2. Ergo, quia prior omnium creata est quædam sapientia, quæ creata est mens rationalis & intellectualis, castæ scilicet civitatis tuæ matris nostræ, quæ sursum est, & libera est, & æterna in cælis. Quibus cælis? Nisi qui te laudant cæli cælorum, quia hoc est & cælum cæli Domino. Et si non invenimus tempus ante illam, quæ creaturam temporis antecedit; quia prior omnium creata est: ante illam tamen es tu Deus æternus creator omnium; à quo est ipsius creaturæ perpetuitas; à quo facta sumpsit exordium, quamvis non temporis, quia nondum erat tempus, ipsius tamen conditionis tuæ; unde ita est abs te Domino Deo nostro, ut aliud sit plane quam tu; licet nec ante illam, nec in illa inveniamus tempus. Est enim idonea faciem tuam semper videre, nec utpiam despectitur ab ea. Quo fit, ut nulla mutatione varietur. Inest tamen ipsi mutabilitas: qua tenebresceret & frigesceret, nisi amore grandi cohærens tibi, tanquam super meridiem luceret & serveret ex te.

3. Denique tam casto amore cohæret tibi Deo verò, & vere æterno, ut quamvis tibi non sit coæterna, per nullius tamen temporis varietates & vicissitudines à te resolvatur.

& de-

& defluat, sed in tui solius verissima contemplatione requiescat. Quoniam tu Deus diligenti te quantum præcipis, ostendis te, & sufficit ei. Vnde non declinat à te, nec à se: sed semper in eodem statu manet, te indefinenter videndo, te indeficienter amando, verum lumen, & castum amorem. O beata ista & sublimis creatura creaturarum: maxime beata, in harendo semper beatitudini tuæ; fœlix, & nimium fœlix, te sempiterno in habitatore, atque illustratore suo.

4. Nec invenio quid licentius appellandum existimemus cœlum cœli Domino, quam domum tuam, contemplantem delectationem tuam sine defectu, & absque affectu egrediendi in aliquid, mentem puram concordissime unam; stabilimentum pacis beatorum spirituum: In cœlestibus sunt ista cœlestia. Vnde intelligat anima, cujus peregrinatio longinqua facta est, si jam sitit tibi; si jam factæ sunt lacrymæ suæ panes sui, si jam petat unam & hanc requirat, ut inhabitet in domo tua per omnes dies vitæ suæ. Et quæ vitæ ejus, nisi tu? Et qui dies ejus, nisi æternitas tua? Sicut anni tui, qui non deficiunt. Hic ergo intelligat anima, quæ potest, quam longe super omnia tempora sit æternus, quando domus tua, quæ peregrinata non est, quamvis tibi non sit cœterna, indefinenter tamen & indeficienter coharendo tibi, nullam temporis patitur varietatem; teque semper perseverantissima castitate hauriens mutabilitate sua, nusquam & nunquam exierit ex te sibi præsentem, ad quem

quem toto affectu se tenet ; non habens futurum quod expectet : nec in præteritum transiens , quod meminerit : per nullas vices variatur , & in nulla tempora extenditur.

## CAPVT XX.

*Hic orat homo , ut ipsa quoque domus Dei  
oret pro eo.*

I. **O** Domus Dei luminosa , & speciosa , dilexi decorem tuum , & locum habitationis gloriæ Domini Dei mei , possessoris & fabricatoris tui : Tibi suspiret peregrinatio mea nocte ac die , tibi inhiet cor meum ; tibi intendat mens mea , ad societatem beatitudinis tuæ pervenire desideret anima mea. Dico ei qui fecit te , ut possideat me in te , quia ipse fecit me & te. Imo tu dic , tu roga eum , ut dignum me faciat participatione gloriæ tuæ. Sanctam enim societatem tuam , & mirabilem pulchritudinem tuam non per meritum requiro ; sed per sanguinem ejus quo redemptus sum adipisci non despero. Tantum adjuvent me merita tua , subveniant pravitati meæ sanctæ & purissimæ orationes tuæ , quæ inefficaces apud Deum nullatenus esse possunt.

2. Erravi , fateor , sicut ovis perdita , & incolatus meus prolongatus est : atque procul projectus sum à facie Domini Dei mei , in hanc exilii cecitatem. Vbi expulsus à paradisi gaudiis , deploro quotidie mecum super misérias captivitatis meæ lugubre carmen , ingentesque lamentationes , cum recorder  
tui

tui mater Hierusalem; dum stant pedes mei in atriis tuis sancta & decora Sion, necdum interiora tua conspiciere in propatulo valens; sed in humeris pastoris mei, auctoritatis tui, spero me reportari tibi; ut tripudiem tecum illo inenarrabili gaudio, quo latantur illi, qui tecum sunt coram ipso Deo & Salvatore nostro. Qui dissolvit inimicitias in carne sua, & pacificavit omnia quæ in cœlis sunt, & quæ in terra, sanguine suo.

3. Ipse enim est pax nostra, qui fecit utraque unum. Qui duos ex adverso venientes parietes conjungens, in se beatitudinis tuæ permanentem felicitatem, pari modo & eadem mensura se nobis daturum promisit, dicens: Erunt æquales Angelis Dei in cœlis. O Hierusalem domus Dei æterna, post Christi dilectionem, tu esto latititia & consolatio mea; dulcis memoria tui beati nominis sit relevatio mæroris, tædiorumque meorum.

## CAPUT XXI.

*Quantis amaritudinibus vita ista sit repleta.*

1. **T**Adet enim me Domine valde vitæ hujus, & istius ærumnosa peregrinationis. Vita hæc, vita misera, vita caduca, vita incerta, vita laboriosa, vita immunda, vita domina malorum, regina superbiorum, plena miseriis & erroribus, quæ non est vita dicenda, sed mors; in qua momentis singulis morimur, per varios mutabilitatis defectus diversis generibus mortium.

2. Nunquid ergo hoc, quod vivimus in hoc mundo, dicere possumus vitam? quam humores

hunc  
ard  
jeju  
cont  
hebe  
tas d  
vat,  
his  
dicit  
vitæ  
rit,  
vita  
ama  
mos  
suis

3.  
etiam  
tame  
aure  
pror  
fami  
ria g  
ne c  
cogan

D

1.  
beata  
pulch  
vita i  
labe,



humores tumidant, dolores extenuant & ardores exsiccant, aër morbidat, escae inflant, jejunia macerant, joci dissolvunt, tristitiæ consumunt: sollicitudo coarctat, securitas hebetat: divitiæ inflant & jaclant, paupertas dejicit, juvenus extollit, senectus incurvat, infirmitas frangit, mœror deprimit. Et his malis omnibus, mors faribunda succedit, simulque cunctis gaudiis istius miseræ vitæ, ita finem imponit, ut quum esse desierit, non fuisse putetur. Mors ista vitalis, & vitæ mortalis, licet his aliisque sit respersa amaritudinibus, prohi dolor, quam plurimos suis capit illecebris! & quam multos suis falsis promissionibus decipit!

3. Et cum ita per se sit falsa & amara, ut etiam suos cecos amatores latere non valeat: tamen infinitam stultorum multitudinem, aureo calice, quem in manu habet, potat, & prorsus inebriat. Fœlices illi, & ipsi rari, qui familiaritatem ejus recusant, perfunctoria gaudia spernunt, societatem abjiciunt: ne cum pereunte deceptrice & ipsi perire cogantur.

## C A P V T XXII.

*De felicitate vitæ, quam præparavit Deus diligentibus se.*

1. **O** Tu vitæ, quam præparavit Deus iis, qui diligunt eum, vitæ vitalis, vitæ beata, vitæ secunda, vitæ tranquilla, vitæ pulchra, vitæ munda, vitæ casta, vitæ sancta, vitæ ignara mortis, nescia tristitiæ, vitæ sine labe, sine dolore, sine anxietate, sine corruptione,

# MEDITATIO

ruptione, sine perturbatione; sine varietate & mutatione, vita totius eleganter & dignitatis plenissima: ubi non est adversarius impugnans, ubi nulla peccati illecebra, ubi est amor perfectus, & timor nullus, ubi dies aeternus, & unus omnium spiritus, ubi Deus facie ad faciem cernitur, & hoc vitae cibo mens sine defectu satietur.

2. Libet me tuam intendere claritati, delectant me bona tua avido corde: Quanto plus valeo tecum considerare, tanto plus amore tui langueo: tui vehementi desiderio, tuique dulci memoria admodum delector. Libet itaque, libet in te oculos cordis attollere, statum mentis erigere, affectum animi conformare. Libet sane de te loqui, de te audire, de te scribere, de te conferre, de tua beatitudine & gloria quotidie legere, & lecta sapientia corde revolvere: ut vel sic possim ab huius mortalis perituraeque vitae ardoribus, periculis & sudoribus, sub tua vitalis auras dulci refrigerio transire, & transiens, in sinu tuo fessum caput dormiturus vel paululum reclinare.

3. Huius rei gratia Scripturarum sanctarum amœna prata ingredior, viridissimas sententiarum herbas exarando carpo, legendo comedo, frequentando rumino, atque congregando tandem in alta memoriae sede repono; ut tali modo tua dulcedine degustata, minus istius miserrimae vitae amaritudines sentiam.

4. O ta vita foelicissima! ó regnum vere beatum, carens morte, vacans fine! Cui  
nulla

nulla  
tine  
Vbi  
socia  
canti  
caput  
mibi  
sarcin  
quies  
prae  
vitae  
zer:  
cum  
assist  
cern  
incir  
sicqu  
rupt  
sine

1. F  
tran  
tem  
que  
cui s  
lata  
beati  
lus in  
filiz  
Regin  
cente

nulla tempora succedunt per avum: Vbi continuus sine nocte dies nescit habere tempus. Vbi victor miles illis hymnidicis Angelorum sociatus choris, cantat Deo sine cessatione canticum de canticis Sion, Nobile perpetua caput amplectente corona. Utinam concessa mihi peccatorum venia, moxque hac carnis sarcina deposita, in tua gaudia veram requiem habiturus intrarem: & tuæ civitatis præclara atque speciosa mœnia, coronam vitæ de manu Domini accepturus ingrederer: ut illis sanctissimis choris interessẽm, ut cum beatissimis spiritibus gloriæ conditoris assisterem, ut præsentem Christi vultum cernerem, ut illud summum & ineffabile, & incircumscriptum lumen semper aspicerem: sicque nullo metu mortis affici, sed de incorruptionis perpetuæ munere latari possem sine fine.

## C A P V T XXIII.

*De felicitate animæ sanctæ hinc exeuntis.*

I. **F**œlix anima, quæ terreno resoluta, corpore libera, cœlum petit, secunda & tranquilla, non timet hostem, neque mortem. Habet enim semper præsentem, cernitque indesinenter pulcherrimum Dominum, cui servivit, quem dilexit, & ad quem tandem lata & gloriosa pervenit. Hanc vero tantæ beatitudinis gloriâ nulla dies minuere, nullus improbus poterit auferre. Viderunt eam filia Sion, & beatissimam prædicaverunt, & Regina & concubina laudaverunt eam; dicentes: Quæ est ista, quæ ascendit de deserto,

D

deliciis

deliciis affluens, innixa super dilectum suum? Quæ est ista, quæ progreditur sicut aurora confurgens, pulchra ut Luna, electa ut Sol, terribilis ut castrorum acies ordinata? Quam lata exit, festinat, currit, cum dilectum suum sibi dicentem attonitis auribus audit: surge propera amica mea, speciosa mea & veni: jam hyems transiit, imber abiit, & recessit: flores apparuerunt in terra nostra; tempus putationis advenit, vox turturis audita est in terra nostra, ficus protulit grossos suos, vineæ florentes dederunt odorem suum.

2. Surge, propera amica mea, formosa mea, columba mea, in foraminibus petrae, in cavernis maceræ: ostende mihi faciem tuam, sonet vox tua in auribus meis. Vox enim tua dulcis, & facies tua decora. Veni electa mea, speciosa mea, & columba mea, immaculata mea, sponsa mea veni, & ponam in te thronum meum, quia concupivi speciem tuam. Veni, ut lateris in conspectu meo cum Angelis meis, quorum societas tibi à me repromissa est. Veni post multa pericula & labores: intra in gaudium Domini tui, quod nemo tollet à te.

## CAPVT XXIV.

*Oratio ad Sanctos, ut nobis succurrant in periculis.*

1. **F**œlices sancti Dei omnes; qui jam transiistis hujus mortalitatis pelagus, & pervenire meruistis ad portum perpetuæ quietis, securitatis, pacis, securi & tranquillitatis, semperque festivi atque gaudentes estis. Obsecro

secro vos per vestram charitatem, qui securi estis de vobis, solliciti estote de nobis. Securi estis de vestra immarcescibili gloria, solliciti estote de nostra multiplici miseria. Per ipsum vos rogo, qui vos elegit, qui vos tales fecit; de cujus pulchritudine jam satiamini, de cujus immortalitate jam immortales facti estis: de cujus beatissima visione semper gaudetis. Estote jugiter memores nostri, subvenite nobis miseris, qui adhuc in falo hujus vite circumstantibus agitamur procellis.

2. Vos portæ pulcherrimæ, quæ in magnam surrexistis altitudinem, adiuuate nos vile pavimentum longe inferius jacentes. Date manum, & erigite jacentes super pedes, ut convalescentes de infirmitate, fortes efficiamur in bello; intercedite: & orate constanter atque indefinenter pro nobis miseris, multumque negligentibus peccatoribus: ut per vestras orationes, vestro sancto consortio jungamur; quia aliter salvi esse non possumus. Sumus namque valde fragiles & nullius virtutis homunciones, animalia ventris & carnis mancipia; in quibus vix aliquod virtutis vestigium apparet. Et tamen in Christo confessione positi ligno crucis ferimur, navigantes per hoc mare magnum & spatiosum. Vbi sunt reptilia, quorum non est numerus. Vbi sunt animalia pusilla cum magnis. Vbi est draco savissimus, semper paratus ad devorandum. Vbi sunt loca periculosa, scylla & charybdis, & alia innumerabilia, in quibus naufragantur incauti & in fide dubii.

3. Orate Dominum, orate piissimi, orate omnia agmina Sanctorum, & universi coetus beatorum, ut vestris precibus meritisque ad-  
juti, salva nave & integris mercibus, perve-  
nire mereamur ad portum perpetuæ salutis,  
& quieris, & continuæ pacis, & nunquam  
finiendæ securitatis.

## CAPVT XXV.

*Anima desiderium ad civitatem supernam  
Hierusalem.*

1. **M**ater Hierusalem, civitas sancta Dei,  
charissima sponsa Christi; te amat  
cor meum, pulchritudinem tuam nimium  
desiderat mens mea. O quam decora, quam  
gloriosa, quam generosa tu es. Tota pulchra  
es, & macula non est in te. Exulta & latare  
formosa filia Principis, quia concupivit Rex  
speciem tuam, & amavit decorem tuum,  
speciosus forma præ filiis hominum. Sed  
qualis est dilectus tuus ex dilecto, ô pulcher-  
rima? Dilectus meus candidus & rubicun-  
dus, electus ex millibus. Sicut malus inter  
ligna sylvarum, sic dilectus meus inter filios.  
Sub umbra illius quem desideravi ecce læta  
sedeo, & fructus ejus dulcis gutturi meo.  
Dilectus meus misit manum suam per fora-  
men, & venter meus intremuit ad tactum  
ejus.

2. In lectulo meo per noctem quæsi  
quem diligit anima mea: quæsi, & inveni:  
Teneo, nec dimittam illum donec introdu-  
cat me in domum suam, & in cubiculum  
suum, gloriosa genitrix mea. Ibi enim dabis  
mihi

mihi ubera tua abundantius, & per  
 & satiabis me satietate mire mirifica, ita te  
 nec esuriam, nec sitiam in æternum. Fœlix  
 anima mea semperque fœlix in sæcula: si in-  
 tueri meruero gloriam tuam, beatitudinem  
 tuam, pulchritudinem tuam, portas, & mu-  
 ros, & plateas tuas, & mansiones tuas mul-  
 tas, nobilissimos cives tuos, & fortissimum  
 Regem tuum in decore suo. Muri namque  
 tui ex lapidibus preciosis, portæ tuæ ex mar-  
 garitis optimis, plateæ tuæ ex auro purissi-  
 mo; in quibus jucundum Alleluja sine in-  
 termissione concinitur; mansiones tuæ mul-  
 tæ quadris lapidibus fundatæ, saphiris con-  
 structæ, laterculis coopertæ aureis: in quas  
 nullus ingreditur, nisi mundus: nullus habi-  
 tat inquinatus.

3. Speciosa facta es & suavis in deliciis  
 tuis, mater Hierusalem. Nihil in te tale,  
 quale hic patimur: qualia in hac misera vita  
 cernimus. Non sunt in te tenebræ, aut nox,  
 aut quælibet diversitas temporum. Non lu-  
 cet in te lux lucernæ; aut splendor Lunæ,  
 vel jubar stellarum; sed Deus de Deo, lux  
 de luce. Sol justitiæ semper illuminat te.  
 Agnus candidus & immaculatus, lucidum &  
 pulcherrimum est lumen tuum. Sol tuus &  
 claritas tua & omne bonum tuum, hujus  
 pulcherrimi Regis indeficiens contemplatio.  
 Ipse Rex regum in medio tui, & pueri ejus  
 in circuitu ejus.

4. Ibi hymnidici Angelorum chori. Ibi so-  
 cietas supernorum civium. Ibi dulcis solem-  
 nitas omnium, ab hac tristi peregrinatione



ad tua gaudia redeuntium. Ibi prophetarum providus chorus. ibi duodenus Apostolorum numerus. Ibi innumerabilium Martyrum victor exercitus. Ibi sanctorum Confessorum sacer conventus. Ibi veri & perfecti Monachi. Ibi sanctarum mulieres, quæ voluptates sæculi & sexus infirmitatem vicerunt. Ibi pueri & puellæ, qui annos suos sanctis moribus transcenderunt. Ibi sunt oves & agni, qui jam hujus voluptatis laqueos evaserunt: exultant omnes in propriis mansionibus. Dispar est gloria singulorum, sed communis est lætitia omnium.

5. Plena & perfecta ibi regnat charitas, quia Deus est ibi omnia in omnibus, quem sine fine vident, & semper videndo in ejus amore ardent, amant & laudant, laudant & amant. Omne opus eorum laus Dei sine fine, sine defectione, sine labore. Fœlix ego & vere in perpetuum fœlix, si post resolutionem hujus corpusculi, audire meruero illa cantica cœlestis melodiarum, quæ cantantur ad laudem Regis æterni, ab illis supernæ patriæ civibus, beatorumque spirituum agminibus. Fortunatus ego, nimiumque beatus, si & ego ipse meruero cantare ea, & assistere regi meo, Deo meo, & duci meo: & cernere eum in gloria sua, sicut ipse polliceri dignatus est, dicens: Pater, volo ut quos dedisti mihi sint mecum, ut videant claritatem meam, quam habui apud te ante constitutionem mundi. Et alibi: Qui mihi ministrat, me sequatur; & ubi sum ego, illic & minister meus erit. Et iterum:

Qui

Qui  
ego  
iplu

Hym

1.

Clau

an

Gli

Dur

x

Qua

gl

Prat

m

2. N

fi

Vbi

Aur

Soli

et

Aur

n

Abe

n

Hye

qu

Flos

ta

3. C

ba

Qui diligit me, diligetur à Patre meo : & ego diligam eum , & manifestabo ei me ipsum.

## C A P V T XXVI.

*Hymnus de gloria Paradisi Petri Damiani Cardinalis Ostiensis , ex dictis B. Aug.*

1. **A**D perennis vitæ fontem mens siti-  
vit arida.

Claustra carnis præsto frangi clausa quærit  
anima.

Gliscit, ambit, elq̃etatur exul frui patria,  
Dum præsuris ac ærumnis se gemit obno-  
xiam.

Quam amisit, cum deliquit, contemplatur  
gloriam.

Præsens malum auget boni perditæ me-  
moriæ.

2. Nam quis promat summæ pacis quanta  
sit læritia ?

Vbi vivis margaritis surgunt ædificia :

Auro celsa micant testæ, radiant triclinia.

Solis gemmis preciosis hæc structura ne-  
ctitur.

Auro mundo tanquam vitro urbis via ster-  
nitur.

Abeſt limus, deest fimus, lues nulla oer-  
nitur.

Hyems horrens, æſtas torrens, illic nun-  
quam sæviunt.

Flos perpetuus roſarum , ver agit perpe-  
tuum.

3. Candent lilia , rubescit crocus , sudat  
balsamum.

Virent prata, vernant sata, rivi mellis influunt.

Pigmentorum spirat odor, liquor & aromaticum.

Pendent poma floridorum non lapsura nemorum.

Non alternat Luna vices, Sol vel cursus siderum.

Agnus est foelicis urbis lumen inocciduum.

Nox & tempus desunt ei, diem fert continuum.

Nam & sancti quique velut Sol præclarus rutilant.

4. Post triumphum coronati mutuo con-  
jubilant.

Et prostrati pugnæ hostis jam securi numerant:

Omni labe defœcati, carnis bella nesciunt.

Caro facta spiritalis, & mens, unum sentiunt.

Pacē multa perfruentes, scandalo non perferunt.

Mutabilibus exuti repetunt originem.

Et præsentem veritatis contemplantur speciem.

5. Hinc vitalem vivi fontis hauriunt dulcedinem.

Inde statum semper iidem exeuntes capiunt.

Clari, vividi, jucundi, nullis patent casibus.

Absunt morbi semper sanis, senectus juvenibus.

Hinc

Hinc perenne tenent esse ; nam transire  
transiit.

Inde virent , vigent , florent , corruptela  
corrui.

Immortalitatis vigor , mortis jus absor-  
buit.

Qui scientem cuncta sciunt , qui nescire ne-  
queunt.

Nam & pectoris arcana penetrant alteru-  
trum.

6. Vnum volunt , unum nolunt , unitas est  
mentium :

Licet cuique sit diversum pro labore meri-  
tum.

Charitas hæc suum facit , quod dum amat  
alterum.

Proprium sic singulorum commune fit om-  
nium.

Vbi corpus , illic jure congregantur A-  
quilæ.

Quo cum Angelis & sanctæ recreentur  
animæ.

Vno pane vivunt cives utriusque patriæ.

Avidi , & semper pleni , quod habent desi-  
derant.

Non satietas fastidit , neque fames cruciat.

Inhiantes semper edunt , & edentes in-  
hiant.

7. Novas semper harmonias vox meloda  
concrepat.

Et in jubilum prolata mulcent aures or-  
gana.

Digna per quem sunt victores Regi dant præ-  
conia.

Fœlix celi quæ præsentem Regem cernit  
anima,

Et sub sede spectat alta orbis volvi machi-  
nam:

Solem, Lunam, & globosa cum planetis  
sydera.

Christe, palma bellatorum, hoc in muni-  
cipium

Introduc me post solutum militare cingu-  
lum;

Fac consortem donativi beatorum civium.

Proba vires inexhausto laboranti prælio:

Vt quietem post præcinctum debeas eme-  
rito,

Teque merear potiri sine fine præmio,  
Amen.

### CAPVT XXVII.

*Laus continua, quam facit anima, ex contem-  
platione superna divinitatis.*

1. **B**enedic anima mea Domino, & omnia  
quæ intra me sunt, nomini sancto  
ejus. Benedic anima mea Domino, & noli  
oblivisci omnes retributiones ejus. Benedi-  
cite Domino omnia opera ejus, in omni  
loco dominationis ejus: benedic anima mea  
Domino. Laudemus Deum, quem laudant  
Angeli, adorant Dominationes, tremunt  
Potestates: cui Cherubim & Seraphim in-  
cessabili voce proclamant: Sanctus, San-  
ctus, Sanctus. Iungamus voces nostras  
vocibus Angelorum sanctorum, & com-  
munem Dominum laudemus pro modulo  
nostro.

2. Illi

2. Illi enim laudant Dominum purissime & incessanter : qui semper inhaerent contemplationi divinae, non per speculum & in enigmate, sed facie ad faciem. Sed quis dicere vel cogitare sufficiat, qualis sit in conspectu Domini Dei omnipotentis illa beatorum spirituum caelestiumque virtutum innumera- bilis multitudo? Quae sit in eis sine fine fe- stivitas visionis Dei? Quae letitia sine defe- ctu? Quis amoris ardor non crucians, sed de- lectans? Quod sit in eis desiderium visionis Dei cum satietate, & satietas cum desiderio : in quibus nec desiderium poenam generat, nec satietas fastidium parit? Quomodo in- haerendo summae beatitudini sint beati? Quomodo conjuncti vero lumini, facti lux sunt? Quomodo semper aspicientes incom- mutabilem Trinitatem, mutati sunt in in- commutabilitatem?

3. Sed quando illam Angelicæ dignitatis cellitudinem comprehendere poterimus, quando nec ipsius animæ nostræ naturam investigare valemus? Qualis est ista, quæ carnem vivificare potest, se autem in sanctis cogitationibus, ut volet, constringere non potest? Qualis est ista, tam fortis, tam infir- ma, tam parva, tam magna, quæ rimatur se- creta Dei, & caelestia contemplatur : atque humanis commodis multarum artium periti- am perspicaci ingenio adinvenisse proba- tur? qualis ergo est ista, quæ tam multa de cæteris novit, & se, qualiter facta sit, prorsus ignorat? Licet enim nonnulla am- bigua, a quibusdam super ejus origine pro- ferantur,

ferantur, invenimus tamen eam esse quandam intellectualem spiritum, per creatoris potentiam factum, immortaliter juxta modum suum viventem; mortale corpus, quod sustinet, vivificantem, mutabilitati subiectum, oblivioni deditum: quem timor saepe afficit, lætitia extollit. O res mira, omnique stupore dignissima! De Deo quidem creatore omnium, qui est incomprehensibilis & ineffabilis, excelsa & mirabilis nimis, omni remota ambiguitate legimus, loquimur, & scribimus. De Angelis autem & animalibus quidquid dicimus, non tam evidenter approbare possumus. Sed transeat ab his animus, & transcendat omne quod creatum est; currat, & ascendat, & volitet, & pertranseat; & in eum, qui creavit omnia, quantum potest oculos fidei dirigat. Faciam ergo gradus ascensionis in corde meo, & per ipsos ascendam ad animam meam, & per ipsam & mentem meam ascendam ad Dominum meum, qui capiti meo desuper manet.

5. Quidquid visibiliter cernitur, quidquid spiritualiter imaginatur forti manu, ab intuitu cordis & mentis procul removeatur. Solus intellectus purus & simplex incedens, rapido volatu ad ipsum perveniat conditorem Angelorum, & animarum, & omnium rerum. Mens illa beata, quæ ima deserit, summa petit: quæ ponit in arduis sedem habitationis suæ, & de summis rupibus contemplatur Solem justitiæ, Aquilinis obtutibus. Nihil enim tam pulchrum atque jucun-

jucun-  
tui-  
& n-  
lem  
cedi-  
cem  
tem-  
vati-  
bus  
illiu-  
sed n-

Qui-

1. C  
inde  
spici-  
miu-  
illuc-  
tire,  
lum-  
vox  
cont-  
suas  
creat-  
ad la-  
indig-  
2.  
lis,  
Mag-  
virtus  
menu-



jucundum, quam Iesum solum mentis intuitu, & cordis aviditate, contemplari Deum, & miro modo invisibiliter cernere invisibilem; sicque aliam, non istam gustare dulcedinem; & inspicere aliam, non istam lucem. Lux enim ista, quæ loco clauditur, tempore finitur, nocturnum interruptione variatur: & quam communem cum vermibus & pecoribus habemus, in comparatione illius summæ lucis non est lux dicenda, sed nox.

## C A P V T XXVIII.

*Quid sit quodammodo Deum cernere & tenere, & qualiter sit de Deo sentiendum.*

1. **Q** Vanquam autem illa summa & incommutabilis essentia, lux vera, lux indeficiens, lux angelorum, à nemine conspici valeat in hac vita, quod solum præmium Sanctis reservatur in cœlesti gloria: illud tamen credere, & intelligere, & sentire, & ardentem inhiare, quodammodo illum cernere est atque tenere. Sonet itaque vox super Angelos, & homo intenta mente contempletur Deum, verbis, quibus potest, suas illi dicat laudes. Iustum namque est, ut creatura suum laudet creatorem. Ipse enim ad laudandum se nos creavit, qui nostris non indiget laudibus.

2. Est autem virtus incomprehensibilis, nullius indigens, ipse sibi sufficiens: Magnus Dominus Deus noster & magna virtus ejus, & sapientiæ ejus non est numerus. Magnus Dominus Deus noster, & laudabilis

laudabilis valde Hunc itaque mens diligat, lingua canat, manus scribat; atque in his sanctis studiis, fidelis animus se totum exerceat. Hujus videlicet celestis rhetorici suavissimis dapibus, vir desideriorum & celestium contemplator assidue reficiatur; ut hoc celesti pabulo saginatus, clamet clamore magno, clamet totis medullis cordis, clamet in júbilo, & ardentissimo mentis desiderio dicat.

## CAPVT XXIX.

*Oratio explicans plurimas Dei proprietates.*

1. **O** Summe, optime, omnipotentissime, misericordissime, justissime, secretissime, presentissime, pulcherrime & fortissime, stabilis & incomprehensibilis: invisibilis, omnia videns, immutabilis, omnia mutans; immortalis, inlocalis, interminus, in-circumscriptus, nusquam finitus; inestimabilis, ineffabilis, inscrutabilis, immotus, omnia movens, non investigabilis, indicibilis, metuendus atque terribilis, honorandus atque timendus, venerandus atque reverendus; nunquam novus, nunquam vetus, innovans omnia, & in vetustatem perducens superbos, & nesciunt.

2. Semper agens, semper quietus, colligens, & non egens; omnia portans sine onere, omnia implens sine inclusione; omnia creans, protegens, nutriendus, & proficiens; quærens, cum nihil desit tibi; amans nec astuans, zelans & securus es. Pœnitet te, & non doles; irascere, & tranquillus es; opera

opera mutas, sed non consilium; recipis, quod non invenis & numquam amifisti; nunquam inops, & gaudes lucris; nunquam avarus, & uluras exigis; supererogatur tibi ut debeas.

3. Et quis habet quicquam non tuum? Reddis debita, nulli debens: donas debita, nihil perdens. Qui solus vivificas omnia; qui creasti omnia, qui ubique es & ubique totus, qui sentiri potes, videri non potes: qui nusquam dees, & tamen ab iniquorum cogitationibus longe es. Qui nec ibi dees, ubi longe es: quia ubi non es per gratiam, ades per vindictam. Qui omnia tangis, nec tamen omnia tangis aequaliter. Quaedam enim tangis ut sint, non tamen ut vivant, sentiant, & discernant. Quaedam vero tangis ut sint & vivant, non tamen ut sentiant & discernant. Quaedam vero tangis ut sint, vivant & sentiant, non tamen ut discernant. Quaedam vero tangis ut sint, vivant, sentiant, & discernant. Et cum tibi metipsum nunquam dissimilis sis, dissimiliter tamen tangis dissimilia: qui ubique semper praesens es, & inveniri vix potes.

4. Quem stantem insequimur, & apprehendere non valemus. Qui tenes omnia, imples omnia, circumplecteris omnia, superexcedis omnia, sustines omnia. Neque ex alia parte sustines, atque ex alia parte superaris: neque ex alia parte imples, & ex alia circumplecteris: sed circumplectendo imples, & implendo circumplecteris, sustinendo superexcedis, & superexcedendo sustines.

sustines. Qui doces corda fidelium sine strepitu verborum. Qui attingis à fine usque ad finem fortiter, & disponis omnia suaviter. Qui locis non distenderis, nec temporalibus variaris. Neque habes accessus & recessus, sed habitas lucem inaccessibilem, quam nullus hominum vidit, nec videre potest. In te manens quietus, ubique circumis totum, ubique prorsus totus. Non enim scindi vel dividi poteris; quia vere unus es: nec in partes efficeris; quia totus totum tenes, totum imple, totum illustras & possides.

5. Hujus videlicet mysterii immensam profunditatem, mens humana concipere non potest, nec oratoria lingua enarrare, neque diffusi sermones, nec bibliothecarum volumina queunt explicare. Si totum mundum libri repleant, tua scientia inenarrabilis explicari non potest: quoniam vere indicibilis es, nullo modo scribi potes, neque concludi, qui es fons lucis divinæ & Sol claritatis æternæ. Magnus enim es sine quantitate, & ideo immensus: bonus es sine qualitate, & ideo vere & summe bonus: & nemo bonus, nisi tu solus, cujus voluntas est opus, cujus velle posse est.

6. Qui omnia de nihilo creasti, quæ sola voluntate tua fecisti. Qui omnem creaturam tuam absque indigentia aliqua possides, & sine labore gubernas; & absque tædio regis, & nihil est quod perturbet ordinem imperii tui, vel in summis, vel in imis. Qui in omnibus locis sine loco habetis: & omnia continet sine ambitu; & ubique es  
præsens

præfens sine situ & motu. Qui nec mali auctor es : quodque facere non potes, qui nihil non potes : neque unquam te aliquid fecisse poenituit : nec ullius commotionis animi tui tempestate turbaris, nec totius terræ pericula damnum tuum est. Nulla flagitia vel scelera probas aut imperas.

7. Nunquam mentiris, quia æterna veritas es. Cujus unius bonitate facti sumus, & justitia poenas luimus, & clementia liberamur. Nam nihil cæleste, nihil igneum, nihil terrenum, nihilque quod corporis sensus attingat, pro te colendum est : qui vere es, quod es, & non mutaris. Cui maxime convenit illud quod Græci dicunt, *ὦν*, Latini Ens : quod semper idem ipse es, & anni tui non deficient. Hæc & alia multa docuit me sancta mater Ecclesia, cujus factus sum membrum per gratiam tuam. Docuit me sane, te solum, & unum, & verum Deum, non esse corporeum & passibilem. Nihilque de substantia tua vel natura, ullo modo esse violabile, aut commutabile, aut compositum vel factum. Et ideo certum est, corporeis oculis te non posse sentiri : sed nec ab ullo mortalium in propria essentia aliquando potuisse videri. Hinc etenim patenter datur intelligi, quod unde Angeli te intuentur, inde & nos post hanc vitam te videbimus. Sed nec ipsi profecto te videre possunt sicuti es : nulli denique alii tora, nisi tibi soli nota est omnipotens Trinitas.

*De pluralitate personarum & unitate in Deo.*

1. **T**V vero unitas es divinitatis, personarum pluralitate multiplex, numerabiliter es innumerabilis: ac idcirco mensurabiliter immensurabilis, & ponderabiliter imponderabilis. Non enim summæ bonitatis, quæ tu ipse es, profitemur originem: ex qua omnia, per quam omnia, in qua omnia: sed ejus participatione dicimus omnia bona. Nam tua divina essentia semper caruit ac caret materia: licet non careat forma, forma scilicet informata, forma formarum, forma formosissima, quam dum imprimis quasi sigillum rebus singulis, eas sine tui augmenti aut tui detrimenti mutabilitate, procul dubio à te facis differri. Quidquid tamen in natura creatum est, creatura tua est.

2. O una Trinitas, & trina unitas Deus, cujus omnipotentia omnia possidet, & regit, & implet quæ creavit. Nec ideo te implere omnia dicimus ut te contineant, sed ut ipsa potius à te contineantur; nec particulatim imples omnia: nec ullatenus ita putandum est, ut unaquæque creatura pro magnitudine portionis suæ capiat te, id est, maxima majus, & minima minus, dum sis potius ipse in omnibus sive in te omnia. Cujus omnipotentia concludit universa; nec evadendi potentiam tuam quis aditum invenire poterit. Qui enim te non habet placatum, nequam evadet iratum. Sicut scriptum est: Neque

que ab Oriente, neque ab Occidente, neque à desertis montibus; quoniam Deus iudex est. Et alibi: Quo ibo à spiritu tuo, & quo à facie tua fugiam?

3. Immensitas divinæ magnitudinis tuæ ista est; ut intelligamus te intra omnia, sed non inclusum: extra omnia, sed non exclusum. Et ideo interior es, ut omnia contineas: & ideo exterior es, ut incircumscriptæ magnitudinis tuæ immensitate omnia concludas. Per id ergo quod interior es, ostenderis esse creator: per id vero quod exterior es, gubernator omnium demonstraris. Ac ne omnia quæ creata sunt sine te essent, interior es; exterior vero, ut omnia includantur à te, non locali magnitudine, sed potentiâ præsentia; qui ubique præsens es, & omnia tibi præsentia, quamvis quidam hæc intelligant, quidam vero non intelligant.

4. Inseparabilis ergo naturæ tuæ unitas, separabiles non potest habere personas: quia sicut es Trinitas in unitate, & unitas in Trinitate, sic separationem non potes habere personarum. Nominantur quidem illæ personæ aliquando singulæ, sed ita te voluisti Deus Trinitas inseparabilem ostendere in personis, ut nullum tibi nomen sit in qualibet persona, quod non ad aliam secundum relationis regulam referatur. Sicut Pater ad Filium, & Filius ad Patrem, sic Spiritus sanctus ad Patrem & Filium verissime refertur. Ea vero nomina, quæ substantiam, vel personam, vel potentiam, vel essentiam tuam significant, vel quidquid proprie



dicatur Deus, omnibus personis æqualiter conveniunt: ut Deus magnus, omnipotens, æternus, & omnia quæ naturaliter de te Deo dicuntur. Non est ergo aliquod naturæ nomen, quod sic tibi Deo Patri convenire valeat; ut, aut Filio, aut Spiritui sancto convenire nequeat. Dicimus te Patrem naturaliter esse Deum, sed naturaliter est & Filius Deus, naturaliter est & Spiritus sanctus Deus: non tamen tres Dii, sed unus naturaliter Deus, Pater, & Filius, & Spiritus sanctus.

5. Idcirco inseparabilis es, sancta Trinitas Deus, in personis sensu intelligenda: quamvis voce separabilia habeas nomina: quia pluralem numerum in naturæ nominibus nullatenus recipis. In hoc enim ostenditur, personas non posse dividi in sancta Trinitate, quæ unus Deus verus est: quia cuiuslibet personæ nomen semper ad alteram respicit personam. Si Patrem dico, Filium ostendo: si Filium nomino, Patrem prædico: si Spiritum sanctum appello, alicujus esse Spiritum necesse est intelligi, scilicet Patris & Filii. Hæc est enim fides vera, veniens de sana doctrina: Hæc certe est fides Catholica & orthodoxa, quam me docuit Deus in sinu matris Ecclesiæ, gratia sua.

## CAPVT XXXI.

*Oratio ad sanctam Trinitatem.*

1. **I**Nvocat itaque, Domine, te fides mea  
quam dedisti mihi propter bonitatem  
tuam

tuam ad salvationem mei. Fidelis autem anima ex fide vivit: tenet in spe, quod videbit in re. Invocat te Deus meus casta conscientia mea, & suavis amor fidei mea, quam, excussis ignorantia tenebris, ad veritatis intelligentiam perduxisti: & quam à stulta sæculi amaritudine eruisti, atque adhibita tuae dulcedinis charitate, jucundam mihi & mellis suam reddidisti. Invocat te, beata Trinitas, vox clara & sincerus amor fidei mea; quam ab ipsis enutriens cunabulis, illuminasti semper per illustrationem gratia tuae; & quam adaugens confirmasti in me, per documenta matris Ecclesiae. Te invoco, beatà & benedictà & gloriosa una Trinitas: Pater, & Filius, & Spiritus sanctus: Deus Dominus, paracletus, charitas, gratia, communicatio.

2. Genitor, genitus, regenerans, verum lumen ex lumine vero, vera illuminatio. Fons, flumen, irrigatio. Ab uno omnia, per unum omnia, in uno omnia. A quo, per quem, in quo omnia. Vivens vita, vita à vivente, viventium vivificator. Vnus à se, unus ab uno, unus ab ambobus. *av* à se, *av* ab altero, *av* ab utroque. Veritas Pater, veritas Filius, veritas Spiritus sanctus. Vna ergo (Pater, logos, paracletusque) essentia, una virtus, una bonitas, una beatitudo: à quo, per quem, & in quo beata sunt omnia, quacunque beata sunt.

## CAPVT XXXII.

*Quod Deus vera & summa vita est.*

1. **D**Eus, vera & summa vita, à quo, per quem, & in quo vivunt omnia quæcunque vere & beate vivunt. Deus bonum & pulchrum; à quo, per quem, & in quo bona & pulchra sunt omnia, quæcunque bona & pulchra sunt. Deus, cujus nos fides excitat, spes erigit, charitas jungit. Deus, qui peri te jubes, & inveniri te facis, & pulsanti aperis. Deus, à quo averti, cadere est: ad quem converti, surgere est: in quo manere, consistere est. Deus, quem nemo amittit, nisi deceptus; nemo quarit, nisi admonitus; nemo invenit, nisi purgatus. Deus, quem nosse, vivere est; cui servire, regnare est; quem laudare, salus & gaudium animæ est. Te labiis & corde, omnique qua valeo, virtute laudo, benedico atque adoro, tuæque clementiæ & bonitati, pro universis beneficiis tuis, gratias refero, & hymnum gloriæ tuæ, cano: Sanctus, Sanctus, Sanctus.

2. Te invoco, ô beata Trinitas, ut venias in me, & templum me facias dignum gloriæ tuæ. Rogo patrem per Filium: rogo Filium per Patrem: rogo Spiritum sanctum per Patrem & Filium ut omnia vitia elongentur à me, & omnes sanctæ virtutes plantentur in me. Deus immense, à quo omnia, per quem omnia, in quo omnia facta sunt, visibilia & invisibilia: qui opera tua extra circundas, & intra reple: supra regis, & infra fers: custodi me opus manuum tuarum in te sperantem,

rantem, & in tua solummodo misericordia confidentem. Custodi me, quæso, hic & ubique, nunc & semper, intus & foris, ante & retro, supra & infra, circumcirca; ita ut in me nullus pateat locus insidiis inimicorum.

3. Tu es Deus omnipotens, custos & protector omnium in te sperantium: sine quo nemo est tutus, nemo de periculis liberatus. Tu es Deus, & non est alius Deus præter te, neque in cælo sursum, neque in terra deorsum: qui facis magnalia, & mirabilia, & inscrutabilia, quorum non est numerus. Te decet laus, te decet honor, te decet hymnus. Tibi omnes Angeli, tibi cæli & universæ potestates hymnos dicunt, & laudes indefinenter concinunt: utpote Creatori creaturæ; Domino servi, Regi milites: Te sanctam & individuum Trinitatem omnis creatura magnificat, omnis spiritus laudat.

## C A P V T XXXIII.

*Laus Angelorum & hominum.*

1. **T**ibi sancti & humiles corde, tibi spiritus & animæ iustorum, tibi omnes superni cives, & cuncti beatorum spirituum ordines, gloriam & honorem suppliciter adorantes concinunt sine fine. Laudant te, Domine, illi superni cives magnifice & honorabiliter. Laudat te homo, magna portio creaturæ tuæ. Sed & ego peccator homuncio, desiderio magno cupio te laudare, amare te opto amore præcipuo. Deus meus, vita mea, fortitudo mea, & laudatio mea, dignare

me laudare te. Da mihi lumen in corde, verbum in ore; ut cor meum meditetur gloriam tuam, & lingua mea tota die canter laudes tuas.

2. Sed quia non est pulchra laus in ore peccatoris, & quia vir pollutis labiis ego sum: munda, obsecro, cor meum ab omni inquinamento: sanctifica me, sanctificator omnipotens, interius & exterius: & fac me dignum laudibus tuis. Suscipe benigne & acceptabiliter de manu cordis, & de mentis amore, suscipe sacrificium labiorum meorum, fiatque acceptabile in conspectu tuo, & ascendat ad te in odorem suavitatis. Memoria tua sancta, & dulcedo tua beatissima, possideat totam animam meam, atque in invisibilem amorem rapiat eam. Transeat de visibilibus ad invisibilia, de terrenis ad celestia, de temporalibus ad aeterna: transeat & videat visum mirabilem.

3. O aeterna Veritas & vera charitas, & chara Aeternitas, tu es Deus meus, ad te suspiro nocte ac die; tibi inhio, tibi intendo, ad te pervenire desidero. Qui novit te, novit veritatem, novit aeternitatem. Tu veritas super omnia praesides, quem videbimus sicuti es, cum pertransierit haec vita caeca & mortalis; in qua dicitur nobis, ubi est Deus tuus? Et ego dico: Deus meus ubi es? Respiro in te paululum, cum effundo super te animam meam in voce exultationis, & confessionis soni epulantis, & festivitatem celebrantis, & adhuc tristis est, quia relabitur, & fit abyssus: vel quin potius,

sentit

sentit  
mea

INTRO

4.

contu

dibus

done

done

quan

bræ

rum

prop

dies

no,

que

saluta

ficabi

habiti

simu

& fili

tene

nebr

& ta

specie

spes.

5.

loru

nom

habe

& co

nitat

& ib

velit

dilig

sentit se adhuc esse abyssum. Dicit ei fides mea, quam accendisti in nocte ante pedes meos.

4. Quare tristis es anima mea, & quare conturbas me? Spera in Deo: lucerna pedibus meis verbum ejus. Spera & persevera, donec pertranseat nox, mater iniquorum; donec pertranseat ira Dei, (cujus fuimus aliquando filii, fuimus enim aliquando tenebræ) donec pertranseat iste impetus aquarum: residua adhuc trahimus in corpore propter peccatum mortuo, donec aspiret dies, & inclinentur umbræ. Spera in Domino, mane astabo, & contemplabor, semperque confitebor ei. Mane astabo, & videbo salutare vultus mei Deum meum, qui vivificabit mortalia corpora nostra, propter inhabitantem spiritum ejus in nobis, ut jam simus lux, dum adhuc spe salvi facti sumus, & filii lucis & filii diei, non noctis neque tenebrarum. Fuimus enim aliquando tenebræ, nunc autem lux in te Deus noster, & tamen adhuc per fidem, necdum per speciem. Spes enim quæ videtur, non est spes.

5. Laudant te Domine illi populi Angelorum tuorum immortales, & glorificant nomen tuum cælestes virtutes; quæ non habent opus legere hanc scripturam nostram, & cognoscere te sanctam & individuum Trinitatem. Vident enim faciem tuam semper, & ibi legunt sine syllabis temporum, quid velit æterna voluntas tua: legunt, eligunt & diligunt, semperque legunt, & nunquam

præterit id quod legunt. Eligendo & diligendo legunt ipsam immutabilitatem consilii tui, & non claudetur codex eorum, nec applicabitur liber eorum, quoniam tu ipse illis hoc es, & eris in æternum. O beatæ nimium illa cœlorum virtutes, quæ laudare possunt te sancte & purissime, cum nimia dulcedine & ineffabili exultatione. Inde laudant unde gaudent, quia semper vident unde gaudere valeant & laudare.

6. Nos vero mole carnis pressi, & procul à vultu tuo in hac peregrinatione positi, atque per mundanas varietates distenti, te digne laudare nequimus: laudamus tamen per fidem, non per speciem: illi vero Angelici spiritus per speciem non per fidem. Hoc enim caro facit, ut multo aliter laudemus quam illi. Sed licet diversis modis laudes dicamus, tu unus es Deus creator omnium, cui sacrificium laudis in cœlo & in terra offertur, perventuri tamen sumus misericordia tua ad eorum consortium, cum quibus te semper videbimus, & sine fine laudabimus. Tribue Domine, ut donec in hoc fragili corpore positus sum, laudet te cor meum, laudet te lingua mea, & omnia ossa mea dicant: Domine, quis similis tui?

7. Tu es Deus omnipotens, quem trinum in personis, & unum in substantia Deitatis, colimus & adoramus, Patrem ingenitum, Filium de Patre unigenitum, Spiritum sanctum de utroque procedentem, & in utroque permanentem, sanctam & individuum Trinitatem, unum Deum omnipotentem.

Qui

Qui c  
& cu  
& bo  
Ne si  
benef  
tionib  
fiden  
8.  
per in  
per fi  
vitam  
ut ib  
remu  
quos  
Glor  
qui r  
sanct  
dua  
cuius  
laus  
hon  
riatu  
Deo

Hic

1.  
& m  
qua  
serv  
util



Qui cum non essemus, potenter fecisti nos  
& cum perditī fuīsemus culpa nostra, pietate  
& bonitate tua mirabiliter recuperasti nos:  
Ne sinas nos esse ingratos, obsecro, tantis  
beneficiis, & indignos tam multis misera-  
tionibus: te deprecor, supplico & rogo, auge  
fidem, auge spem, auge charitatem.

8. Fac nos per ipsam gratiam tuam sem-  
per in fide stabiles, & in opere efficaces: ut  
per fidem rectam & condigna fidei opera, ad  
vitam te miserante perveniamus æternam:  
ut ibi videntes gloriam tuam sicuti est, ado-  
remus Majestatem tuam, & dicamus pariter,  
quos dignos feceris videre gloriam tuam:  
Gloria Patri, qui creavit nos: Gloria Filio,  
qui redemit nos: Gloria Spiritui sancto, qui  
sanctificavit nos: Gloria summæ & indivi-  
duæ Trinitati, cujus opera inseparabilia sunt,  
cujus imperium sine fine manet. Te decet  
laus, te decet hymnus, tibi debetur omnis  
honor, tibi benedictio & claritas, tibi gra-  
tiarum actio, tibi honor, virtus & fortitudo,  
Deo nostro in sæcula sæculorum, Amen.

## CAPVT XXXIV.

*Hic conqueritur homo, quod non compungitur in  
contemplatione, ex quo Angeli quoque  
tremunt Deum videntes.*

1. **I**gnosce Domine, ignosce pie, ignosce  
& miserere; parce & ignorantia meæ,  
& multæ imperfectioni meæ. Noli me tan-  
quam temerarium reprobare, quod audeam  
servus, utinam vel bonus, & non etiam in-  
utilis & malus: & ideo valde malus, quia te  
omni-

omnipotentem Deum nostrum terribilem & nimis metuendum, sine cordis contritione & lachrymarum fonte, sine reverentia debita & tremore, laudo, benedico, atque adoro. Si enim Angeli te adorantes & laudantes tremunt, mira exultatione repleti: ego peccator, dum tibi assisto, laudes dico, sacrificium offero; cur non corde paveo, vultu palleo, labiis tremo, toto corpore inhorresco; sicque obortis lachrymis, coram te indefinenter lugeo? Volo, sed non valeo, quia nequeo quod desidero. Hinc enim mecum vehementer admiror, dum te nimis terribilem oculis fidei cerno: Sed quis hoc, sine ope gratiae tuae? Univerſa enim ſalus noſtra, magna miſericordia tua.

2. Miſerum me, quomodo ſic inſenſata facta eſt anima mea: ut non terreatur terrore nimio, dum ſtat ante Deum, & ſuas illi laudes decantat? Miſerum me, quomodo ſic induit cor meum; ut oculi mei indefinenter non producant flumina lachrymarum, dum conſervus ſermocinatur coram Domino ſuo, homo cum Deo, creatura cum creatore, qui factus eſt ex limo, cum eo qui omnia fecit ex nihilo? Ecce Domine, pone me ante te, & quid in ſecretis de me ſentio, fraternis auribus non taceo. Tu dives in miſericordia, & largus in praeſiis, da mihi de bonis tuis, ut ex eis ſerviam tibi. Non enim aliunde poſſumus ſervire, neque tibi placere, niſi de tuo munere.

3. Conſige, quaſo, timore tuo carnes, lateatur cor meum, ut timeat nomen tuum.

Vri-

Veinar  
quon  
enim  
Deum  
hi inte  
ſimul  
tione  
dans  
ſapiar  
ſicut  
niam  
ſperat  
tione  
te, aſ  
lachry  
mund  
bunt.  
mine

1. I  
mulo  
magr  
anim  
tibi,  
cula.  
debet  
tuum  
ple d  
gnum

Utinam sic te timeret peccatrix anima mea, quomodo ille vir sanctus, qui dixit: Semper enim quasi tumentes super me fluctus timui Deum. Dator enim bonorum Deus, da mihi inter laudes tuas fontem lachrymarum, simul cum cordis puritate, & mentis jubilatione, ut perfecte te diligens & digne te laudans, ipso cordis palato sentiam, gustem & sapiam, quam dulcis & suavis es, Domine, sicut scriptum est: Gustate & videte quoniam suavis est Dominus. Beatus vir, qui sperat in eo: beatus populus, qui scit jubilationem: beatus vir, cujus est auxilium abs te, ascensiones in corde suo disposuit in valle lachrymarum, in loco quem posuit. Beati mundo corde, quoniam ipsi Deum videbunt. Beati qui habitant in domo tua, Domine, in sæcula sæculorum laudabunt te.

## C A P V T XXXV.

*Oratio multum movens ad devotionem & divinum amorem.*

1. **I**esu nostra redemptio, amor & desiderium, Deus de Deo; adesto mihi famulo tuo. Te invoco, ad te clamo clamore magno, in toto corde meo. Te invoco in animam meam: intra in eam, & coapta eam tibi, ut possideas eam sine ruga, & sine macula. Mundissimo namque Domino, munda debetur habitatio. Sanctifica ergo me vas tuum, quod fecisti; de malitia evacua, imple de gratia, & plenum conserva; ita ut dignum habitationis tuæ efficiat templum hic & in

& in perpetuum. Dulcissime, benignissime, amantissime, charissime, potentissime, desideratissime, preciosissime, amabilissime, pulcherrime; tu melle dulcior, lacte & nive candidior, nectare suavior, gemmis & auro preciosior, cunctisque terrarum divitiis & honoribus mihi charior.

2. Quid dico, Deus meus, una spes mea, tam grandis misericordia tua? Quid dico dulcedo foelix & secura? Quid dico, dum talia dico? Dico, quod valeo, sed non dico, quod debeo. Utinam possem talia dicere, qualia illi hymnidici Angelorum chori. O quam libenter me in tuis laudibus totum effunderem! O quam devotissime illa cœlestis melodix cantica ad laudem & gloriam nominis tui in medio Ecclesiæ infatigabilis perorarem! Sed quia talia non possum, nunquid tacebo? Væ tacentibus de te, qui ora mutorum resolvīs, & linguas infantium facis disertas. Væ tacentibus de te, quoniam ipsi loquaces muti sunt, cum non tuas laudes dicunt.

3. Quis digne te laudare potest, ô ineffabilis virtus, & sapientia Patris! Et quoniam nulla invenio verba, quibus te sufficienter valeam explicare cunctipotens & omniscium Verbum, dicam interim, quod valeo, donec jubeas me venire ad te, ubi possum dicere quod te decet, & me oportet. Et ideo suppliciter rogo, ut non respicias tantum ad id quod modo dico, sed ad id quod dicere opto. Cupio enim desiderio magno de te eloqui, quod oportet & decet: quia te decet laus,

te decet hymnus, tibi que debetur omnis honor. Scis ergo occultorum cognitor Deus, quoniam cœlo, terra, & omnibus quæ in ea sunt, tu mihi acceptior, tu mihi amabilior es. Diligo enim te super calum & terram, & cætera omnia quæ in eis sunt; immo amore nominis tui, quæ transitoria sunt, procul dubio amanda non sunt. Amo te Deus meus amore magno, magisque te amare cupio.

4. Da mihi ut amem te semper, quantum volo, & quantum debeo, ut tu solus sis tota intentio mea, & omnis meditatio mea. Te mediter per dies sine cessatione, te sentiam per soporem, in nocte te alloquatur spiritus meus, tecum fabuletur mens mea. Lumine sanctæ visionis tuæ illustretur cor meum, ut te rectore, te duce ambulem de virtute in virtutem, tandemque videam te Deum deorum in Sion, nunc quidem per speculum in ænigmate, tunc autem facie ad faciem, ubi cognoscam te sicut & cognitus sum. Beati mundo corde, quoniam ipsi Deum videbunt. Beati qui habitant in domo tua, Domine; in sæcula sæculorum laudabunt te. Rogo itaque te, Domine, per omnes miserationes tuas, quibus de morte aterna liberati sumus, mollica cor meum durum & lapideum, saxeum & ferreum, tua sacratissima & potenti unctione, & fac me per ignem compunctionis coram te omni hora hostiam vivam fieri.

5. Fac me in tuo conspectu cor contritum & humiliatum semper habere, cum lachrymarum abundantia. Fac me ex toto desiderio

rio huic mundo funditus extingui, & transientium rerum oblivisci, præ magnitudine timoris & amoris tui, usque adeo, ut de temporalibus nec lugeam, nec gaudeam, nec metuam aliquid temporale, nec diligam, nec blandis corrumpar, nec adversis concutiar. Et quia tui valida est ut mors dilectio, absorbeat (quæso) mentem meam ab omnibus quæ sub cælo sunt, ignita & melliflua vis amoris tui; ut tibi soli inhaream solaque tuæ suavitatis memoria pascar.

6. Descendat, Domine, descendat (precor) descendat in cor meum odor tui suavissimus, ingrediatur amor tui mellifluus. Veniat mihi tui saporis mira & inenarrabilis fragrantia, quæ sempiternas in me suscitet concupiscentias; & ex corde meo producat venas salientis aquæ in vitam æternam. Imensus es, Domine, & ideo sine mensura debes amari & laudari ab iis, quos tuo precioso sanguine redemisti. Amator hominum benignissime, clementissime Domine, & æquissime iudex, cui omne iudicium dedit Pater, sapientissimo tuæ æquitatis iudicio discernis hoc rectum & iustum esse, ut filii huius sæculi noctis & tenebrarum, præstantiori desiderio, virtute atque studio, diligant & quarant perituras divitias, & fugitivos honores: quam nos servi tui diligamus te Deum nostrum, per quem facti & redempti sumus.

7. Si enim homo hominem tanta diligit dilectione, ut alter alterum vix patiatur abesse, si sponsa sponso tanto conglutinetur

men-

mentis  
nulla  
tiam no  
lection  
quam o  
debet d  
rimum  
sti, qu  
Quanc  
delecta  
tali me  
te enun  
vis est  
des, e  
reple  
nus est  
gredit  
enim s  
riisque  
8. T  
merito  
imper  
Domine  
non ti  
in opti  
sæculu  
eam.  
mihi c  
Dulcis  
so) co  
contin  
flamm  
dulced  
nunqu

mentis ardore, ut præ magnitudine amoris nulla perfrui valeat requie, chari sui absenti-  
tiam non sine mœrore ferens: qua ergo dilectione, quo studio, quo fervore, anima quam desponsasti tibi fide & miserationibus, debet diligere te verum Deum, & pulcherrimum sponsum: qui nos sic amasti & salvasti, qui pro nobis tot, tanta, & talia fecisti? Quanquam autem hæc infima habeant suas delectationes, suosque amores: non tamen tali modo delectant sicut tu Deus noster. In te enim delectatur justus, quia amor tui suavis est & quietus. Nam pectora, quæ possides, dulcedine & suavitate & tranquillitate reple. Et contra, amor seculi & carnis anxius est & perturbatus: animas certe quas ingreditur, quietas esse non patitur; semper enim suspicionibus, & perturbationibus, variisque timoribus sollicitat eas.

8. Tu itaque es delectatio rectorum & merito: quies enim valida est apud te, & imperturbabilis vita. Qui intrat in te, bone Domine, intrat in gaudium Domini sui, & non timebit amplius; sed habebit se optime in optimo loco dicens: Hæc requies mea in sæculum sæculi: hic habitabo, quoniam elegi eam. Et illud: Dominus regit me, & nihil mihi deerit; in loco pascuæ ibi me collocavit. Dulcis Christe, bone Iesu, reple semper (quæso) cor meum inextinguibili dilectione tui, continua recordatione tua, adeo, ut sicut flamma urens, totus ardeam in tui amoris dulcedine; quem & aquæ multæ in me nunquam possint extinguere. Fac me dulcis-



sine Domine amare te ; & desiderio tui deponere pondus omnium carnalium desideriorum , & terrenarum concupiscentiarum gravissimam sarcinam , quæ impugnant & aggravant miseram animam meam ; ut post te expedite in odore unguentorum tuorum currens , usque ad tuæ pulchritudinis visionem efficaciter sariandus , quantocius te quoque duce merear pervenire.

9. Duo enim amores , alter bonus , alter malus , alter dulcis , alter amarus , non se simul in uno capiunt pectore. Et ideo si quis præter te aliud diligit , non est charitas tua Deus in eo. Amor dulcedinis , & dulcedo amoris : Amor non crucians , sed delectans : amor sincere castæque permanens in sæculum sæculi ; amor , qui semper ardes , & nunquam extingueris ; dulcis Christe , bone Iesu , charitas , Deus meus : accende me totum igne tuo amore tui , suavitate & dulcedine tua , jucunditate & exultatione tua , voluptate & concupiscentia tua , quæ sancta est & bona , casta & munda , tranquilla est & secunda : ut totus dulcedine amoris tui plenus , totus flamma charitatis tuæ succensus , diligam te Deum meum ex toto corde meo , totisque medullis præcordiorum meorum , habens te in corde , in ore , & præ oculis meis semper & ubique ; ita ut nullus pateat in me locus adulterinis amoribus.

10. Audi Deus meus , audi lumen oculorum meorum : audi quæ peto , & da quæ petam , ut audias me. Pie & misericordissime Domine , ne efficiaris mihi inexorabilis  
pro-

prop  
tua  
fectu  
terce  
riosa  
mea

I.

salvo  
milo  
mea  
le de  
& d  
dell  
mun  
Tu  
qui  
prop  
non  
disp  
rima  
piet  
offe  
te R  
lam  
2.  
me t  
nas,  
tuo  
gnat  
fem

propter peccata mea, sed propter bonitatem tuam suscipe preces servi tui: & da mihi effectum petitionis meae, & desiderii mei; intercedente, & orante, & impetrante gloriosa virgine genitrice tua, Maria Domina mea, cum omnibus Sanctis tuis, Amen.

## CAPVT XXXVI.

*Oratio devotissima ad laudes habendas.*

I. **C**hriste Domine, verbum Patris, qui venisti in hunc mundum peccatores salvos facere: rogo te per indulgentissima misericordiae tuae viscera, emenda vitam meam, meliora actus, compone mores: tolle de me, quod mihi nocet, & tibi displicet: & da, quod nosti tibi placere, & mihi prodesse. Quis potest facere mundum de immundo conceptum semine, nisi tu solus? Tu es Deus omnipotens infinitae pietatis: qui iustificas impios, & vivificas mortuos propter peccatum: qui mutas peccatores, & non sunt. Tolle ergo de me, quidquid tibi displicet in me. Imperfecta enim mea plurima vident oculi tui. Mitte, quaeso, manum pietatis tuae in me: & tolle de me, quidquid offendit oculos pietatis tuae in me. Coram te Domine est sanitas & infirmitas mea: illam (precor) serva, istam sana.

2. Sana me Domine, & salvabor: salvum me fac: & salvus ero: Tu, qui infirma sanas, & sanata conservas: Tu, qui solo num tuo restauras diruta & collapsa. Si enim dignaris in agro tuo corde meo serere bonum semen, necesse est, ut manu pietatis tuae spi-

nas prius evellas vitiorum meorum. Dulcissime, benignissime, amantissime, charissime, desideratissime, amabilissime, pulcherrime; infunde obsecro, multitudinem dulcedinis tuæ & charitatis tuæ, pectori meo; ut nihil terrenum, nihil carnale desiderem vel cogitem: sed te solum amem, te solum habeam in corde & in ore meo. Scribe digito tuo in pectore meo, dulcem memoriam tui mellisui nominis, nulla unquam oblivione delendam. Scribe in tabulis cordis mei voluntatem tuam, & justificationes tuas; ut te immensæ dulcedinis Dominum & præcepta tua semper & ubique habeam præ oculis meis. Succende mentem meam igne illo tuo quem misisti in terram, & Voluisti vehementer accendi, ut sacrificium spiritus contribulati & cordis contriti, obortis lachrymis quotidie offeram tibi.

3. Dulcis Christe, bone Iesu, sicut desidero, sicut tota mente mea peto; da mihi amorem tui sanctum & castum, qui me repleat, teneat, totumque possideat. Et da mihi evidens signum amoris tui, irriguum lachrymarum fontem jugiter emanantem; ut ipsæ quoque lachrymæ, tui in me testentur amorem, ipsæ prodant, ipsæ loquantur, quantum te diligit anima mea: dum præ nimia dulcedine amoris tui, nequit se à lachrymis continere.

4. Reminiscor, pie Domine, illius bonæ mulieris Annæ, quæ ad tabernaculum rogatura pro filio venit: de qua Scriptura refert, quod vultus ejus post lachrymas & preces,

non

non sunt amplius in diversa mutati. Sed memor tantæ virtutis, tantæque constantiæ, dolore torqueor, & verecundia confundor; quia me miserum, nimis deorsum jacere intueor. Si enim ita flevit, & in fletu perseveravit mulier, quæ quærebat filium; quomodo plangere & in planctu persistere debet anima mea, quæ quærit & amat Deum, & ad eum pervenire desiderat? Quomodo gemere ac flere debet talis anima, quæ quærit Deum die ac nocte? quæ præter Christum nihil vult amare? Mirum quippe est, si jam non factæ sunt ei lachrymæ suæ panes die ac nocte. Respice ergo & miserere mei: quia dolores cordis mei multiplicati sunt. Da mihi consolationem tuam cœlestem, & noli spernere peccatricem animam, pro qua mortuus es. Da mihi, quæso, lachrymas ex toto affectu internas, quæ peccatorum meorum possint solvere vincula, & cœlesti jucunditate semper repleant animam meam. Si non cum veris & perfectis Monachis, quorum vestigia nequeo imitari: saltem cum devotis mulieribus, quantulamcunque portionem in regno tuo merear adipisci.

5. Venit mihi quoque in mentem alterius mulieris devotio mira; quæ te in sepulchro jacentem, pro amore quærebat; quæ recedentibus discipulis de sepulchro, non recedebat: quia sedebat ibi tristis, & mœrens, & diu multumque flebat: & resurgens, multis lachrymis iterum iterumque antra deserti sepulchri vigilantibus oculis explorabat, si forte alicubi te videre posset, quem ferventi

desiderio quærebat. Iam certe semel & iterum ingressa sepulchrum viderat: sed nimum amanti non satis erat: virtus enim boni operis perseverantia est. Et quia præ cæteris dilexit, & diligendo flevit, & flendo quæsiuit, & quærendo perseveravit: ideo prima omnium te invenire, te videre, & te alloqui meruit.

6. Et non solum hæc, sed etiam ipsis discipulis gloriose resurrectionis tuæ prænuncia extitit: te præcipiente, & clementer monente: Vade; dic fratribus meis ut vadant in Galilæam; ibi me videbunt. Si ergo ita fleuit, & in fletu perseveravit mulier, quæ viventem cum mortuis quærebat, quæ te manu fidei tangebatur, quomodo plangere & in planctu persistere debet anima, quæ te redemptorem suum jam cælo præsidentem & ubique regnantem, corde credit, ore confitetur? Quomodo ergo gemere & flere debet zalis anima, quæ te toto corde diligit, teque zoto desiderio videre concupiscit? Solum confugium, & unica spes miserorum, qui nunquam sine spe misericordiæ supplicatur.

7. Præsta mihi hanc gratiam propter te, & propter nomen sanctum tuum: ut quoties de te cogito, de te loquor, de te scribo, de te lego, de te confero: quoties tui reminiscor, tibi assisto, laudes, preces & sacrificium offero: toties obortis lachrymis, in conspectu tuo copiose & dulciter fleam; ita ut efficiantur mihi lachrymæ meæ panes die ac nocte. Tu quidem Rex gloriæ, & omnium virtutum magister, docuisti nos verbo & exemplo  
gemere

gemere & flere, dicens: Beati qui lugent, quoniam ipsi consolabuntur. Tu flevisi defunctum amicum, & lachrymatus es valde super perituram civitatem.

8. Rogo te bone Iesu per illas preciosissimas lachrymas tuas, & per omnes miserationes tuas, quibus mirabiliter nobis perditis subvenire dignatus es: da mihi gratiam lachrymarum, quam multum desiderat & appetit anima mea: sine dono tuo, non possum habere eam, sed per Spiritum sanctum tuum, qui dura corda peccatorum molit, & ad fletum compungit. Da mihi gratiam lachrymarum, sicut dedisti patribus nostris, quorum vestigia debeo imitari; ut plangam me in omni vita mea, sicut ipsi se planxerunt nocte ac die. Propter merita & orationes eorum, qui tibi placuerunt & devotissime servierunt: miserere mei miserrimi & indigni servi tui: & da mihi gratiam lachrymarum. Da mihi irriguum superius, & irriguum inferius; ut sint mihi lachrymæ meæ panes die ac nocte, efficiatque in conspectu tuo, Deus meus, per ignem compunctionis, holocaustum pingue & medullatum, mactet totus in ara cordis mei, & tanquam pinguisimum holocaustum assumat tibi in odorem suavitatis.

9. Da mihi, dulcissime, fontem irriguum, fontemque perspicuum, in quo lavetur assidue istud inquinatum holocaustum. Licet enim me totum tibi obrulerim opitulante gratia tua, in multis tamen quotidie offendo propter nimiam fragilitatem meam.

Da ergo mihi gratiam lachrymarum, benedicte & amabilis Deus; præcipue ex multa dulcedine amoris tui, & commemoratione misericordiarum tuarum, præpara hanc mensam famulo tuo in conspectu tuo, & da mihi in potestatem, ut quoties volo, satier ex ea.

10. Tribue pro pietate & bonitate tua, ut iste calix tuus inebrians & præclarus, satiet sitim meam, ut inhiet tibi spiritus meus, & ardeat mens mea in amore tui, oblitus vanitatis & miseræ. Audi Deus meus, audi lumen oculorum meorum; audi quæ peto, & da ut petam quod audias, pie & exorabilis Domine, ne efficiaris mihi inexorabilis propter peccata mea: sed propter bonitatem tuam suscipe preces servi tui, & da mihi effectum petitionis meæ & desiderii mei precibus & meritis gloriosæ Virginis Mariæ Dominiæ meæ, & omnium Sanctorum, Amen.

## CAPVT XXXVII.

*In ista oratione mens humana copiosius compungitur, si in quiete dicatur.*

1. **I**esu Domine, Iesu pie, Iesu bone, qui mori dignatus es propter peccata nostra, & resurrexisti propter justificationem nostri: rogo te per gloriosam resurrectionem tuam, resuscita me de sepulchro vitiorum & peccatorum meorum omnium: & da mihi quotidie partem in resurrectione prima: ut in resurrectione tua merear veraciter percipere portionem. Dulcissime, benignissime, amantissime, charissime, preciosissime, desideratissime, amabilissime, pulcherrime, ascen-



ascendisti in cœlum cum triumpho gloriæ tuæ, & sedes ad dexteram Patris, rex potentissime. Trahe me sursum ad te, ut curram post te in odorem unguentorum tuorum, curram & non deficiam, te trahente, te ducente me currentem. Trahe os sitientis te animæ, in superna fluenta æternæ satietatis, imo trahe me ad te fontem vivum, ut inde pro captu meo bibam unde semper vivam, Deus meus, vita mea.

2. Tu enim dixisti ore tuo sancto & benedicto: Si quis sitit, veniat ad me, & bibat. Fons vitæ, da sitienti animæ semper bibere ex te, ut secundum sanctam & veridicam promissionem tuam, de ventre meo fluant aquæ vivæ. Fons vitæ, reple mentem meam torrente voluptatis tuæ: inebria cor meum sobria ebrietate amoris tui: ut obliviscar quæ vana sunt & terrena, & te solum jugiter habeam in memoria mea, sicut scriptum est: Memor fui Dei, & delectatus sum.

3. Da mihi Spiritum sanctum tuum, quem significabant illæ aquæ, quas sitientibus daturum te promiseras. Da, quaeso, toto desiderio & omni studio tendere, quo te ascendisse post resurrectionem die quadagesimo, credimus; ut in præsentī quidem miseria solo tenear corpore; tecum autem sim cogitatione semper & aviditate: ut ibi sit cor meum ubi tu es, thesaurus meus desiderabilis & incomparabilis, multumque amabilis. In hoc enim magno hujus vitæ diluvio, ubi circumstantibus agitamur procellis, & non invenitur fida statio & locus emi-

nentior, ubi pes columbæ valeat aliquatenus requiescere; nusquam tuta pax, nusquam secunda quies: ubique bella & lites, ubique hostes: foris pugna, intus timores.

4. Et quia altera pars sumus cœli, altera terræ, corpus quod corrumpitur aggravat animam: Idcirco animus meus, socius & amicus meus fatigatus, de via veniens languet & jacet; discissus atque laceratus ab iis, quas pertransierat, vanitatibus, esurit & sitit valde: & non habeo quod ponam ante illum, quia pauper sum & mendicus. Tu Domine Deus meus dives omnium bonorum, & dapum supernæ satietatis opulentissime largitor: da lassio cibum, collige dispersum, reintegra scissum. En stat ad ostium & pulsas. Obsecro per viscera misericordiæ tuæ, quibus visitasti nos oriens ex alto: aperi pulsan-  
 ti misero manum pietatis tuæ: & jube propitiabili dignatione, ut ingrediatur ad te, requiescat in te, reficiatur de te vivo cœlestique pane; quo satiatus resumptisque viribus, ad superiora conscendat, & de hac valle lachrymarum, penna sancti desiderii raptus, ad cœlestia regna volitet.

5. Assumat, Domine, assumat (rogo) spiritus meus pennas ut aquilæ, & volitet & non deficiat; volitet & perveniat usque ad decorem domus tuæ, & locum habitationis gloriæ tuæ: ut ibi super mensam refecti-  
 onis civium supernorum pascatur de occultis tuis in loco pascuæ tuæ, juxta fluentia plenissima: requiescat in te Deus cor meum, cor mare magnum, tumens fluctibus. Tu, qui impe-  
 rasti

raſti  
ma  
mei  
mea  
dar  
cont  
tion  
men  
ſſibu  
refri  
da c  
mian  
6.  
mian  
quit  
palch  
bras  
vinæ  
dini  
habe  
ama  
cioci  
pulch  
appa  
bor  
me c  
nom  
7.  
& pu  
nat v  
culis  
tua,  
bunt  
allum

raſti ventis & mari, & facta eſt tranquillitas magna: veni & gradere ſuper fluctus cordis mei, ut tranquilla & ſerena ſiant omnia mea, quatenus unum bonum meum amplectar te, & dulce lumen oculorum meorum contempler te, ſine tumultuantium cogitationum cæca caligine. Conſugiat Domine mea ſub umbra alarum tuarum ab aſtibus cogitationum huius ſæculi, ut in tui refrigerii temperamento abſconſa, lætabunda cantet & dicat: In pace in idipiſſum dormiam & requieſcam.

6. Dormiat (obſecro) Domine Deus, dormiat memoria mea ab omnibus malis: iniquitatem odiat, juſtitiam diligat. Quid enim pulchrius, quidve dulcius, quam inter tenebras huius vitæ multasque amaritudines, divinæ dulcedini inhiare, & æternæ beatitudini ſuſpirare? illic teneri mente, ubi vera habere gaudia certiffimum eſt? Dulciſſime, amantiſſime, benigniſſime, chariſſime, precioſiſſime, deſideratiſſime, amabiliſſime, pulcherrime, quando te videbo? Quando apparebo ante faciem tuam? Quando ſatiabor de pulchritudine tua? Quando educes me de hoc carcere tenebroſo, ut confitear nomini tuo: ita ut deinceps non compungar?

7. Quando tranſibo in illam admirabilem & pulcherrimam domum tuam, ubi perſonat vox lætitiæ & exultationis, in tabernaculis juſtorum? Beati qui habitant in domo tua, Domine, in ſæcula ſæculorum laudabunt te. Beati & vere beati, quos elegiſti & aſſumpſiſti in illam cœleſtem hereditatem.

Ecce

Ecce Sancti tui, Domine, florent ante te sicut lilium. Replentur enim ab ubertate domus tuæ. & torrente voluptatis tuæ potas eos, quoniam tu es fons vitæ, & in lumine tuo vident lumen: usque adeo, ut ipsi videlicet lumen illuminatum per te Deum illuminantem sicut Sol effulgeant in conspectu. O quam mira, quam pulchra, quam acceptabilia sunt domus tuæ habitacula, Domine, virtutum! concupiscit intrare in ea hæc peccatrix anima mea. Domine dilexi decorem domus tuæ, locum habitationis gloriæ tuæ.

8. Vnam rem petii à Domino, & hanc requiram: ut inhabitem in domo Domini omnibus diebus vitæ meæ. Quemadmodum desiderat cervus ad fontes aquarum, ita desiderat anima mea ad te Deus. Quando veniam, & apparebo ante faciem tuam: quando videbo Deum meum quem sitit anima mea? Quando videbo eum in terra viventium? In ista enim terra morientium videri non potest mortalibus oculis. Quid faciam miser ego, gravedine compedis mortalitatis meæ constrictus? Quid faciam? Dum sumus in corpore, peregrinamur à Domino: non habemus hic manentem civitatem, sed futuram inquirimus. Noster autem municipatus in cœlis est.

9. Heu mihi! quia incolatus meus prolongatus est: habitavi cum habitantibus Cedar, multum incola fuit anima mea. Quis dabit mihi pennas sicut columbæ: & volabo, & requiescam? Nihil mihi tam dulce, quam

cum Domino meo esse. Mihi autem adhærere Deo bonum est. Da mihi, Domine, donec his fragilibus adsisto membris, tibi adhærere, sicut scriptum est: Qui adhæret Domino, unus spiritus est cum eo. Præbe mihi, rogo, contemplationis pennas, quibus indutus, ad te volitem sursum; & quia omne sinistrum deorsum jacet, tene mentem meam, ne ad ima tenebrose vallis corruat: ne interveniente umbra terræ, à te vero iustitiæ Sole separetur; & adducta tenebrarum nebula prohibeatur alta respicere. Idcirco sursum tendo ad pacis gaudia, lucisque delectabilem & serenissimum statum.

10. Tene cor meum manu tua, quia sine te ad altiora non rapitur. Illuc festino, ubi summa pax regnat, & jugis tranquillitas rutilat. Tene & rege spiritum meum, & assume illum secundum voluntatem tuam: ut, te duce, ascendat in illam regionem ubertatis, ubi pascis Israel in æternum pabulo veritatis: Ut ibi vel rapida cogitatione attingat te summam sapientiam, super omnia manentem, cuncta transeuntem & omnia gubernantem. Sed volitanti ad te animæ multa sunt quæ obstrepunt. Iussu tuo Domine conticescant mihi omnia. Ipsa sibi anima mea sileat, omnia pertranscat, omnia quæ creata sunt transcendat à se, & perveniat ad te; atque in te solo creatore omnium oculos fidei figat, tibi inhiet, tibi intendat: te meditetur, te contempletur; te sibi ante oculos ponat, te sub corde revolvat, verum & summum bonum, & gaudium sine fine mansurum.

11. Mul-

11. Multæ denique sunt contemplationes, quibus anima devota tibi mirabiliter palcitur, sed in nulla earum ita delectatur & requiescit anima mea sicut in te, & quando te solum cogitat & contemplatur. Quam magna multitudo dulcedinis tuæ Domine? quam mirabiliter inspiras cordibus amatorum tuorum? Quam mira suavitas amoris tui, quo perfruantur illi, qui nihil præter te diligunt, nihil quærunt, nihil etiam cogitare concupiscunt. Felices illi, quibus tu solus spes es! & omne opus eorum, oratio! Beatus qui sedet solitarius & tacet, & stat super custodiam suam jugiter die ac nocte: ut adhuc in hoc fragili corpusculo positus, prælibare valeat aliquatenus dulcedinem tuam.

12. Rogo te per illa salutifera vulnera tua, quæ passus es in cruce pro salute nostra, è quibus emanavit ille preciosus sanguis, quo sumus redempti: vulnera hanc animam meam peccatricem, pro qua etiam mori dignatus es: vulnera eam igneo & potentissimo telo tuæ nimæ charitatis. Vivus est enim sermo Dei & efficax, & penetrabilior omni gladio ancipiti. Tu sagitta electa, & gladius acutissimus, qui durum scutum humani cordis penetrare tua potentia vales, confice cor meum jaculo tui amoris, ut dicat tibi anima mea: Charitate tua vulneratus sum: ita ut ex ipso vulnere amoris tui uberime fluant lachrymæ die ac nocte.

13. Percute Domine, percutere (obsecro) hanc durissimam mentem meam pia & vali-

da cuspide dilectionis tuæ, & altius ad intima penetra potenti virtute; & sic de capite meo educ aquam immensam, & de oculis meis verum fontem lachrymarum jugiter manantem, ex nimio affectu & desiderio visionis pulchritudinis tuæ: ut lugeam die ac nocte, nullam in præfenti vita recipiens consolationem, donec te in cælesti thalamo merear videre dilectum & pulcherrimum sponsum meum, Deum & Dominum meum. Ut ibi videns gloriosam, admirabilem & pulcherrimam faciem tuam omni dulcedine plenam, cum iis quos elegisti, majestatem tuam supplex adorem; & illic tandem cœlesti & ineffabili repletus júbilo æternæ exultationis, exclamem cum diligentibus te, dicens: Ecce, quod concupivi jam video, quod speravi jam teneo, quod desideravi jam habeo. Illi namque in cœlis junctus sum, quem in terris positus tota virtute dilexi, tota charitate amplexus sum, cui toto amore inhæsi: ipsum laudo, benedico atque adoro. Qui vivit & regnat Deus in sæcula sæculorum, Amen.

## CAPVT XXXVIII.

*Oratio in tribulatione.*

- I. **M**iserere Domine, miserere pie, miserere mihi miserrimo peccatori indigna agenti, & digna patienti, assidue peccanti, & tua flagella quotidie sustinenti. Si penso malum quotidie quod feci, non est tantum quod patior: gravius est quod commisi: levius est quod tolero. Iustus es Domine,



mine, & rectum iudicium tuum: omnia iudicia tua iusta sunt & vera. Iustus & rectus tu es Domine Deus noster, & non est ulla iniquitas in te. Non enim iniuste neque crudeliter affligis nos peccatores, omnipotens & misericors Domine: qui cum non essemus, potenter fecisti nos: & cum perditii fuissetus culpa nostra, pietate & bonitate tua mirabiliter reparasti nos.

2. Scio & certus sum, quod vita nostra non temerariis motibus agitur: sed à te Domino Deo nostro disponitur & gubernatur. Vnde tibi cura est de omnibus, præcipue de servis tuis, qui totam spem suam posuerunt in sola misericordia tua. Idcirco obsecro & suppliciter rogo, ut non facias mihi secundum peccata mea quibus iram tuam merui: sed secundum magnam misericordiam tuam, quæ superat etiam peccata totius mundi. Tu Domine, qui exterius flagella irrogas: da semper interius indeficientem patientiam, ita ut laus tua non recedat de ore meo. Miserere mei Domine, miserere mei, & adiuva me, sicut tu nosti quod mihi est necesse in corpore & in anima: scis omnia, potes omnia, qui vivis in sæcula.

## CAPVT XXXIX.

*Oratio multum devota ad Filium.*

1. **D**omine Iesu Christe, fili Dei vivi, qui in cruce expansis manibus, propter mortalium omnium redemptionem hausisti calicem Passionis, mihi hodie præbere digneris auxilium. Ecce pauper venio  
ad te

ad te divitem, miser ad misericordem; ne recedam vacuus vel contemptus. Esuriens incipio, ne desinam de te jejunos. Famelicus accedo, ne recedam impastus. Et si antequam comedam suspiro, da vel post suspiria ut comedam. In primis, dulcissime Iesu, coram magnificentia tuæ suavitatis, confiteor adversum me injustitiam meam. Ecce, Domine, quia in peccatis fui conceptus & natus: & tu me abluisti & sanctificasti: & ego postea me majoribus sordidavi peccatis. Fui enim in necessariis natus, postea in spontaneis volutatus.

2. Sed tuæ, Domine, miserationis non immemor: tulisti me de domo patris mei carnalis, & de tabernaculis peccatorum: & inspirasti mihi ut sequererte, cum generatione quærentium faciem tuam, ambulantium semitam rectam, commorantium inter lilia castitatis, & tecum discumbentium in canaculo altissimæ paupertatis. Et ego tot beneficiorum ingratus, post religionis ingressum multa commisi illicita, multa perpetravi nefanda: & ubi peccata emendare debui, peccata peccatis addidi. Hæc sunt mala mea, Domine, quibus exhonoraui te, & maculavi me (quem ad imaginem & similitudinem tuam creasti) superbia, vana gloria, & cætera alia mala multa, quibus vexatur & affligitur, laceratur & destruitur infelix anima mea.

3. Ecce, Domine, iniquitates meæ supergressæ sunt caput meum, & sicut onus grave gravata sunt super me: & nisi tu, cui propriū

# MEDITATIONES

est misereri semper & parcere, dexteram tuæ majestatis supponas, mergi cogor miserabiliter in profundum. Attende, Domine Deus, & vide, quoniam sanctus, & ecce insultat adversum me inimicus meus, dicens: Deus dereliquit eum, persequar & comprehendam eum, quia non est qui eripiat. Et tu Domine usquequo? Convertere, & eripe animam meam, salvum me fac propter misericordiam tuam. Miserere filii tui, quem in dolore non modico peperisti; & noli attendere malum meum, ut obliviscaris bonum tuum. Quis est pater, qui filium non liberet? aut quis filius, quem pater pietatis baculo non corripiat?

+. Ergo pater & Domine, licet peccator sum, non possum non esse filius tuus: quia tu me fecisti & rescecisti, sicut peccavi, emenda me; & prius flagello me emendatum, trade me filio tuo. Nunquid oblivisci potest mater infantem uteri sui? Et certe, si illa oblita fuerit, tu pater promissisti te non oblivisci. Ecce clamo, & non exaudis me: dolore crucior, & non consolaris me. Quid dicam, vel quid faciam miserrimus? Ego tanto destitutus solatio, projectus sum à facie oculorum tuorum. Heu me, de quanto bono in quantum malum cecidi! Quo tendebam, & quo deveni? Vbi sum, & ubi non sum? Ad quæ aspiravi, & nunc in quibus suspiro? Quæsi vi bona, & ecce turbatio. Ecce jam morior, & Iesus non est mecum. Et certe melius est mihi non esse, quam sine Iesu esse. Melius est non vivere, quam vivere sine vita.

s. Et

5. Et tu Domine Iesu , ubi sunt misericordiae tuae antiquae ? Nunquid irasceris mihi in finem ? Placare obsecro , & miserere mei , & non avertas faciem tuam à me : qui pro me redimendo , non avertisti faciem tuam ab increpantibus & conspuentibus in te. Fateor, quia peccavi , & conscientia mea meretur damnationem , & poenitentia non sufficit ad satisfactionem : sed certum est , quod misericordia tua superat omnem offensionem. Noli , quaeso , piissime Domine , scribere adversum me amaritudines meas , ut intres in iudicium cum servo tuo ; sed secundum multitudinem miserationum tuarum , dele iniquitatem meam. Vae mihi misero ! cum venerit dies iudicii , & aperti fuerint libri conscientiarum : cum dicetur de me : Ecce homo , & opera ejus. Quid faciam tunc , Domine Deus meus , cum caeli revelabunt iniquitatem meam , & adversum me terra consurget ? Ecce nihil respondere potero , sed demisso capite pro confusione , coram te stabo trepidus & confusus.

6. Heu me miserrimum , quid dicam ? Clamabo ad te Domine Deus meus. Quare tacens consumor ? Verumtamen si locutus fuero , non quiescet dolor meus : & si tacuero , amarissima amaritudine cruciabor interius. Plange anima mea , sicut vidua super virum pubertatis suae. Vlula misera , & plora , quoniam dimisit te sponsus tuus , id est , Christus. Ita omnipotens , ne irruas super me , quia nunquam capi posset tolerare te. Misere est in toto me , quod posset tolerare te. Misere

zere ne desperem, sed desperando respirem. Et si ego commisi, unde me damnare potes; tu non amisisti unde salvare soles.

7. Tu Domine non vis mortem peccatorum, neclataris in perditione morientium: imo ut mortui viverent, tu mortuus es, & mors tua peccatorum mortem occidit: & ipsi te moriente vixerunt. Obsecro te Domine, ut ego, te vivente, non moriar. Mitte manum tuam de alto, & libera me de manu inimicorum meorum; ne supergaudeant mihi, & dicant: Devorabimus eum. Quis unquam bone Iesu, de tua misericordia diffidat; qui cum inimici tui essemus, redemisti nos in sanguine tuo, & reconciliasti nos Deo? Ecce sub tuæ misericordiæ umbra protectus, ad thronum gloriæ veniam postulans curro, clamans & pulsans, donec miserearis mihi. Si enim ad veniam nos vocasti, veniam non quærentes, quanto magis veniam impetrebimus postulantes?

8. Ne memineris, dulcissime Iesu, tuæ iustitiæ adversus peccatorem tuum: sed esto memor benignitatis tuæ adversus creaturam tuam. Ne memineris ira adversus reum, sed memor esto miserationis tuæ adversus miserum. Obliviscere superbum provocantem, & respice miserum invocantem. Quid enim est Iesus nisi Salvator? Ergo Iesu per temetipsum exsurge in adiutorium mihi, & dic animæ meæ: salus tua ego sum. Multum Domine de tua bonitate præsumo, quoniam tu ipse doces petere, quærere, & pulsare. Et ideo tua oratione admonitus, peto, quæro, & pulso.

9. Et

9.  
accip  
doces  
me in  
ta me  
gitatu  
ris in  
viam  
Dom  
debe  
& pre  
quan  
pro c  
beo,  
te, i  
tuus  
sum  
gnas

I. D  
bus;  
omn  
com  
man  
tum  
nes c  
nes,  
sensu  
fider  
tiam  
dias e

9. Et tu Domine, qui jubes petere, fac accipere; consulis quærere, da & invenire; doces pulsare, aperi pulsanti: & confirma me infirmum, restaura me perditum, suscita me mortuum; & omnes sensus meos, cogitatus & factus dirigere & gubernare digneris in beneplacito tuo; ut de cætero tibi serviam, tibi vivam, tibi que me tradam. Scio, Domine mi, quia ex hoc quod me fecisti, debeo tibi meipsum: & quia me redemisti, & pro me homo factus es, deberem tibi plus quam me; si haberem quanto tu major es, pro quo dedisti te ipsum. Ecce nec plus habeo, nec quod habeo dare tibi possum sine te, sed accipe me tu, & trahere me ad te; ut tuus sim imitatione & dilectione, sicut tuus sum conditione & creatione. Qui vivis & regnas in sæcula, Amen.

## CAPVT XL.

*Oratio utilis.*

1. **D**omine Deus omnipotens, qui es trinus & unus, qui es semper in omnibus; & eras ante omnia, & eris semper in omnibus Deus benedictus in sæcula: tibi commendo hodie & omni tempore animam meam, corpus meum, visum, auditum, gustum, odoratum, & tactum: omnes cogitationes meas, affectiones, locutiones, actiones: omnia exteriora & interiora, sensum & intellectum, memoriam meam, fidem & credulitatem meam, & perseverantiam meam, in manus potentie tue: ut custodias ea diebus & noctibus, horis atque mo-

mentis. Exaudi me Trinitas sancta, & conserva me ab omni malo, ab omni scandalo, & ab omni mortali peccato, ab omnibus insidiis & infestationibus demonum, & inimicorum visibilium & invisibilium; per orationes Patriarcharum, per merita Prophetarum, per suffragia Apostolorum, per constantiam Martyrum, per fidem Confessorum, per castitatem Virginum, & per intercessionem omnium Sanctorum, qui tibi placuerunt ab initio mundi.

2. Expelle à me jactantiam mentis, & auge compunctionem cordis; minue superbiam meam, & perfice in me humilitatem veram; suscita in me fletum, mollifica cor meum durum & lapideum; libera me Domine & animam meam ab omnibus insidiis inimici, & conserva me in tua voluntate. Doce me Domine voluntatem tuam facere, quia Deus meus es tu. Da mihi Domine sensum perfectum & intellectum, ut suspicere valeam profundam benignitatem tuam. Illud da mihi petere, quod te audire delectet, & mihi exponat. Da mihi lachrymas ex toto affectu, quæ peccatorum meorum possint dissolvere vincula.

3. Audi Domine meus & Deus meus. Audi lumen oculorum meorum. Audi quæ peto; & da ut quod peto, exaudias. Si despicis, pereō; si respicis, vivo. Si justitiam meam requiris, mortuus fœteo: si cum misericordia respexeris, fœtentem resuscitas de sepulchro. Quod odis in me, longe fac à me, & castitatis ac continentie spiritum infunde in



me, quodcumque petiero in ipsa petiero, te non offendam. Tolle à me quod nocet, & præbe quod juvet. Præsta mihi, Domine, medicinam, unde mea possint curari vulnera. Da mihi Domine timorem tui, cordis compunctionem, mentis humilitatem, & conscientiam puram. Præsta mihi, Domine, ut fraternam semper tenere valeam charitatem: & mala mea non obliviscar, aliena non requiram.

4. Parce animæ meæ, parce malis meis, parce peccatis meis, parce criminibus meis. Visita me infirmum, cura me agram, sana me languentem, & suscita me mortuum. Da mihi Domine cor, quod te timeat; mentem, quæ te diligat; sensum, qui te intelligat; aures, quæ te audiant; oculos, qui te videant. Misere mei Deus, misere mei, & respice me de sede sanctæ Majestatis tuæ, & tenebras cordis mei radio splendoris tui illumina. Da mihi Domine discretionem discernendi inter bonum & malum: & concede, ut sensum habeam pervigilem. Peto à te Domine remissionem omnium peccatorum meorum à quo & per quem mihi fiat propitiatio in tempore necessitatis & angustiarum mearum.

5. Sancta & immaculata Virgo Dei genitrix Maria, & mater Domini nostri Iesu Christi, intervenire pro me digneris apud illum, cujus meruisti effici templum. Sancte Michael, sancte Gabriel, sancte Raphael, sancti chori Angelorum, Archangelorum, Patriarcharum atque Prophetarum, Apostolorum, Evangelistarum, Martyrum, Con-

feſſorum, Sacerdotum, Levitarum, Monachorum, Virginum, omniumque juſtorum, per illum qui vos elegit, & de cujus contemplatione gaudetis, vos rogare præſumo; ut pro me culpabili, ipſi Deo ſupplicare dignemini; quatenus de faucibus diaboli & de morte perpetua merear liberari. Largiri mihi digneris Domine perpetuam vitam, ſecundum clementiam ac benigniſſimam miſericordiam tuam.

6. Da Domine Ieſu Chriſte ſacerdotibus concordiam, regibus & principibus juſte judicantibus tranquillitatem & pacem. Oro Domine pro univerſa ſancta Eccleſia Catholica, pro viris & ſceminis, pro religioſis & ſecularibus, pro omnibus rectoribus Chriſtianorum, canctiſque in te credentibus, qui pro amore tui ſancto laborant, ut perfeverantiam boni operis obtineant. Præſta, Domine Rex æterne, Virginibus caſtiram, Deo dicatis continentiam, conjugatis ſanctimoniam, pœnitentibus indulgentiam, viduis & orphanis ſuſtentationem, pauperibus protectionem, peregrinantibus reditum, ludentibus conſolationem, deſunctis fidelibus requiem ſempiternam, navigantibus in portum venire ſalutis; optimis, ut in bonitate ſemper conſiſtant; bonis & mediocribus, ut meliores fiant; prave agentibus & delinquentibus, ut mihi miſero, ut cito ſe corrigant. O dulciſſime & miſericordiſſime Domine Ieſu Chriſte, fili Dei vivi, redemptor mundi, inter omnes & per omnia me miſerum peccatorem conſiteor.

7. Sed tu clementissime Pater & summe, qui omnium misereris, non me patiaris à tua misericordia fieri alienum. Et tu Domine Rex regum, qui inducias vivendi præstas, corrigendi mihi devotionem tribue. Excita in me mentem, quæ te requirat, te desideret, & te (qui es ubique totus trinus & unus) semper præ omnibus amet, te timeat, tuamque voluntatem faciat. Præcipue ergo te, Domine sancte Pater, deprecor, qui es benedictus & gloriosus per omnia sæcula, ut omnes qui mei memoriam faciunt in suis orationibus, & qui indignis orationibus meis se commendaverunt, & qui mihi aliquod charitatis officium & pietatis studium impenderunt: seu & illos, qui consanguinitate ac cognationis affectu sunt mihi propinqui, tam & illos, qui nunc consistunt in corpore, quam & illos qui teguntur funere, misericorditer gubernare digneris, ne pereant.

8. Omnibus etiam Christianis vivis adiutorium præstare digneris: & defunctis fidelibus absolutionem, & requiem sempiternam, per omnia sæcula. Nec non & illud magnopere supplico Domine, qui es  $\alpha$  &  $\omega$ , ut cum extrema dies mea finisque vitæ meæ advenerit, tu mihi sis misericors iudex contra malignum accusatorem diabolum; & sis mihi perpetuus defensor, adversus insidias hostis antiqui; & in societatem Angelorum, omniumque Sanctorum in sancto paradiso tuo me perseverare facias. Qui es benedictus in sæcula sæculorum,

## CAPVT XLI.

*Oratio deuota de recordatione passionis  
Christi.*

1. **D**omine Iesu Christe, redemptio mea, misericordia mea, salus mea: te laudo, tibi gratias ago; quamvis valde impares tuis beneficiis, quamvis multum expertes devotionis, quamvis macras à desiderata pinguedine dulcissimi tui affectus, ramen qualescunque gratias, non quales scio me debere, sed sicut potest conari, tibi perterrita anima mea. Spes cordis mei, virtus animæ meæ, compleat tua potentissima dignitas, quod conatur mea tepidissima imbecillitas, vita mea, tu finis intentionis meæ. Et si nondum merui tantum, quantum debitor sum amare, utique saltem desidero te amare quantum debeo.

2. Illuminatio mea, tu vides conscientiam meam, quia, Domine, ante te est omne desiderium meum, & tu donas siquid bene vult conscientia mea. Si bonum est, Domine, quod inspiras; imo, quia bonum est, ut te velim amare: da, quod me facis velle: da, ut quantum iubes, tantum te merear amare. Laudes & gratias offero, ne sit mihi donum tuum infructuosum, quod tua spontanea dedisti voluntate. Perfice quod incœpisti, & dona quod me benigne praueniendo, immeritum desiderare fecisti. Converte, benignissime, meum torporem in ferventissimum tui amorem. Ad hoc enim, clementissime, tendit hæc oratio mea, hæc memoria

ria &  
tui

3.

tua m  
mun  
tione  
bus i  
& ex  
corre  
niten  
spirat  
lerate  
te des  
ficut

præse  
dilect  
ego n  
mem

rum  
rum

fus es  
simul

admi  
teneo

adver  
sidero

nem.

4.

minu  
verlat

ret a  
Deus

ret. F  
stimat

ria & meditatio beneficiorum tuorum, ut tui accendas in me amorem.

3. Tua me, Domine, bonitas creavit; tua misericordia creatum ab originali peccato mundavit; tua patientia post illam emundationem Baptismi, in aliis peccatorum sordibus involutum hactenus toleravit, nutrit, & expectavit. Expectas tu, bone Domine correctionem, expectat anima mea ad pœnitendum, ad bene vivendum tuæ gratiæ inspirationem. Deus meus, creator meus, tolerator & nutritor meus, te sitio, te esurio, te desidero, ad te suspiro, & concupisco, & sicut pupillus benignissimi patris orbatus præsentia, flens & ejulans incessanter, ejus dilectam faciem toto corde amplectitur: sic ego non quantum debeo, sed quantum queo, memor passionis tuæ, memor alaparum tuarum, memor flagellorum, memor vulnorum tuorum, memor qualiter pro me occisus es, qualiter conditus, qualiter sepultus, simul memor tuæ gloriôsæ resurrectionis, & admirabilis ascensionis, hæc indubitata fide teneo, exilii mei arumnas desleo, spero tui adventus solam consolationem, ardentem desidero tui vultus gloriosam contemplationem.

4. Hei mihi! quia videre non potui Dominum Angelorum, humiliatum ad conversationem hominum, ut homines exaltaret ad conversationem Angelorum, cum Deus offensus moriebatur, ut peccator viveret. Heu, quod tam admirabili, tam inestimabili pietati præsens obstruere non merui!

merui ! Cur, ô anima mea, te præsertim non transfigit gladius doloris acutissimi, cum ferre non posses vulnerari lancea latus tui Salvatoris ? cum videre nequires violari clavis pedes, & manus tui plasmatore ? cum horrore effundi sanguinem tui Redemptoris ?

5. Cur non es inebriata lachrymarum amaritudine, cum ille potaretur amaritudine fellis ? Cur non es compassa castissimæ Virginis dignissimæ matri ejus, dignissimæ Domine tuæ ? Domina mea misericordissima, quos fontes dicam erupisse de tuis pudicissimis oculis, cum attenderes unicum filium tuum innocentem coram te ligari, flagellari, & mactari ? Quos fletus credam perfudisse piissimum tuum vultum, cum suspiceres eundem filium tuum, Deum & Dominum tuum in cruce sine culpa extendi, & carnem de carne tua ab impiis crudeliter dissecari ? Quibus singultibus, astimabo purissimum pectus tuum vexatum esse, cum tu audires : Mulier, ecce filius tuus. Et discipulus : Ecce mater tua. Cum acciperes discipulum pro magistro, servum pro domino.

6. Utinam cum felice Ioseph Dominum meum de cruce deposuisssem, aromatibus condidisssem, in sepulchro collocasssem ; ut saltem persecutus vel consecutus essem, ut tanto funeri non defuisset aliquid mei obsequii. Utinam cum beatis mulieribus, corusca visione Angelorum essem territus, & audisssem nuntium Dominicæ resurrectionis, nuntium meæ consolationis, nuntium tam expectatum, nuntium tam desideratum. Utinam,

nam, i  
lite tim  
surrexi  
sime,  
quia m  
raption  
vulner  
spectu l  
ri ? Ac  
bilis,  
à dolo  
meus,  
meo.

7. I  
Recess  
dixisti.  
nec aff  
es in c  
te redi  
faciam  
quand  
nuncia  
fecit ga  
tum r  
meum  
in arte  
nisi de  
in coele  
volo,  
meum  
tuum d  
tuam à  
8. A  
derelict

nam, inquam, audissem ex ore Angeli: Nolite timere vos: Iesum quæritis crucifixum, surrexit, non est hic, Benignissime, suavissime, serenissime, quando restaurabis mihi, quia non vidi illam beatæ tuæ carnis incorruptionem; quia non fui deosculatus loca vulnerum, fixuram clavorum? quia non respersi lachrymis gaudii cicatrices corporis veri? Admirabilis, inæstimabilis, incomparabilis, quando consolaberis & compesces me à dolore meo? Non enim cadit à me dolor meus, quamdiu peregrinus sum à Domino meo.

7. Heu mihi Domine! heu animæ meæ! Recessisti consolator animæ meæ, nec vale dixisti. Ingrediens vias tuas benedixisti tuis, nec affui. Elevatis manibus à nube susceptus es in cælum, nec vidi. Angeli promiserunt te rediturum, nec audiui. Quid dicam? quid faciam? quo vadam? ubi eum quæram? vel quando inveniam? quem rogabo? quis annuntiabit dilecto, quia amore langueo? Defecit gaudium cordis mei, versus est in luctum risus meus: defecit caro mea & cor meum, Deus cordis mei, & pars mea, Deus, in æternum. Renuit consolari anima mea, nisi de te dulcedo mea. Quid enim mihi est in cælo, & à te quid volui super terram? Te volo, te spero, te quæro, tibi dixit cor meum: Quæsi vultum tuum, vultum tuum Domine requiram, ne avertas faciem tuam à me.

8. Amator hominum benignissime, tibi derelictus est pauper, orphano tu eris adiutor.



tor. Mi advocate tutissime miserere mei, orphani derelicti; pupillus factus sum absque patre, anima mea quasi vidua. Respice orbitatis & viduitatis meae lachrymas, quas tibi offero donec redeas. Eia jam Domine, eia appare mihi, & consolatus ero. Exhibe praesentiam tuam, & consecutus ero desiderium meum. Revela gloriam tuam, & erit perfectum gaudium meum. Sitivit in te anima mea, quam multipliciter tibi caro mea. Sitivit anima mea ad Deum fontem vivum, quando veniam, & apparebo ante faciem Domini?

9. Quando venies, consolator meus? Quem expectabo? O si quando videbo gaudium meum, quod desidero! O si satiabor cum apparuerit gloria mea, quam esurio! O si inebriabor ab uberrate domus tuae, ad quam suspiro! Si potabis me torrente voluptatis tuae, quem sitio! Sint mihi, Domine, interim lachrymae meae panes die ac nocte, donec dicatur mihi: Ecce Deus tuus; donec audiat anima mea: Ecce sponsus tuus. Pasce interim me singultibus meis, refocilla me doloribus meis. Veniet fortasse redemptor meus, quia bonus est; nec tardabit, quia pius est. Ipsi gloria in saecula saeculorum, Amen.

*Meditationum finis.*

D I V I  
A V G V S T I N I

Hipponensis Episcopi,

LIBER SOLILOQUIORUM

*anima ad Deum.*

C A P V T I.

*De ineffabili dulcedine Dei.*



**C**ognoscam te Domine cognitor  
meus: cognoscam te virtus ani-  
mæ meæ. Ostende te mihi, con-  
solator meus: videam te lumen  
oculorum meorum. Veni gau-  
dium spiritus mei; videam te, lætitia cor-  
dis mei. Diligam te, vita animæ meæ. Ap-  
pare mihi delectatio mea magna, solatium  
meum dulce: Domine Deus meus, vita  
mea, & gloria tota animæ meæ. Inveniam  
te, desiderium cordis mei; teneam te, anima  
mea. Amplectar te sponse celestis,  
exultatio mea summa intus, & extra. Possi-  
deam te beatitudo sempiterna; possideam  
te in medio cordis mei, vita beata, dulcedo  
summa animæ meæ. Diligam te Domine  
fortitudo mea, Domine firmamentum  
meum, & refugium meum, & liberator  
meus. Amen te Deus meus, adjutor meus,  
turre fortitudinis mihi, & spes mea dulcis  
in omni tribulatione mea. Amplectar te

bo-

bonum, sine quo nihil bonum; fruar te optimo, sine quo nihil est optimum. Aperi penetralia aurium mearum, verbo penetrabiliiori omni gladio ancipiti, ut audiam vocem tuam. Intona, Domine, desuper voce grandi & forti. Tonet mare & plenitudo ejus, commoveatur terra, & omnia quæ in eis sunt.

2. Illustra oculos meos lux incomprehensibilis; fulgura coruscationem, & dissipa eos, ut non videant vanitatem. Fulgura multiplicata, & conturba eos; appareant fontes aquarum, & revelentur fundamenta orbis terrarum. Tribue visum, lux invisibilis, qui te videat. Crea novum olfactum, odor vitæ, qui post te currat in odorem unguentorum tuorum. Gustum sana, qui sapiat & cognoscat & discernat, quam magna multitudo dulcedinis tuæ Domine, quam abscondisti his, qui pleni sunt charitatis tuæ. Da cor, quod te cogitet: animum, qui te diligit: mentem, quæ te recolat: intellectum, qui te intelligat: rationem, quæ tibi semper summo delectabili fortiter adhaereat. Te semper amor sapiens diligit. O vita, cui omnia vivunt: vita, qua dat mihi vitam: vita, quæ est mea vita, per quam vivo, sine qua mortior vita, per quam resuscitor, sine qua pereor: vita, per quam gaudeo, sine qua tribulor. Vita vitalis, dulcis & amabilis, semper memorabilis, ubi quaeso es? Vbi te inveniam, ut in me deficiam, & in te subsistam? Prope esto in animo, prope in corde, prope in ore, prope in auribus, prope in auxilio: quia  
amore

amore langueo, quia sine te morior, quia te recolens suscitor. Odor tuus me recreat, memoria tui me sanat: sed satiabor cum apparuerit gloria tua, vita animæ meæ. Concupiscit & deficit anima mea de memoria tua, quando veniam & apparebo tibi, lætitia mea?

3. Quare faciem tuam avertis, gaudium meum per quod gaudeo? Vbi est absconditus pulcher quem desidero? Odorem tuum haurio, vivo, & gaudeo: te autem non video. Vocem tuam audio, & revivisco. Sed cur faciem tuam abscondis? Forte dicis: Non videbit me homo, & vivet. Eja Domine moriar, ut te videam: videam ut hic moriar. Nolo vivere, volo mori: dissolvi cupio, & esse cum Christo. Mori desidero, ut videam Christum: vivere renuo, ut vivam cum Christo. O Domine Iesu, accipe spiritum meum: Vita mea, suscipe anima meam: Gaudium meum, attrahe cor meum: Dulcis cibis meus, comedam te: Caput meum, dirige me: Lumen oculorum meorum, illumina me: Melos meum, tempera me: Odor meus, vivifica me: Verbum Dei, recrea me: Laus mea, lætificā animam servi tui. Intra in eam, Gaudium meum, ut in te gaudeat. Intra in eam, Dulcedo summa, ut dulcia sapiat. Lumen æternum, illustra super eam, ut te intelligat, cognoscat, & diligat. Ob hoc enim non te diligit, Domine, si te non diligit, quia non te cognoscit: & te ideo non cognoscit, quia non intelligit: & idcirco non intelligit, quia lumen tuum non

comprehendit: & lux in tenebris lucet, & tenebrae eam non comprehenderunt.

4. O lux mentis, o lucens veritas, ô vera claritas, quæ illuminas omnem hominem venientem in hunc mundum! Venientem quidem, sed non diligentem: quia qui diligit mundum, inimicus Dei constituitur. Expelle tenebras deluper faciem abyssi mentis meæ, ut videat te intelligendo, ut cognoscat te comprehendendo, ut diligat te cognoscendo. Quisquis enim cognoscit te, diligit te; se obliviscitur, amat te plusquam se; relinquit se, & venit ad te, ut gaudeat de te. Hinc est ergo, Domine, quod non tantum diligo, quantum debeo; quia non plane cognosco te: sed quia parum cognosco, parum diligo; & quia parum diligo, parum in te gaudeo. Sed à te vero gaudio interiori per exteriora recedens, dum te solo careo, adulterinas amicitias in his exterioribus quero. Et sic miser ego, cor meum, quod tibi soli debui toto amore totoque affectu impendere, vanis dedi: & ideo vanus effectus sum, dum vanitatem dilexi. Hinc etiam est, Domine, quod in te non gaudeo & tibi non adhæreo: quia ego in exterioribus, tu in interioribus: ego in temporalibus, tu in spiritualibus: ego in transitoriis animo diffundor, cogitatione versor, loquutione implicor, & tu Domine in æternis habitas, & æternitas es: Tu in cœlo, ego in terra: Tu diligis alta, ego infima: Tu cœlestia, ego terrestria. Et quando poterunt hæc contraria convenire?

## CAPVT II.

*De miseria & fragilitate hominis.*

1. **M**iser ego, quando poterit obliquitas mea tuæ rectitudini adequari? Tu Domine diligis solitudinem, ego multitudinem: tu silentium, ego clamorem: tu veritatem, ego vanitatem: tu munditiam, ego immunditiam sequor. Quid plura Domine? Tu vere bonus, ego malus: tu pius, ego impius: tu sanctus, ego miser: tu iustus, ego iniustus: Tu lux, ego cæcus: tu vita, ego mortuus: tu medicina, ego æger: tu gaudium, ego tristitia. Tu summa veritas, ego uniuersa vanitas: ut omnis homo vivens. Heu quid igitur ô Creator dicam? Audi ô Creator. Creatura tua sum, jam perii: creatura tua sum, jam morior. Factura tua sum, jam ad nihilum redigor. Plasma tuum sum: Manus tuæ Domine fecerunt me, & plasinauerunt me: manus inquam illæ, quæ affixæ clavis sunt pro me. Opus manuum tuarum Domine ne despicias; vulnera manuum tuarum precor ut aspicias. Ecce in manibus tuis Domine Deus descripsisti me. Lege ipsam scripturam, & salva me. En ad te suspiro creatura tua: Creator es, recrea me. En ad te clamo factura tua. vita es, vivifica me. En ad te respicio tuum plasma: Plasmator es, restaura me. Parce mihi Domine, nihil enim sunt dies mei.

2. Quid est homo, ut possit alloqui Deum factorem suum? Parce mihi colloquenti tibi. Ignosce seruo tuo, qui presumit loqui tanto

Domino : Legem non habet necessitas. Dolor me compeilit dicere : calamitas quam patior, cogit me exclamare : Agrotus sum, ad medicum clamo : cæcus sum, ad lucem propero : mortuus sum, ad vitam suspiro. Tu es medicus, tu lux, tu vita : Iesu Nazarene, miserere mei, fili David miserere mei. Fons misericordiae, audi, quid ad te clamat infirmus. Lux quæ transis, expecta cæcum, præbe ei manum, ut ad te veniat : & in lumine tuo videat lumen. Vita vivens, revoca mortuum. Quid sum ego, qui loquor tecum ? Væ mihi Domine, parce mihi Domine. Ego cadaver putridum, esca vermium, vas foetidum, cibus ignium. Quid sum ego, qui loquor tecum ? Væ mihi Domine, parce mihi Domine. Infelix ego homo. Homo, inquam, natus de muliere, brevi vivens tempore, repletus multis miseriis : homo (inquam) vanitati similis factus, comparatus jumentis insipientibus, & jam similis factus illis.

3. Quid iterum ego ? Abyssus tenebrosa, terra misera ; filius iræ, vas aptum in contumeliam : genitus per immunditiam, vivens in miseria, moriturus in angustia. Heu miser, quid sum ? quid futurus sum ? Vas sterquilini, concha putredinis, plenus fœtore & horrore : cæcus, pauper, nudus, plurimis necessitatibus subditus, & ignorans introitum & exitum meum, miser & mortalis. Cujus dies sicut umbra prætereunt, cujus vita sicut umbra lunatica evanescit, sicut flos in arborescitur, & statim inarcescit, nunc floret.

& sta-



& statim aret. Vita (inquam) mea, vita fragilis, vita caduca, vita quæ quanto magis crescit, tanto magis decrescit: quanto magis procedit, tanto magis ad mortem accedit. Vita fallax & umbratica, plena laqueis mortis. Nunc gaudeo, statim tristor; nunc vivo, statim morior; nunc felix appareo, semper miser; nunc rideo, jam fleo. Sicque omnia mutabilitati subjacent, ut mihi vix una hora in uno statu permaneat. Hinc timor, hinc tremor, hinc fames, hinc sitis, hinc calor, hinc frigus, hinc languor, inde dolor exuberat. Subsequitur his importuna mors, quæ mille modis quotidie miseros homines inopinate rapit. Hunc necat febribus, illum opprimit doloribus: hunc consumit fames, illum sitis extinguit: hunc suffocat aquis, illum interimit laqueo: illum perimit flammis, alium dentibus bestiarum ferocium vorat: hunc trucidat ferro, illum veneno corrumpit, alterum tantum repentino terrore miseram vitam finire compellit. Et nunc super hæc omnia magna miseria, quia cum nihil sit certius morte, ignorat tamen homo finem suum. Et cum stare putat, colliditur, & perit spes ejus. Nescit enim homo quando, vel ubi, vel quomodo morietur, & tamen certum est, quod eum mori oporteat.

4. Ecce, Domine, quam magna miseria hominis, in qua sum, nec timeo: quam grandis calamitas quam patior, nec doleo, & ad te non clamo. Clamabo, Domine, antequam transeam, si forte non transeam, sed in te me-

neam. Dicam ergo, dicam miseriam meam:  
confitear, nec erubescam. ante te vilitatem  
meam. Adjuva me fortitudo mea, per quam  
sabilevor: succurre virtus, per quam susten-  
tor: veni lux, per quam video: appare glo-  
ria, per quam gaudeo: appare vita, in qua  
vivam, o Domine Deus meus.

### C A P V T III.

*De admirabili lumine Dei.*

1. **O** Lux quam videbat Tobias, quando  
oculis clausis docebat filium suum  
viam vitæ. Lux quam videbat Isaac interius,  
quando caligantibus oculis exterius filio fu-  
tura narrabat. Lux (inquam) invisibilis, cui  
omnis abyssus humani cordis est visibilis.  
Lux quam Iacob videbat, quando sicut tu  
intus docebas, filiis exterius ventura prædi-  
cebat. Ecce tenebræ sunt super faciem abyssi  
mentis meæ, tu es lumen. Ecce caligo tene-  
brosa super aquas cordis mei, tu es veritas.

2. O Verbum, per quod facta sunt omnia,  
& sine quo factum est nihil! Verbum quod  
est ante omnia, & ante quod nihil. Verbum  
regens omnia, sine quo nihil sunt omnia.  
Verbum, quod dixisti in principio, fiat lux,  
& facta est lux. Dic etiam mihi, fiat lux, &  
facta sit lux; & videam lumen, & cogno-  
scam quidquid non est lumen: quia sine te,  
mihi tenebræ lumen, & lumen tenebræ po-  
nuntur. Et sic sine tua luce non est veritas.  
Adest error, adest vanitas; non est discretio,  
adest confusio: adest ignorantia, non est  
scientia: adest cecitas, non est visio: adest  
inivium, non est via: adest mors, non est  
vita.

C A-

## CAPUT IV.

*De mortalitate humana nature.*

1. **E**cce Domine, quia lux non est, mors est: immo non est mors, quia nihil est mors. Nam per ipsam ad nihilum tendimus, dum nos nihil facere per peccatum non formidamus. Et iuste quidem hoc Domine: Nam digna factis recipimus, dum ad nihilum devenimus, tanquam aqua decurrens; quia sine te factum est nihil, & nos faciendo nihil, facti sumus nihil; quia sine te sumus nihil, per quem facta sunt omnia, sine quo factum est nihil. O Domine Verbum! O Deus Verbum, per quod facta sunt omnia, sine quo factum est nihil! Væ mihi misero toties obsecrato; quia tu lux, & ego sine te! Væ mihi misero toties vulnerato; quia tu salus, & ego sine te! Væ mihi misero toties infatuato, quia tu es veritas, & ego sine te! Væ mihi misero toties aberrato, quia tu via, & ego sine te! Væ mihi misero toties mortuo, quia tu vita, & ego sine te! Væ mihi misero toties annihilato, quia tu es Verbum, per quod facta sunt omnia, & ego sine te, sine quo factum est nihil.

2. O Domine Verbum! ô Deus Verbum! qui es lux, per quem facta est lux, qui es via, veritas, & vita: in quo non sunt tenebræ, error, vanitas, neque mors. Lux, sine qua tenebræ; via, sine qua error; veritas sine qua vanitas; vita, sine qua mors. Dic verbum Domine, fiat lux, ut videam lucem, & vitem tenebras:

bras : videam viam , & vitem invium ; videam veritatem , & vitem vanitatem ; videam vitam , & vitem mortem . Illuminare Domine lux mea , illuminatio mea , & salus mea , quem timebo : Dominus meus , quem laudabo . Deus meus , quem honorabo : Pater meus , quem amabo : sponsus meus , cui me servabo . Illuminare ( inquam ) illuminare lux huic cæco tuo , qui in tenebris & in umbra mortis sedet , & dirige pedes ejus in viam pacis , per quam ingrediar in locum tabernaculi admirabilis usque ad domum Dei , in voce exultationis & confessionis . Vera enim confessio est via per quam ingrediar ad te viam , per quam egrediar ab invio & revertar ad te viam , quia tu es vera via vitæ .

## C A P V T V .

*Quid sit nihil fieri.*

I. **C**onfitear ergo , confitear tibi Pater Domine cali & terræ , miseriam meam : ut me venire liceat ad misericordiam tuam . Miser quippe factus sum , & ad nihilum redactus sum , & nescivi : quia tu es veritas , & ego non eram tecum . Vulneraverunt me iniquitates meæ , & non dolui , quia tu es vita , & ego non eram tecum . Ad nihilum duxerunt me , quia tu es Verbum , & ego non eram tecum , per quem facta sunt omnia , sine quo factum est nihil : & ideo sine te factus sum nihil , quia nihil est , quod ad nihilum ducit . Omnia per Verbum facta sunt , quæcunque facta sunt . Et qualia facta sunt ? Vidit Deus cuncta quæ fecerat , & erant valde

valde bona. Omnia quaecunque facta sunt, per Verbum facta sunt: & quaecunque per Verbum facta sunt, valde bona sunt. Quare bona sunt? quia omnia per Verbum facta sunt, & sine ipso factum est nihil, quia nihil bonum sine summo bono est. Sed malum est, ubi non est ullum bonum, quod utique nihil est: quia nihil aliud est malum, quam privatio boni; sicut nihil aliud est cecitas, quam privatio luminis.

2. Malum itaque nihil est; quia sine Verbo factum est, sine quo factum est nihil. Illud autem malum est, quod privatur illo bono, per quod omnia facta sunt, quaecunque sunt. At quae non sunt, per ipsum facta non sunt, & ideo nihil sunt. Et ideo mala sunt, quae facta non sunt: quia omnia quaecunque facta sunt, per Verbum facta sunt; & omnia per Verbum bona facta sunt. Cum igitur omnia per Verbum facta sunt, mala per ipsum non sunt. Restat igitur, quod omnia, quae facta non sunt, bona non sunt; quia omnia quaecunque facta sunt, bona sunt: & ideo mala sunt, quia facta non sunt: & ideo nihil sunt, quia sine Verbo factum est nihil. Malum igitur nihil est, quia factum non est. Sed qualiter malum est, si factum non est? Quia malum privatio boni est, per quod factum bonum est. Esse ergo sine Verbo, malum est; quod esse non est, quia sine ipso nihil est. Sed quid est separari à Verbo?

3. Si hoc quæris scire, audi, quid est Verbum. Verbum Dei dicit: Ego sum via,

H 5

veritas,

veritas, & vita. Separari ergo à Verbo, est esse sine via, sine veritate, sine vita; & ideo sine ipso nihil, & ideo malum, quia separatur à Verbo, per quod omnia facta sunt valde bona. Separari autem à Verbo, per quod omnia facta sunt, nihil aliud est, quam deficere: & à facto transire in defectum; quia sine ipso est nihil. Quoties ergo à bono devias, à Verbo te separas, quia ipsum est bonum: & ideo nihil effeceris, quia sine Verbo es, sine quo factum est nihil. Nunc igitur Domine illuminasti me, ut viderem te; vidi, & cognovi me: quia toties nihil tactus sum, quoties à te separatus sum; quia bonum, quod tu es, oblitus sum; & ideo malus effectus sum. Væ mihi misero, ut quid hoc non cognoscebam, quia te deserens nihil fiebam! Sed quid hoc quero? Si nihil eram, quomodo cognoscere nolebam? Scimus quia malum nihil est: & quod nihil est, non est, & quod non est bonum, non est, quia nihil est. Si ergo nihil fui; cum sine te fui, quasi nihil fui, & velut idolum, quod nihil est. Quod quidem aures habet, & non audit: nares habet, & non odorat: oculos habet, & non videt: os habet, & non loquitur: manus habet, & non palpat: pedes habet, & non ambulat: & omnia lineamenta habet membrorum sine sensu eorum.

## CAPVT VI.

*De casu anima in peccatis.*

1. **C**Um igitur fui sine te, non fui, sed nihil fui, & ideo cæcus eram, surdus & insensibilis: qui nec bonum discernebam, nec malum fugiebam: nec dolorem vulnrum sentiebam, nec tenebras meas videbam, quia eram sine te vera luce, quæ illuminas omnem hominem venientem in hunc mundum. Væ mihi! vulneraverunt me, & non dolui; traxerunt me, & non sensi; quia nihil eram, quia sine vita eram, quæ est Verbum, per quod facta sunt omnia. Ideo Domine lux mea, inimici mei de me fecerunt quæcunque voluerunt, percusserunt, nudaverunt, polluerunt, corruperunt, vulnerarunt, & occiderunt me: quia recessi à te & factus sum nihil sine te.

2. Heu Domine vita mea, qui fecisti me; lux mea, qui direxisti me! Defensor vitæ meæ miserere mei, & resuscita me Domine Deus meus, spes mea, virtus mea, fortitudo mea, consolatio mea. In die tribulationis meæ, respice inimicos meos, & eripe me: fugiant à facie mea qui oderunt me, & ego vivam in te, per te. Ipsi enim Domine consideraverunt me: & videntes me sine te, despexerunt me. Diviserunt sibi vestimenta virtutum, quibus ornaveras me: fecerunt sibi viam per me: sub pedibus suis conculcaverunt me: facibus peccatorum polluerunt templum sanctum tuum: posuerunt me desolatum, & mœrore confectum. Ibam  
post



post eos cæcus & nudus, & illaqueatus finibus peccatorum. Trahebant me post se in circuitu de vitio in vitium, & de luto in lutum, & ibam absque fortitudine ante faciem subsequenter. Servus eram, & servitutem amabam: cæcus eram, & cæcitatem desiderabam: victus eram, & vincula non horrebam. Amarum dulce, & dulce amarum credebam.

3. Miser eram, nec cognoscebam: & hoc quia sine Verbo eram, sine quo factum est nihil, per quod omnia conservantur, sine quo omnia annihilantur. Sicut enim omnia per ipsum facta sunt, & sine ipso factum est nihil; sic per ipsum omnia conservantur, quæcunque sunt sive in cælo, sive in terra, sive in mari, & in omnibus abyssis. Nec pars parti in lapide adhæret, nec in aliquo creatorum: nisi quia per Verbum conservantur, per quod omnia facta sunt. Adhæream ergo tibi Verbo, ut conserves me; quia ubi à te recessi, perii in me: nisi quia tu, qui me feceras, refecisti me. Ego peccavi, tu me visitasti: ego cecidi, tu me erexisti: ego ignoravi, tu me docuisti: ego non vidi, tu me illuminasti.

## CAPVT VII.

*De multiplicibus beneficiis Dei.*

1. **M**iser ego, Deus meus, quantum te neor diligere te, ostende mihi; quantum debeo laudare te, demonstra mihi; quantum debeo placere tibi, innotesce mihi. Intona, Domine, desuper voce grandi & forti  
in

in interiorem aurem cordis mei: doce me, & salva me: & collaudabo te, qui creasti me cum nihil essem; qui illuminasti me, cum in tenebris essem; qui resuscitasti me, cum mortuus essem; qui pavisti me à juventute mea omnibus bonis tuis. Hunc inutilem vermem, foetentem peccatis, nutris omnibus optimis donis tuis.

2. Aperi mihi, ô clavis David qui aperis, & nemo claudit illi, cui tu aperis: claudis, & nemo aperit illi, cui tu claudis. Aperi mihi ostium lamenis tui, ut ingrediar, & videam, & cognoscam, & confitear tibi in toto corde meo, quia misericordia tua magna est super me, & eruisti animam meam ex inferno inferiori. Domine Deus noster, quam admirabile & laudabile est nomen tuum in universa terra! Ecquid est homo, quod memor es ejus? aut filius hominis, quoniam visitas eum? Domine spes Sanctorum, & turris fortitudinis eorum. Deus vita animæ meæ, per quam vivo, sine qua morior. Lumen oculorum meorum, per quod video, sine quo orbor. Gaudium cordis mei & lætitia spiritus mei, diligam te toto corde meo, & toto animo meo, & totis medullis & visceribus meis, quia tu prior dilexisti me.

3. Et unde hoc mihi, ô Creator cœli & terræ, & abyssi, qui bonorum meorum non indiges, unde hoc mihi quod dilexisti me? O sapientia, quæ aperis os mutorum! ô Verbum, per quod facta sunt omnia: aperi os meum, da mihi vocem laudis, ut enarrem omnia beneficia tua; quæ mihi,

mihi, Domine, à principio contulisti. Ecce enim sum, quia tu creasti me: & quod me creares, & in numero creaturarum tuarum numerares, ab æterno tu præordinasti antequam quicquam faceres à principio, antequam extenderes cælos, necdum erant abyssi: adhuc terram non feceras, nec montes fundaveras, necdum fontes eruperant: antequam hæc omnia quæ fecisti per Verbum faceres, me creaturam tuam fore, certissima veritatis tuæ providentia prævidisti, & esse me creaturam tuam voluisti.

4. Et hoc unde mihi, Domine benignissime, Deus altissime, pater misericordissime, creator potentissime, & semper mitissime, quæ mea merita, quæ mea gratia, ut complaceret ante conspectum tuæ magnificæ maiestatis, creare me? Non eram, & creasti me: nihil fueram, & de nihilo me aliquid fecisti. Quale autem aliquid? Non stillam aquæ, non ignem, non avem vel piscem, non serpentem, vel aliquid ex brutis animalibus, non lapidem vel lignum; non ex eorum genere, quæ tantum habent esse; vel ex eorum, quæ tantum esse possunt, & crescere; non ex eorum genere, quæ tantum esse & crescere & sentire possunt: sed super omnia hæc, voluisti me esse ex his, quæ habent esse, quia sum: & ex his, quæ habent esse & crescere, quia sum & cresco: & ex his quæ sunt, crescunt & sentiunt: quia sum, cresco, & sentio. Et paulo minus parem me creasti Angelis; quia rationem te cognoscendi, cum ipsis à te communem accepi. Sed  
paulo

paulo mi  
libem no  
autem p  
speculun  
ex parte.

1. S E  
ev  
jam reve  
Quid jam  
paulo m  
corona  
coronave  
tuos, ho  
res, & a  
ras tua d  
Dei sunt  
Angelis  
filius ho  
que con  
Non hor  
lis, non u  
superior  
homo, n  
2. Et  
creaturar  
erat in  
bum, pe  
est lux,  
per quon  
idem Ve  
in nobis,

paulo minus utique dixi. Nam illi tuam fœlicem notitiam jam habent per speciem, ego autem per spem, illi facie ad faciem, ego per speculum in ænigmate; illi plene, ego autem ex parte.

## CAPVT VIII.

*De dignitate hominis futura.*

1. **S**ed cum venerit, quod perfectum est, evacuabitur, quod ex parte est, quando jam revelata facie, tuam faciem videbimus. Quid jam prohibebit nos non esse minores paulo minus ab Angelis, quos tu Domine corona spei, quæ ornata est gloria & honore, coronaveris: quos tu nimis, quasi amicos tuos, honorificaveris: immo per omnia pares, & æquales Angelis? Nempe & hoc veritas tua dicit: Æquales sunt Angelis, & filii Dei sunt. Quidni filii Dei sunt, si pares fiunt Angelis? Vere quidem erunt filij Dei, quia filius hominis factus est filius Dei. Hoc utique consideranti mihi: fiducia est dicere: Non homo minor paulo minus est ab Angelis, non utique tantum æqualis Angelis, sed superior Angelis, quia homo Deus, & Deus homo, non Angelus.

2. Et dicam propter hoc, hominem esse creaturam dignissimam, quia Verbum, quod erat in principio Deus apud Deum: Verbum, per quod Deus dixit: Fiat lux, & facta est lux, Angelica scilicet natura: Verbum, per quod Deus creavit omnia in principio; idem Verbum caro factum est, & habitavit in nobis, & vidimus gloriam ejus. Ecce gloria,

ria, per quam glorior, quando sane glorior. Ecce gaudium, per quod gaudeo, quando sane gaudeo. Domine Deus meus, vita & tota gloria animæ meæ. Confiteor ergo tibi Domine Deus meus: cum me creasti rationis capacem: Angelis quodammodo parem creasti, quia perfici possum per Verbum tuum, ut veniam ad æqualitatem Angelorum, ut habeam adoptionem filiorum, per unigenitum Verbum tuum Domine; per filium tuum dilectum in quo tibi bene complacuit, per unicum coheredem & consubstantialem tibi & coeternum Iesum Christum unicum Dominum redemptorem nostrum, illuminatorem & consolatorem nostrum, advocatum nostrum apud te, & lumen oculorum nostrorum, qui est vita nostra, & Salvator noster, & spes unica nostra, qui nos dilexit magis quam se, per quem habemus fiduciam repositam & firmam apud te spem, & accessum veniendi ad te, quoniam dedit potestatem filios Dei fieri his, qui credunt in nomine ejus.

3. Laudem tribuam nomini tui, Domine, qui me ad imaginem & similitudinem tuam creando, tantæ gloriæ fecisti me fore susceptibilem, ut possim filius Dei fieri. Hoc utique non possunt arbores, non possunt lapides, non generaliter omnia, quæ moventur vel crescunt in aëre, vel in mari, vel in terra; quia non dedit eis potestatem per Verbum suum filios Dei fieri, quia rationem non habent. Nam & hæc potestas in ratione consistit, per quam cognoscimus

Deum:

Deum  
nibus  
nem &  
Domine  
filius te  
non po

4. V  
ma, ver  
creatur  
ut poss  
possunt  
qui om  
mines  
Non e  
antece  
bonitat  
suere  
merita  
hac cr  
quam  
tione,  
illa:  
ego sol  
mea gr  
pibile  
gares  
tantur  
ut esse  
gratia.  
Domine  
feram g

Deum : dedit autem hanc potestatem hominibus, quos creavit rationabiles ad imaginem & similitudinem suam. Et ego utique, Domine, per tuam gratiam homo sum : & filius tuus esse possum per gratiam, quod illa non possunt.

4. Vnde hoc mihi, Domine, veritas summa, veraque summitas, principium omnium creaturarum ? Vnde hoc mihi, Domine, ut possim fieri filius Dei, quod illa non possunt ? Tu es, qui manes in aeternum, qui omnia creasti simul. Simul creasti homines & iumenta, lapides & virentia terræ. Non enim præcesserunt merita, nulla eorum antecessit gratia : quia omnia tua tantum bonitate creasti : & pares omnes creature fuere in meritis, quia omnium nulla fuere merita. Et unde ergo magis tua bonitas in hac creatura tua, quam fecisti rationalem, quam in omnibus aliis, quæ sunt sine ratione, apparuit ? Quare non ego, sicut omnes illæ : aut cur non omnes illæ sicut ego, aut ego solus sicut illæ ? Quæ mea merita, quæ mea gratia, ut me filium Dei posse fieri susceptiblem creares, quod illis omnibus denegares ? Absit, Domine, ut hoc sentiam. Tua tantum gratia, tua tantum bonitas hoc fecit, ut essem particeps dulcedinis ejus. Illa igitur gratia, qua me de nihilo creasti, illam, quæso Domine, da mihi gratiam ut tibi de hoc referam gratiam.

## C A P V T IX.

*De omnipotentia Dei.*

1. **O**mnipotens manus tua semper una & eadem creavit in cœlo Angelos & in terra vermiculos : non superior in illis , non inferior in istis. Sicut enim nulla alia manus Angelum , ita nulla posset creare vermiculum. Sicut nulla cœlum , ita nulla posset creare minimum arboris folium : sicut nulla corpus , ita nulla ullum capillum album posset facere , aut nigrum : sed omnipotens manus tua , cui omnia pari modo sunt possibilia.

2. Nec enim possibilius est ei creare vermiculum , quam Angelum ; nec impossibilius extendere cœlum , quam folium ; nec levius formare capillum , quam corpus ; nec difficilius fundare terram super aquam , quam aquas super terram. Sed omnia , quæcunque voluit , fecit , sicut voluit in cælo & in terra , in mari , & in omnibus abyssis ; & me inter omnia , sicut voluit , potuit , & scivit. Potuit quidem manus tua Domine me lapidem , vel avem , vel serpentem , vel belluam aliquam creare , & scivit : sed noluit propter suam bonitatem. Quare ergo ego non sum lapis vel arbor , vel aliqua bellua ? Quia sic ordinavit bonitas tua : & ut hoc ordinaret , non præcesserunt merita mea.



## CAPVT X.

*De incōprehensibili laude Dei.*

1. **V**Nde hoc mihi Domine, unde mihi laudes ad laudandum te? Sicut enim fecisti me sine me, sicut complacuit ante te; ita laus tibi est sine me, sicut complacet ante te. Ante te Domine laus tua tu ipse es. Laudent te opera tua secundum multitudinem magnitudinis tuæ; Laus tua Domine incomprehensibilis est: corde non comprehenditur, ore non mensuratur, aure non percipitur: quia ista transeunt, & laus tua Domine manet in æternum. Cogitatio incipit, & cogitatio finitur; vox sonat, vox transit; auris audit, & auditus desinit; laus vero tua in æternum stat.

2. Quis ergo est, qui te laudet? Quis homo annunciet laudem tuam? Laus tua perpetua est, transitoria non est. Hic te laudat, qui te ipsum laudem tuam credit. Hic te laudat, qui se ipsum nescit in tuam laudem non posse pertingere. Laus perpetua, quæ nunquam transit; in te est laus nostra, in te laudabitur anima mea. Non nos te laudamus, sed tu te, & per te, & in te: & nobis etiam est laus in te. Tunc veram habemus laudem, quando à te habemus laudem, quando lux approbat lucem: quia tu vera laus, tribuis veram laudem. Quoties autem ab alio quam à te quaerimus laudem, toties tuam amittimus laudem: quia illa transitoria est, sed tua æterna. Si transitoriam quaerimus, æternam amittimus laudem. Si æternam volumus, transito-

1 2

riam

riam non amemus. Laus æternæ in  
Deus meus; à quo omnis laus, hinc quo  
nulla est laus. Non valeo laudare te sine te.  
Habeam te, & laudabo te. Quid enim ego  
sum, Domine, per me, ut laudem te? Pulvis  
& cinis ego sum, canis mortuus & foetens  
ego sum, vermis & putredo ego sum. Quis  
ego sum, ut laudem te, Domine Deus fortis-  
sime, spiritus universæ carnis, qui inhabitas  
æternitatem?

3. Nunquid tenebræ laudabunt lucem,  
aut mors vitam? Tu lux, ego tenebræ: tu  
vita, ego mors. Nunquid vanitas veritatem  
laudabit? Tu es veritas, ego vero homo si-  
milis factus vanitati. Quid ergo, Domine,  
laudabo te? Nunquid miseria mea laudabit  
te? Nunquid foetor laudabit odorem? Nun-  
quid mortalitas hominis, quæ hodie est, &  
cras tollitur, laudabit te? Nunquid laudabit  
te homo putredo, & filius hominis vermis?  
Nunquid laudabit te, Domine, qui in pecca-  
tis conceptus est, & natus, & nutritus? Non  
est enim speciosa laus in ore peccatoris. Lau-  
det te, Domine Deus meus, incomprehen-  
sibilis potentia tua, incircumscriptibilis sapien-  
tia tua, & ineffabilis bonitas tua. Laudet te  
supereminens clementia tua, superabundans  
misericordia tua, sempiterna quoque virtus  
& divinitas tua. Laudet te omnipotentissima  
fortitudo tua, summa quoque benignitas &  
charitas tua, per quam creasti nos, Domine  
Deus, vita animæ meæ.

## CAPVT XI.

*De spe erigenda ad Deum.*

1. **E**Go autem creatura tua sub umbra alarum tuarum sperabo in bonitate tua, qua creasti me. Adjuva creaturam tuam, quam creavit benignitas tua. Non pereat in malitia mea, quod operata est bonitas tua: non pereat in miseria mea, quod fecit summa clementia tua. Quæ est enim utilitas in creatione tua, si descendam in corruptionem meam? Nunquid enim vane Deus constituisti omnes filios hominum? Creasti me, Domine, rege quod creasti. Opera manuum tuarum ne despicias Deus. Me fecisti de nihilo: si me non regis, Domine, iterum revertar ad nihilum. Sicut enim, Domine, non eram, & de nihilo fecisti me; sic si me non regis, adhuc ad nihilum redigar in me.

2. Adjuva me, Domine, vita mea, ne peream in malitia mea. Si non creasses me, Domine, non essem: quia creasti me, jam sum. Si non regis, jam non sum. Non enim mea merita, non mea gratia te coegerunt, ut creares me, sed benignissima bonitas tua, & clementia tua. Illa charitas tua, Domine Deus meus, quæ te ad creationem coëgit, ipsa (quæso) modo cogat te ad regendum. Quid enim prodest, quod te compulit charitas tua ad creandum, si peream in miseria mea, & non me regat dextera tua? Hæc te cogat, Domine Deus meus, clementia, ad salvandum quod creatum est, quæ te compulit

creare quod creatum non est. Ipse te vincat  
charitas ad salvandum, quæ te vicit ad circum-  
dum, quia nec nunc minor est, quia ipsa cha-  
ritas tu ipse es, qui semper idem es: non est  
abbreviata manus tua, Domine, ut salvare  
nequeat; neque aggravata est auris tua, ut  
non audiat; sed peccata mea diviserunt inter  
me & te, inter tenebras & lucem, inter ima-  
ginem mortis & vitam, inter vanitatem &  
veritatem, inter lunaticam hanc vitam  
meam, & sempiternam tuam.

## C A P V T XII.

*De laqueis concupiscentiarum.*

1. **H**Æ sunt umbræ tenebrarum, quibus  
superior in hac abyſſo caliginosi car-  
ceris hujus: in qua prostratus jaceo, donec  
aspiret dies & inclinentur umbræ, fiatque lux  
in firmamento virtutis tuæ. Vox Domini in  
virtute, vox Domini in magnificentia, di-  
cat: Fiat lux, & effugentur tenebræ: & appa-  
reat arida, germinetque terra herbam viren-  
tem, & facientem semen & fructum bonum  
justitiæ regni tui. Domine Pater & Deus,  
vita, per quam omnia vivunt, & sine qua  
omnia mortua computantur, ne derelinquas  
me in cogitatu maligno, & extollentiam  
oculorum meorum ne dederis mihi: aufer à  
me concupiscentias, & animo irreverenti &  
insanito ne tradas me; sed posside cor  
meum, ut te cogitet semper.

2. Illumina oculos meos, ut te videant,  
& non extollantur ante te gloria sempiter-  
na: sed humiliter sentiant non in mirabili-  
bus

te; & quæ à dexteris sunt videant,  
 on quæ à sinistris abs te. Et palpebræ tuæ  
 præcedant gressus meos; nam & palpebræ  
 tuæ interrogant filios hominum. Allide concu-  
 piscientiam meam dulcedine tua, quam abs-  
 condisti timentibus te; ut concupiscam te  
 concupiscentiis sempiternis: ne vanis illectus  
 & deceptus interior gustus, ponat amarum  
 dulce, & dulce amarum, tenebras lucem, &  
 lucem tenebras, ut liberari in medio tot de-  
 cipularum possim ab inimico super faciem  
 viæ hujus positarum, ad capiendas animas  
 peccatorum, quibus plenus est totus mun-  
 dus. Quod is qui vidit, sub silentio non tran-  
 sivit, inquit: Quicquid enim est in mun-  
 do, aut est concupiscentia carnis, aut con-  
 cupiscentia oculorum, aut superbia vitæ.

3. Ecce Domine Deus meus, mundus  
 totus plenus est concupiscentiarum laqueis,  
 quos paraverunt pedibus meis, & quis effu-  
 giet hos laqueos? Profecto à quo tu abstul-  
 eris extollentiam oculorum suorum, ut non  
 eum capiat concupiscentia oculorum: & à  
 quo tu abstuleris carnis concupiscentiam, ne  
 eum capiat carnis concupiscentia: & à quo  
 tu abstuleris animum irreverentem, & in-  
 frunitum, ne eum callide decipiat superbia  
 vitæ. O quam sælix, cui hæc tu facies! quip-  
 pe transibit immunis.

4. Nunc redemptor te precor per te, adju-  
 va me, ne corruam in conspectu adversario-  
 rum meorum, captus laqueis eorum, quos  
 paraverunt pedibus meis, ut incurvent ani-  
 mam meam. Sed erue me virtus salutis

mea, ne sibi risum exhibeant de me inimici tui, qui oderunt te. Exurge, Domine Deus meus, fortis meus; & dissipentur inimici tui, & fugiant qui oderunt te, à facie tua. Sicut fluit cera à facie ignis, sic pereant peccatores à facie tua: & ego abscondar in abscondito faciei tue, & gaudeam cum filiis tuis, satiatu omnibus bonis tuis. Et tu, Domine Deus, pater orphanorum: & tu mater pupillorum tuorum, audi ejulatum filiorum tuorum: & extende alas tuas, ut fugiamus sub eas à facie inimici. Turris fortitudinis Israël, qui non dormitas neque dormis custodiens Israël: quia non dormit neque dormitat hostis, qui impugnat Israël.

## CAPVT XIII.

*De miseria hominis, & beneficiis Dei.*

I. **O** Lux quam non videt alia lux, lumen quod non videt aliud lumen; Lux quæ obtenebrat omnem lucem, & lumen, quod excacat omne extraneum lumen; Lux à qua omnis lux, lumen à quo omne lumen. Lumen ad quod omne lumen est tenebræ, ad quod omnis lux obscuritas; Lux cui omnes tenebræ lumen, cui omnis obscuritas lux; Lux suprema quam cæcitas non obnubilat: quam caligo non hebetat, quam tenebræ non obscurant, quam nulla obstantia claudit, quam nunquam separat aliqua umbra; Lux, quæ illuminas omnia tota simul, semel, & semper: absorbe me in claritatis abyssum, ut videam undique te in te, & me in te, & cuncta sub te. Ne derelin-

quas

quas me, ne accrescant umbræ ignorantia  
meæ, & multiplicentur delicta mea. Sine te  
enim omnia sunt mihi tenebræ, omnia mala;  
quia nihil bonum sine te vero, solo, & sum-  
mo bono.

2. Hoc confiteor, hoc scio, Domine  
Deus meus, quia ubicunque sum sine te,  
male est mihi præter te; non solum extra  
me, sed etiam in me: quia omnis copia,  
quæ non est Deus meus, mihi est egestas.  
Satiabor tunc cum apparuerit gloria tua. Et  
tu, Domine, vita mea beata, fac ut miseriam  
meam confitear tibi, ex quo ab unitate bo-  
nitatis tuæ, summo & uno bono, tempo-  
ralium rerum multiformitas lapsum me per  
carnales sensus dissipavit, & ab uno in mul-  
ta divisit, & facta est mihi abundantia la-  
boriosa, & egestas copiosa: dum aliud &  
aliud sequebar, & à nullo implebar: dum  
non in me ineniebam te incommutabile &  
singulare indivisum unum bonum: quod  
consecutus, non egeo: quod consecutus,  
non doleo: quod possidens, satiatur totum  
desiderium meum.

3. Heu miseria super miseriam: cum  
misera anima mea à te refugit, cum quo  
semper abundat & gaudet: & sequitur mun-  
dum, cum quo semper eget & delet. Mundus  
clamat, deficio: tu, Domine clamas, reficio;  
& miseria mea prava magis sequitur defi-  
cientem, quam reficientem. Plane infirmitas  
mea hæc est. Medice spirituum, sana illam;  
ut confitear tibi, salus animæ meæ, toto  
corde meo super omnibus beneficiis tuis,



quibus pascis me à juventute mea, & usque in senectam & senium. Te deprecor per teipsum, ne derelinquas me: fecisti me, cum non essem; redemisti me, cum perissem: perieram mortuus fueram, ad mortuum descendisti, mortalitatem suscepisti: ad servum Rex descendisti; ut servum redimeres, te ipsum tradidisti. Ut ego viverem, tu mortem suscepisti, mortem vicisti. Me instaurasti, cum te humiliasti.

4. Perieram, abieram, in peccatis venundatus eram: venisti pro me, ut redimeres me: & tantum me dilexisti, ut sanguinem tuum in pretium dares pro me: dilexisti me Domine plusquam te; quia mori voluisti pro me. Tali pacto, tam caro pretio, reduxisti me de exilio, redemisti me de servitio; retraxisti me de supplicio; vocasti me nomine tuo: signasti me sanguine tuo, ut memoriale tuum semper esset apud me, & nunquam recederet à corde meo qui pro me non recessit à cruce. Vnxisisti me oleo tuo, quo tu unctus fuisti; ut à te Christo dicerer Christianus. En in manibus tuis descripsisti me, ut semper sit memoria apud te, si tamen memoria tua jugiter fuerit apud me. Sic igitur gratia tua semper & misericordia prævenerunt me. De multis namque & magnis periculis sæpe liberaisti me, liberator meus. Quando erravi, ad viam reduxisti me: quando ignoravi, docuisti me: quando peccavi, corripuisti me: quando tristis fui, consolatus es me: quando desperavi, confortasti me: quando cecidi, erexitisti me: quando steti, tenui-

tenui  
qua  
vi, cu  
sti m

1. H  
anim  
per lo  
tias a  
boni  
meo,  
& tot  
mea  
comp  
ne D  
te. S  
tui. C  
funt S  
minu  
loco c  
2.  
imple  
ctoru  
nihil  
meos  
que  
semita  
perpet  
& terr  
tes, &

tenuisti me: quando ivi, deduxisti me: quando veni, suscepisti me: quando dormivi, custodisti me: quando clamavi, exaudisti me.

## CAP V T XIV.

*Quod Deus perpetua inspectione considerat  
opera & intentiones hominum.*

1. **H**Æc enim & multa alia beneficia fecisti mihi, Domine Deus meus, vita animæ meæ, de quibus dulce esset mihi semper loqui, semper cogitare, semper tibi gratias agere: ut possim te semper pro omnibus bonis tuis laudare, & amare te toto corde meo, & tota anima mea, & tota mente mea, & tota fortitudine mea, simul ex omnibus medullis & intimis cordis mei, & omnium compagum mearum. Beata dulcedo, Domine Deus meus, omnium qui delectantur in te. Sed imperfectum meum viderunt oculi tui. Oculi, inquam, tui multo lucidiores sunt Sole, circumspicientes omnes vias hominum, & profundum abyssi, & in omni loco contemplantrur semper bonos & malos.

2. Cum enim cunctis præsideas, singula implens, totus semper ubique præsens, cunctorumque curam agens, quæ creasti: quia nihil odisti eorum, quæ fecisti: sic gressus meos semitasque consideras, & die noctuque super custodiam meam vigilas, omnes semitas meas diligenter notans: Speculator perpetuus, veluti si totius creaturæ tuæ, cæli & terræ oblitus, tantum me solum consideres, & nihil sit tibi curæ de aliis. Neque enim

enim tibi crescit lux incommutabilis visionis  
 tuae, si tantum unam aspicias, neque mi-  
 nuatur, si innumera videas & diversa. Quia  
 sicut unum totum simul perfecte consideras,  
 sic singula qualibet, licet diversa, perfecte  
 simul totaque totus conspicit visus tuus.  
 Sed sicut omnia, sic unum: & sicut unum,  
 sic singula totus simul sine divisione vel  
 commutatione, vel diminutione conside-  
 ras. Itaque totus tu in toto tempore sine  
 tempore; totum me simul semperque  
 consideras, ac si nihil aliud considerare de-  
 beas.

3. Sic igitur super custodiam meam stas,  
 sicut si omnium oblitus sis, & mihi soli in-  
 tendere velis. Semper quippe te presentem  
 exhibes, semper te paratum offers, si me pa-  
 ratum invenis. Quocunque iero, tu me, Do-  
 mine, non deseris, nisi prior ego te deseram.  
 Ubique fuero, non recedis: quoniam  
 ubique es, ut quocunque iero, inveniam te,  
 per quem possim esse, ne peream sine te, cum  
 sine te esse non possim. Fateor quidem, quia  
 quicquid facio, & quaecunque facio, ante te  
 facio: & illud quicquid est quod facio, me-  
 lius tu vides, quam ego, qui facio. Quicquid  
 enim semper operor, tu pariter semper prae-  
 sens ades; utpote perpetuus inspector om-  
 nium cogitationum, intentionum, delecta-  
 tionum, & operationum mearum. Domine  
 ante te semper est omne desiderium meum,  
 ante te tota cogitatio mea.

4. Tu, Domine, vides unde veniat spiri-  
 tus, ubi sit, & quo vadat; quia tu es omnium  
 spi-

**S**piritus ponderator. Et utrum radix sit dulcis, an amara, de qua foris pulchra folia emittuntur, tu iudex internus melius ipse nosti, & etiam medullas radicum subtilius perscrutaris. Et non solum intentionem, sed radicis ejus medullam intimam disertissima tuæ lucis veritate colligis, numeras, intueris, & consignas; ut reddas unicuique non solummodo secundum opera vel intentionem, sed etiam secundum ipsam interiorem absconditam medullam radicis, de qua procedit intentio operantis. Ad quod tendo, cum operator, quidquid cogito, & in quocunque delector, tu vides: aures tuæ audiunt, oculi tui vident & considerant: signas, attendis, notas, & scribis in libro tuo, siue bonum fuerit, siue malum: ut reddas postea pro bono præmia, pro malo supplicia: quando aperientur libri, & judicabuntur secundum hæc, quæ fuerunt scripta in libris tuis.

5. Hoc est forte, quod jam dixisti nobis: Considerabo novissima eorum. & quod de te, Domine, dicuntur: Vniversorum finem ipse considerat. quoniam tu quidem in omnibus quæ agimus, finem intentionis magis quam actum operationis, attendis. Cumque hæc diligenter considero, Domine Deus meus, terribilis & fortis, timore pariter & ingenti rubore confundor: quoniam nobis magna est indita necessitas iuste recteque vivendi, quia cuncta facimus ante oculos iudicis cuncta cernentis.

*Quod homo per se nihil potest sine divina gratia.*

1. **F**ortissime, magnipotens Deus spirituum universa carnis, cuius oculi sunt super omnes vias filiorum Adam, à die natiuitatis eorum usque in diem exitus eorum, ut reddas unicuique secundum opera sua, bona vel mala; ostende mihi, ut confitear tibi paupertatem meam; quoniam dixi; quod dives essem, & nullius egerem: & nesciebam quoniam pauper eram, cæcus, nudus, miser, & miserabilis. Credebam enim me fore aliquid, cum nihil essem. Dixi, sapiens efficiar, & stultus factus sum. Cogitabam me esse prudentem, & deceptus sum: & video nunc, quia donum tuum est, sine quo nihil possumus facere: quia nisi tu, Domine custodieris civitatem, frustra vigilat, qui custodit eam. Sic docuisti me, ut cognoscerem me: quia dereliquisti me, & probasti me, non propter te, quod cognosceres me; sed propter me, ut cognoscerem me. Nam, ut dixi, Domine, credebam me aliquid fore ex me, existimabam me sufficere per me: nec percipiebam, quoniam tu regebas me: donec aliquantulum te elongasti à me, & cecidi statim in me: vidi & cognovi, quoniam tu regebas me: & quod cecidit, fuit ex me: & quod surrexi, ex te.

2. Aperuisti mihi oculos, lux, & excitasti & illuminasti me: vidi, quoniam tentatio est

est vita  
riari ne  
stificab  
buni est  
& nois  
gloribit  
Hæc non  
quid glo  
no: Tu  
ria. Q  
quarit,  
tro: &  
gloriam  
dono, &  
sed suam  
laudatur  
tar: qu  
gloriam  
laudatur  
homini  
condem  
3. At t  
matris r  
exprobra  
voluisse  
cujus ef  
fusio fac  
malum,  
quippe, I  
odisti co  
bonis tuis  
opes opti  
pauperes,  
Eccè num

est vita hominis super terram : & quod gloriari non valeat ante te omnis caro , nec iustificabitur omnis vivens : quoniam si quid boni est , parvi vel magni , donum tuum est , & nostrum non nisi malum est. Vnde igitur gloriabitur omnis caro ? nunquid de malo ? Hæc non est gloria , sed miseria. Sed nunquid gloriabitur de bono ? nunquid de alieno ? Tuum, Domine, est bonum, tua est gloria. Qui enim de bono tuo gloriam sibi quarit , & non tibi quarit , hic fur est & latro : & similis est diabolo , qui voluit furari gloriam tuam. Qui enim laudari vult de tuo dono , & non quarit in illo gloriam tuam , sed suam ; hic , licet propter tuum donum laudetur ab hominibus , à te tamen vituperatur : quia de dono tuo , non tuam sed suam gloriam quæsit. Qui autem ab hominibus laudatur , vituperante te , non defendetur ab hominibus , iudicante te , nec liberabitur condemnante te.

3. At tu, Domine, formator meus ab utero matris meæ ; non me sinas cadere in illam exprobrationem , ut exprobretur mihi furari voluisse gloriam tuam : tibi enim sit gloria , cuius est omne bonum : nobis autem confusio faciei & miseria , quorum est omne malum , nisi tu volueris misereri. Misereris quippe, Domine, misereris omnium, & nihil odisti eorum , quæ fecisti : & das nobis de bonis tuis , & ditas nos , Domine Deus , inopes optimis donis tuis. Quoniam diligis pauperes , & divites facis eos divitiis tuis. Ecce nunc , Domine , pauperes nos filii tui sumus,

sumus, & pusillus grex tuus: aperi nobis januas tuas, & edent pauperes & saturabuntur: & laudabunt te, qui requirunt te. Scio enim, Domine, & confiteor docente te; quoniam illi soli, qui cognoscunt se pauperes, & constentur tibi paupertatem suam, ditabuntur à te; quoniam qui se divites existimant, cum sint pauperes, à tuis divitiis inveniuntur exclusi.

4. Ego igitur confiteor tibi, Domine Deus meus, paupertatem meam, ut sit tibi tua gloria tota, quoniam tuum est omne bonum per me gestum. Domine confiteor ut docuisti me, nihil aliud sum quam universa vanitas, & umbra mortis & absque quidam tenebrosa, & terra inanis & vacua, quæ sine tua benedictione non germinat; fructum quoque non facit, nisi confusionem, peccatum & mortem. Si quid boni unquam habui, à te recepi: quicquid boni habeo, tuum est, vel à te habeo. Si quando steti, per te steti; sed quando cecidi, per me cecidi; & semper in luto jacuissem, nisi tu me erexisses; semper cæcus fuisset, nisi tu me illuminasses. Quando cecidi, nunquam surrexisset, nisi tu mihi manum porrexisses: postquam me etiam erexisti, semper cecidisset, nisi tu me sustinuisses. Sapientius perissem, nisi me gubernasses.

5. Sic semper, Domine, sic semper gratia tua & misericordia tua prævenit me; liberans me ab omnibus malis, salvans à præteritis, suscitans à præsentibus, municiens à futuris; præcidens etiam ante me laqueos peccatorum, tollens occasiones &

causas:

causas  
omnibus  
scio,  
quod  
facere  
deus e  
cili;  
tibi e  
que,  
tibi:  
peccat  
men o

De Di

1. T

decesse  
fuit l  
confer  
tenebr  
me co  
fortis  
nasti  
figura  
decipe  
cognos  
cil dra  
ti, quis  
copita  
fli ad  
tioso, in  
est num



causas: quia nisi tu hoc mihi fecisses, ego omnia peccata mundi fecissem. Quoniam scio, Domine, quod nullum peccatum est, quod unquam fecerit homo, quod non possit facere alter homo, si creator desit à quo factus est homo. Sed quod non facerem, tu fecisti; quod abstinerem, tu iussisti, & quod tibi crederem, gratiam tu infudisti. Tu namque, Domine, regebas me tibi, servabas me tibi: & mihi, ut adulterium & omne aliud peccatum non committerem, gratiam & lumen donasti.

## C A P V T X V I .

*De Diabolo, & multiplicibus tentationibus ejus.*

I. **T**Entator defuit, & ut deesset, tu fecisti: locus & tempus defuit, & ut hæc deessent, tu fecisti. Affuit tentator, non defuit locus, non defuit tempus: sed ut non consentirem, tu me tenuisti. Venit tentator tenebrosus, ut est: & ut eum despicerem, tu me confortasti. Venit tentator armatus & fortis: & ut me non vinceret, tu eum refrenasti, & me roborasti. Venit tentator transfiguratus in Angelum lucis, & ut me non deciperet, tu eum increpasti: & ut eum cognoscerem, tu me illuminasti. Ipse enim est draco ille magnus & rufus, & serpens antiquus, vocatus Diabolus & Satanas, habens capita septem, & cornua decem: quem creasti ad illudendum huic mari magno & spatio, in quo reptant animalia, quorum non est numerus: & animalia pusilla & magna,

K id

id est, diversa dæmonum genera, qui nihil aliud die noctuque operantur, nisi quod circumcumeunt, quærentes quem devorent, nisi tu eripias.

2. Ipse enim est antiquus ille draco, qui ortus est in paradiso voluptatis, qui cauda sua trahit tertiam partem stellarum cæli, & eas mittit in terram; qui veneno suo corrumpit aquas terræ, ut bibentes homines moriantur: & qui sternit sibi aurum quasi lutum, & habet fiduciam, quod influat Iordanis in os suum: qui factus est, ut nullum timeat. Et quis defenderet à morsibus ejus? Quis eruet ab ore ejus, nisi tu Domine, qui confregisti capita draconis magni? Adjuva nos: Prætexe Domine super nos alas tuas; ut fugiamus sub eis à facie draconis hujus, qui nos persequitur, & scuto tuo libera nos à cornibus ejus: Hoc enim continuum studium ejus, hoc unicum desiderium ejus, ut animas quas creasti, devoret.

3. Et ideo, Deus meus, ad te clamamus, libera nos ab adversario nostro quotidiano: qui sive dormiamus, sive vigilemus, sive comedamus, sive bibamus, sive quodcunque opus operemur omnibus modis, instat die ac nocte fraudibus & artibus, nunc palam, nunc occulte, sagittas venenatas contra nos dirigens, ut interficiat animas nostras. Et tamen, Domine, pessima insania nostra; quia cum continue videamus contra nos draconem ore aperto, paratum ad devorandum, nihilominus dormimus & lascivimus in pigritiis nostris, tanquam securi ante eum; qui nihil aliud

aliud desiderat, quam ut nos perdat. Inimicus ut occidat, semper vigilat sine somno: & nos, ut custodiamus nos, nolumus evigilare à somno.

4. Ecce tetendit ante pedes nostros laqueos infinitos, & omnes vias nostras variis replevit decipulis, ad capiendas animas nostras. Ecquis effugiet? Laqueos posuit in divitiis; laqueos posuit in paupertate; laqueos retendit in cibo, in potu, in voluptate, in somno & in vigilia; laqueos posuit in verbo & in opere, & in omni via nostra. Sed tu Domine libera nos de laqueo venantium, & à verbo aspero, ut confiteamur tibi, dicentes: Benedictus Dominus, qui non dedit nos in captionem dentibus eorum. Anima nostra sicut passer erepta est de laqueo venantium. Laqueus contritus est, & nos liberati su-

III.

## C A P V T X V I I.

*Quod Deus est lux justorum.*

1. **E**T tu quidem Domine, lux mea, illumina oculos meos, ut videam lumen, & ambulem in lumine tuo, & non impingam in laqueos ejus. Quis enim evadet laqueos istos multos, nisi videat eos? Et quis videbit eos, nisi quem illuminaveris lumine tuo? Ipse enim pater tenebrarum, laqueos suos abscondit in tenebris suis, ut capiantur in eis omnes qui sunt in tenebris suis; qui sunt filii tenebrarum harum, non videntes lumen tuum; in quo qui ambulat, non timebit. Qui enim ambulat in die, non offendit;

qui autem in nocte ambulat, offendit: quia lux non est in eo. Tu lux Domine, tu lux filiorum lucis; tu dies, qui nescis occasum, in qua ambulant filii tui sine offensione; & sine qua, omnes qui ambulant, in tenebris sunt, quia te lucem mundi non habent.

2. Ecce quotidie cernimus, quia quo magis à te vero lumine quis elongatur, eo magis peccatorum involvitur tenebris: & quo magis est in tenebris, eo minus videt laqueos in via sua, & ideo minus cognoscit, & idcirco sapius rapitur, & cadit in eis; & quod est horribilius, etiam se cecidisse ignorat. Qui vero suum casum ignorat, eo minus curat surgere, quo magis se existimat adhuc stare. Tu vero lux mentis, Domine Deus meus, nunc illumina oculos meos, ut videam & cognoscam, ne corruam in conspectu adversariorum meorum. Etenim in exterminium nostri laborat inimicus noster, quem petimus ut facias liquefieri à facie nostra, sicut cera liquefcit à facie ignis. Quoniam, Domine, ipse est latro primus, & ultimus, qui consilium fecit ut raperet gloriam tuam, quoniam inflatus & elatus crepuit, & cecidit in faciem suam, & dejecisti eum de monte sancto tuo, & de medio lapidum ignitorum, in quorum medio ambulavit.

3. Et nunc, vita mea, Domine Deus meus, ex quo cecidit, non cessat persequi filios tuos; & in odium tuum, ô Rex magne, cupit perdere hanc creaturam tuam, quam creavit omnipotens bonitas tua ad imaginem tuam; ut possideat gloriam tuam, quam ipse

ipse perdidit per superbiam suam. Sed contere eum fortis noster antequam nos agnos tuos devoret : & illumina nos , ut videamus laqueos , quos ipse paravit ; & evadamus ad te , ô latitia Israël. Et hæc omnia tu , Domine , melius nosti , qui nosti contentionem ejus , & cervicem ejus durissimam. Nec hoc dico ut ostendam tibi , quia omnia vides , & nulla te latet cogitatio : sed ante pedes tuæ majestatis , de inimico meo querimoniam facio , Index æterne ; ut & ipsum damnes , & nos filios tuos salves , quorum fortitudo tu es.

4. Versutus est enim , Domine , iste hostis & tortuosus , nec facile deprehendi possunt circuitus viæ ejus , nec cognosci species vultus ejus , nisi tu illumines. Nam nunc hic , nunc illic : nunc agnum , nunc lupum , nunc tenebras , nunc lucem in se ostendit ; & singulis quibuslibet qualitatibus , locis , & temporibus , secundum varias rerum mutationes , varias exhibet tentationes. Nam ut tristes decipiat , tristatur & ipse : ut gaudentes illudat , fingit se & ipse gaudere : ut spirituales defraudet , in Angelum lucis se transfigurat : ut fortes comprimat , apparet agnus : ut mites devoret , apparet lupus. Hæc quidem omnia secundum similitudinem variarum tentationum effici habent , ut terreat alios à timore nocturno , alios à sagitta volante in die , alios à negotio perambulante in tenebris , alios ab incurso ; alios à dæmonio meridiano. Et ad hæc quis idoneus , ut cognoscat ? & astutias ejus quis

cognovit? Quis revelabit speciem indumenti ejus? & gyrum dentium ejus quis agnoscer?

5. En abscondit sagittas suas in pharetra, & laqueos suos abscondit sub specie lucis; & hoc difficilius perpenditur: nisi à te Domine spes nostra lumen assumamus, ut videamus omnia. Nam non solum in carnis operibus, quæ de facili cognoscuntur; nec tantum in ipsis vitiis; sed in ipsis etiam spiritualibus exercitiis, laqueos abscondit subtiles: & sub virtutum colore ipsa vitia induit, & transmutat se in Angelum lucis. Hæc & multa alia nititur contra nos ipse filius Be-lial, ipse Sathan, Domine Deus noster. Et nunc ut leo, nunc ut draco, manifeste & occulte, intus & extra, die ac nocte insidiatur, ut rapiat animas nostras: Et tu eripe nos Domine, qui salvas sperantes in te; ut ipse de nobis doleat, & tu lauderis in nobis, Domine Deus noster.

## C A P V T XVIII.

### *De beneficiis Dei.*

1. **E**Go autem filius ancillæ tuæ, qui me commendavi manui tuæ, jam his meis pauperculis confessionibus confitear tibi, liberator meus, toto corde meo; & recolam ad mentem meam omnia bonâ, quæ fecisti mihi à juventute mea, in omni vita mea. Scio namque quod ingratitudo multum tibi displiceat: quæ est radix totius mali spiritualis, & ventus quidam desiccans & urens omne bonum; obstruens fontem divinæ miseri-

**misericordie** tua super hominem ; qua & mortua jam non moriuntur, & viva jam opera moriuntur. Ultra non adipiscuntur. Et ego Domine gratias tibi agam, ne sim ingratulus tibi, liberator meus, quoniam liberaſti me. Quoties jam me absorbuerat ille draco, & tu Domine ab ore ejus extraxiſti me.

2. Quoties ego peccavi, & ipſe paratus fuit deglutire me; ſed tu Domine Deus meus defendiſti me. Cum contra te inique agebam, cum tua mandata frangebam, ſtabat ipſe paratus ut me raperet ad infernum, ſed tu prohibebas. Ego te offendeſbam, & tu me defendebas. Ego te non timebam, & tu me cuſtodiebas. A te recedeſbam, & inimico meo me exhibebam: tu ipſum ne me acciperet, deterrebas. Hac mihi tu, Domine Deus meus, beneficia conferebas, & ego miſer non cognoſcebam. Sic enim me multoties a faucibus diaboli liberaſti, de ore leonis eripuſti, & ab inferno, licet neſcientem, multis vicibus reduxiſti. Deſcendi enim uſque ad portas inferni, & ne illuc intrarem, tu me tenuiſti.

3. Appropinquabam uſque ad portas mortis, & ne me ipſæ caperent, tu feciſti. De morte etiam corporis ſapius eruiſti me, Saluator meus, cum graves morbi tenerent me; cum fui in periculis multis per mare, per terras; ab igne & gladio, & ab omni periculo liberans, ſemper mihi aſtans, & miſericorditer ſalvans. Sciebas tu quidem, Domine, quia ſi tunc mors me occupaveſſet, infernus animam meam ſuſcepſſet, & perpetuo



damnatus fuisset. Sed tua misericordia & tua gratia pravenit me, eripiens me de morte corporis, & de morte animæ, Domine Deus meus. Hæc & multa mihi tua alia beneficia exhibuisti, & ego eram cæcus, & non cognovi, donec illuminasti me. Nunc igitur lux animæ meæ, Domine Deus meus, vita mea, per quam vivo; lumen oculorum meorum, per quod video; en illuminasti me, & cognosco te: quia vivo per te, & gratias ago tibi, licet viles & exiles, & impares beneficiis tuis, quales habet mea fragilitas, offero. Quoniam tu es solus Deus meus, creator meus benignus, qui amas nostras animas, & nihil odisti eorum quæ fecisti. En ego primus inter peccatores quos salvasti, ut exemplum aliis tribuam benignissimæ pietatis tuæ.

4. Confitear tibi beneficia tua magna, quoniam eripuisti me de inferno inferiori, semel, & secundo, & tertio, & centies, & millies; & ego semper ad infernum tendebam, & tu me semper reducebas, & iuste milles damnasti me, si voluisses. Noluisti, quia amas animas, & dissimulas peccata hominum propter pœnitentiam. Domine Deus meus, multa misericordiæ in omnibus viis tuis. Nunc ergo video hæc, Domine Deus meus, & cognosco per lumen tuum, & deficit anima mea in misericordia tua magna, quæ est super me: quoniam eripuisti animam meam ex inferno inferiori, & me ad vitam reduxisti. Totus enim eram in morte, totam me resuscitasti. Tuum igitur sit totum  
id,

id, quod vivo : & totus totum me tibi offero. Totus spiritus, totum cor, totum corpus, tota vita mea vivat tibi, vita mea dulcis : quoniam totum me liberaſti, ut totum me poſſideres : totum me reſeciſti, ut totum me rehaberet. Diligam te igitur, Domine, virtus mea ; diligam te, ineffabilis exultatio mea : & vivam jam non mihi, ſed tibi. Tota vita mea, quæ perierat in miſeria mea, reſuſcitata eſt in miſericordia tua, qui eſ Deus miſericors & miſerator, & multæ miſericordiæ in millia hiſ, qui diligunt nomen tuum.

5. Idcirco, Domine Deus meus, ſanctificator meus, juſiſti in lege tua, ut diligam te toto corde meo, tota anima mea, tota mente mea, tota fortitudine mea, & totis viribus meis, & etiam ex intimis medullis cordis mei, omnibus horis & momentis, quibus fruor bonis miſericordiæ tuæ; quoniam ſemper perirem, niſi quia ſemper regis me; ſemper morerer, niſi quia ſemper me vivificas; & omni momento me tibi obligas, dum omni momento mihi tua magna beneficia præſtas. Sicut ergo nulla hora eſt vel punctum in omni vita mea, quo tuo beneficio non utar: ſic nullum debet eſſe momentum, quo te non habeam ante oculos, in mea memoria; & te non diligam ex omni fortitudine mea. Sed nec hoc valeo, niſi tu dederis mihi: cujus eſt omne donum bonum, & omne datum optimum, deſcendens à Patre lumen; apud quem non eſt tranſmutatio, nec viciffitudinis obumbratio. Non enim eſt volentis, neque currentis, ſed tui miſe-

rentis, ut diligam te. Tuum est Domine hoc donum, cuius est omne bonum. Iubes te diligere; da quod iubes, & jube quod vis.

## CAPVT XIX.

*De fervore dilectionis vel charitatis.*

1. **A** Mo te Deus meus, magisque semper amare cupio; quia tu es revera omni melle dulcior, omni lacte nutritibilior, & omni luce clarior. Idcirco super omne aurum & argentum, & lapidem preciosum es mihi charior. Displicebat enim mihi quicquid agebam in saeculo, præ dulcedine tua, & decore domus tuæ, quam dilexi. O ignis qui semper ardes, & nunquam extingueris! O amor qui semper ferves, & nunquam tepescis, accende me! Accendar (inquam) totus à te, ut totus diligam te. Minus enim te amat, qui tecum aliquid amat, quod non propter te amat. Diligam te Domine, quoniam tu prior dilexisti me. Et unde mihi verbum, ut explicem signa dilectionis tuæ maximæ erga me, propter innumera beneficia tua, quibus à principio educaſti me?

2. Post beneficium nempe creationis, quando in principio de nihilo ad imaginem tuam creasti me: honorificans & exaltans me inter eas creaturas, quas fecisti, & nobilitans lumine vultus tui, quo signasti superliminare cordis mei, quo ab insensibilibus pariter & sensibilibus brutis discrevisti me, & paulo minus ab Angelis minuiſti. Parum & hoc fuit ante conspectum divinitatis tuæ. Quoniam quotidianis & singularibus maximisque

misque donariis tuorum beneficiorum, me sine intermissione nutritivisti, & quasi filium tuum parvulum tenellum, uberibus tuæ consolationis lactasti & confortasti me. Ut enim tibi totus servirem, omnia quæcunque fecisti, in meum servitium tradidisti.

## CAPVT XX.

*Quod Deus subiecit omnia servituti  
hominum.*

I. **O**Mnia pedibus hominis subiecisti, ut solus homo totus tibi subiceretur. Et ut tuus totus homo esset, super omnia opera tua dominatus est homo. Exteriora nempe pro corpore cuncta creasti; ipsum vero corpus pro anima, animam vero pro te: ut tibi soli vacaret, & te solum amaret; possidens te ad solatium, inferiora vero ad servitium. Quicquid enim cœli ambitu continetur, inferius ab anima humana est, quæ facta est, ut summum bonum superius possideret, cujus possessione beata fieret: cui si adhaferit, cunctorum mutabilium inferiorum necessitudines supergrediens, illius summæ majestatis, cujus amulatur speciem, æternæ immortalitatis faciem cum serenitate videbit. Tunc vero illis bonis optimis fruetur in domo Domini, quorum comparatione cuncta hæc quæ hic cernimus, velut nihilum computantur. Illa sunt, quæ oculus non vidit, nec auris audivit, nec in cor hominis ascenderunt, quæ præparavit Deus diligentibus se. Et hæc quidem Domine

mine daturus es animar. His etiam quotidie  
latificas animas servorum tuorum, qui amas  
animas.

2. Quid miror hæc, Domine Deus meus? Imaginem quippe tuam honorificas, & similitudinem tuam, ad quam creata sunt. Nam & corpori nostro, licet adhuc corruptibili & ignobili, ut videret, dedisti cali claritatem per manum ministrorum tuorum indefessorum Solis & Lunæ, qui præcepto tuo jugiter die ac nocte deserviunt filiis tuis: ut spiraret, largitus es aëris puritatem; ut audiret, sonorum varietates; ut odoraret, odorum suavitates; ut gustaret, saporum qualitates; ut contrectaret, dedisti corpulentorum omnium grossitates. Adjuvamenta suis necessitatibus dedisti jumenta: volucres quoque cali, & pisces maris, & fructus terræ ad reficiendum impendisti. Medicinas de terra propter singulas quasque suas corruptelas creasti. Singula solatio singulis malis obviantia præparasti, quoniam es misericors & miserator; & novisti figmentum nostrum, figulus noster, & nos omnes quasi lutum in manu tua.

### C A P V T XXI.

*Quod ex consideratione bonorum temporalium, colligitur magnitudo celestis consilii.*

1. **E**N aperiatur mihi misericordia tua magna, lumine tuo illustra (quæso) magis adhuc, ut mihi magis aperiatur. Nam ex his minimis tua magna, & ex his visibilibus,

bus, tua invisibilia comprehendimus, Domine Deus sancte, & bone creator noster. Si enim, mi Domine, pro hoc corpore ignobili & corruptibili, tam magna & innumera beneficia præstas à cœlo & ab aëre, à terra & mari, à luce & tenebris, à calore & umbra, rore & imbre, ventis & pluviis, volucris & piscibus, bestiis & arboribus, & multiplicitate herbarum & germinum terræ, & cunctarum creaturarum tuarum ministerio, nobis successive per sua tempora ministrantium, ut alleves fastidium nostrum; qualia, quæso, & quam magna & innumerabilia erunt illa bona, quæ præparasti diligentibus te in illa cœlesti patria, ubi te videbimus facie ad faciem? Si tanta facis nobis in carcere, quid ages in palatio?

2. Magna & innumerabilia sunt opera tua Domine, rex cælorum. Cum enim sint hæc omnia valde bona & delectabilia, quæ bonis pariter malisque communia tradidisti: qualia futura sunt illa, quæ solis bonis recondidisti? Si tam innumera & varia dona tua, quæ nunc amicis pariter tribuis, & inimicis: quam magna & innumerabilia, quam dulcia & delectabilia, quæ solis tuis es largiturus amicis? Si tanta solaria in hac die lachrymarum, quanta conferes in die nuptiarum? Si tanta delectabilia continet carcer, quanta quæso continet patria? Oculus non vidit, Deus, absque te, quæ præparasti diligentibus te. Secundum enim magnam multitudinem magnificentiæ tuæ est etiam mul-

multitudo magna dulcedinis tuæ, quam abscondisti timentibus te.

3. Magnus enim tu es, Domine Deus meus, & immensus; nec est finis magnitudinis tuæ, nec est numerus sapientiæ tuæ, nec est mensura benignitatis tuæ, nec est finis, nec numerus, nec mensura retributionis tuæ: sed sicut magnus es tu, ita magna sunt donaria tua: quoniam tu ipse es præmium, & donum omnium legitimorum tuorum pugnatorum.

## CAPVT XXII.

*Quod divina dulcedo omnem presentem  
mundi amaritudinem tollit.*

1. **H**Æc sunt beneficia magna tua, Domine Deus, sanctificator sanctorum tuorum, quibus repletus es inopiam esurientium filiorum tuorum. Quoniam tu es spes desperatorum. Tu corona spei quæ ornata est gloria, præparata vincentibus. Tu famelicorum satietas æterna, danda esurientibus. Tu consolatio sempiterna, qui solis illis te tribuis, qui consolationem hujus mundi pro tua perpetua consolatione contemnunt. Nam qui hic consolantur, indigni tua consolatione habentur. Sed qui hic cruciantur, à te consolantur: & qui participant passionibus, participant & consolationibus. Nemo enim potest in utroque saculo consolari; nec potest quis hic & in futuro gaudere: sed unum necesse est ut perdat, qui alterum voluerit possidere.

2. Hæc



2. Hæc ubi confidero , Domine consolator meus , in hac vita renuit consolari anima mea , ut digna habeatur tuis consolationibus æternis ; quia iustum est , ut amittat te , quicumque in aliquo alio magis consolari eligit , quam in te. Et obsecro summa veritas te per te , non permittas me in aliqua consolatione vana consolari. Sed peto ut omnia mihi amarescant ; ut tu solus dulcis appareas animæ meæ , qui es dulcedo inæstimabilis , per quam cuncta amara dulcorantur.

3. Tua enim dulcedo Stephano lapides torrentis dulcoravit. Tua dulcedo craticulam beato Laurentio dulcem fecit. Præ tua dulcedine ibant Apostoli gaudentes à conspectu Concilii , quoniam digni habitus sunt pro nomine tuo contumeliam pati. Ibat Andreas securus ad crucem , & gaudens , quoniam ad tuam dulcedinem properabat. Hæc tua dulcedo ipsos Apostolorum principes sic replevit , ut pro ipsa crucis patibulum unus eligeret : alter quoque caput ferienti gladio supponere non timeret. Pro hac emenda Bartholomæus propriam pellem dedit. Pro hac quoque gustanda veneni poculum intrepidus Ioannes potavit. Hanc vero ut gustavit Petrus , omnium inferiorum oblitus , clamavit quasi ebrius , dicens : Domine , bonum est nos hic esse , faciamus tria tabernacula : hic moremur , te contemplemur , quia nullo alio indigemus. Sufficit nobis Domine videre te , sufficit ( inquit ) tanta dulcedine satiari. Vnam enim  
stillam

stillam dulcedinis ille gustavit, & omnem  
 aliam fastidivit dulcedinem. Quid, putas  
 dixisset, si magnam illam multitudinem dul-  
 cedinis divinitatis tuæ gustasset, quam ab-  
 scondisti timentibus te? Hanc tuam dulce-  
 dinem ineffabilem & illa gustaverat virgo,  
 de qua legimus, quod latissima & glorianter  
 ibat ad carcerem, quasi ad epulas invitata.  
 Hanc ut reor & ipse gustaverat, qui dicebat:  
 Quam magna multitudo dulcedinis tuæ Do-  
 mine, quam abscondisti timentibus te! Qui-  
 que monebat: Gustate & videte, quoniam  
 suavis est Dominus. Hæc est enim illa beati-  
 tudo, Domine Deus noster, quam expecta-  
 mus daturum te nobis, pro qua tibi Domine  
 continue militamus: pro qua tibi mortifica-  
 mur tota die, ut in tua vita tibi vivamus.

## CAPVT XXIII.

*Quod tota spes nostra, & desiderium cordis  
 nostri debeat esse in Deum.*

I. **T**V autem Domine expectatio Israel,  
 desiderium ad quod suspirat cor no-  
 strum quotidie, festina; ne tardaveris. Surge,  
 propera, & veni; ut educa nos de isto car-  
 cere ad confitendum nomini tuo, ut glorie-  
 mur in lumine tuo. Aperi aures tuas clamo-  
 ribus lachrymarum pupillorum tuorum, qui  
 clamant ad te: Pater noster, da nobis hodie  
 panem nostrum quotidianum; in cuius for-  
 titudine ambulemus die ac nocte, usquequo  
 perveniamus ad montem sanctum tuum  
 Oreb. Et ego parvulus inter parvulos fami-  
 lie

liæ tuæ, Deus Pater & virtus mea: quando veniam, & apparebo ante faciem tuam? ut qui nunc tibi confiteor ad tempus, ex tunc confitear tibi in æternum. Beatus ero, si fuero admissus ad videndum claritatem tuam. Quis mihi hoc tribuat, ut ad hoc venire permittas me?

2. Scio Domine, scio, & confiteor me indignum, ut intrem sub tectum tuum; sed fac propter honorem tuum, & ne confundas in te sperantem servum tuum. Et quis intrabit sanctuarium tuum, ad considerandas potentias tuas, nisi, si tu aperias? Quis autem aperiet, si tu clauseris? Si enim destruxeris, nemo est qui adificet. Et si incluseris hominem, nemo est qui aperiat. Si continueris aquas, omnia siccabuntur. Et si miseris eas, subvertent terram. Si omnia quæ fecisti ad nihilum redigas, quis contradicet tibi? Porro sempiterna bonitas misericordiæ tuæ, qua fecisti omnia quæcunque voluisti. Tu nos fecisti; fabricator mundi, rege nos. Tu nos creasti; ne spernas nos, qui opera tua sumus. Et quidem Domine Deus noster, nos lutum & vermiculi, non valemus in tuas æternitates intrare, nisi tu induxeris, qui de nihilo cuncta creasti.

## CAPVT XXIV.

*Quod salus nostra ex Deo est.*

1. **E**Go autem opus manuum tuarum, confitebor tibi in timore tuo, quia

L

non

non in arcu meo sperabo, & gladius meus non salvabit me: sed dextera tua, & brachium tuum, & illuminatio vultus tui. Alioquin desperarem, quoniam spes mea tu es, qui creasti me, quoniam non derelinquis sperantes in te. Tu quippe es Domine Deus noster, suavis & patiens in misericordia disponens omnia. Nam si peccaverimus, tui sumus: si non peccaverimus, tui sumus; quoniam apud te sumus computati. Nos enim folium universi, & vanitas est omnis homo vivens, & ventus est vita nostra super terram. Ne irascaris, si cadimus pupilli tui, quoniam tu nosti figmentum nostrum, Domine Deus noster.

2. Num Deus inestimabilis fortitudinis, contra folium quod à vento rapitur, ostendere vis potentiam tuam, & stipulam siccam persequeris? Num damnabis, Rex Israel æterne, canem unum? Num damnabis pulicem unum? Audivimus de misericordia tua Domine, quoniam tu mortem non facis, nec lataris in perditione morientium. Propter hoc Domine oramus te, ne permittas dominari quod non fecisti, huic creaturæ tuæ, quam fecisti. Si enim doles de perditione, quid te prohibet Domine, qui omnia potes, ne semper lateris de nostra salvatione? Si vis, potes me salvare; ego autem, etsi vellem, non possem. Magna est multitudo miseriarum mearum mecum.

3. Velle quippe mihi adjacet, perficere autem non invenio. Velle quod bonum est non possum, nisi tu velis; nec quod volo possum,

possum, nisi tua potentia me confortet, & quod possum, aliquando nolo, nisi tua voluntas fiat sicut in cœlo & in terra. Et quod volo, & possum, ignoro, nisi tua sapientia me illustret. Et si etiam sciam; quandoque volens, quandoque valens, imperfecta & vacua transit sapientia mea, nisi adjuvet vera sapientia tua.

4. In tua autem voluntate cuncta sunt posita, & non est qui possit resistere voluntati tuæ, Domine universorum, principatum tenens omnis carnis; & quæcunque vis, facis, in cœlo & in terra, in mari, & in omnibus abyssis. In nobis igitur fiat voluntas tua, super quibus invocatum est nomen tuum: ne pereat hoc nobile plasma tuum, quod creasti propter honorem tuum. Et quis est homo natus de muliere, qui vivat & non videat mortem, & eripiat animam suam de manu inferni? nisi tu solus eripias, vita vitalis omnis vitæ, per quem omnia vivunt.

## C A P V T XXV.

*Quod voluntas humana inefficax sit ad bona opera, sine divina gratia.*

1. **E**Tenim jam jam tibi confessus sum, laus vitæ meæ, Domine Deus meus, virtus salutis meæ. Sperabam aliquando in virtute mea, quæ tamen non erat virtus. Et cum sic volui currere, ubi magis stare credebam, ibi magis cecidi, factusque sum magis retro, & non ante: & quod credebam consequi, magis elongatum est à me. Sic per multa similia vires meas probas. Cognosco

nunc quia illuminasti me, quoniam quod magis credidi posse per me, minus semper potui. Dicebam enim, hoc faciam, illud perficiam; nec hoc, nec illud faciebam. Aderat voluntas, non erat facultas; ad erat facultas, non aderat voluntas: quoniam de meis viribus confidebam,

2. Nunc autem confitebor tibi Domine Deus meus, Pater celi & terræ, quia non fortitudine sua roborabitur vir, ut gloriatur ante te stulta præsumptio omnis carnis. Non enim est hominis, velle quod possit; aut posse quod velit, vel scire quod velit, & possit: sed potius à te gressus hominis diriguntur, illorum (inquam) qui non à se, sed à te dirigi se consentunt. Obsecramus itaque per viscera misericordiæ tuæ, ut velis Domine salvare quod creasti: quoniam si vis, potes nos salvare: & in tua voluntate virtus est nostræ salutis.

## C A P V T XXVI.

*De antiquis beneficiis Dei.*

1. **R**ecordare misericordiæ tuæ antiquæ, qua nos à principio in benedictionibus tuæ dulcedinis prævenisti. Antequam enim nascerer ego, filius ancillæ tuæ, Domine spes mea ab uberibus matris meæ, tu prævenisti; præparans mihi semitas, quibus incederem, & venirem ad gloriam domus tuæ. Priusquam me formares in utero, novisti me: & antequam exirem de vulva, quicquid tibi placuit, præordinasti de me. Quæ & qualia sunt in libro tuo scripta de me, in se-  
creto

creto consistorii tui, ego quidem ignoro, unde & valde timeo.

2. Tu vero nosti, quoniam quod ego per successus dierum & temporum hinc ad mille annos hujus temporalitatis expecto, in conspectu aternitatis tuæ jam factum est; & quod futurum est, jam factum est. Ego autem quia isto in hac nocte tenebrosa hæc ignorans, timor & tremor venerunt super me: dum video mihi undique imminere multa pericula, à multis quoque hostibus venari, multitudineque innumerarum miseriarum in hac vita me circumdari. Et nisi in his tantis malis adforet mihi tuum adminiculum, desperarem.

3. Sed spes mihi magna subest de te, mitissime Princeps, Deus meus: & consideratio multitudinis miserationum tuarum, quæ apud te sunt, subleuat mentem meam. Et præcedentia signa misericordiæ tuæ, quæ me antequam nacerer, prævenerunt, & nunc specialiter in me effulserunt, de futuris benignitatis tuæ melioribus & perfectionibus muneribus, quæ amicis tuis reservas, spem meam admonent: ut in te lætetur, Domine Deus meus, lætitia sancta & viva, qua semper latificas juventutem meam.

## CAPUT XXVII.

*De Angelis deputatis ad custodiam hominum.*

1. **D**ilexisti enim me, unice amor meus, antequam diligereim te, & ad imaginem tuam creasti me, omnibus creatu-



ris tuis præposuisti me. Quam dignitatem nunc quidem servo, cum noverim te, propter quem fecisti me.

2. Insuper facis Angelos tuos spiritus propter me: quibus mandasti, ut custodiant me in omnibus viis meis: ne forte offendam ad lapidem pedem meum. Hi enim sunt custodes, super muros civitatis tuæ novæ Hierusalem, & montes in circuitu ejus: vigilantes & custodientes vigilias noctis super gregem tuum: ne quando rapiat ut leo animas nostras, dum non esset qui eriperet, ille antiquus serpens adversarius noster diabolus, qui quasi leo rugiens semper circumit, quarens quem devoret. Hi sunt cives beatæ civitatis supernæ Hierusalem, quæ sursum est mater nostra, in ministerium missi propter eos qui hæreditatem capiunt salutis: ut eos liberent ab inimicis suis: & custodiant in omnibus viis suis, confortent quoque & moneant, & orationes filiorum tuorum offerant, in conspectu gloriæ majestatis tuæ.

3. Diligunt nempe concives suos, per quos suæ ruinæ scissuras restaurari expectant. Ideoque magna cura, & vigilantissimo studio, adsumunt nobis: omnibus horis & locis succurrentes, & providentes necessitatibus nostris, & solliciti discurrentes inter nos & te Domine: gemitus nostros atque suspiria referentes ad te, ut impetrent nobis facilem tuam benignitatis propitiationem, & referant ad nos desideratam tuam gratiæ benedictionem. Ambulant enim nobiscum in omnibus viis nostris;

nostris ; intrant & exeunt nobiscum : attente considerantes , quam pie , quam honeste in medio pravæ nationis conversemur : quantoque studio & desiderio quæramus regnum tuum , & justitiam ejus ; quantoque timore & tremore serviamus , & exultemus tibi in lætitia cordis nostri. Adjuvant laborantes , protegunt quiescentes , hortantur pugnantes , coronant vincentes ; congraudent gaudentibus , de te (inquam) gaudentibus ; compatiuntur patientibus , pro te (inquam) patientibus.

4. Grandis est eis cura de nobis : magnus est affectus dilectionis eorum erga nos : & hoc totum propter honorem tuæ inestimabilis charitatis , qua dilexisti nos. Diligunt enim quos tu diligis ; custodiunt quos tu custodis : & deserunt quos tu deseris ; nec diligunt operantes iniquitatem ; quoniam & tu odisti omnes operantes iniquitatem , & perdes omnes qui loquuntur mendacium. Quoties bene agimus , gaudent Angeli , & tristantur dæmones. Quoties à bono deviamus , diabolum lætificamus , & Angelos tuos suo gaudio defraudamus. Gaudium est enim eis super uno peccatore pœnitentiam agere ; sed diabolo , super uno justo pœnitentiam deferente. Da igitur , da Pater eis semper gaudere de nobis , ut & tu semper per eos lauderis in nobis ; & nos cum eis in unum ovile tuum adducamur , ut confiteamur simul nomini sancto tuo , creator hominum & Angelorum.

5. Hæc ipse commemorans , coram te

confiteor, laudans te : quoniam beneficia tua magna sunt hæc, quibus nos honorificasti ; dans nobis Angelos tuos spiritus in ministerium nostrum. Dederas enim quidquid cœli ambitu continetur ; & quasi parva reputas hæc quæ sub cœlo sunt, nisi dares etiam ea, quæ sunt super cœlos. Laudent te, Domine, de hoc omnes Angeli tui ; confiteantur tibi de hoc omnia opera tua ; & ipsi sancti tui tibi benedicant. O honorificentia nostra, nos nimis honorificans, ditans, multis muneribus decorasti ! admirabile est enim nomen tuum, Domine, in universâ terra. Quid est enim homo, quia magnificas eum, aut quid apponis erga eum cor tuum ? Dixisti enim, veritas antiqua : Delicta mea sunt cum filiis hominum. Nonne homo putredo, & filius hominis vermis ? Nonne universa vanitas omnis homo vivens ? Et dignum ducis super huiusmodi aperire oculos tuos, & adducere eum tecum in iudicium.

## C A P V T XXVIII.

*De profunda prædestinatione, & præscientia Dei.*

I. **D**Oce me abyssus profundissima, creatrix sapientia, quæ librasti in pondere montes & colles, in statera molem terræ tribus digitis appendisti. Suspende molem corporalitatis huius quam gero, tribus invis digitis tuis ad te, ut videam & cognoscam quam admirabilis es in universâ terra. Lux antiquissima, quæ lucebas ante omnem lucem,

lucem, in montibus sanctis æternitatis antiquæ; cui nuda & aperta erant omnia antequam fierent: Lux quæ odio habes omnem maculam, utpote mundissima & immaculatissima, quæ tibi deliciæ cum homine? quæ conventio lucis ad tenebras? Vbi enim sunt in homine deliciæ tuæ? Vbi præparasti tibi in me dignum sanctuarium maiestatis tuæ, ad quod introiens habeas delicias delectationis tuæ? Mundum enim canaculum decet te mundans virtus, quæ non nisi à mundis cordibus videri potes, multo magis nec haberi.

2. In homine autem ubi est templum tam mundum, ut te suscipiat, qui regis mundum? Quis potest facere mundum de immundo conceptum semine? Nonne tu qui solus es mundus? Ab immundo enim quis munda-bitur? Nam & secundum legem, quam dedisti patribus nostris in igne comburenti montem, & in nube tegente aquam tenebro-sam? quicquid tetigerit immundus, im-mundum erit. Omnes autem nos quasi pan-nus menstruata, de massa corrupta & im-munda venientes, maculam immunditiæ nostræ, quam celare, præsertim tibi, qui omnia vides, non possumus, in frontibus portamus. Quare mundi esse non possumus; nisi tu mundaveris, qui solus es mundus. Mundas autem de nobis, filiis hominum, eos in quibus tibi complacuit habitare; quos ab inaccessibilibus profundis secretis judiciorum incomprehensibilium sapien-tiæ tuæ semper iustorum, licet occulto-

rum, sine eorum meritis prædestinasti ante mundum; vocasti de mundo, iustificasti in mundo, & magnificas eos post mundum. Non omnibus autem hoc facis, quod admirantur tabescentes omnes sapientes terræ.

3. Et ego Domine hoc considerans expavescō, & obstupescō de altitudine divitarum sapientiæ & scientiæ tuæ; ad quam ego non pertingo: & incomprehensibilia iudicia iustitiæ tuæ, quoniam ex eodem luto, alia quidem facis vasa in honorem, alia vero in contumeliam sempiternam. Quos igitur tibi elegisti de multis in templum sanctum tuum, ipsos mundas, effundens super eos aquam mundam, quorum nomina numerumque tu nosti: qui solus numeras multitudinem stellarum, & omnibus eis nomina donas: qui etiam scripti sunt in libro vitæ: qui nequaquam perire possunt; quibus omnia cooperantur in bonum, etiam ipsa peccata. Cum enim cadunt, non colliduntur quia tu supponis manum tuam: custodiens omnia ossa eorum, ut unum ex eis non conteratur.

4. Attamen mors peccatorum pessima; illorum, inquam, quos antequam faceres cœlum & terram, secundum abyssum multam iudiciorum tuorum occultorum, semper autem iustorum, præcivisti ad mortem æternam; quorum dinumeratio nominum & meritorum pravorum apud te est, qui numerum arenæ maris dinumerasti, & dimensus es profundum abyssi: quos reliquisti in immunditiis suis; quibus omnia cooperantur

in malum, & ipsa etiam oratio vertitur in peccatum; ut si etiam usque ad cælos ascenderint, & caput eorum nubes tetigerit, & inter sydera cœli collocaverint nidum suum, quasi sterquilinium in fine perdentur.

## CAPVT XXIX.

*De illis, qui prius sunt iusti, & postea impii efficiuntur, & è converso.*

1. **M**agna sunt hæc iudicia tua, Domine Deus, iudex iuste & fortis; qui iudicas æquitatem, & inscrutabilia facis & profunda: quæ cum considero, contremiscunt omnia ossa mea. Quoniam non securatur homo vivens super terram, ut serviamus tibi pie & caste cunctis diebus vitæ nostræ, in timore, & exultemus tibi cum tremore: ut non sit servitium sine timore, neque gaudium sine tremore; & non gloriatur accinctus æque, ut discinctus; neque gloriatur ante te omnis caro, sed paveat & contremiscat à facie tua: cum ignoret homo, utrum amore, an odio dignus sit, sed in futurum omnia reservantur incerta.

2. Vidimus enim multos, Domine, & audivimus à patribus nostris (quod utique sine magno tremore non recolo, sine multo timore non confiteor) ascendisse primitus quodammodo usque ad cœlos, & inter sidera nidum suum collocasse, postmodum autem cecidisse usque ad abyssos, & animas eorum in malis obstupuisse. Vidimus, stellas de cœlo cecidisse, ab impetu ferientis caudæ draconis: & eos, qui jacebant in pul-  
vere

vere terrâ, à facie sublevantis manus tuæ, Domine, mirabiliter adscendisse. Vidimus vivos morientes, & mortuos à morte surgentes: & eos, qui inter filios Dei ambulabant in medio lapidum ignitorum, quasi lutum ad nihilum defluxisse. Vidimus lucem obtenebrasse, & de tenebris lucem processisse: quia publicani & meretrices precedunt incolas in regno cælorum; filii autem regni ejiciuntur in tenebras exteriores.

3. Quare autem ista omnia, nisi quia in montem illum ascenderunt, in quem primus ascendit Angelus, & descendit diabolus? Quos autem prædestinasti, ipsos & vocasti, & sanctificasti, & mundasti, ut dignum habitaculum sint tuæ majestatis: cum quibus & in quibus sint tibi delitiæ sanctæ & mundæ, in quibus tu delectaris, & lætificas juventutem eorum: habitans cum eis in memoria eorum, ut ipsi templum sanctum tuum sint, quod magnæ dignitatis, & commendatio est humanitatis nostræ.

### C A P V T XXX.

*Quod Anima fidelis sit sanctuarium Dei.*

1. **A**nima enim, quam creasti, non de te, sed per verbum tuum, non ex qualibet elementorum materia, sed ex nihilo; quæ quidem rationalis, intellectualis, spiritalis semper vivens, semper in motu; quam signasti lumine vultus tui, & consecrasti virtute lavacri tui; ) ita facta est capax majestatis tuæ, quod à te solo & à nullo alio possit impleri. Quando autem te habet, plenum

est



est desiderium ejus ; & jam nihil aliud quod desideretur exterius restat. Dum autem aliquid exterius desiderat, manifestum est quod te non habet interius ; quo habito , nihil est quod ultra desideret.

2. Cum enim sis summum & omne bonum , non habet quod desideret amplius , sed possidet te omne bonum. Quod si non desiderat omne bonum , restat ut desideret aliquod quid non est omne bonum , ergo nec summum bonum : ergo nec Deum , sed potius creaturam. Cum autem creaturam desiderat , continuam famem habet ; quia licet , quod desiderat de creaturis adipiscatur , vacua tamen remanet : quia nihil est , quod eam impleat , nisi tu , ad cujus imaginem est creata. Imples autem tu eos , qui nihil aliud desiderant præter te , & facis eos dignos te , sanctos , beatos , immaculatos , & amicos Dei ; qui omnia reputant ut stercora , ut lucrifaciant te solum.

3. Hæc est enim beatitudo , quam homini contulisti. Hic est honor , quo eum inter omnes creaturas & super omnes honorificasti , ut sit admirabile nomen tuum in universa terra. Ecce Domine Deus meus , summe , optime , omnipotentissime , inveni locum ubi tu habitas , quia in anima , quam creasti ad imaginem & similitudinem tuam , quæ te solum quærit & desiderat : quia non in illa , quæ te non quærit nec desiderat.

## C A P V T XXXI.

*Quod neque per sensus exteriores, neque interiores  
inveniri potest Deus.*

1. **E**GO erravi sicut ovis quæ perierat, quærens te exterius, qui es interiorius. Et multum laboravi quærens te extra me: & tu habitas in me, si tamen ego desiderem te. Circuivi vicos & plateas civitatis hujus mundi, quærens te, & non inveni: quia male quærebam foris, quod erat intus. Misi nuncios meos, omnes sensus exteriores; ut quærerem te, & non inveni; quia male quærebam. Video enim lux mea Deus, qui illuminasti me, quia male te per illos quærebam; quia tu es intus: & tamen ipsi, ubi intraveris, nesciverunt.

2. Nam oculi dicunt, si coloratus non fuit, per nos non intravit. Aures dicunt, si sonitum non fecit, per nos non transivit. Nasus dicit, si non oluit, per me non venit. Gustus dicit, si non sapuit, per me non introivit. Tactus etiam addit, si corpulentus non est, nihil me de hac re interrogas. Non ista igitur sunt in te, Deus meus. Non enim speciem corporis, non decus temporis, non candorem lucis, non colorem, non dulcium melodiarum cantus, & quæcunque dulce sonantia; non florum & unguentorum, vel aromatum odores; non mella vel manna, gustui delectabilia; non cetera ad tangendum vel amplexandum amabilia; nec omnia alia sensibus his subiecta quæro, cum Deum meum quæro. Absit ut ista crediderim Deum meum,

meum, quæ etiam à brutalium sensibus comprehenduntur.

3. Et tamen, cum Deum meum quæro, quæro nihilominus quandam lucem super omnem lucem, quam non capit oculus; quandam vocem super omnem vocem, quam non capit auris; quandam odorem super omnem odorem, quem non capit naris; quandam dulcorem super omnem dulcorem, quem non capit gustus; quandam amplexum super omnem amplexum, quem non capit tactus. Ista lux quidem fulget, ubi locus non capit; ista vox sonat, ubi spiritus non rapit; odor iste redolet, ubi flatus non spargit; sapor iste sapit, ubi non est edacitas; amplexus iste tangitur, ubi non divellitur. Hic est Deus meus, & non æstimabitur alius ad illū. Hoc quæro, cum Deum meum quæro. Istud amo, cum Deum meum amo.

4. Sero te amavi, pulchritudo, tam antiqua & tam nova: sero te amavi; & tu intus eras, & ego foris: & ibi te quærebam, & in ista formosa, quæ fecisti, ego deformis irruēbam. Mecum eras, & tecum non eram. Ea me tenebant longe à te, quæ esse non poterant, nisi in te. Circumibam enim omnia, quærens te, & propter omnia derelinquens me. Interrogavi terram, si esset Deus meus: & dixit mihi, quod non; & omnia quæ in ea sunt, hoc idem confessa sunt. Interrogavi mare, & abyssos, & reptilia quæ in eis sunt, & responderunt: Non sumus Deus tuus; quære super nos eum. Interrogavi flabilem aërem, & inquit universus aër cum omni-

omnibus incolis suis : Fallitur Anaximenes , non sum ego Deus tuus. Interrogavi cælum, Solem, Lunam & stellas : neque nos sumus Deus tuus, inquiunt.

5. Et dixi omnibus his, quæ circumstant fores carnis meæ: Dixistis mihi de Deo meo, quod vos non estis; dicite mihi aliquid de illo. Et clamaverunt omnes voce grandi: Ipse fecit nos. Interrogavi deinde mundi molem: Dic mihi, si es Deus meus, an non? Et respondit voce forti: Non sum (inquit) ego, sed per ipsum sum ego; quem quæris in me, ipse fecit me; supra me quære eum, qui regit me, qui fecit me. Interrogatio creaturarum, profunda est consideratio ipsarum: responsio earum, attestatio ipsarum de Deo, quoniam omnia clamant: Deus nos fecit. Quoniam ut ait Apostolus: Invisibilia Dei per ea, quæ facta sunt; à creatura mundi intellecta conspiciuntur.

6. Et redii ad me, & intravi in me, & ajo ad me: Tu quis es? Et respondi mihi: Homo rationalis & mortalis. Et incepti discutere quid hoc esset: & dixi: Vnde hoc tale animal, Domine Deus meus? unde nisi abs te? Tu fecisti me, & non ego ipse me. Quis tu? Tu, per quem vivo ego. Tu, per quem vivunt omnia. Quis tu? Tu, Domine Deus meus verus, & solus omnipotens, & æternus, & incomprehensibilis, & immensus. Qui semper vivis, & nihil moritur in te; immortalis enim es, habitans æternitatem: mirabilis oculis Angelorum, inenarrabilis, imperscrutabilis, & innominabilis. Deus vi-

vus

rus est verus, terribilis & fortis, nesciens principium neque finem, principium omnium atque finis: qui es ante primordia sæculorum, & ante omnes sæculorum origines. Tu es Deus meus, & Dominus omnium quæ creasti; & apud te omnium stabilium stant causæ; & omnium mutabilium apud te immutabiles manent origines; & omnium rationabilium & irrationabilium atque temporalium sempiternæ vivunt rationes.

7. Dic mihi supplici servo tuo, Deus meus, dic misericors misero tuo, dic quæso per miserationes tuas. Vnde hoc tale animal, nisi abs te? An quisquam sese facienti erit artifex? An aliunde quam à te traditur esse & vivere? Nonne tu es summum esse, à quo est omne esse? Quicquid enim est, à te est, quia sine te nihil est. Nonne tu es fons vitæ, à quo fluit omnis vita? Quicquid enim vivit, per te vivit, quia sine te nihil vivit. Tu ergo Domine fecisti omnia. Num quæram, quis fecit me? Tu Domine fecisti me, sine quo factum est nihil. Tu factor mei. Ego opus tuum. Gratias tibi ago, Domine Deus meus, per quem vivo ego, & per quem omnia vivunt, quoniam fecisti me. Gratias tibi plasmator mei, quia manus tuæ fecerunt me, & plasmaverunt me. Gratias tibi lux mea, quoniam illuminasti me, & inveni te & me. Vbi inveni me, ibi cognovi me: ubi inveni te, ibi cognovi te: ubi autem cognovi te, ibi illuminasti me. Gratias tibi lux mea, quoniam illuminasti me.

M

s. Quid

8. Quid est, quod dixi, cognovi te? Nonne tu es Deus incomprehensibilis & immensus? Rex Regum, & Dominus Dominantium? qui solus habes immortalitatem, & lucem habitas inaccessibilem? quam nullus hominum vidit, sed nec videre potest. Nonne tu es Deus absconditus & imperscrutabilis majestatis, solus tui ipsius cognitor, & mirabilis contemplator? Quis ergo cognovit, quod nunquam vidit? Dixisti enim in veritate tua: Non videbit me homo, & vivet. Dixit & pater tuus per veritatem tuam: Deum nemo vidit unquam. Quis ergo cognovit, quod nunquam vidit? Dixit etiam veritas tua: Nemo novit filium, nisi Pater; neque Patrem quis novit, nisi Filius. Sola Trinitas tua soli sibi integre nota est, quæ exsuperat omnem sensum.

9. Quid est ergo quod dixi, homo vanitati similis, quia cognovi te? Quis enim cognovit te, nisi tu te? Tu quippe solus Deus omnipotens, superlaudabilis, & supergloriosus, & superexaltatus, & altissimus, & superessentialis, in sanctissimis & divinis eloquiis nominaris. Quoniam super omnem essentiam intelligibilem sive intellectualem, atque sensibilem, & super omne nomen quod nominatur, non solum in hoc seculo, sed etiam in futuro, superessentialiter & superintelligibiliter esse dignosceris: quoniam superessentiali & occulta divinitate, super omnem rationem, intellectum, & essentiam, inaccessibiliter & imperscrutabiliter habitas in te ipso, ubi lux  
inac-

inaccessibilis, & lumen imperscrutabile, & incomprehensibile & inenarrabile, ad quod non attingit aliquod lumen; quoniam in-  
contemplabile, & invisibile, superrationale, & superintelligibile, & superinaccessibile, & superincommutabile, & superincommunicabile creditur. Quod nullus unquam Angelorum vel hominum vidit, sed nec videre potest. Hoc est cælum tuum, Domine, cælum celans, superarcanum, superintelligibile, superrationale, & superessentiale lumen, de quo dicitur: Cælum cæli Domino.

10. Cælum cæli, cui terra est omne cælum, quia supermirabiliter exaltatum est super omne cælum. Ad quod etiam terra est ipsum cælum Empyreum. Hoc enim est cælum cæli Domino: quia nulli notum, nisi Domino. Ad quod nemo ascendit, nisi qui de cælo descendit. Quia nemo novit Patrem, nisi Filius, & eorum Spiritus. Et nemo novit Filium, nisi Pater, & eorum Spiritus. Soli quidem tibi Trinitas integre nota est. Trinitas sancta, Trinitas supermirabilis, & superinscrutabilis, & superinaccessibilis, superincomprehensibilis, superintelligibilis, superessentialis, superessentialiter exsuperans omnem sensum, omnem rationem, omnem intellectum, omnem intelligentiam, omnem essentiam supercelestium animorum; quam neque dicere, neque cogitare, neque intelligere, neque cognoscere possibile est, etiam oculis Angelorum.

11. Vnde ergo cognovi te, Domine Deus.



altissime super omnem terram, super omne  
 coelum? quem neque Cherubim perfecte co-  
 gnoscunt, neque Seraphim; sed alis contem-  
 plationum suarum velatur facies, sedentis  
 super solium excelsum & elevatum, claman-  
 tes & dicentes: Sanctus, Sanctus, Sanctus  
 Dominus Deus exercituum; plena est omnis  
 terra gloria tua. Expavit Propheta, & dixit:  
 Væ mihi quia tacui; quia vir pollutus labiis  
 ego sum. Et expavit cor meum, & dixi: Væ  
 mihi, quia (non tacui; quia vir pollutus la-  
 biis ego sum: Sed dixi,) cognovi te. Verun-  
 tamen Domine, vae tacentibus de te: quo-  
 niam loquaces muti fiunt sine te. Et ego,  
 Domine Deus meus, non tacebo, quoniam  
 fecisti me, & illuminasti me: & invenisti  
 me, & cognovi te, quoniam illuminasti me.

12. Sed qualiter cognovi te? Cognovi te  
 in te. Cognovi te, non sicut tibi es; sed co-  
 gnovi te, sicut mihi es: & non sine te, sed in  
 te; quia tu es lux quæ illuminasti me. Sicut  
 enim tibi es, soli tibi cognitus es: sicut mi-  
 hi es secundum gratiam tuam, & mihi co-  
 gnitus es. Sed quid mihi es: Dic mihi mi-  
 sericors famulo tuo misero; dic mihi per mi-  
 serationes tuas, quid mihi es: Dic animæ  
 meæ, Salus tua ego sum; noli abscondere à  
 me faciem tuam, ne moriar. Sine me loqui  
 apud misericordiam tuam me terram & cine-  
 rem: sine me loqui apud misericordiam  
 tuam, quoniam misericordia tua magna est  
 super me: loquar enim ad Deum meum, cum  
 sim pulvis & cinis. Dic mihi supplici tuo, dic  
 mihi misericors misero tuo, dic per misera-  
 tiones

riones tuas, quid mihi es? Et intonasti de-  
super voce grandi in interiorem aurem cor-  
dis mei, & rupisti surditatem meam, & au-  
divi vocem tuam; & illuminasti cecitatem  
meam, & vidi lucem tuam: & cognovi quo-  
niam Deus meus es tu. Propterea dixi, quod  
cognovi te.

13. Cognovi enim te, quoniam Deus  
meus es tu. Cognovi te solum verum Deum,  
& quem misisti Iesum Christum. Erat tem-  
pus quando non cognoscebam te. Væ tem-  
pori illi, quando non cognoscebam te. Væ  
cecitati illi, quando non videbam te. Væ  
surditati illi, quando non audiebam te. Cæ-  
cus & surdus per formosa quæ fecisti, defor-  
mis irruebam. Et mecum eras, & tecum non  
eram, & ea me tenebant longe à te, quæ  
non essent, nisi essent in te. Illuminasti me,  
lux mundi: & vidi te, & amavi te. Nemo  
quippe te amat, nisi qui te videt: & nemo te  
videt, nisi qui te amat. Sero te amavi, pul-  
chritudo tam antiqua, & tam nova, sero te  
amavi. Væ tempori illi, quando non te amavi.

## CAPUT XXXII.

*Confessio vera fidei.*

1. **G**ratias tibi ago lux mea, qui illumi-  
nasti me, & cognovi te. Qualiter co-  
gnovi te? Cognovi te solum Deum vivum &  
verum creatorem meum: cognovi te, crea-  
torem cœli & terræ, visibilium omnium &  
invisibilium, Deum verum, omnipoten-  
tem, immortalem & invisibilem, incircum-  
scriptibilem, interminabilem, æternum,

inaccessibilem, incomprehensibilem, imper-  
scrutabilem, incommutabilem, immen-  
sum, infinitum, principium omnium visibi-  
lium & invisibilium creaturarum, per quem  
omnia facta sunt, per quem cuncta subsi-  
stunt elementa. Cujus majestas sicut princi-  
pium nunquam habuit, sic nec desinet in æ-  
ternum. Cognovi te unum solum verum  
Deum æternum, Patrem, & Filium & Spi-  
ritum sanctum; tres quidem personas, sed  
unam essentiam, omnino simplicem indivi-  
samque naturam; & Patrem à nullo Filium  
à Patre solo, & Spiritum pariter ab utroque;  
absque initio, semper & sine fine Deum tri-  
num, & unum solum & verum Deum om-  
nipotentem: unum universorum princi-  
pium, creatorem omnium visibilium, & in-  
visibilium, spiritualium & temporalium; qui  
tua omnipotenti virtute, simul ab initio  
temporis utramque de nihilo condidisti  
creaturam, spiritualem & corporalem, An-  
gelicam videlicet & mundanam, ac deinde  
humanam, quasi communem, ex corpore  
& spiritu constitutam.

2. Cognovi te, & confiteor te Deum Pa-  
trem ingenitum, te Filium à Patre genitum,  
& Spiritum sanctum paracletum, neque ge-  
nitum, neque ingenitum: sanctam & indi-  
viduam Trinitatem, in tribus coequalibus  
personis consubstantialibus & coæternis;  
Trinitatem in unitate, & unitatem in Tri-  
nitate, corde credens ad justitiam, & ore  
confitens ad salutem. Cognovi te verum  
Deum & Dominum nostrum Iesum Chri-  
stum,

factum, filium Dei unigenitum, creatorem, salvatorem, & redemptorem mei, & totius humani generis; quem confiteor ex Patre genitum ante secula; Deum de Deo, lumen de lumine, Deum verum de Deo vero, non factum sed genitum, consubstantialem & coeternum Patri & Spiritui sancto, per quem omnia facta sunt à principio: firmiter credens & veraciter confitens, te Deum unigenitum Iesum Christum, propter salutem hominum à tota Trinitate communiter incarnatum, & ex Maria perpetua virgine, Spiritus sancti cooperatione conceptum, verum hominem factum, ex anima rationali & humana carne subsistentem.

3. Qui cum secundum divinitatem unigenitus Dei impassibilis sis, pariter & immortalis; propter nimiam dilectionem tuam, qua dilexisti nos, idem ipse Dei filius secundum humanitatem factus es passibilis & mortalis. Qui propter salutem humani generis, unice fili Dei, in ligno crucis pati dignatus es passionem & mortem, ut nos à morte perpetua liberares. Atque ad inferos, ubi sedebant in tenebris patres nostri, auctor luminis descendisti, & die tertia gloriosus victor ab inferis ad superos resurrexisti; resumens sacrum corpus, quod pro peccatis nostris mortuum jacuerat in sepulchro; & vivificans secundum scripturas die tertia, ut ipsum in Patris dextra collocares. Assumpta namque tecum ex inferis captivitate, quam captivaverat antiquus hostis humani generis inimicus, verus Dei filius cum

nostræ carnis substantia, id est, cum anima & carne humana ex Virgine gloriosa assumpta, super omnes calos ascendisti, transcendens omnes ordines Angelorum: ubi sedes ad dexteram Dei Patris, ubi est fons vitæ, & lumen inaccessibile, & pax Dei, quæ exsuperat omnem sensum.

4. Ibi te Deum verum & hominem Iesum Christum adoramus, & credimus, confidentes te Patrem habere Deum; indeque te venturum Iudicem in fine sæculi expectamus, ut iudices vivos & mortuos, & reddas omnibus bonis & malis secundum opera sua, quæ operati sunt in hac vita, vel præmium, vel supplicium; prout unusquisque dignus fuerit requie vel ærumna. Resurgent enim in illa die à voce virtutis tuæ omnes homines, quotquot humanam animam acceperunt in carne sua, quam hic habuerunt; ut totus homo pro meritis vel gloriam suscipiat, vel gehennam. Tu es ipsa vita, & resurrectio nostra, quem salvatorem expectamus, Dominum Iesum Christum, qui reformabit corpus humilitatis nostræ, configuratum corpori claritatis suæ.

5. Cognovi te Deum verum & unum Spiritum sanctum Patris & Filii ab utroque pariter procedentem, consubstantialem & coæternum Patri & Filio, paracletum & advocatum nostrum, qui super eundem Deum & Dominum nostrum Iesum Christum in columbæ specie descendisti, & super Apostolos in linguis igneis apparuisti. Qui & omnes sanctos & electos Dei à principio; tuæ gra-

tia munere docuisti, & ora Prophetarum, ut enarrent mirabilia regni Dei, aperuisti: qui ab omnibus Sanctis Dei cum Patre & Filio simul adoraris, & glorificaris. Inter quos & ego filius ancillæ tuæ, toto corde meo glorifico nomen tuum, quoniam illuminasti me. Tu enim es vera lux, lumen veridicum, ignis Dei, & magister spirituum: qui unctione tua doces nos omnem veritatem, Spiritus veritatis: sine quo impossibile est placere Deo, quoniam tu ipse Deus es ex Deo, & lux de luce procedens, à Patre luminum ineffabiliter, & ab ejus filio Domino nostro Iesu Christo: quibus consubstantialis, & coequalis, & coeternus, existens in unius Trinitatis essentia, superessentialiter congloriaris & conregnas.

6. Cognovi te unum Deum vivum & verum, Patrem, & Filium, & Spiritum sanctum; trinum quidem in personis, sed unum in essentia quem confiteor, adoro & glorifico toto corde meo, verum Deum solum, sanctum, immortalem, invisibilem, incommutabilem, inaccessibilem, imperiscrutabilem: unum lumen, unum solem, unum panem, unam vitam, unum bonum, unum principium, unum finem, unum creatorem cœli & terræ; per quem omnia vivunt, per quem omnia subsistunt, per quem omnia gubernantur, reguntur & vivificantur, quæ in cœlis sunt, & quæ in terris, & quæ sub terra, præter quem non est Deus in cœlo & in terra.

7. Sic cognovi te Domine Deus cogni-

tor mei, sic cognovi te. Cognovi te per fidem tuam, quam inspirasti mihi, lux mea, lumen oculorum meorum, Domine Deus meus, spes omnium finium terræ, gaudium latificans juventutem meam, & bonum sustentans senectutem meam. In te enim Domine jubilant omnia ossa mea, dicentia: Domine, quis similis tibi? Quis similis tibi in diis Domine? Non quem fecit manus hominum, sed qui fecisti manus hominum. Simulachra gentium argentum & aurum, opera manuum hominum; non sic operator hominum. Omnes dii gentium dæmonia; Dominus autem cœlos fecit, Dominus ipse est Deus. Di, qui non fecerunt cœlum & terram, pereant de cœlo & de terra; Deum, qui creavit cœlum & terram, cœli & terra benedicant.

## C A P V T XXXIII.

*De confessione propria vilitatis.*

1. **Q** Vis similis tibi etiam in diis Domine? Quis similis tibi? Magnificus in sanctitate, terribilis atque laudabilis, & faciens mirabilia? Sero te cognovi lumen verum, sero te cognovi. Erat autem nubes magna & tenebrosa ante oculos vanitatis meæ: ita ut videre non possem solem justitiæ, & lumen veritatis. Involvebar in tenebris; filius tenebrarum, tenebras meas amabam: quia lumen non cognoscebam. Cæcus eram, & cæcitatem amabam, & ad tenebras per tenebras ambulabam. Quis inde me eduxit, ubi eram homo cæcus, sedens in tenebris & umbra mortis?
2. Quis



2. Quis accepit manum meam, ut inde me educeret? Quis est ille illuminator meus? Non enim quærebam, & ipse quæsiuit me: non vocabam eum, & ipse vocavit me. Quis est ille? Tu es Domine Deus meus, misericors & miserator, Pater misericordiarum, & Deus totius consolationis. Tu sancte Domine Deus meus, quem confiteor toto corde meo, gratias agens nomini tuo. Non te quærebam, tu tu me quæsiuisti; non te invocabam, tu me vocasti.

3. Vocasti enim me nomine tuo. Intonasti desuper voce grandi, in interiorem aurem cordis mei, fiat lux; & facta est lux, & discessit nubes magna, & liquefacta est nubes tenebrosa, quæ operuerat oculos meos: & vidi lucem tuam, & cognovi vocem tuam, & dixi: Vere Domine tu es Deus meus, qui eduxisti me de tenebris & umbra mortis; & vocasti me in admirabile lumen tuum, & ecce video. Gratias tibi illuminator meus. Et conversus sum, & vidi tenebras, in quibus fueram; & abyssum tenebrosam, in qua jacueram; & contremui, & expavi, & dixi: Væ, væ tenebris meis, in quibus jacui: Væ, væ cæcitati illi, in qua videre non poteram lumen cœli! Væ, væ præteritæ ignorantie meæ, quando non cognoscebam te, Domine. Gratias tibi ago, illuminator & liberator meus, quoniam illuminasti me, & cognovi te. Sero cognovi te, veritas antiqua, sero te cognovi, veritas æterna. Tu eras in lumine, & ego in tenebris, & non cognoscebam te: quia illuminari non poteram sine te, & non est lux extra te.

C A

## CAPVT XXXIV.

*Consideratio diuina maiestatis.*

1. **S**ANCTE sanctorum, Deus inestimabilis maiestatis, Deus Deorum, & Dominus dominorum, mirabilis, inenarrabilis, inexcogitabilis; quem contremiscunt in cœlo angelicæ Potestates; quem adorant omnes Dominationes & Throni, & omnes Virtutes pavent à conspectu tuo; cujus potentix & sapientix non est numerus, qui fundasti mundum super nihilum, & mare colligasti in aëre quasi in utre, omnipotentissime, sanctissime, fortissime Deus spirituum universæ carnis, à cujus conspectu fugit cœlum & terra; ad cujus nutum omnia se subjiciunt elementa: te adorent & glorificent omnes creaturæ tuæ.

2. Et ego filius ancillæ tuæ, per fidem tuam flecto cervicem cordis mei, sub pedibus Maiestatis tuæ, gratias agens: quoniam dignatus es per tuam misericordiam illuminare me. Lumen verum, lumen sanctum, lumen delectabile, lumen superlaudabile, lumen admirabile, quod illuminat omnem hominum venientem in hunc mundum, & etiam oculos Angelorum. Ecce video, gratias ago. Ecce video lumen cœli, interlucet oculis mentis meæ radius desuper, à facie luminis tui, & latificat omnia ossa mea. O si perficeretur in me! Auge quæso, luminis auctor, auge quæso, quod interlucet in me. Dilatetur, obsecro, dilatetur ex te.

3. Quid est hoc, quod sentio? Quis est ignis,

ignis, qui calefacit cor meum? Quæ est lux, quæ irradiat cor meum? O ignis, qui semper ardes, & nunquam extingueris, accende me! O lux, quæ semper lucet, & nunquam obfuscaris, illumina me! O utinam arderem ex te! Ignis sancte, quam dulciter ardes, quam secrete lucet, quam desideranter aduris! Væ iis, qui non ardent ex te: Væ illis, qui non illuminantur ex te: O lumen veridicum, illuminans omnem mundum, cuius lux implet mundum!

4. Væ cæcis oculis, qui te non vident, sol illuminans cælum & terram. Væ caligantibus oculis, qui te videre non possunt. Væ avertentibus oculis, ut non videant veritatem. Væ non avertentibus, ut non videant vanitatem: nequeunt enim oculi assueti tenebris, summæ veritatis radios intueri; nec sciunt de lumine aliquid aestimare, quorum est in tenebris habitatio. Tenebras vident, tenebras diligunt, tenebras approbant: de tenebris euntes in tenebras, nesciunt ubi corruant. Miseri, qui nesciunt quid amittant; & miseres utique, qui sciunt quid amittant; qui cadunt apertis oculis, & descendunt in infernum viventes.

5. O lux beatissima, quæ non nisi à purgatissimis oculis videri potes. Beati mundo corde, quoniam ipsi Deum videbunt. Munda me, mundans virtus; sana oculos meos, ut sanis oculis te contempler, quem non nisi sani oculi intuentur. Aufer, quæso, squamas caliginis antiquæ, radio tuæ illuminationis splendor inaccessibilis, ut te videre valeam irreverbera-

beratis obrutibus, & in lumine tuo  
lumen. Gratias tibi ago, lux mea. Ecce  
deo. Dilateretur obsecro visus meus Domine  
ex te. Revela oculos meos, ut considerem  
mirabilia de lege tua: qui es mirabilis in  
Sanctis tuis. Gratias tibi ago, lumen meum.  
Ecce video, sed per speculum in ænigmate.  
Sed quando facie ad faciem? Quando veniet  
dies latitiæ & exultationis, in qua ingre-  
diar in locum tabernaculi admirabilis, us-  
que ad domum Dei: ut videam videntem  
me, facie ad faciem, & satiatur desiderium  
meum?

## CAPVT XXXV.

*De desiderio & siti anima ad Deum.*

1. **Q**uemadmodum desiderat cervus ad  
fontes aquarum, ita desiderat anima  
mea ad te Deus. Sitivit anima mea ad te  
Deum fontem vivum: quando veniam, &  
apparebo ante faciem tuam? O fons vitæ!  
vena aquarum viventium, quando veniam  
ad aquas dulcedinis tuæ, de terra deserta,  
invia & inaquosa, ut videam virtutem tuam  
& gloriam tuam, & satiem ex aquis miseri-  
cordiæ tuæ sitim meam? Sitio Domine, fons  
vitæ es, satia me. Sitio Domine, sitio te  
Deum vivum. O quando veniam, & appare-  
bo Domine ante faciem tuam? Putasne vide-  
bo diem illam, diem inquam jucunditatis  
& latitiæ, diem quam fecit Dominus, ut  
exultemus & lætemur in ea?

2. O dies præclara & pulchra, nesciens  
vesperum, non habens occasum: in qua au-  
diam

~~dicam~~ vocem laudis, vocem exultationis & confessionis. In qua audiam: Intra in gaudium Domini tui. Intra in gaudium sempiternum, in domum Domini Dei tui; ubi sunt magna & inscrutabilia, & mirabilia, quorum non est numerus. Intra in gaudium sine tristitia, quod continet æternam latitiam. Vbi erit omne bonum, & non erit aliquod malum. Vbi erit quicquid voles, & non erit quidquid noles. Vbi erit vita vitalis dulcis, & amabilis, semperque memorialis: ubi non erit hostis impugnans, nec ulla illecebra, sed summa & certa securitas, secunda tranquillitas, & tranquilla jocunditas, jocunda fœlicitas, fœlix æternitas, æterna beatitudo, & beata Trinitas, & Trinitatis Vnitas, & Vnitatis Deitas, & Deitatis beata visio; quæ est gaudium Domini Dei tui.

3. O gaudium super gaudium: gaudium vincens omne gaudium, extra quod non est gaudium! Quando intrabo in te, ut videam Deum meum, qui habitat in te? Ibo illuc, & videbo visionem hanc grandem. Quid est, quod me detinet? Heu me, quia incolatus meus prolongatus est! Heu me, quam diu dicetur mihi: Vbi est Deus tuus? quam diu dicetur mihi: Expecta, reexpecta. Et nunc quæ est expectatio mea? Nonne tu, Domine Deus meus? Salvatorem expectamus, Dominum nostrum Iesum Christum, qui reformat corpus humilitatis nostræ configuratum corpori claritatis suæ. Expectamus Dominum, quando revertatur à nuptiis, ut inducat nos ad suas nuptias. Veni Domine, & noli

noli tardare. Veni Domine Iesu Glorificaberis,  
veni, & visita nos in pace. Veni & libera nos  
vinctos de carcere, ut latemur coram te, & non  
de perfecto. Veni Salvator noster. Veni & con-  
sideratus cunctis gentibus, ostende laudem  
tuam, & salvi erimus. Veni lux mea, redem-  
ptor meus, educ de carcere animam meam  
ad confitendum nomini sancto tuo.

4. Quamdiu miser iactabor in fluctibus  
mortalitatis meae, clamans ad te, Domine,  
& non exaudis? Audi clamantem, Domine,  
de hoc mari magno, & adduc me ad portum  
felicitatis aeternae. Felices, qui de periculo  
maris huius educti, ad te Deum, portum  
tutissimum, pervenire meruerunt. O vere  
felices, qui de pelago ad litus, de exilio ad  
patriam, de carcere ad palatium pervene-  
runt, optata jam quiete beati; qui bravium  
illud perpetuae gloriae, quod hic per multas  
tribulationes quaesierunt, jam felici junc-  
tate adepti, latantur in perpetuum. O ve-  
re beati, o terque quaterque beati, qui jam  
omnium malorum exuti, securi de sua im-  
marcescibili gloria, ad regnum decoris, per-  
venire meruerunt. O aeternum regnum, re-  
gnum omnium saeculorum; ubi lumen in-  
dehiciens, & pax Dei, quae exsuperat om-  
nem sensum: In quo sanctorum animae re-  
quiescunt, & laetitia sempiterna super capita  
eorum: gaudium & exultationem obtine-  
bunt, & fugiet dolor & gemitus.

5. O quam gloriosum est regnum, in quo  
tecum, Domine, regnant omnes Sancti,  
amicti lumine sicut vestimento, habentes in  
capi-

facie tuo coronam de lapide precioso ! O re-  
~~atum~~ beatitudinis sempiternæ , ubi tu Do-  
 mine , spes Sanctorum , & diadema gloriæ ,  
 facie ad faciem videris à Sanctis , latificans  
 eos undique in pace tua , quæ exsuperat  
 omnem sensum. Ibi gaudium infinitum , læ-  
 titia sine tristitia , salus sine dolore , via sine  
 labore , lux sine tenebris , vita sine morte ,  
 omne bonum sine omni malo. Vbi juvenus  
 nunquam senescit , ubi vita terminum nescit ,  
 ubi decor nunquam pallefcit , ubi amor nun-  
 quam tepescit , ubi sanitas nunquam marce-  
 fcit , ubi gaudium nunquam decrefcit , ubi  
 dolor nunquam sentitur , ubi gemitus nun-  
 quam auditur , ubi triste nihil videtur , ubi  
 lætitia semper habetur , ubi malum nullum  
 timetur , quoniam ibi summum bonum pos-  
 fidetur , quod est videre semper faciem Do-  
 mini virtutum.

6. Fœlices igitur , qui de naufraga vita  
 præfenti , ad tanta gaudia jam pervenire me-  
 ruerunt. Infœlices heu nos miseri , qui per  
 hujus maris magni fluctus procellosasque vo-  
 ragines navem trahimus ; ignorantes an ad  
 portum salutis pervenire valeamus. Infœlices  
 inquam , quorum vita est in exilio , vita in  
 periculo : finis in dubio , nescientes finem  
 nostrum : quia omnia in futurum reservan-  
 tur incerta. Adhuc in pelagi fluctibus versa-  
 mur , suspirantes ad te portum maris. O pa-  
 tria nostra , patria secunda , à longe te videmus ,  
 ab hoc mari te salutamus , ab hac valle ad te  
 suspiramus , & nitimur cum lachrymis , si  
 quomodo ad te perveniamus.



7. Spes humani generis Christe, Deus de Deo, refugium nostrum, & virtus, cussus lumen à longe inter caliginosas nebulas super maris procellas, quasi stellæ maris radius oculos nostros irradiat, ut dirigamur ad te portum: Guberna Domine navem nostram tua dextra clavo crucis tuæ, ne pereamus in fluctibus ne nos demergat tempestas aquarum, ne absorbeat nos profundum: sed unco crucis retrahere nos ab hoc pelago, ad te solamen unicum nostrum, quem à longe, quasi stellam matutinam & Solem justitiæ, vix lachrymantibus oculis in litore cælestis patriæ nos expectantem videmus.

8. En ad te clamamus redempti tui; sed & nunc exules tui, quos precioso sanguine redemisti. Exaudi nos Deus salutaris noster, spes omnium finium terræ, & in mari longe. In mari turbulento versamur. Tu in litore stans, aspicias pericula nostra: salvos nos fac propter nomen tuum. Da nobis Domine inter scyllam & charybden ita tendere & tenere medium, ut utroque periculo evitato, salva nave & mercibus, securi perveniamus ad portum.

## C A P V T XXXVI.

### *De gloria cælestis patriæ.*

¶ C Vm ergo pervenerimus ad te sapientiæ fontem, ad te lumen indeficiens, ad te lucem inextinguibilem: ut te non jam per speculum in ænigmate, sed facie ad faciem videamus; tunc satiabitur in bonis desiderium nostrum: quia nihil erit exterius  
quod

quod desideretur, nisi tu Domine summum bonum; qui eris præmium beatorum, & diadema decoris eorum, & lætitia sempiterna super capita eorum; pacificans eos intus & extra, in pace tua, quæ exsuperat omnem sensum. Ibi videbimus, amabimus; & laudabimus. Videbimus in lumine tuo lumen tuum, quoniam apud te est fons vitæ, & in lumine tuo videbimus lumen. Quale autem lumen? Lumen immensum, lumen incorporeum, incorruptibile, incomprehensibile: lumen indeficiens, lumen inextinguibile, lumen inaccessibile, lumen increatum, lumen veridicum, lumen divinum; quod illuminat oculos Angelorum; quod lætificat juventutem Sanctorum; quod est lumen luminum, & fons vitæ; quod es tu, Domine Deus meus.

2. Tu es quippe lumen, in cuius lumine videbimus lumen, te scilicet in te, in splendore vultus tui, quando te videbimus facie ad faciem. Quid est videre facie ad faciem, nisi quod ait Apostolus: Cognoscere sicut & cognitus sum: cognoscere veritatem tuam, & gloriam tuam? Hoc est cognoscere faciem tuam, cognoscere Patris potentiam, Filii sapientiam, Spiritus sancti clementiam, ipsius summæ Trinitatis unam & individuam essentiam. Videre enim faciem Dei vivi, hoc est summum bonum, gaudium Angelorum atque omnium Sanctorum, præmium vitæ æternæ, gloria spirituum, lætitia sempiterna, corona decoris, bravium felicitatis, requies opulenta, pulchritudo pacis, inti-

num, & externum gaudium, paradisus Dei: Hierusalem cœlestis, vita beata, plenitudo beatitudinis, gaudium æternitatis, pax Dei, quæ exsuperat omnem sensum.

3. Hæc est plena beatitudo, & tota glorificatio hominis, videre faciem Dei sui, videre eum, qui fecit cœlum & terram, videre eum, qui fecit eum, qui salvavit eum, & qui glorificavit eum. Videbit eum cognoscendo, amabit diligendo, laudabit possidendo. Ipse enim erit hæreditas populi sui, populi Sanctorum, populi quem redemit. Ipse possessio felicitatis eorum, ipse præmium & merces expectationis. Ero, inquit, merces tua magna nimis, magnum enim magna decent. Vere, Domine Deus meus, magnus es tu nimis super omnes Deos, & merces tua magna nimis. Neque enim magnus es tu, & parva merces tua: sed ut magnus es tu, ita magna merces tua: quoniam non aliud es tu, & aliud merces tua. Sed tu ipse magnus nimis: tu ipse merces magna nimis: tu ipse coronator es, & corona: tu ipse promissor es & promissio. Tu remunerator & munus; tu præmiator & præmium felicitatis æternæ.

4. Tu ergo coronator es & corona, Deus meus, & diadema spei meæ, quæ ornata est gloria: lumen latitans, lux renovans, decor adornans: spes mea magna, desiderium cordis Sanctorum, & desideratus eorum. Visio ergo tua tota merces est, totum præmium, & totum gaudium, quod expectamus. Hæc est enim vita æterna, hæc est, inquam, sapien-

sapientia tua. Hæc est vita æterna, ut cognoscamus te solum verum Deum, & quem misisti Iesum Christum. Cum igitur videbimus te solum Deum, Deum verum, Deum vivum, omnipotentem, simplicem, invisibilem, incircumscriptibilem, incomprehensibilem: & Filium tuum unigenitum, consubstantialem, & coæternum tibi, Dominum nostrum Iesum Christum, quem pro salute nostra misisti in mundum in virtute Spiritus sancti, trinum in personis, & unum in essentia, Deum sanctum solum, extra quem non est Deus; tunc habebimus quod nunc quærimus, vitam æternam, gloriam sempiternam, quam preparasti diligentibus te, quam abscondisti timentibus te, quam daturus es quærentibus faciem tuam semper.

5. Et tu Domine Deus meus, formator meus ex utero matris meæ, quæ me commendavit manui tuæ, non me permittas amplius ex uno distrahi in multa: sed collige me de exterioribus ad me, de me ad te; ut dicat tibi semper cor meum, Exquisivit te facies mea; faciem tuam Domine requiram, faciem Domini virtutum, in qua sola consistit tota gloria sempiterna beatorum. Quam quidem videre, vita æterna est, & gloria sempiterna Sanctorum. Latetur ergo cor meum, ut timeat nomen tuum. Latetur cor quærentium Dominum, sed multo magis cor invenientium. Si enim latitia est in quærendo, qualis latitia erit in inveniundo? Quæram ergo semper ardentè & indefinenter faciem tuam, si quando tandem

aperiatur mihi ostium & porta iustitiæ, ut intrem in gaudium Domini mei. Hac porta Domini; iusti ingredientur per eam.

## CAPUT XXXVII.

*Oratio ad sanctam Trinitatem.*

1. **O** Tres coæquales & coeternæ personæ, Deus unus & verus, Pater, & Filius, & Spiritus sanctus; qui solus habitas aternitatem, & lucem inaccessibilem. Qui fundasti terram in potentia tua, & regis orbem terræ prudentia tua. Sanctus, Sanctus, Sanctus, Dominus Deus Sebaoth. Terribilis & fortis, iustus & misericors, admirabilis, laudabilis, amabilis, Unus Deus, Tres personæ; una essentia, potentia, sapientia, bonitas, una & indivisa Trinitas. Aperi mihi clamanti portas iustitiæ; & ingressus in eas, confitebor tibi Domine.
2. **E**n ad ostium tuum, summe paterfamilias, mendicus pulso. Iube aperiri pulsanti, qui dixisti: Pulsate, & aperietur. Pulsant enim ad ostium tuum, Pater misericordissime, desideria rugientium præcordiorum meorum, & clamores lachrymarum oculorum meorum. Ante te est omne desiderium meum, & gemitus meus à te non est absconditus. Et tu Domine non avertas faciem tuam amplius à me, nec declines in ira à servo tuo. Pater misericordiarum, audi ejulationem pupilli tui, & porrige manum tuam optimam adjutricem; ut retrahat me de profundis aquarum & de lacu miseriæ, & de luto facis, ne peream vidente misericordia

ocu-

oculorum tuorum, aspiciente clementia viscerum tuorum. sed evadam ad te Dominum Deum meum; ut videam divitias regni tui, & intuear faciem tuam semper, & laudem dicam nomini tuo sancto. Domine, qui facis mirabilia; qui cor meum latum facis memoria tui; qui illuminas juventutem meam: ne despicias senectutem meam, sed jubilare facias ossa mea, & reviviscere facias ut Aquilæ canos meos.

*Soliloquiorum finis.*



MANVALE  
D. AVGVSTINI,  
SEV LIBELLVS

De Contemplatione Christi, sive de Verbo Dei, quo sopita cœlestis desiderii memoria renovetur.

P R Æ F A T I O.

**Q**VONIAM in medio laqueorum positi sumus, facile à cœlesti desiderio frigescimus. Quapropter assiduo indigemus munimento, ut expergefati ad Deum nostrum, verum & summum bonum, cum desuimus, recurramus. Idcirco non presumptionis temeritate, sed magna Dei mei dilectione, huic opusculo ad laudem ejus operam dedi; ut ex elegantioribus divinis sanctorum Patrum, breve & manuale verbum de Deo meo mecum semper haberem: ex cujus lectionis igne, quoties tepesco, in ejus accendat amorem. Nunc adesto mihi Deus meus, quem quero, quem diligo, quem corde, & ore confiteor, & qua valeo virtute, laudo atque adoro.

2. Mens mea devota tibi, tui amore accensa, tibi spirans, tibi inhians, te solum videre desiderans: nihil habet dulce nisi de te loqui, de te audire, de te scribere, de te conferre, tuam gloriam frequenter sub corde revolvere: ut tui suavis memoria sit inter hos turbines aliqua repausatio mea. Te ergo invoco, desideratissime, ad te clamo clamo-

re



re magno in toto corde meo. Et cum te invoco, utique in me ipso invoco. Quoniam omnino non essem, nisi tu esses in me: & nisi ego essem in te, non esses in me. In me es, quoniam in memoria mea manes: ex ea cognovi te, & in ea invenio te, cum reminiscor tui, & delector in te, ex quo omnia, per quem omnia, & in quo omnia.

## CAPVT I.

*De mirabili essentia Dei.*

I. **T**V, Domine, cælum & terram imple,  
omnia portans sine onere, omnia implens sine inclusione. Semper agens, semper quietus; colligens, & non egens; quaerens, cum nihil desit tibi; amans, nec astuans; zelans, & securus es. pœnitet te, & non doles; irasceris, & tranquillus es; opera mutas, sed non mutas consilium; recipis quod invenis, & nunquam amissi; nunquam inops, & gaudes lucris; nunquam avarus, & usuras exigis; supererogas, cui non debes; vel semper; superogatur tibi, ut debeas.

2. Equis habet quicquam non tuum? Reddis debita, nulli debens; donas debita, nihil perdens. Qui ubique es, & ubique totus; qui sentiri potes, & videri non potes; qui nusquam dees, & tamen ab iniquorum cogitationibus longe es; qui nec ibi dees, ubi longe es: quia ubi non es per gratiam, ades per vindictam; qui ubique præsens es, & vix inveniri potes. Quem stantem sequimur, & apprehendere non valemus. Qui

tenes omnia, imples omnia, circumplecteris omnia, superexcedis omnia, sustines omnia.

3. Qui corda fidelium doces sine strepitu verborum. Qui locis non distenderis, nec temporibus variaris, nec habes accessus & recessus: qui habitas lucem inaccessibilem, quam nullus hominum vidit, nec videre potest. In te manens quietus ubique circuis totum. Non enim scindi & dividi potes, quia vere unus es: nec in partes efficeris, sed totus totum tenes, totum imples, totum illustras & possides.

## C A P V T II.

### *De indicibili scientia Dei.*

1. **S**I totum mundum libri repleant, tua scientia inenarrabilis non potest enarrari. Quoniam vero indicibilis es, nullo modo scribi poteris, nec concludi. Tu es fons lucis divina, & Sol claritatis æternæ. Magnus es sine quantitate, & ideo immensus. Bonus sine qualitate, & ideo vere & summe bonus, & nemo bonus, nisi tu solus. Cujus voluntas, opus est: cujus velle, posse est. Qui omnia quæ ex nihilo creasti, sola voluntate fecisti. Qui omnem creaturam tuam absque indigentia aliqua possides, & sine labore gubernas, & absque tædio regis, & nihil est quod conturbet ordinem imperii tui, vel in summis, vel in imis.

2. Qui in omnibus locis sine loco haberis; & omnia continens sine ambitu, & ubique præsens es sine situ & motu. Qui nec mali

auctor

auctor es, quod facere non potes. Qui nihil non potes, nec unquam quicquam te fecisse pœnituit. Cujus bonitate facti sumus, & iustitia pœnas luimus, & clementia liberamur. Cujus omnipotentia omnia gubernat, regit, & implet, quæ creavit. Nec ideo te implere omnia dicimus, ut te contineant; sed ipsa potius à te continentur. Nec particulatim implēs omnia, nec ullatenus ita putandum est, ut unaquæque res pro magnitudine suæ portionis capiat te: id est maxima majus, minima minus; dum sis potius ipse totus in omnibus, & omnia in te. Cujus omnipotentia omnia concludit, nec evadendi potentiam tuam quis aditum invenire poterit. Qui enim te non habet placatum, nequaquam evadet iratum.

## CAPUT III.

*De desiderio animæ sentientis Deum.*

1. **T**E igitur clementissime Deus invoco in animam meam, quam præparas ad capiendum te ex desiderio, quod inspiras ei. Intra, rogo, in eam, & coapta eam tibi, ut possideas illam, quam fecisti & refecisti; ut habeam te velut signaculum super cor meum. Quæso piissime, invocantem te non deseras; quia priusquam te invocarem, me vocasti, & quæsisisti: ut ego servus tuus te quærerem, quærendo invenirem, & inventum amarem. Quæsi, & inveni te Domine, & amare desidero. Auge desiderium meum, & da quod peto; quoniam si cuncta quæ fecisti mihi dederis, non sufficit servo tuo,

tuo, nisi teipsum dederis. Da ergo teipsum mihi: Deus meus redde te mihi. En amo te, & si parum est, amen validius. Tui ergo amore teneor, tui desiderio flagro, tui dulci memoria delector.

2. Ecce, dum tibi mens mea suspirat, & tuam ineffabilem pietatem meditatur, ipsa carnis sarcina minus gravat, cogitationum tumultus cessat, pondus mortalitatis & miseriarum more solito non hebetat; silent cuncta, tranquilla sunt omnia. Cor ardet, animus gaudet, memoria viget, intellectus lucet, & totus spiritus, ex desiderio visionis tue accensus, invisibilem amore capi se videt. Assumat spiritus meus pennas ut Aquilæ; volet, & non deficiat: volet, & perveniat usque ad decorem domus tuæ, & thronum gloriæ tuæ; & ibi super mensam refectiois civium supernorum pascatur de occultis tuis, in loco pascenæ juxta fluenta plenissima. Tu esto exultatio nostra, qui es spes nostra, salus atque redemptio. Tu esto nostrum gaudium, qui es futurus præmium. Te semper querat anima mea, & tu præsta ut quarendo non deficiat.

#### C A P V T IV.

*De miseria anima, quæ Dominum nostrum Iesum Christum non amat, nec querit.*

1. **V**Æ misera anima, quæ Christum non querit, nec amat, arida manet & misera. Perdit quod vivit, qui te Deum non diligit. Qui curat vivere non propter te, Domine, nihil est, & pro nihilo est. Qui tibi  
vive-

vivere recusat, mortuus est. Qui tibi non sapit, desipit. Misericordissime, tibi me commendando, reddo, & concedo; per quem sum, vivo, & sapio: in te confido, spero, & totam spem meam pono, per quem resurgam, vivam, & requiescam. Te cupio, diligo, adoro: cum quo manebo, regnabo, & beatus ero. Anima quæ te non quatit, nec diligit, mundum diligit, peccatis servit, & vitiis subiecta est: nunquam quieta, nunquam secunda est. Famuletur tibi semper mens mea, piissime. Suspiret tibi semper peregrinatio mea: ardeat in amore tui cor meum.

2. Requiescat in te, Deus meus, anima mea: contempletur te in mentis excessu: cantet laudes tuas in jubilatione: & hæc sit in hoc exilio meo consolatio mea. Confugiat mens mea sub umbra alarum tuarum, ab æstibus cogitationum sæculi hujus. Repauset in te cor meum, cor mare magnum tuum fluctibus. O dives omnium bonarum dapum, supernæ satietatis opulentissima largitor, Deus; da lassio cibum, collige dispersum, libera captivum, & reintegra scissum. En stat ad ostium, & pulsat. Obsecro per viscera misericordiæ tuæ, quibus visitasti nos oriens ex alto, jube pulsanti misero aperiri, ut liberis gressibus ingredietur ad te, & requiescat in te, & reficiatur de te pane celesti. Tu enim es panis, & fons vitæ: tu lumen claritatis æternæ: tu omnia ex quibus vivunt recti, qui diligunt te.

## CAP. V. T. V.

*De desiderio anime.*

1. **D**eus, lumen cordium te videntium & vita animarum te amantium & virtus cogitationum te querentium, da ut sancto tui amoris inheream. Veni, rogo, in cor meum, & ab ubertate voluptatis tue inebria illud, ut obliviscar ista temporalia. Pudet ac piget me talia per te, quæ tu solus iste agit. Triste est mihi quod video; grave est omne quod de transitorio audio. Adjuva me Domine Deus meus, & da. Interitum in corde meo: veni ad me, ut videam te. Sed angusta est mihi domus anime meae, quousque venias ad eam, & discedetur à te. Ruinosa est, refice eam. Habet plurima, quæ offendunt oculos tuos; fateor, & scio: sed quis mundabit eam, aut enim alteri præter te clamabo: Ab occultis meis munda me Domine, & ab alienis parce servo tuo?

2. Fac me dulcis Christe, bone Iesu, fac me, rogo, amore & desiderio tui deponere onus carnalium desideriorum, & terrenarum concupiscentiarum. Domineur carni anima, animæ ratio rationi gratia tua, & tua me interius & exterius subde voluntati. Tribue mihi, ut laudet te cor meum, & lingua mea, & omnia ossa mea. Dilata mentem meam, & attolle intuitum cordis mei; ut vel rapida cogitatione spiritus tuus meum attingat te, æternam sapientiam super omnia manentem. Dissolve me, oro, a vinculis, quibus

bus constrictus teneor, ut relinquens omnia ista, tibi serviam; tibi soli inhaream, tibi soli intendam.

## CAPVT VI.

*De felicitate anime à terreno carcere*

*et soluta.*

1. **F**œlix anima, quæ terreno resoluta carcere, libera, cælum petit; quæ te dulcissimum Dominum facie ad faciem cernit; quæ nullo metu mortis afficitur, sed de incorruptione perpetuæ gloriæ latatur. Tranquilla est & secunda; jam non timet hostem, nec mortem. Habet te pium Dominum, quem diu quaesivit, semperque amavit: hymnidicis sociata choris, mellislua perpetuæ festivitatis carmina, ad laudem gloriæ tuæ, rex Christe, bone Iesu, in æternum concinit. Inebriata enim ab ubertate domus tuæ; & torrente voluptatis tuæ potat eam. Fœlix societas supernorum civium, & gloriosi solemnitatis omnium ad te redeuntium ab huius nostræ peregrinationis tristi labore, ad amœnitatem pulchritudinis, ad formositatem totius splendoris, atque dignitatem totius elegantiae: ibi te jugiter, Domine, tui cives cernunt. Nihil omnino, quod conturbet mentem, ibidem auribus datur.

2. Quæ cantica? Quæ organa? Quæ cantilena? Quæ melodia ibi sine fine decantantur? Sonant ibi semper mellislua hymnorum organa, suavissima Angelorum melodia, cantica canticorum mira; quæ ad laudem & gloriam tuam, à supernis civibus decan-



decantantur. Amaritudo, & omnis fellis asperitas, in regione tua locum non habent. Non enim est ibi malus, neque malitia. Non est adversarius & impugnans, nec est ulla peccati illecebra. Nulla est ibi indigentia, dedecus nullum, rixa nulla, nullum improperium, causatio nulla, nullus timor, nulla inquietudo, nulla poena; nulla dubietas, nulla violentia, nulla discordia: sed est ibi pax summa, charitas plena, jubilatio & laus Dei aeterna, sine fine secunda requies, & gaudium semper in Spiritu sancto.

3. O quam fortunatus ero, si audivero jucundissimas civium tuorum cantilenas, carmina melliflua, laudes summæ Trinitati debito honore promentia! Sed & nimium foelix, si ego ipse meruero cantare canticum Domino Iesu Christo, de dulcibus canticis Sion.

## C A P V T VII.

### *De gaudio Paradisi.*

1. **O** Vita vitalis, vita sempiterna, & sempiterna beata! Vbi gaudium sine mœrore, requies sine labore, dignitas sine tremore, opes sine amissione, sanitas sine languore, abundantia sine defectione, vita sine morte, perpetuitas sine corruptione, beatitudo sine calamitate: ubi omnia bona in charitate perfecta; ubi species & visio facie ad faciem; ubi plena scientia in omnibus & per omnia; ubi summa Dei bonitas cernitur, & lumen illuminans à Sanctis glorificatur; ubi præsens majestas Dei

con-

conspicit  
mens in  
& vider  
rant, &  
2. Vb  
tudinis  
fos coele  
ipsi: lue  
num lue  
lis nostr  
larum  
Deitati  
biles fac  
vatoris  
ubi ego  
clacitate  
ut tu Pa  
bis unu

1. **R**  
cans fin  
avum.  
habere  
rem, de  
perpetu  
2. Vb  
ultimur  
pietas h  
sua civit  
fitem, 1

conspicitur; & hoc vitæ cibo, sine defectu, mens intuentium satiatur; vident semper, & videre desiderant; sine anxietate desiderant, & sine fastidio satiantur.

2. Vbi verus Sol justitiæ miræ suæ pulchritudinis visione omnes reficit: & ita universos cœlestis patriæ cives illuminat, ut luceant ipsi: lumen videlicet illuminatum per divinum lumen, illuminans ultra omnem Solis nostri splendorem, atque cunctarum stellarum claritatem: Immortali adherentes Deitati, ac per hoc immortales & incorruptibiles facti, juxta promissionem Domini Salvatoris: Pater, quos dedisti mihi, volo ut ubi ego sum, & illi sint mecum, ut videant claritatem meam, ut omnes unum sint, sicut tu Pater in me, & ego in te, & ipsi in nobis unum sint.

## CAPVT VIII.

*De Regno cœlorum.*

1. **R**egnum cœlorum, regnum felicissimum, regnum carens morte, & vacans sine; cui nulla tempora succedunt per ævum. Vbi continuus sine nocte dies, nescit habere tempus; ubi victor miles post laborem, donis ineffabilibus cumulatur, nobile perpetua caput amplectente corona.

2. Utinam remissa peccatorum mole me ultimum servorum Christi, juberet divina pietas hanc carnis sarcinam deponere; ut in suæ civitatis gaudia æterna repausandus transirem, sanctissimis supernorum choris in-

teref-

teressem, cum beatissimis spiritibus gloriæ conditoris assisterem, præsentem Dei vultum cernerem, nullo mortis metu tangerer de perpetuæ immortalitatis incorruptione securus gauderem, & scienti omnia conjunctum omnem ignorantia cæcitatem amitterem: terrena cuncta parvipenderem, convallem lachrymarum istam intueri vel reminisci ulterius non dignarer; ubi vita laboriosa, vita corruptibilis, vita omni amaritudine plena, vita domina malorum, ancilla infernorum.

3. Quam humores tumidant, dolores extenuant, ardores exsiccant, aëra morbidant, escæ inflant, jejunia macerant, joci solvunt, tristitiæ consumunt, sollicitudo coarctat, securitas hebetat, divitiæ jactant, paupertas dejicit, juvenus extollit, senectus incurvat, infirmitas frangit, mœror deprimit; diabolus insidiatur, mundus adulatur, caro deletatur; anima excæcatur, totus homo conturbatur. Et his tot & tantis malis mors furibunda succedit; vanisque gaudiis ita finem imponit, ut cum esse desierint, nec fuisse putentur.

#### C A P V T IX.

*Quomodo post nimios ploratus mœstam animam conselatur Deus.*

1. **S**ed quas laudes, quasve gratiarum actiones, tibi referre valeamus, Deus noster; qui nos etiam inter has tantas mortalitatis nostræ arumnas non desinas consolari mira visitatione gratiæ tuæ? Ecce me miserum

serium multis moeroribus plenum, dum vitæ meæ finem timeo, dum peccata mea considero, dum iudicium tuum formido, dum mortis horam cogito, dum supplicia tartari horreo; dum opera mea, qua distractione & discussione à te pensentur, ignoro, dum quo sine illa clausurus sim, penitus nescio.

2. Cumque hæc & alia multa mecum sub corde retracto, consolaturus ades solita pietate Domine Deus, & inter has querelas nimiosque ploratus ac profunda cordis suspiria assumis mœstam & anxiam mentem super alta juga montium, ad areolas usque aromatatum, & collocas me in loco pascuæ, secus rivulos dulcium aquarum; ubi præparas in conspectu meo mensam multiplicis apparatus, quæ fatigatum spiritum repauset, & cor triste latificet: quibus tandem refocillatus deliciis, multarum miseriarum mearum oblitus, levatus super altitudinem terræ, in te vera pace quiesco.

## C A P V T X.

*De dulcedine divini amoris.*

1. **A**Mo te Deus meus, amo te, & magis atque magis amare te volo. Da mihi, Domine Deus meus, speciose præ filiis hominum, ut desiderem te, ut amem te quantum volo, & quantum debeo. Immensus es, & sine mensura debes amari; præsertim à nobis, quos sic amasti, sic salvasti, pro quibus tanta & talia fecisti.

2. O amor, qui semper ardes, & nunquam extingueris! dulcis Christe, bone Iesu,

charitas Deus meus, accende me totum igne tuo, amore tui, dulcedine tua, dilectione tui, desiderio tui, charitate tua, iucunditate & exultatione tua, pietate & suauitate tua, voluptate & concupiscentia tui; quæ sancta est & bona, quæ casta est & munda; ut totus dulcedine amoris tui plenus, totus flamma tuæ charitatis vaporatus, diligam te, Dominum meum dulcissimum, & pulcherrimum, ex toto corde meo, ex tota anima mea, ex totis viribus meis, & ex omni intentione mea: cum multa cordis contritione, & lachrymarum fonte: cum multa reverentia & tremore: habens te in corde & in ore, & præ oculis meis semper & ubique; ita ut nullus in me adulterinis amoribus pateat locus.

## C A P V T XI.

*De preparatione nostræ redemptionis.*

1. **P**ulcherrime Iesu Christe, rogo te, per illam sacratissimam effusionem pretiosissimi sanguinis tui, quo redempti sumus, da mihi cordis contritionem & lachrymarum fontem, præcipue dum preces & orationes tibi offero. Dum tuæ laudis tibi psalmodiam decanto. Dum mysterium nostræ redemptionis, manifestum misericordiæ tuæ iudicium, recolo vel profero. Dum sacris altaribus, licet indignus, assisto: cupiens tibi offerre illud mirabile & caeleste sacrificium, omni reverentia & devotione dignum; quod tu, Domine Deus meus, sacerdos immaculate, implurimi, & offerre præcepisti in commemora-

morationem tuæ charitatis : mortis scilicet ,  
& passionis pro salute nostra, pro quotidiana  
nostra fragilitatis reparatione.

2. Confirmetur mens mea , inter tanta  
mysteria , dulcedine præsentia tuæ ; sentiat  
te sibi adesse , & lateatur coram te , ignis , qui  
semper lucet , amor , qui semper ardet ; dul-  
cis Christe , bone Iesu , lumen æternum &  
indeficiens ; panis vitæ , qui nos reficis , & in  
te non deficis ; quotidie comederis , & sem-  
per integer manes : resplende mihi , accende  
me , illumina & sanctifica vas tuum , de ma-  
litiis evacua , imple de gratia , & plenum  
conserva ; ut ad salutem animæ meæ man-  
ducem cibum carnis tuæ : quatenus mandu-  
cando te , vivam de te , vivam per te , perve-  
niam ad te & repauserem in te.

## C A P V T XII.

*De Gaudio.*

1. **O** Dulcedo amoris , & amor dulcedi-  
nis ; comedat te venter meus , &  
nectare tui amoris repleantur viscera mea ,  
& eructet mens mea verbum bonum.  
Charitas Deus meus , mel dulce , lac ni-  
veum , cibus & gaudium , fac me crescere in  
te : ut sano palato possis manducari à me. Tu  
es vita mea , qua vivo ; spes cui inhareo ; glo-  
ria , quam adipisci desidero. Tu mihi cor  
tene , mentem rege , intellectum dirige ,  
amorem erige , animum suspende , & in su-  
perna fluente os sitientis te spiritus trahe.

2. Taceat , quæso , tumultus carnis ; con-  
tice-

O 3

tice-

*Junge cum cap. 21*

ticescant phantasiæ terrarum & aquarum, aëris & poli. Taceant somnia, & imaginariæ revelationes: omnis lingua, omne signum, & quicquid transeundo fit. Sileat sibi & ipsa anima, & transeat se, non cogitando se, sed te Deus meus: quoniam tu es revera tota spes & fiducia mea. Est enim in te Deo & Domino nostro Iesu Christo, dulcissimo & benignissimo atque clementissimo, uniuscujusque nostrum & portio, & sanguis, & caro. Vbi ergo portio mea regnat, ibi regnare me credo. Vbi sanguis meus dominatur, ibi dominari me confido. Vbi caro mea glorificatur, ibi gloriosum me esse cognosco. Quamvis peccator sim, de hac tamen communione gratiæ non diffido: Et si peccata mea prohibent, substantia mea requirit. Et si delicta propria me excludunt, naturæ communio non repellit.

## CAPVT XIII.

*Quod Verbum incarnatum sit causa  
spes nostra.*

1. **N**on enim tam inimicus est Dominus, ut non diligat carnem suam, membra sua, & viscera sua. Desperare utique potuissem propter nimia peccata mea & vitia, culpas & infinitas negligentias meas, quas egi, & quotidie indefinenter ago, corde, ore, & opere, & omnibus modis, quibus humana fragilitas peccare potest; nisi Verbum tuum, Deus meus, caro fieret, & habitaret in nobis.

2. Sed



2. Sed desperare jam non audeo, quoniam subditus ille tibi usque ad mortem, mortem autem crucis, tulit chirographum peccatorum nostrorum, & affgens illud cruci, peccatum crucifixit, & mortem. In ipso autem securus respiro, qui sedet ad dexteram tuam, & interpellat pro nobis. In ipso confisus, ad te pervenire desidero, in quo jam resurreximus & reviximus, jam in cœlum conscendimus, & in cœlestibus confidemus. Tibi laus, tibi gloria, tibi honor, tibi gratiarum actio.

## CAPVT XIV.

*Quod quanto major sit de Deo meditatio,  
tanto sit & dulcior.*

1. **P**iiissime Domine, qui sic nos amasti, & salvasti, sic vivificasti & sublimasti. Piiissime Domine, quam dulcis est memoria tui! Quanto magis in te meditor, tanto es mihi dulcior & amabilior. Idcirco delectantur me valde bona tua puro mentis intuitu, & dulcissimo pii amoris affectu, in loco peregrinationis meæ, juxta modulum meum. Interim quamdiu his fragilibus subsisto membris, miram tui dilectionem & pulchritudinem indefinenter cupio desiderare & considerare: tuæ enim charitatis jaculo vulneratus sum: tui vehementer desiderio flagro; ad te pervenire cupio, te videre desidero. Idcirco super custodiam meam stabo, & vigilantibus oculis psallam spiritu, psallam & mente; & totis viribus meis te, factorem & refectorem mei,

collaudabo. Polum penetrabo mente, & desiderio tecum ero; ut in præfenti quidem miseria solo corpore tenear: tecum autem cogitatione & aviditate, atque omni desiderio sim semper; quatenus ibi sit cor meum, ubi tu es, thesaurus meus desiderabilis, incomparabilis, multumque amabilis.

2. Sed ecce, Deus meus piissime ac misericordissime, dum tuæ immensæ bonitatis & pietatis gloriam considerare volo, cor meum non sufficit: excedit enim omnem sensum humanæ mentis tuum decus, tua pulchritudo, tua virtus, tua gloria, tua magnificentia, tua majestas, & tua charitas. Sicut inæstimabilis est tuæ gloriæ splendor, ita ineffabilis est æternæ tuæ charitatis benignitas; qua illos, quos de nihilo creasti, adoptas in filios, & tibi conjungis.

## C A P V T X V.

*Quod desideranda sint pro Christo tribulationes in hac vita.*

I. **O** Anima mea, si quotidie oporteret nos tormenta perferre, si ipsam gehennam longo tempore tolerare, ut Christum in gloria sua videre possemus, & Sanctis ejus sociari; nonne dignum esset pati omne quod triste est, ut tanti boni tantaque gloriæ participes haberemur? Insidientur ergo daemones, parent suas tentationes, frangant corpus jejunia, premant carnem vestimenta, labo-

labores grauent, vigiliæ exsiccent : clamet in me iste , inquietet me ille vel ille , frigus incuruet, conscientia murmuret, calor urat, caput doleat, pectus ardeat, infletur stomachus, palleſcat vultus, infirmer totus ; deficiat in dolore vita mea , & anni mei in gemitibus ; ingrediatur putredo in ossa mea , & subter me ſcateat : ut requiescam in die tribulationis , & ascendam ad populum accinctum nostrum.

2. Quæ enim erit iustorum gloria ? quam grandis Sanctorum lætitia , cum unaquæque facies fulgebit ut Sol ? Cum ordinibus distinctis , populum suum Dominus in regno Patris sui cœperit recensere : & meritis atque operibus singulorum promissa præmia restituet ; pro terrenis cœlestia, pro temporalibus sempiterna, pro modicis magna ? Reuera cumulus fœlicitatis erit , cum Dominus adducet suos Sanctos in visionem paternæ gloriæ, & faciet in cœlestibus considerare , ut sit Deus omnia in omnibus.

## CAP V T XVI.

*Quomodo regnum cœlorum possit acquiri.*

I. **O** Fœlix iucunditas, & iucunda fœlicitas, Sanctos videre, cum Sanctis esse, & esse sanctum : Deum videre, & Deum habere in æternum & ultra. Hæc sedula mente cogitemus , hæc toto desiderio desideremus, ut ad eos cito pervenire valeamus. Si quæras , quomodo istud potest fieri , vel quibus meritis , quibusve auxiliis ? Audi : Res ista

posita est in potestate facientis : quoniam regnum coelorum vim paritur.

2. Regnum caelorum, ô homo, aliud non quarit precium, nisi teipsum : tantum valet, quantum es. Te da, & habebis illud. Quid turbaris de precio ? Christus semetipsum tradidit, ut acquireret te regnum Deo Patri. Ita tu teipsum da, ut sis regnum ejus, ac non regnet peccatum in tuo mortali corpore, sed spiritus in acquisitione vitæ.

### C A P V T X V I I.

*Quid sit, & quid habeat Paradisus.*

1. **O** Anima mea, revertamur ad civitatem coelestem ; in qua scripti sumus, & cives decreti. Sicut enim cives Sanctorum, & domestici Dei, & sicut hæredes Dei, co-hæredes autem Christi, consideremus inclytam nostræ urbis felicitatem, in quantum considerare possibile est. Dicamus ergo cum Propheta : O quam gloriosa dicta sunt de te, civitas Dei : sicut latantium omnium habitatio est in te. Fundaris enim exultatione universæ terræ : Non est in te senectus, nec senectutis miseria : Non est in te mancus, nec claudus, neque gibbosus, neque deformis ; dum omnes occurrunt in virum perfectum, in mensuram ætatis pulchritudinis Christi.

2. Quid hac vita beatius, ubi non est paupertatis metus, non ægritudinis imbecillitas ? Nemo læditur, nemo irascitur, nemo invidet, cupiditas nulla exardescit. Nullum cibi desiderium. Nulla honoris aut potestatis pulsatio

pulsat ambitio. Nullus ibi diaboli metus, infidia dæmonum nullæ, terror gehennæ procul. Mors neque corporis, neque animæ: sed immortalitatis munere jucunda vita. Nulla erunt tunc mala, nusquam discordia, sed cuncta convenientia, quia omnium sanctorum una erit concordia. Pax cuncta & lætitia continet, tranquilla sunt omnia & quietæ; jugis splendor, non ut est ille qui nunc est sol, sed tanto clarius, quanto felicior; quia civitas illa (ut legitur) non egebit Sole, neque Luna; sed Dominus omnipotens illuminabit eam, & lucerna ejus est Agnus. Vbi Sancti fulgebunt ut stellæ, in perpetuas æternitates, & sicut splendor firmamenti, qui erudiunt multos.

3. Quapropter nox ibi nulla, nullæ tenebræ, concursus nubium nullus, nec frigoris ardorisve asperitas ulla, sed talis erit rerum temperies, quam nec oculus vidit, nec auris audivit, nec in cor hominis adscendit, nisi illorum qui ea perfrui digni inveniuntur, quorum nomina scripta sunt in libro vitæ. Verum super hæc omnia est, consociari choris Angelorum & Archangelorum, atque omnium cœlestium virtutum; intueri Patriarchas & Prophetas, videre Apostolos atque omnes Sanctos, videre etiam parentes nostros. Gloriosa sunt hæc; sed multo gloriosius est, præsentem Dei vultum cernere, & incircumscriptum lumen videre. Superexcellens gloria erit, cum Deum videbimus in seipso, videbimus & habebimus in nobis, quem cernere finis non erit.

## CAPVT XVIII.

*Quod homo non valet Deo vicem reddere  
nisi per amorem.*

1. **A**nima insignis Dei imagine, illustris similitudine, habet in sese ex Deo, quo admoneatur semper aut stare cum eo, aut ad eum redire, si mota suis affectibus, imo defectibus, fuerit. Et non solum habet unde respirare queat, in spe veniæ & misericordiæ, sed etiam unde audeat aspirare ad nuptias Verbi: & cum Deo inire fœdus societatis, atque cum rege Angelorum ducere suave iugum amoris.

2. Hæc omnia facit amor, si animo exhibeat se similem Deo per voluntatem; cui similis est per naturam, diligens sicut dilecta est. Solus enim est amor, ex omnibus animæ motibus, sensibus atque affectibus, in quo potest creatura, etsi non ex æquo, respondere auctori, vel ipsi mutuam rependere vicem. Amor ubi venerit, ceteros in se omnes traducit, & captivat affectus. Amor per se sufficit, per se placet, & propter se. Ipse meritum, ipse præmium, ipse causa, ipse fructus, ipse usus. Per amorem enim coniungimur Deo.

3. Amor facit unum spiritum de duobus. Amor facit idem velle, & idem nolle. Amor facit prius mores componere, postmodum omnia quæ adsunt, tanquam non adsint considerare: tertio vero loco, munda cordis acie, superna & interna conspiceret, per amorem primum in sæculo bene geruntur honesta, post-

postmodum etiam honesta sæculi despiciuntur, ad extremum etiam Dei intima conspiciuntur.

## CAP V T XIX.

*Quod in nobis Deus requirat sibi simile.*

1. **D**Eus Pater charitas est, Deus Filius dilectio est, Spiritus sanctus amor Patris & Filii est. Hæc charitas & hæc dilectio aliquid simile requirit in nobis; scilicet charitatem, qua velut quadam affinitate consanguinitatis, ei sociemur, & jungamur. Amor dignitatis nescius, reverentiam nescit. Qui amat, per seipsum fiducialiter accedit ad Deum, familiariterque loquitur ei, nihil timens, nihil hæsitans. Perdit quod vivit, qui non diligit. Qui autem diligit, oculos suos semper habet ad Deum, quem diligit, quem desiderat; in quo meditatur, in quo delectatur, in quo pascitur, in quo impinguatur.

2. Iste talis sic devotus, ita cantat, ita legit, & in omnibus operibus suis sic est providus & circumspectus, quasi Deus adsit præsens ante oculos ejus, sicut revera adest. Ita orat, quasi sit assumptus & præsentatus ante faciem majestatis in excelsò throno: ubi millia millium ministrant ei, & decies centena millia adsistunt ei. Animam, quam visitat amore, expergescit dormientem. Monet & emollit eam, & vulnerat cor ejus. Tenebrosa illuminat, clausa referat, frigida inflamat: mentem asperam & irascibilem & impatientem mitigat: vitia fugat: carnales



les affectus comprimit : mores emendat, reformat & innovat spiritum : lubricæ atatis motus actusque leves coërcet. Hæc omnia facit amor cum præsens est : cum vero abscesserit, ita incipit anima jacere languida, ac si cacabo bullienti subtraxeris ignem.

### C A P V T XX.

*De confidentia animæ amanti Deum.*

I. **M**agna res est amor, quo anima per semetipsam fiducialiter accedit ad Deum, Deo constanter inhaeret, Deum familiariter percunctatur, consultatque de omni re. Anima quæ amat Deum, nil aliud potest cogitare, nil loqui; cætera contemnit, omnia fastidit. Quicquid meditatur, quicquid loquitur, amorem sapit, amorem redolet, ita amor Dei eam sibi vendicavit. Qui vult habere notitiam Dei, amet. Frustrâ accedit ad legendum, ad meditandum, ad prædicandum, ad orandum, qui non amat. Amor Dei amorem animæ parit, & eam intendere sibi facit. Amat Deus, ut ametur. Cum amat, nil aliud vult quam amari, sciens, amore esse beatos, qui se amaverint.

2. Anima amans, cunctis suis renunciat affectionibus, & tota soli incumbit amori : ut possit respondere amori, in reddibendo amore. Et cum tota se effuderit in amorem, quantum est ad aliud fontis perenne profluvium? Non pari ubertate concurrunt amor & amans, anima & Deus, creator & creatura : tamen si ex toto se diligit, nihil deest,

ubi

ubi totum est. Non timeat anima, quæ amat, paveat, quæ non amat.

3. Anima amans fertur votis, trahitur desiderii, dissimulat merita: majestati oculos claudit, aperit voluptati, ponens se in salutari, & fiducialiter agens in eo. Amore anima secedit, & excedit à corporeis sensibus: ut sese non sentiat, quæ Deum sentit. Hoc fit, cum mens, ineffabili Dei illecta dulcedine, quodammodo sese sibi suratur, immo rapitur atque elabatur à seipsa, ut Deo fruatur ad jucunditatem. Nihil tam jucundum, nisi esset tam modicum. Amor dat familiaritatem Dei, familiaritas ausum, ausus gustum, gustus, famem. Anima, quam tangit amor Dei, nihil aliud potest cogitare, nil desiderare; sed frequenter suspirat, dicens: Sicut cervus desiderat ad fontes aquarum, ita desiderat anima mea ad te, Deus meus.

## CAPUT XXI.

*Quid fecerit Deus propter hominem.*

1. **D**Eus amore venit ad homines, venit in homines, factus est homo. Amore Deus invisibilis servis suis factus est similis. Amore vulneratus est propter delicta nostra. Tuta & firma requies est infirmis & peccatoribus, in vulneribus Salvatoris. Securus illic habito, patent mihi viscera per vulnera. Quicquid ex me mihi deest, usurpo mihi ex visceribus Domini mei: quoniam misericordia affluunt, nec desunt foramina per quæ affluant. Per foramina corporis patent mihi  
arcana

arcana cordis, patet magnum pietatis sacramentum. Patent viscera misericordiae Dei nostri, in quibus visitavit nos oriens ex alto.

2. Vulnera Iesu Christi plena sunt misericordia, plena pietate, plena dulcedine, & charitate. Foderunt manus eius, & pedes eius, & latera eius lancea perforaverunt. Per has rimas licet mihi gustare, quam suavis est Dominus Deus meus, quoniam revera suavis & mitis, & multa misericordiae est omnibus cum invocantibus in veritate, omnibus inquentibus, & maxime diligentibus. Copiosa redemptio data est nobis in vulneribus Iesu Christi Salvatoris nostri: magna multitudo dulcedinis, plenitudo gratiae, & perfectio virtutum.

## CAPUT XXII.

*De recordatione vulnerum Iesu Christi  
Domini nostri.*

1. **C**um me pulsaret aliqua turpis cogitatio, recurro ad vulnera Christi. Cum me premit caro mea, recordatione vulnerum Domini mei, resurgo. Cum diabolus mihi parat insidias, fugio ad viscera misericordiae Domini mei, & recedit à me. Si ardor libidinis moveat membra mea, recordatione vulnerum Domini nostri Filii Dei extinguatur. In omnibus adversitatibus non inveni tam efficax remedium, quam vulnera Christi. In illis dormio securus, & requiesco intrepidus.

2. Christus mortuus est pro nobis. Nihil  
tam

tam ad mortem amarum, quod morte Christi non sanetur. Tota spes mea est in morte Domini mei. Mors ejus, meritum meum & refugium meum, salus, vita, & resurrectio mea: meritum meum, miseratio Domini. Non sum meriti inops, quamdiu ille miserationum Dominus non defuerit. Et si misericordiae Domini multa, multus ego sum in meritis. Quanto ille potentior est ad salvandum, tanto ego sum securior.

## C A P V T XXIII.

*Quod recordatio vulnerum Christi est efficax remedium contra omnes adversitates.*

**I.** **P**ECCAVI peccatum grande, & multorum sum mihi confensus delictorum. Nec sic despero, quoniam ubi abundaverunt delicta, superabundavit & gratia. Qui de venia peccatorum suorum desperat, negat Deum esse misericordem. Magnam injuriam Deo facit, qui de ejus misericordia diffidit. Quantum in se est, negat Deum habere clementiam, veritatem & potestatem, in quibus tota spes mea consistit: scilicet in charitate adoptionis, in veritate promissionis, & in potestate redemptionis. Murmurat jam quantum voluerit, inspicens cogitatio mea, dicens: Quis enim es tu? & quanta est gloria illa, quibus meritis illam obtinere speras? Et ego fiducialiter respondebo: Scio cui credidi; qua charitate nimia adoptavi me in filium: quia verax est in promissionibus potens in exhibitione, & licet ei facere quod vult.

2. Non possum terreri multorum, si mors Domini in me venerit; quoniam peccata mea illi non nocere non possunt. Clavi & lancea clamant mihi, quod vere reconciliatus sum Christo, si eum amavero. Longinus aperuit mihi latus Christi lancea, & ego intravi, & ibi requiesco securus. Qui timet, amet: quoniam charitas foras mittit timorem. Nullum tam potens est, & tam efficax contra ardorem libidinis medicamentum, quam mors Redemptoris mei. Extendit brachia sua in cruce, & expandit manus suas, paratus in amplexus peccatorum. inter brachia Salvatoris mei & vivere volo, & mori cupio. Ibi securus decantabo: Exaltabo te Domine, quoniam suscepisti me, nec delectasti inimicos meos super me. Salvator noster caput inclinavit in morte, ut oscula daret suis dilectis. Toties Deum osculamur, quoties in ejus amore compungimur.

#### C A P V T XXIV.

*Meditatio anime ad amorem Christi.*

1. **O** Anima mea, insignita Dei imagine, redempta Christi sanguine, desponsata fide, dotata spiritu, ornata virtutibus, deprecans cum Angelis! Dilige illum, à quo dilecta es. Intende illi, qui intendit quare quarentem te. Ama amatorem, ut non amaris: cujus amore prævanta es, ut non causa amoris tui. Ipse est meritum, ipse præmium, ipse fructus, ipse usus, ipse finis. Esto sollicita cum sollicito, cum vacante

te

te vacans, cum mundo munda, cum sancto sancta. Qualis apparueris Deo, talis oportet ut appareat tibi: Deus suavis & mitis, & multæ misericordiæ, suaves, mites, dulces, humiles & misericordes requirit. Ama illum, qui eduxit te de lacu miseriæ, & de luto facis.

2. Elige illum amicum tuum præ omnibus amicis tuis, qui, cum omnia subtrahenda fuerint, solus tibi fidem servabit. In die sepultura tuæ, cum omnes amici tui recedent à te, ille te non derelinquet: sed tuebitur à rugientibus præparatis ad escam, & conducet te per ignotam regionem, atque perducet ad plateas supernæ Sion, & ibi collocabit te cum Angelis ante faciem maiestatis suæ, ubi audies illud Angelicum melos: Sanctus, Sanctus, Sanctus, &c. Ibi est canticum lætitiæ, vox exultationis & salutis, gratiarum actio, & vox laudis, atque Alleluja in perpetuum. Ibi est cumulus felicitatis, supereminens gloria, superabundans lætitia, & omnia bona.

3. O anima mea, suspira ardentem, desideria vehementer; ut possis pervenire in illam supernam civitatem, de qua tam gloriosa dicta sunt: in qua, sicut lætantium omnium habitatio est. Amore potes ascendere. Amanti nihil est difficile, nihil impossibile. Anima quæ amat, ascendit frequenter, & currit familiariter per plateas cœlestis Hierusalem: visitando Patriarchas & Prophetas, salutando Apostolos, admirando exercitus Martyrum & Confessorum, chorosque Virginum

speculando. Cœlum, & terra, & omnia quæ in eis sunt, non cessant mihi dicere, ut amem Dominum Deum meum.

## CAPUT XXV.

*Nihil potest anima sufficere præter summum bonum.*

1. **C**Or humanum in desiderio æternitatis non fixum, nunquam stabile potest esse; sed omni volubilitate volubilius, de alio in aliud transit, quærens requiem ubi non est. In his autem caducis & transitoriis, in quibus ejus affectus captivi tenentur, veram requiem invenire non valet, quoniam tantæ est dignitatis, ut nullum bonum, præter summum bonum, ei, sufficere possit: tantæ est libertatis, ut in aliquod vitium cogi non possit. Propterea, unicuique propria voluntas est causa suæ damnationis vel salvationis; & ideo nihil ditius bona voluntate Deo offertur. Bona voluntas Deum ad nos deducit, & nos in eum dirigit. Per bonam voluntatem Deum diligimus, Deum eligimus, ad Deum currimus, ad Deum pervenimus, & eum possidemus.

2. O bona voluntas, per quam ad Dei similitudinē reformamur, & ei similes efficiamur. Ita amabilis est Deo bona voluntas, ut ipse in corde habitare non velit, in quo bona voluntas non fuerit. Bona voluntas, illius summæ majestatis Trinitatem ad se inclinât. Sapientia namque ad cognitionem veritatis illam illuminat: Charitas ad desiderium bonitatis inflamat; Paternitas in ea custodit quod creavit, ne pereat.

CA-



## C A P V T XXVI.

*Quid sit cognitio veritatis.*

1. **Q**uid est cognitio veritatis? Primo, cognoscere teipsum; & quod esse debes, esse studeas; quod autem corrigendum est, corrigas. Deinde, cognoscere & amare creatorem tuum. Hoc enim est totum hominis bonum. Vide ergo, quam ineffabilis est divinæ charitatis erga nos dilectio. De nihilo nos creavit, & quicquid habemus donavit. Sed quia plus dileximus datum quam datorem, creaturam quam creatorem, cecidimus in laqueum diaboli, & facti sumus ejus servi. Deus vero misericordia motus, misit Filium suum quo redimeret servos; misit etiam Spiritum sanctum, quo servos adoptaret in filios: Filium dedit in precium redemptionis, Spiritum sanctum in privilegium amoris, se denique totum servat in hereditatem adoptionis.

2. Ita Deus ut piissimus & misericordissimus, præ desiderio vel amore hominis, non solum sua, verum etiam & seipsum impendit: ut hominem recuperaret, non tam sibi, quam homini ipsi. Ut homines ex Deo nascerentur, primo ex ipso natus est Deus. Quis est tam durus, quem non emolliat amor Dei, sic hominem praveniens; tam inquam vehemens amor, quod homo propter hominem dignatus est fieri? Quis potest odisse hominem, cujus naturam & similitudinem videt in humanitate Dei? Revera qui odit illum, odit Deum; & ita perdit, quicquid facit.

3. Deus namque propter hominem factus est homo, ut esset redemptor qui est & creator, ut de suo redimeretur homo. Et ut familiarius diligeretur ab homine, Deus in similitudine hominis apparuit; & ut uterque sensus hominis in ipso beatificaretur, & resiceretur oculus cordis in ejus divinitate, & oculus corporis in ejus humanitate; ut, siue ingrediens, siue egrediens, in ipso pascua inveniret natura humana condita ab ipso.

### C A P V T XXVII.

*Quid in nobis operetur missio Spiritus sancti.*

1. **S**alvator namque noster natus est nobis, crucifixus & mortuus est pro nobis, ut morte sua mortem nostram destrueret. Et quia botrus carnis portatus fuerat ad torcular crucis, & expressione facta fluere coeperat mustum divinitatis; missus est Spiritus sanctus, quo vasa cordium prepararentur, & vinum novum in utres novos poneretur: primum ut corda mundarentur, ne infusum pollueretur: & postea ligarentur, ne infusum amitteretur. Mundarentur à gaudio iniquitatis, ligarentur contra gaudium vanitatis. Non enim quod bonum est venire potuit, nisi prius recederet, quod malum est. Gaudium iniquitatis polluit, & gaudium vanitatis effundit. Gaudium iniquitatis reddit vas sordidum, & gaudium vanitatis facit rimosum.

2. Gaudium iniquitatis est, cum peccatum diligitur: & gaudium vanitatis est, cum  
transito-

transitoria amantur. Ejice ergo quod malum est, ut quod bonum est, percipere possis. Effunde amaritudinem, ut dulcedine impleri possis. Spiritus sanctus gaudium est & amor. Ejice spiritum diaboli, & spiritum mundi hujus, ut accipias spiritum Dei. Spiritus diaboli operatur gaudium iniquitatis, & spiritus mundi gaudium vanitatis. Et, hæc gaudia mala sunt, quoniam alterum habet culpam, alterum occasionem culpæ. Veniet autem spiritus Dei, cum ejecti fuerint spiritus mali: & intrabit tabernaculum cordis, & operabitur gaudium bonum & amorem bonum: quo expellitur amor mundi, & amor peccati. Amor mundi allicit & decipit: amor peccati polluit, & ad mortem adducit. Amor Dei mentem illuminat, conscientiam mundat, animam laticat, & Deum demonstrat.

## C A P V T XXVIII.

*De operatione ejus qui diligit Deum.*

1. **I**N quo amor Dei est, semper cogitat quando ad Deum perveniat, quando mundum derelinquat, quando carnis corruptionem evadat, ut veram pacem inveniat: semper habet cor suum & desiderium in superna elevatum. Quando sedet, quando ambulat, quando requiescit, vel quando aliquid agit, cor à Deo non recedit. Omnes ad amorem Dei exhortatur. omnibus amorem Dei commendat: & quam dulcis sit Dei amor, & quam malus, & quam amarus sit

amor sæculi, corde, ore, & opere omnibus demonstrat.

2. Deridet hujus sæculi gloriam, arguit sollicitudinem: & quam stultum sit, in iis quæ transeunt fiduciam habere, ostendit. Miratur excipitatem hominum, qui hæc diligunt. Miratur etiam quomodo universa hæc transitoria & caduca omnes non derelinquunt. Omnibus existimat dulce, quod sibi sapit; omnibus placere, quod diligit; omnibus quidem esse manifestum, quod cognoscit. Frequenter Deum suum contemplatur, & in ejus contemplatione suaviter reficitur, tanto felicius, quanto frequentius. Dulce est enim semper ad considerandum, quod ad amandum & laudandum semper est suave.

## C A P V T XXIX.

*De veta cordis requie.*

1. **R**evera hæc est vera cordis requies, cum totum in amorem Dei per desiderium figitur; nec quidquam aliud appetit, sed in eo quod tenet, foelici quadam dulcedine delectatur, delectando jucundatur. Si vero vana aliqua cogitatione vel rerum occupatione inde aliquantulum abstractum fuerit, summa cum festinatione illuc redire festinat; exilium reputans, alibi quam ibi moram facere. Nam sicut nullum est momentum, quo homo non fruatur vel utatur pietate divina; sic nullum debet esse momentum, quo eum præsentem non habeat in memoria.

2. Idcirco

2. Idcirco non levi crimine tenetur astringitur, quisquis in oratione cum Deo loquitur, & subito abstrahitur ab ejus conspectu, quasi ab oculis non videntis, nec audientis. Hoc autem fit, quando cogitationes suas malas & importunas sequitur: & aliquam vilissimam creaturam, ad quam mentis intuitus facile distrahitur, ei præfert: illam videlicet in cogitatione sapius revolvendo vel cogitando, quem Deum, quem assidue debet recolere Creatorem, adorare Redemptorem, expectare Salvatorem, timere Iudicem.

## C A P V T XXX.

*Quidquid mentis aspectum à Deo retrahit,  
omnino fugiendum est atque  
execrandum.*

1. **Q**uisquis amat mundum, tibi prospice quod sit eundem:  
*Hæc via, qua vadis, via pessima, plenaque  
cladis.*

Fuge igitur, ô homo, paululum occupationes tuas, & absconde te modicum à tumultuosis cogitationibus tuis. Abjice nunc onerosas curas, postpone laboriosas dissensiones, vaca aliquantulum Deo, & paululum requiesce in eo. Intra in cubiculum mentis tuæ; exclude omnia præter Deum, & quæ valent ad quarendum eum; & clauso ostio quare eum. Dic nunc totum, cor meum, dic nunc Deo: *Quæro vultum tuum, vultum tuum, Domine, requiro.*

2. Eia nunc ergo, Domine Deus meus, tu doce cor meum, ubi & quomodo te quærat, ubi & quomodo te inveniatur. Domine, si hic non es, ubi te quæram absentem? Si autem ubique es, cur te non video præsentem? Sed certe habitas lucem inaccessibilem. Sed quomodo accedam ad lucem inaccessibilem? Aut quis me deducet & inducet in illam, ut videam te in illa? Deinde, quibus signis, qua facie te quæram? Nunquam te vidi, Domine Deus meus, nunquam novi faciem tuam. Quid faciet, altissime Domine, quid faciet iste longinquus exul tuus; Quid faciet servus tuus anxius amore tui, & longe projectus à facie tua? En anhelat videre te, & nimis illi abest facies tua. Accedere ad te desiderat, & inaccessibilis est habitatio tua. Invenire te cupit, & nescit locum tuum. Quærere te affectat, & ignorat vultum tuum.

## CAPVT XXXI.

*Quod visio Dei perdita sit propter peccatum,  
& nō eria inventa sit.*

I. **D**omine, Deus meus es tu & Dominus meus, & nunquam vidi te: tu me fecisti, & refecisti, & omnia bona tua mihi contulisti; & nondum vidi te, neque novi. Denique ad te videndum factus sum, & nondum feci id, propter quod factus sum. O misera sors hominis cum hoc perdidit, ad quod factus est! O durus ac durus casus ille! Heu, quid perdidit, & quid invenit? Quid abscessit, & quid remanet? Perdidit beatitudinem,

ad quam factus est; & invenit miseriam ad quam factus non est. Abscessit, sine quo nihil foelix est; & remansit, quod per se non nisi miserum est. Manducabat tunc homo panem Angelorum, quem nunc esurit: manducat nunc panem dolorum, quem tunc nesciebat.

2. O tu Domine, usquequo? usquequo Domine oblivisceris nos? usquequo avertis faciem tuam à nobis? Quando respicies & exaudies nos. Quando illuminabis oculos nostros & ostendes nobis faciem tuam? quando restitues te nobis? **Respice Domine** & exaudi; & illumina nos, & ostende nobis te ipsum. Restitue te nobis, ut bene sit nobis, sine quo tam male est nobis. Miserare labores & conatus nostros ad te, qui nihil valemus sine te. Invita nos, adjuva nos. Obsecro, Domine, ne desperem suspirando, sed respirem sperando. Obsecro, Domine, amaricatum est cor meum sui desolatione, indulca illud tua consolatione. Obsecro Domine, esuriens capi querere te, ne deserar jejunos à te; famelicus accessi, ne recedam impastus; pauper veni ad divitem, miser ad misericordem, ne recedam vacuus & contemptus.

3. Domine, incurvatus sum, & non possum nisi deorsum aspicere. Erige me, ut possim sursum intendere. Iniquitates meae supergressae sunt caput meum, obvolverant me, & sicut onus grave gravarunt me. Evolve me, & exonera me, ne urgeat super me puteus os suum. Liceat mihi suspicere lucem tuam vel de longo vel de profundo. Doce



me querere te, & ostende te querenti; quia nec querere te possum, nisi doceas tu, nec invenire, nisi te ostendas. Quaram te desiderando, desiderem te querendo, inveniam amando, amem inveniando.

# CAPVT XXXII.

*De bonitate Dei.*

I. **F**Ateor, Domine, & gratias ago, qui creasti in me hanc imaginem tuam: ut tui memor, te cogitem, te amem. Sed sic est oblita attritione vitiorum, sic est obfuscata fumo peccatorum: ut non possit facere ad quod facta est, nisi tu renoves & reformes eam. Non tento, Domine, penetrare altitudinem tuam, quia nullatenus comparo illi intellectum meum. Desidero aliquatenus intelligere veritatem tuam, quam credit & diligit cor meum; neque enim quero intelligere ut credam, sed credo ut intelligam. Ergo, Domine, qui das fidei intellectum, da mihi ut quantum scis expedire intelligam, quia es sicut credimus, & hoc es quod credimus: quia credimus te esse aliquid, quo nihil majus aut melius cogitari possit. Quid ergo es, Domine Deus? Quo majus meliusve nihil valet cogitari. Sed hoc quid est, nisi quod summum omnium solum existens per se ipsum, omnia alia fecit ex nihilo? Quicquid hoc non est, minus eo est quo nihil majus possit excogitari: sed hoc de te cogitari non potest. Quod ergo bonum deest summo bono, per quod omne bonum? Tu es itaque justus, verax, beatus, & quicquid melius est esse, quam non esse.

2. Verum

**Sir.** Verum malis quomodo parcis, si es totus & summe justus? An quia bonitas tua est incomprehensibilis, & latet in luce inaccessibili, & quam inhabitas? Vere in altissimo & secretissimo bonitatis tuæ profundo latet fons, unde manat fluvius misericordiarum tuarum. Nam cum totus & summe justus sis, tamen idcirco etiam malis benignus es, quia totus & summe bonus es. Minus namque bonus es, si nulli malo esses benignus. Melior est enim qui & bonis simul & malis bonus est, quam qui bonis tantum bonus est. Et melior est qui malis & parcendo & puniendo bonus est, quam qui puniendo tantum. Ideo ergo misericors es, quia totus & summe bonus es.

## CAPUT XXXIII.

*De delectabili frangione Dei.*

1. **O** Immensa bonitas, quæ sic omnem intellectum excedis, veniat super me misericordia illa, quæ de tanta opulencia procedit: influat in me, quæ profluit de te. Parce per clementiam, ne ulciscaris per justitiam. Excita te nunc anima mea, & erige te & totum intellectum tuum, & cogita quantum potes, quantum & quale sit illud bonum, quod Deus est.

2. Si enim singula bona delectabilia sunt, cogita intente, quam delectabile sit illud bonum, quod continet jucunditatem omnium, & non qualem in rebus creatis sumus experti, sed tanto differentem, quanto differt à creatura Creator. Si enim est bona vita creata, quam bona est vita creatrix? Si jucunda est

est salus facta, quam jucunda est salutatio  
facit omnium salutem? Si amabilis est sapientia in cogitatione rerum conditarum, quam amabilis est sapientia, quæ omnia fecit & condidit ex nihilo? Denique, si multæ & magnæ sunt delectationes in rebus delectabilibus, qualis & quanta est delectatio in eo, qui ipsa delectabilia fecit? O qui hoc bono fruatur, quid illi erit, quid illi non erit? Certe quicquid voluerit illi erit, & quid noluerit, non erit. Ibi quippe illi erunt bona animæ & corporis, qualia nec oculus vidit, nec auris audivit, nec in cor hominis ascendit.

## CAPVT XXXIV.

*Summum bonum appetendum est.*

1. **C**Ur ergo per multa vagaris homuncio, querendo bona animæ tuæ & corporis tui? Ama unum bonum, in quo sunt omnia bona, & sufficit. Desidera simplex bonum, quod est omne bonum, & satis est. Quid enim amas caro mea? Quid desideras anima mea? Ibi est quicquid amas: Ibi est, ibi est, quicquid amatis, quicquid desideratis. Si delectat pulchritudo, fulgebunt iusti sicut sol. Si velocitas, aut fortitudo, aut libertas corporis, cui nihil obsistere poterit, erunt similes Angelis Dei; quia seminatur corpus animale, surgat corpus spirituale; potestate utique, non natura.

2. Si longa aut salubris vita: ibi erit sana æternitas & æterna sanitas; quia iusti in perpetuum vivent, & salus iustorum à Domino.

Si

**Sisiferas**, satiabuntur cum apparuerit gloria I. I. I. Si ebrietas: inebriabuntur ab libertate domus Dei. **Si melodia**: ibi Angeli concinent sine fine Deo. Si quælibet non immunda, sed munda voluptas: torrente voluptatis suæ potabit eos Dominus. Si sapientia, ipsa Dei sapientia ostendet eis seipsam. Si amicitia: diligenter Deum plusquam seipsos, & invicem tanquam seipsos, & Deus illos, plusquam illi seipsos, quia illi illum, & se & invicem per illum; & ille se, & illos per seipsum. Si concordia: omnibus illis erit una voluntas; quia nulla in illis erit, nisi Dei summa voluntas.

3. Si potestas: omnipotentes erunt suæ voluntatis, ut Deus suæ. Nam sicut Deus poterit quod volet per seipsum; ita poterunt illi quod volent per illum: quia sicut illi non aliud volent, quam ille volet, ita ille volet quicquid illi volent: & quod ille volet, non poterit non esse. Si honor & divitiæ: Deus servos suos bonos & fideles supra multa bona constituet: immo filii Dei & Dii vocabuntur & erunt: & ubi erit unicus ejus, ibi erunt & illi hæredes quidem Dei, cohæredes autem Christi. Si vera securitas: certe ita certi erunt, nunquam ullatenus illud bonum sibi defuturum, sicut certi erunt se non sua sponte illud amissuros, nec dilectorem Deum illud dilectoribus suis invitis ablatum, nec aliquid Deo potentius, Deum & illos separaturum. Gaudium vero quale quantumve est, ubi tale ac tantum bonum est!

## CAPVT XXXV.

*De mutua charitate Sanctorum in caelis.*

1. **C**OR humanum, cor indigens, cor expertum arumnas & misérias, imo obrutum miseriis, quantum gauderes, si in his omnibus abundares? Interroga intima tua, si capere possint gaudium suum de tanta beatitudine sua. Sed certe, si quis alius, quem omnino sicut teipsum amares, eandem beatitudinem haberet, duplicaretur gaudium tuum: quia non minus gauderes pro eo, quam pro teipso. Si vero duo, vel tres, vel multo plures idipsum haberent, tantumdem pro singulis, quantum pro teipso gauderes, si singulos sicut teipsum amares. Ergo quid erit in illa perfecta charitate innumerabilium beatorum Angelorum & hominum, ubi nullus diligit alium minus quam seipsum? Non enim aliter gaudebit unusquisque pro singulis aliis, quam pro seipso.

2. Si ergo cor hominis de tanto bono suo vix gaudium suum capiet, quomodo cupax erit tot & tantorum gaudiorum? Et utique, quantum quisque diligit aliquem, tantum de bono ejus gaudet. Et sicut in illa beata felicitate unusquisque sine comparatione plus amabit Deum, quam se, & omnes alios secum: ita plus gaudebit absque aestimatione de felicitate Dei, quam de sua, & omnium aliorum secum. Et si Deum sic diliget toto corde, tota mente, tota anima; ut tamen totum cor, tota mens, tota anima,

non

non sufficiat dignitati dilectionis : profecto sic gaudebunt toto corde , tota mente , tota anima ; ut tamen totum cor , tota mens , tota anima , non sufficiat plenitudini gaudii.

## CAPVT XXXVI.

*De pleno gaudio vite aeternae.*

1. **D**Eus meus , & Dominus meus , spes mea , & gaudium cordis mei , dic anima mea , si hoc est gaudium , de quo nobis per Filium tuum dicis : Petite , & accipietis , ut gaudium vestrum sit plenum. Inveni namque gaudium quoddam plenum , & plusquam plenum : pleno quippe corde , plena mente , plena anima , pleno toto homine , gaudio illo adhuc supra modum supererit gaudium. Non ergo totum illud gaudium intrabit in gaudentes , sed toti gaudentes intrabunt in gaudium illud.

2. Dic Domine , dic seruo tuo intus in corde meo : si hoc est gaudium , in quod intrabunt servi tui , qui intrabunt in gaudium Domini sui. Sed certe gaudium illud , quo gaudebunt electi tui , nec oculus vidit , nec auris audivit , nec in cor hominis ascendit. Nondum ergo cogitavi aut dixi , Domine , quantum gaudebunt electi tui. Utique tantum gaudebunt , quantum amabunt : tantum amabunt , quantum cognoscent. Et quantum te , Domine , cognoscent , quantum te amabunt ? Certe nec oculus vidit , nec auris audivit , nec in cor hominis ascendit in hac vita , quantum te cognoscent & amabunt in illa vita.

Q

3. Oro,

3. Oro te , Deus meus , cognoscam te  
amem te , ut gaudeam de te. Et si non pos-  
sum in hac vita ad plenum , vel proficiam de  
die in diem usque dum veniat illud ad ple-  
num. Proficiat in me hic notitia tua , ut ibi  
fiat plena. Crescat in me hic amor tuus , ut  
ibi sit plenus ; ut hic gaudium meum sit in  
spe magnum , & ibi in te plenum. Deus ve-  
rax, peto ut accipiam quod promittis , ut gau-  
dium meum sit plenum. Meditetur inde in-  
terim mens mea ; loquatur inde lingua mea ;  
amet illud cor meum ; sermocinetur os  
meum. Esuriant illud anima mea : sitiatur illud  
caro mea, desideret illud tota substantia mea,  
donec intrem in gaudium Domini mei :  
Qui est trinus & unus Deus benedictus in  
sacula, Amen.

*Manualis finis.*



MEDI.



## MEDITATIONES

B. ANSELMI,

Archiepiscopi Cantuariensis,

DE REDEMPTIONE  
generis humani.

## CAPVT I.

*Quid sit virtus salvationis, & ubi.*

Nima Christiana, anima de  
gravi morte resuscitata: ani-  
ma de misera servitute Christi  
sanguine redempta & libera-  
ta: excita mentem tuam, me-  
mento resuscitationis tuæ, re-  
cogita redemptionem & liberationem tuam.  
Retracta ubi & quæ sit virtus salvationis  
tuæ: versare in meditatione ejus: delectare  
in contemplatione ejus. Excute fastidium  
tuum: fac vim cordi tuo: intende in hoc  
mentem tuam. Gusta bonitatem Redempto-  
ris tui, accendere in amorem salvatoris tui.  
Mande favum verborum: suge plusquam  
mellitum saporem: gluti salubrem dulco-  
rem. Mande cogitando, suge intelligendo,  
gluti amando & gaudendo. Latare manden-  
do, gratulare sugendo, jucundare glutiendo.

2. Vbi ergo, & quæ est virtus, & fortitu-  
do Salvatoris tui? Certe Christus te susci-  
tavit: ille bonus Samaritanus te sanavit:

ille bonus amicus animarum te liberavit :  
 Christus inquam. Ergo virtus saluationis  
 tuæ, virtus est Christi. Vbi est virtus Chri-  
 sti ? Vtique cornua in manibus, ibi abscon-  
 dita est fortitudo ejus. Cornua quidem in  
 manibus ejus : quia brachiis crucis confixæ  
 sunt manus ejus. Quæ autem fortitudo in  
 tanta infirmitate ? Quæ altitudo in tanta hu-  
 militate ? Quid venerabile in tanto con-  
 temptu ? Sed certe ideo absconditum, quia  
 in infirmitate : & ideo celatum, quia in  
 humilitate : ideo occultum, quia in con-  
 temptu.

3. O fortitudo abscondita : hominem in  
 cruce pendentem suspendere mortem æter-  
 nam, genus humanum prementem : homi-  
 nem in ligno confixum defigere mundum  
 perpetuæ morti affixum ! O celata potestas :  
 hominem damnatum cum latronibus, sal-  
 vare homines damnatos cum dæmonibus :  
 hominem in patibulo extensum, omnia tra-  
 here ad ipsum ! O virtus occulta : unam ani-  
 mam emissam in tormento, innumerabiles  
 extrahere de inferno ; hominem mortem  
 corporis suscipere, & mortem animarum pe-  
 rimeret !

## CAPVT II.

*Cur sit occulta & tam diu dilatata.*

1. **C**Ur bone Domine, pie redemptor, po-  
 tens salvator ; cur tantam virtutem  
 operuisti tanta humilitate ? An ut falleres  
 diabolum, qui fallendo hominem dejecit de  
 paradiso ? Sed utique veritas nullum fallit.  
 Qui

Qui ignorat, qui non credidit veritatem, ipse se fallit. Qui videt veritatem, & odit, & contemnit, ipse se fallit. Veritas itaque nullum fallit. An ideo ut ipse diabolus se falleret? Sed utique, sicut veritas nullum fallit, ita non intendit, ut aliquis se fallat: quamvis dicatur hoc facere, cum permittit. Non enim assumpsisti hominem ut te totum operires, sed ut ignotum aperires. Verum Deum, verum hominem te dixisti, & operibus ostendisti.

2. Res per se occultata fuit, non studio occulta; non sic est facta, ut absconderetur, sed ut suo ordine perficeretur; nec ut aliquem deciperet, sed ut quemadmodum oportebat, fieret. Et si dicitur occultata: non est aliud, quam, non est omnibus revelata. Nam etsi veritas non omnibus se manifestat, nulli tamen se negat. Ergo Domine, nec ut falleres, nec ut aliquis se falleret, sic fecisti: sed ut faceres, quod & quomodo faciendum erat, per omnia in veritate perstitisti. Qui ergo se fefellit in tua veritate, non de te, sed de propria queratur falsitate. An diabolus habebat aliquid iuste adversus Deum, vel adversus hominem, propter quod Deus prius deberet adversus eum pro homine hoc modo agere, quam aperta fortitudine: ut dum allectum illum hominem iniuste occideret, iuste potestatem, quam super injustos habebat, perderet?

3. Sed certe diabolo nec Deus debebat aliquid nisi poenam, nec homo nisi vincere. Ita ut quemadmodum ab illo se facile permisit vinci peccando, ita illum vinceret

usque ad difficultatem mortis, iustitiam integram servando. Sed & hoc non nisi Deo debebat homo. Nam non peccavit adversus diabolum, sed adversus Deum: nec homo diaboli erat, sed & homo, & diabolus Dei erant. Sed & quod diabolus vexabat hominem, non hoc faciebat zelo iustitiæ, sed nequitia; nec iubente Deo, sed permittente: non diaboli, sed Dei iustitia exigente. Nihil ergo erat in diabolo, cur Deus adversus eum ad salvandum hominem, fortitudinem suam celare aut differre deberet.

## CAPVT III.

*Qua & cuius necessitate se sic humiliavit.*

1. **A**N aliqua necessitas coëgit, ut altissimus sic se humiliaret, & omnipotens ad faciendum aliquid tantum laboraret? Sed omnis necessitas & impossibilitas ejus subiacet voluntati. Quippe quod vult, necesse est esse: & quod non vult, impossibile est esse; Sola ergo voluntate. Et quoniam omnis ejus voluntas semper bona est, sola fecit hoc voluntate. Non enim Deus egebat, ut hoc modo hominem saluum faceret: sed humana natura indigebat, ut hoc modo Domino Deo satisfaceret. Non egebat Deus ut tam laboriosa pateretur: sed indigebat homo, ut sic Deo reconciliaretur. Nec egebat Deus ut sic humiliaretur: sed indigebat homo, ut sic de profundo inferni erueretur. Divina natura humiliari aut laborare non eguit, nec potuit: hæc omnia humanam naturam, ut ad hoc re-

stitueretur

stitueretur propter quod facta erat, necesse erat facere: sed nec illa, nec quicquid Deus non est, poterat ad hoc sufficere. Nam homo ad quod institutus est, non restituitur, si non ad similitudinem Angelorum, in quibus nullum est peccatum, provehitur.

2. Quod est impossibile fieri, nisi omni percepta peccatorum remissione: quæ non fit, nisi præcedente integra satisfactione: quam satisfactionem talem oportet esse, ut peccator aut aliquis pro illo det aliquid Deo de suo, quod debitum non sit, quod superet omne quod Deus non est. Si enim peccare, est Deum exhonore, & hoc homo facere non deberet, etiamsi necesse esset, quicquid est, quod Deus non est, perire: Vtique veritas immutabilis, & aperta ratio exigit ut qui peccat, reddat aliquid Deo pro honore ablato majus, quam sit hoc pro quo illum exhonore non debuit. Quod quoniam humana natura sola non habebat, nec sine debita satisfactione reconciliari poterat: sic nec illa, nec quicquid Deus non est, ad hoc sufficeret.

3. Ne ergo justitia Dei in regno suo peccatum inordinatum relinqueret, subvenit bonitas Dei, & eam in suam personam assumpsit filius Dei: ut in ea persona esset homo Deus, qui haberet, quod superaret non solum omnem essentiam, quæ Deus non est, sed & omne debitum quod solvere peccatores debent: & hoc cum nihil pro se deberet, solveret pro aliis; qui quod debebant, reddere non habebant. Preciosior est namque vita

hominis illius, quam omne quod Deus non est, & superat omne debitum, quod debent peccatores pro satisfactione. Si enim filii interfectio superat omnem multitudinem & magnitudinem peccatorum, quæ cogitari possunt extra personam Dei, palam est, quia vita ejus magis est bona, quam omnia peccata sint mala, quæ extra personam Dei sunt.

4. Hanc vitam, homo iste, cum ex debito mori non debebat, quoniam peccator non erat, sponte dedit de suo, ad honorem patris: cum eam sibi auferri propter justitiam permisit, ut exemplum hominibus aliis daret, justitiam Dei ab illis non esse deserendam propter mortem, quam ex necessitate aliquando solvere debent; cum iste, qui eam non debebat, & servata justitia vitare posset, eam sibi illatam propter justitiam, sponte sustineret. Dedit itaque humana natura Deo in illo homine sponte, non ex debito, quod suum erat; ut redimeret se in aliis, in quibus, quod ex debito exigebatur, reddere non habebat. In omnibus his divina natura non est humiliata, sed humana est exaltata, nec est illa imminuta, sed ista misericorditer est adjuta.

#### CAPVT IV.

*Quomodo dicatur factus obediens, & hujusmodi, cum sola libera voluntate hoc fecerit.*

1. **N**Ec humana natura in isto homine passa est aliquid ulla necessitate, sed sola libera voluntate. Nec alicui violentiæ succu-

succubuit : sed spontanea voluntate , ad honorem Dei & utilitatem aliorum hominum , quæ illi mala voluntate sunt illata , laudabiliter & misericorditer sustinuit. Nec ulla cogente obedientia , sed potenti disponente sapientia. Non enim illi homini pater , ut moreretur , cogendo præcepit : sed ille , quod Patri placiturum & hominibus profuturum intellexit , hoc sponte fecit. Non enim ad hoc eum cogere potuit Pater , quod ab eo exigere non debuit. Nec patri tantus honor potuit non placere , quem tam bona voluntate filius sponte obtulit. Sic itaque patri liberam obedientiam exhibuit , cum hoc quod patri placiturum scivit , sponte facere voluit. Denique quoniam pater illi hanc voluntatem bonam dedit , quamvis liberam , non immerito dicitur , quia eam velut præceptum patris accepit. Hoc itaque modo obediens fuit Patri usque ad mortem. Et sicut mandatum dedit illi Pater , sic fecit : & calicem quem dedit illi Pater , bibit.

2. Hæc est enim perfecta & liberrima humana naturæ obedientia , cum voluntatem suam liberam sponte voluntati Dei subdit ; & cum acceptam bonam voluntatem sine omni exactiōe spontanea libertate opere perficit. Sic homo ille redemit omnes alios , cum hoc quod sponte dedit Deo , computat pro debito , quod illi debebant. Quo precio non semel tantum à culpis homo redimitur , sed etiam quoties cum digna pœnitentia redierit , recipitur. Quæ tamen pœnitentia peccati non promittitur. Quod quoniam



in cruce factum est, per crucem noster Christus nos redemit. Qui ergo ad hanc gratiam volunt cum digno affectu accedere, salvantur. Qui vero illam contemnunt, quia debitum quod debent non reddunt, iuste damnantur.

## CAPVT V.

*De meditatione circa hoc, & de quo gaudendum circa passionem Christi.*

1. **E**Cce anima Christiana, hæc est virtus salvationis tuæ; hæc est causa libertatis tuæ: hoc est pretium redemptionis tuæ. Captiva eras, sed hoc modo es redempta. Ancilla eras, & sic es liberata. Sic es exul reducta, perdita restituta, & mortua resuscitata. Hoc mandat, homo, hoc ruminet, hoc fugat, hoc glutiat cor tuum, cum ejusdem Redemptoris tui carnem & sanguinem accepit os tuum. Hoc fac in hac vita quotidianum panem & victum & viaticum tuum: quia per hoc, & non nisi per hoc, & tu manebis in Christo, & Christus in te; & futura vita erit plenum gaudium tuum.

2. Sed ô tu Domine, tu qui ut ego viverem mortem suscepisti: Quomodo lalabor de libertate mea, quæ non est nisi de vinculis tuis? Qualiter gratulabor de salute mea, cum non sit nisi de doloribus tuis? quomodo gaudebo de vita mea, quæ non est nisi de morte tua? An gaudebo de his, quæ passus es; & de crudelitate illorum, qui ea tibi fecerunt? Quoniam nisi illi fecissent, tu passus non esses. Et, si tu passus non esses, hæc mea

bona

bona non essent. Aut si de illis dolebo ;  
 quomodo de istis , propter quæ illa fuerunt ,  
 & quæ non essent , nisi illa fuissent , gaude-  
 bo ? Sed certe illorum nequitia nihil fa-  
 cere potuit , nisi quia tu sponte permisisti ;  
 nec tu passus esses , nisi quia pie voluisti.  
 Illorum itaque debeo crudelitatem execrari ,  
 mortem & labores tuos compatiendo imita-  
 ri : piam voluntatem tuam gratias agendo  
 amare , ac sic secure de bonis mihi collatis  
 exultare.

## C A P V T VI.

*De beneficiis homini à Christo exhibitis.*

I. **E**Rgo homuncio , illorum crudelitatem  
 relinque Dei iudicio , & tracta de his ,  
 quæ debes salvatori tuo. Considera , quid  
 tibi erat , & quid tibi factum sit ; & pensa ,  
 qui hoc tibi fecit , quo amore dignus. In-  
 tuere necessitatem tuam , & benignitatem  
 ejus , & vide , quas gratias reddas , & quan-  
 tum debeas amoris ejus. In penebris , in lu-  
 brico , in descensu subter irremeabile chaos  
 inferni eras immersus : & quasi plumbeum  
 pondus , pendens à collo tuo , te deorsum  
 trahebat. Onus importabile desuper te pre-  
 mebat , hostes invisibiles te toto conatu im-  
 pellebant. Sic eras sine omni auxilio , & ne-  
 sciebas , quia sic conceptus & natus eras. O  
 quid tibi tunc erat , & quo te ista rapiebant ?  
 Expavesce memorando ; contremisce cogi-  
 tando : O bone Domine Iesu Christe , sic po-  
 sito , nec petenti , nec opinanti , ut Sol mihi  
 illuxisti , & quomodo eram , ostendisti. Abje-  
 cisti

cisti plumbum, quod deorsum me trahebat : & removisti onus, quod desuper me premebat. Impellentes me repulisti, ac illis te pro me opposuisti.

2. Vocasti me nomine novo, quod mihi de tuo nomine dedisti, & incurvatum ad aspectum tuum erexisti, dicens : Confide, ego te redemi; animam meam pro te dedi. Si adhaeres mihi, & mala in quibus eras, evades, & in profundum, quo properabas, non cades; sed perducam te ad regnum meum, & faciam te heredem Dei, & coheredem meum. Exinde accepisti me in tuitionem tuam, ut nihil noceret animæ meæ contra voluntatem suam. Et ecce, licet adhuc non adhaeserim tibi, sicut consuluisti, nondum tamen in infernum me cadere permisisti : sed adhuc expectas, ut adhaeream, & facias quod promissisti. Certe Domine sic eram, & hoc fecisti mihi. In tenebris eram, quia nihil nec meipsum sciebam in lubrico : quia imbecillius & fragilis ad lapsum peccati, eram in descensu super chaos inferni. Quia in primis parentibus descenderam de iustitia ad iniustitiam, per quam descenditur ad infernum : & de beatitudine ad temporalem miseriam, de qua caditur ad æternam miseriam.

3. Pondus originalis peccati deorsum me trahebat; & onus importabile iudicii Dei me premebat : & inimici mei daemones, ut me aliis peccatis damnabiliorem facerent, quantum in ipsis erat vehementer insistebant. Sic destituro omni auxilio, illuxisti mihi,

mihi, & quomodo eram ostendisti. Quia & cum ego nondum hoc noscere poteram; alios qui pro me nossent, & postea meipsum antequam postulare, hæc omnia docuisti; plumbum trahens, & onus gravans, & hostes impellentes rejecisti. Quia peccatum, in quo natus & conceptus eram, & damnationem ejus, amovisti, & malignos spiritus ne vim animæ meæ facerent, prohibuisti. Christianum me fecisti vocari de nomine tuo, per quod & ego confiteor, & tu cognoscis me inter redemptos tuos, & erexisti & elevasti me ad notitiam & amorem tuum. Fecisti me confidere de salute animæ meæ, pro qua dedisti animam tuam: & mihi, si te sequerer, promissisti gloriam tuam. Et ecce, cum nondum sequar te, sicut consuluisti, sed insuper multa peccata fecerim, quæ tu prohibuisti: adhuc expectas, ut te sequar, & dones quod tu promissisti.

## C A P V T VII.

*De gratiis agendis super his.*

I. **C**onsidera anima mea: Intendite omnia intima mea, quantum illi debeat substantia mea tota. Certe Domine, quia me fecisti, debeo amoris tuo meipsum totum; quia me redemisti, debeo meipsum totum: quia tantum promittis, debeo meipsum totum: ima tantum debeo amoris tuo plus quam meipsum, quantum tu es major me, pro quo dedisti teipsum, & cui promittis teipsum. Fac (precor) Domine me gustare per amorem, quod gusto per cognitionem.

Sentiam

Sentiam per affectum, quod sentis per intellectum. Plus debeo quam meipsum optum; sed nec plus habeo, nec hoc ipsum possum per me reddere totum. Trahe me, Domine, in amorem tuum, & hoc ipsum totum. Totam quod sum, tuum est condicione: fac totum tuum dilectione.

2. Ecce, Domine, coram te est cor meum: conatur, sed per se non potest. Fac tu, quod ipsum non potest. Admitte me intra cubiculum amoris tui, peto, quero, pulso. Qui me facis petere, fac & accipere: Das querere, da invenire: Doces pulsare, aperi pulsanti. Cui das, si negas petenti: Quis invenit, si querens frustratur? Cui aperis, si pulsanti claudis? Quid das non oranti, si amorem tuum negas oranti? A te habeo desiderare, à te habeam impetrare. Adhære illi, adhære importune, anima mea. Bone Domine, pie Domine, ne rejicias eam: fame amoris tui languet; refocilla eam: satiet eam dilectio tua, impinguet eam affectus tuus, impleat eam amor tuus, occupet me totum, & possideat me totum; quia es tu cum Patre & Spiritu sancto Deus solus benedictus in sæcula sæculorum. Amen.

## ANSELM I

Archiepiscopi Cantuariensis

MEDITATIONVM  
LIBER.

## CAPVT I.

*Quantum à Deo oranda.*

Domine Deus meus, da cordi meo te desiderare, desiderando quærere, quærendo invenire, inveniendò amare, amando mala mea redimere, redempta non iterare. Da, Domine Deus, cordi meo poenitentia compunctionem, spiritui contritionem, oculis lachrymarum fontem, manibus eleemosynæ largitatem. Rex meus, extingue in me desideria carnis, & accende vim tui amoris. Redemptor meus, expelle à me spiritum superbiæ, & concede mihi propitius thesaurum humilitatis tuæ. Salvator meus, amove à me furorem iræ; & indulge mihi sensum patientiæ. Creator meus, evelle à me animi rancorem, & largire mihi mentis dulcedinem. Da Pater clementissime, solidam mihi fidem, spem congruam, charitatem perfectam.

2. Rector meus, averte à me animi vanitatem, mentis inconstantiam, cordis vagationem, oris scurrilitatem, oculorum elationem, ventris ingluviem, opprobria proximorum, scelera

scelera detractionum, curiositatis pruriginem, divitiarum cupiditatem, potentatuum rapinam, inanis gloriæ appetitum, hypocritis malum, adulationis venenum: contemptum inopum, oppressionem debiliū, avaritiæ ardorem, invidiæ rubiginem, blasphemiarum morem. Reseca in me temeritatem, meorum factorum iniquam pertinaciam: inquietudinem, ociositatem, somnolentiam, pigritiam, mentis hebetudinem, cordis cecitatem, sensus obstinationem, morum truculentiam, boni inobedientiam, consilii repugnationem, linguæ effrenationem; pauperum prædam, impotentium violentiam, innocentium calumniam, subditorum negligentiam, circa subditos severitatem, adversus domesticos impietatem, erga proximos duritiam.

3. Deus meus, misericordia mea, ore te per dilectum filium tuum, da mihi opera misericordiæ, pietatis studia: compati afflictis, subvenire egenis, succurrere miseris: consulere erroneis, consolari mœstos, relevare oppressos, pauperes recreare, flebiles refovere, dimittere debitoribus, parcere in me peccantibus, odientes me diligere, pro malis bona reddere, neminem despiciere, sed honorare: bonos imitari, malos cavere, virtutes amplecti, vitia rejicere: in adversus patientiam, in prosperis continentiam, custodiam oris, & ostium circumstantiæ labiis meis; terrena calcare, cælestia sistere.



## CAPVT II.

*Dei misericordiae & bonitatis ad nostram indignitatem applicatio.*

1. **E**Cce plasmator meus, multa rogavi, cum nec pauca promerui. Fateor, heu fateor, non solum qua postulo non debentur bona, sed multa mihi debentur & exquisita supplicia. Animant me publicani, meretrices, & latrones, qui à faucibus hostis momentanee eruti, sinu recipiuntur pastoris. Tu enim omnium factor, Deus, licet in cunctis tuis sis mirabilis operibus, mirabilior tamen in visceribus crederis pietatis. Vnde tumet per quendam tuum dixisti: Miserationes ejus super omnia opera ejus. Et quasi de singulo loquens, de universo populo tuo dixisti confidenter: Misericordiam meam non dispergam ab eo. Nullum enim spernis, nullum abjicis, nullum perhorrescis, nisi qui te forte amens exhorruerit. Ergo non modo non iratus percutis; sed te irritantibus, dona, si quaerint, tribuis, Deus meus, cornu salutis meae, & susceptor meus.

2. Ego infelix te irritavi, ego malum coram te feci, furorem tuum provocavi, iram promerui: peccavi, & passus es: deliqui, & adhuc sustines. Si poenitet, parcis, si revertor, suscipis; insuper dum differo, praestolaris. Revocas errantem, invitas repugnantem, excitas torpentem, amplecteris redeuntem, doces ignorantem, mœrentem mulces, à ruina suscitās, post lapsum reparas,

R

reparas,

reparas, petenti largiris, quarenti inveniris, pulsanti aperis. Ecce Domine Deus salutis meae; quid opponam, nescio, quid respondeam, ignoro: nullum confugium, nullum à te pater latibulum. Ostendisti bene vivendi viam, dedisti gradiendi scientiam, minatus es mihi gehennam, & pollicitus es paradisi gloriam. Nunc Pater misericordiarum & totius consolationis, confige timore tuo carnes meas, quatenus quæ minaris, metuendo evadam: & redde mihi propitius lætitiā salutaris tui, ut quæ spondes, diligendo participem. Fortitudo mea Domine, firmamentum meum Deus, & refugium meum, & liberator meus: suggere, quid de te cogitem: doce quibus sermonibus invocem, & quibus operibus te placeam.

3. Scio namque, scio unum quo placaris, & aliud quod non spernis. Est utique spiritus contribulatus tibi sacrificium, & acceptas cor contritum & humiliatum. His me, Deus meus, adjutor meus, dita muneribus. His contra inimicam muni protectionibus; hoc de flammis vitiorum præsta refugium: hoc à desideriorum passionibus pande pius refugium. Fac Domine virtus salutis meae, ne sim in eorum ordine, qui credunt prospero tempore, & recedunt tentationis tempore. Obumbra caput meum in die belli: esto spes mea in die afflictionis meae, & salus in tempore tribulationis meae.

## CAPVT III.

*Indignitatis nostra exaggeratio.*

**E**Cce Deus illuminatio mea, & salus mea: rogavi quibus egeo: intimavi quæ timeo: sed remordet me conscientia, reprehendunt me cordis secreta: & quod amor ministrat, timor dissipat: zelus incitat, metus increpat actæ vitæ formidinem; sed tua ingerit pietas fiduciam. Tua hortatur benignitas, mea dehortatur malignitas; & ut verius fatear, occurrunt memoriæ phantasmata peccatorum, quæ reverberant aciem vel audaciam præsumptionum animorum. Cum enim odio quis dignus sit, qua fronte gratiam requirit? Cum pœna debetur, qua temeritate gloria poscitur? Lacescit iudicem, qui postposita satisfactione delicti, præmiis quærit honorari. Regi insultat obnoxius supplicio, qui flagitat denari indebito præmio. Et dilecti patris affectum stultus exacerbatur filius: qui post illatas contumelias, ante pœnitundinem hæreditatis usurpat celsitudinem. Quod, mi pater, me egisse recolo: merui mortem, & vitam peto: commovi regem meum, cuius impudens nunc invoco auxilium: contempsi iudicium iudicis, quem temere postulo adiutorem: insolens renui audire patrem, quem demum præsumo habere tutorem.

2. Heu mihi, quam sero venio. Heu, heu, quam tarde festino. Heu, quia curro post vulnera, dedignatus incolumis præcavere jacula. Neglexi prospicere tela, modo sol-

licitor de morte vicina. Vulnere vulneribus inflixi, quia scelera sceleribus addere non timui. Recenti tabe cicatrices respersi, quia praevisa flagitia modernis iniquationibus reciproci: & quae divina solidaverat gratia vel medicina, mea dissolvit prurigo phrenetica. Cutis, quae superducta vulneribus morbum celaverat, sanie erumpente putruit: quia iterata iniquitas concessam misericordiam exinanivit. Novi quippe scriptum: In quacunque die justus peccaverit, omnes iustitiae ejus in oblivione erunt. Si iustitia aboletur justi ruentis, quanto magis peccatoris, in idipsum ruentis? Quoties ut canis redii ad vomitum, & ut sus petii volutabrum? Fateri mihi itaque & recordari impossibile est, quot mortalium homines peccare ignorantes docui, nolentibus delinquere persuasi, resistentes coëgi, volentibus consensi, quot sane gradientes in laqueum duxi, viam quaerentibus foveam retexi, mala patrare non horui, donorum Dei oblivisci non metui.

3. Sed tu iuste iudex, signasti quasi in sacculo pecuniam peccata mea, & observasti omnes semitas meas, & sanctos gressus meos dinumerasti. Tacuisti semper, siluisti, patiens fuisti. Vix mihi, demum loqueris, quasi parturiens. Deus deorum, Domine praestabilis super nequitiam, novi quia manifestus venies, novi quia non semper silebis: cum in conspectu tuo ignis exardescet, & in circuitu tuo tempestas ingruerit valida: cum advocaveris caelum defunctum, & terram discernere

cernere populum tuum. Ecce tot millibus  
 populorum nudabuntur omnes iniquitates  
 meæ. Tot agminibus patebunt scelera mea,  
 non solum actuum, sed etiam cogitationum,  
 simulque locutionum. Tot iudicibus inops  
 astabo, quotquot me præcesserunt in bono  
 opere. Tot arguentibus confundar, quotquot  
 mihi præbuerunt sancta vivendi exempla.  
 Tot vincar testibus, quot me monuerunt pro-  
 ficuis sermonibus, seseque imitandos iustis  
 mihi dederunt sermonibus.

## CAPVT IV.

*Quum in nostra indignitate nihil aliud quam de-  
 speratio inveniatur: Dei sic summa boni-  
 tas atque dulcedo predicatur.*

1. **D**omine mi Deus, non suppetit quod  
 dicam: non occurrit quod respon-  
 deam: Et ecce jam illi intersum discrimini;  
 urget me conscientia; cruciant cordis arcana;  
 coarctat avaritia, accusat superbia, consumit  
 invidia, inflammat concupiscentia, inestat  
 luxuria, dehonestat gula, consutat ebrietas,  
 detractio lacerat, ambitio supplantat, rapaci-  
 tas objurgat, discordia dissipat, ira perturbat,  
 levitas dejicit, torpor opprimit, hypocrisis  
 fallit, adulatio frangit, favor extollit, calum-  
 nia pungit. Ecce liberator meus de gentibus  
 iracundis. Ecce cum quibus vixi à die nativi-  
 tatis meæ, quibus studui, quibus fidem serva-  
 vi, ipsa me studia quæ dilexeram damnant,  
 quæ laudaveram, vituperant. Hi sunt qui-  
 bus acquievi amici, quibus parui magistri,  
 quibus servivi domini, consules quibus cre-  
 didi,

didi, cives quibus cohabitavi; domestici quibus consenui.

2. Heu mihi, Rex meus, & Deus meus, quia incolatus meus prolongatus est. Væ mihi, illuminatio mea, quia habitavi cum habitantibus Cedar. Et cum sanctus dixerit, Multum, quanto magis ego infoelix dicere possum, Nimis incola fuit anima mea! Firmamentum meum, non justificabitur in conspectu tuo omnis vivens. Spes mea, non est in filiis hominum, quem si remota pietate judicaveris, justum vix invenias: & nisi praveneris miserando impium, non erit quem glorifices pium. Credo namque, salus mea, quod audivi, quomodo benignitas tua ad pœnitentiam me adducit. Turris fortitudinis, sonuerunt nectarea mihi labia tua: Nemo potest venire ad me, nisi Pater, qui misit me, traxerit eum. Enimvero quia instruxisti me, tantaque propitius institutione formasti, totis medullis cordis, roto annisu mentis, te omnipotens pater cum dulcissimo puero, reque dulcissima proles cum serenissimo invoco paraclero. Trahe me, quatenus post te currere in odorem unguentorum tuorum delecter.

3. Quam magna, Domine Deus meus, multitudo dulcedinis tuæ, quam abscondisti timentibus te! Abscondisti quia conservasti, non quia abscondisti. Abstulisti, cum eam magis multiplicasti. Solet aliquando, quod absconditur, diligentius investigari, & inventum arctius amari. Dilata in te non minuuntur, sed magis crescunt desideria.

deria. Non est ergo tuus amor transitorius, sed æternus. Qui te diligunt, non tepescunt, sed fervereunt. Non est tuus amor ociosus: memoria tua super mel dulcis: meditatio de te, plusquam cibus suavis. De te loqui, plena est refectio: te nosse, perfecta consolatio: tibi adherere, vita æterna: à te separari, mors perpetua. Fons vivus his, qui te sitiunt; esca indeficiens, qui te esuriunt. Gloria te quærentibus, gaudium invenientibus. Odor tuus suscitatur mortuos, respectus curat ægros; lux tua omnem fugat caliginem, visitatio tua cunctam repellit tristitiam. Nullus apud te mœror, procul à te omnis dolor; nulla tecum mœstitia, nulla indigentia: nulla, ubi es, necessitas: nullius boni est difficultas: nunquam ibi tenebræ, nec terror nominatur gehennæ: nullius noctis tetra cæcitas, nec tumultus improbitas. Nunquam famis sitisque inopia, frigoris nec æstus circa te moratur penuria; non invalidudo corporis prorsus, nec corruptio mentis; non zelus, neque contentio, nec omnino ambitio. Illinc abest sollicitudo finis & cura mortis, labor senectutis, languor ægritudinis: ibi nescitur passio aëris, & varietas temporis. Hæc est enim magna multitudo dulcedinis tuæ, Domine, quam abscondisti timentibus te, sed perfecisti sperantibus in te.



## CAPVT V.

*Quomodo nos Deus ad perseveranter quarendum  
occultorum suorum iudiciorum  
dulcedinem incitet.*

1. **O** Quam bona abscondio, qua efficitur perfectio. Non enim hæc abscondio æstimatur perditio, sed magis conservatio, qua fit perfectio. O gloriose Rex, quam vera sunt tua iudicia, justificata in semetipsa; vere desiderabilia super aurum & lapidem preciosum multum, utique & dulciora super mel & favum. O vita mea, Deus meus, rogo te per nomen Redemptoris mei, dilecti filii tui, largire propitius, ut custodiam ea. Cognovi namque, quia in custodiendis illis retributio multa. Gloria mea Deus, abscondis thesaurum tuum, ut incites cupidum; recondis margaritam, ut augeas quærentibus amorem; differs dare, ut doceas petere; dissimulas audire petentem, ut facias perseverantem. Postremo incipientibus quærere promittis, ut non nisi vere perseverantibus salutem tribuas; quod plane indicat illa flebilis, quæ tuum in sepulchro natum Christum, inter mortuos quærebat vivum, durantibus adhuc tenebris; quam accenderas ut quæreretur, te quærenti disparesbas ut perseveraret: perseveravit sperans, & speravit perseverans; & quia in spe perseveravit, videre te meruit: beata visio, & plena exultatio!

2. O summum gaudium, & consummatum desiderium, desiderabilis vultus, jucundus

duſ aſpectus: O ſpes & foelix perſeverantia niſi enim ſperaret, non perſeveraret; & niſi perſeveraret, ſpei fructum non perciperet. Sic enim Deus meus, miſericordia mea, abſconderis timentibus te, ut inveniariſ ſperantibus in te: ſic elongariſ quarentibus, ut appropinques perſeverantibus. Qui elongant ſe à te, peribunt: qui autem expectant te, non confundentur. Qui timent te, ſperent in te; quoniam protector & adiutor eorum eſ. Per timorem venit ad amorem. Timendus eſ, ut Dominus; amandus, ut pater. Timor tuus ſanctus permanet; quia ſanctos permanere facit, quos poſſidet. Nihil deſt timentibus te; quia oculi tui ſuper eos, & aures tuæ in preces eorum. Miſericordia mea & refugium meum, ſuſceptor meus, & liberator meus: ſic timorem adhibe mihi, ut amorem ſubinferas: ſic irroga metum, ut tui augeas deſiderium: ſicque me participem timentium te, ut & cuſtodientium mandata tua, faciaſ, ut per timoris ſervitutem ad amoris pertingere merear gratiam.

3. Invoco te Deus meus, invoco te; quia prope eſ omnibus invocantibus te, ſed invocantibus in veritate, tu enim veritas eſ. Da mihi, quaſo, clementiam tuam, ſancta veritas, invocare; quia quomodo hoc fieri oporteat, nſcio: ſed doceri à te beata veritas, humiliter imploro. Abs te ſapere, deſipere eſt; te vero noſſe, perfectum eſt ſcire. Erudi me, ô divina ſapientia, & doce me legem tuam. Credo ſane, quia quem tu erudieris beatus eſt, & de lege tua docueris eum.

Desidero invocare te, quod quaeso ut sit in veritate. Quid est invocare in veritate veritatem, nisi in Filio Patrem? Ergo sancte Pater, sermo tuus veritas est; principium verborum tuorum veritas. Hoc quippe est verborum tuorum principium, quod in principio erat Verbum. In ipso principio te summum adoro principium. In ipso veritatis Verbo, te perfecta invoco veritas: quod in ipsa tandem dirigas me, & doceas in veritate. Quid enim dulcius, quam genitorem in nomine unigeniti exorare? Patrem recordatione filii ad pietatem flectere? Regem charissimæ prolis denotatione mitigare? Sic rei solent carceribus eripi; sic mancipati vinculis liberari; sic tristem capitis excipientes sententiam, non solum vitam sed insuper nancisci insolitam gratiam, dummodo iratis patribus dilectæ prolis intimaverint charitatem. Sic delinquentes servuli evadunt supplicia dominorum, dum pro eis intervenit dulcedo filiorum. Sic te Pater omnipotens per omnipotentis filii tui postulo charitatem: educ de carcere animam meam ad confitendum nomini tuo: libera me à vinculis peccatorum, per cœternum tibi unicum natum: meque, cui propria merita lethalem minantur sententiam, preciosa ad dexteram tuam confidentis prolis interpellatione restaura placatus ad vitam.

## CAPVT VI.

*De vero intercessore, atque instituti hujus  
dispositore.*

1. **Q**uem alium enim dirigam intercessorem pro me tibi, nescio: nisi hunc, qui est pro peccatis nostris propitiatio: qui sedet ad dexteram tuam, qui etiam in communi sibi gloria pietatem tuam interpellat pro nobis. Ecce advocatus meus apud te Deum & Patrem. Ecce Pontifex summus qui non eget alieno expiari sanguine, quia proprio fulget perfusus cruore. Ecce hostia sancta, beneplacens & perfecta, in odorem suavitatis & oblata & accepta. Ecce agnus sine macula, qui coram se tondentibus obmutuit; qui plagis cæsus, sputis illitus, probris affectus, os suum non aperuit. En qui peccatum non fecit, peccata nostra pertulit, & languores nostros suo livore sanavit. Aspice, pie Pater, piissimum filium tuum, pro me tam impio passum. Respice, Pater clementissime, eum qui patitur: & reminiscere benignus, pro quo patitur.

2. Nonne hic est ille innocens, mi Domine, quem ut servum redimeres, filium tradidisti? Nunquid non auctor vitæ hic est, qui ut ovis ad occisionem ductus, tibi que obediens usque ad mortem factus, atrocis non timuit necis subire genus? Recole, torius salutis dispositore, quia hic ipse est, quem etsi ex tua virtute genuisti, meam tamen infirmitatis participem fieri voluisti. Vere hæc est tua Deitas, quæ meam induram naturam,

CRUCIS

crucis ascendit patibulum, assumptaque carne, triste tulit supplicium. Reduc, Deus meus, oculos majestatis super opus ineffabilis pietatis; intueri dilectum natum, toto corpore extensum; cerne manus innocuas, promanantes sanguine; & remitte placatus scelera, quæ patrauerunt manus meæ. Considera inerme latus, crudeli foellum cuspide, & renova me sacrosancto fonte illo, quem inde fluxisse credo. Vide immaculata vestigia, quæ non steterunt in via peccatorum, sed semper ambulaverunt in lege tua, diris confixa clavis, & perforce gressus meos in semitis tuis. Fac me odio habere omnem viam iniquitatis: viam iniquitatis amove à me, facque me propitius viam veritatis elige.

3. Oro te Rex sæculorum per hunc Redemptorem meum, fac me currere viam mandatorum tuorum; ut ei valeam spiritu uniri, qui non horruit mea carne vestiri. Nunquid non attendis, pie Pater, adolescentis filii charissimum caput, nivea cervice deflexa pretiosi resolutum in morte? Aspice, mitissime conditor, dilectæ sobolis humanitatem, & miserere super infirmi plasmatis debilitatem. Candet nudatum pectus, rubet cruentum latus, tensa arent viscera, decora languent lumina, regia pallent ora, procera rigent brachia; pendent ciura marmorea, rigat te-rebratos pedes sancti sanguinis unda. Specta, gloriose genitor, gratissimæ prolis lacerata membra; & memorare benignus, quæ mea substantia. Conspice Dei hominis poenam,

& re-

& releva conditi hominis miseriam. Vide redemptoris supplicium, & remitte redempti delictum. Hic est, Domine mi, quem propter peccata populi tui percussisti, licet ipse sit dilectus, in quo tibi bene complacuisse. Hic est ille innocens, in quo dolus inventus non est, & tamen cum iniquis deputatus est.

## CAPVT VII.

*Redemptoris innocentis, & perdit innocentis, inter se comparatio; ac huius renovatio.*

1. **Q**uid commisisti dulcissime puer, ut sic judicareris? Quid commisisti amantissime juvenis, ut sic tractareris? Quod scelus tuum, quæ noxa tua, quæ causa mortis, quæ occasio tuæ damnationis? Ego enim sum tui plaga doloris, tuæ culpa occisionis. Ego tuæ livor passionis, tui cruciatus labor. Ego tuæ mortis meritum, tuæ vindictæ flagitium. O mirabilis censuræ conditio, & ineffabilis mysterii dispositio! peccat iniquus, & punitur justus: delinquit reus, & vapulat innocens: offendit impius, damnatur pius: quod meretur malus, patitur bonus: quod perpetrat servus, exsolvit dominus: quod committit homo, sustinet Deus. Quo nate Dei, quo tua descendit humilitas? quo tua deflagravit charitas? quo processit pietas? quo excrevit benignitas? quo tuus attigit amor? quo pervenit compassio? Ego enim inique egi, tu poena mulctaris: ego facinus admisi, tu ultione plecteris: ego crimen edidi, tu torturæ subjiceris: ego

ego superbivi, tu humiliaris: ego tumui, tu attenuaris: ego inobediens extiti, tu obediens Patri scelus inobedientiæ luis: ego gula parui, tu inedia efficeris: me ad illicitum rapuit concupiscentia ardorem, te perfecta charitas ducit ad crucem. Ego præsumpsi vetitum, tu subiisti eculeum; ego delector cibo, tu laboras in patibulo: ego fruor deliciis, tu laniaris clavis. Ego pomi dulcedinem, tu fellis gustas amaritudinem. Mihi reo ridens congaudet Eva, tibi pie plorans compatitur Maria. Ecce Rex gloriose, ecce impietas mea, & claret pietas tua: in mea injustitia, & tua liquet justitia.

2. Quid Deus meus, & Rex meus? Quid retribuam tibi pro omnibus quæ tribuisti mihi? Non enim inveniri potest in corde hominis, quod condigne talibus referatur præmiis. Nunquid potest sagacitas machinari humana, cui comparetur miseratio divina? Nec est creaturæ, moliri officium, quo iuste creatoris recompenset præsidium. Est autem nate Dei, in hac tua admirabili dispositione, cui mea fragilitas in aliquo suppeditet, si tua visitatione compuncta mens carnem suam crucifigat cum vitiis & concupiscentiis. Et si hoc à te conceditur, quasi jam tibi incipit compati vel vivere, quia & tu pro peccatoribus dignatus es mori: sicque per interiorem victoriam hac duce armabitur ad exteriores palmam: qua devicta persecutione spiritali, non vereatur pro amore tuo subjici gladio materiali. Ita exiguitas conditionis, si tuæ complaceat pietati, magnitudini valebit pro viri-



viribus respondere conditoris. Et hoc cœlestis medicinæ, bone Iesu, hoc tui antidotum amoris.

3. Oro te per antiquas misericordias tuas, infunde visceribus meis, ut rejecta vipereæ cogitationis labe, reintegret me incolumitati pristinæ: quo gustato nectare tuæ suavitatis, faciat me illecebrosa mundi prospera, toto affectu despicere, & nulla ejus adversa pro te formidare; memorque perpetuæ nobilitatis semper fastidiam ventos hujus transitorii timoris. Nihil quæso sine te mihi dulcescat, nihil complaceat, nihil pretiosum, nihil præter te arrideat speciosum. Vilescant obsecro abs te mihi omnia, sordescant universa. Quod tibi adversum est, mihi molestum sit; & beneplacitum tuum sit mihi indeficiens desiderium; tadeat me gaudere sine te, & delectet me tristari pro te. Sit mihi nomen tuum refocillatio, & memoria tua mea consolatio. Fiant mihi lachrymæ meæ panes die ac nocte, tuas investigando justificationes. Sit bonum mihi lex oris tui, super millia auri & argenti. Sit obedire mihi amabile, resistere execrabile. Rogo te, spes mea, per omnes pietates tuas, ut propitieris omnibus iniquitatibus meis. Adaperi aures meas mandatis tuis; & ne declines, flagito per nomen sanctum tuum, in verba malitiæ cor meum, ad excusandas excusationes in peccatis. Peto etiam per admirabilem humilitatem tuam, non veniat mihi pes superbiæ, & manus peccatoris non moveat me.

## CAPVT VIII.

*Qualiter sese creatura renovata patri celesti  
in sacrificium totam offerat, eique ad  
seruendum cupiat consecratam.*

I. **E**Cce omnipotens Deus pater, Domine mi, dispone benignus, quo mihi miserearis: quomodo quicquid pretiosius inveni, devote tibi obtuli: quicquid carius reperi, suppliciter presentavi. Mihi nihil reliqui, quin tuæ exposuerim maiestati: nihil jam superest quod adjiciam, quia totam tibi delegavi spem meam. Direxi tibi advocatum meum, tuum dilectum filium; misi gloriosam progeniem inter me & te mediatorem. Misi inquam intercessorem, per quem confido veniam. Misi verbis, quia pro meis dixi missum factis. Enumeravi sanctissimæ tibi sobolis mortem, quam pro me fuisse credo perpeßam. Credo à te missam Deitatem, nostram suscepisse humanitatem: in qua dignum duxit, vincula, alapas, sputa, irrisionesque perferre, nec non crucem clavosque suscipere. Hanc olim infantix vagitibus demolitam, pueritix pannis astrictam, sudoribus vexatam, jejuniis maceratam, vigiliis afflictam, itineribus fessam, post affectam flagris, laceratam suppliciis, deputatam cum mortuis, ditatam vero gloria resurrectionis, cœlorum gaudiis induxit, & in dextera tuæ celsitudinis collocavit. Tu placatio mea, & propitiatio mea. Hic intende pius, quem genueris filium, & quem redemeris servum. Hic aspice factorem, & ne despi-

despicias facturam. Amplectere serius pastorem, & recipe misericors allatam propriis humeris ovem.

2. Hic ipse est fidelissimus pastor ille, qui dudum errabundam ovem per abrupta montium, præcipitia vallium, multis variisque quæsierat laboribus. Qui jam morienti, jam per longa exilia deficiente, tandem inventa gaudens, se supponit, & miro sibi adnifu charitatis innixam, de confusionis abyssu levavit; piisque constrictam complexibus, ad nonaginta novem, unam quæ perierat deportavit ovem. Ecce Domine mi, Rex omnipotens Deus, ecce pastor bonus refert tibi ovem, quam commisisti ei. Suscepit te disponente ad salvandum hominem, quem tibi restituit omni labe immunem. Ecce tibi tuum charissimus plasina filius reconciliat, quod à te procul deviaverat. En gregi tuo mitis pastor, reformat, quod prædo violentus abegerat. Reddis tuis conspectibus servum, quem sua propria fecerat conscientia fugitivum; ut qui per se pœnam meruit, per factorem mundi mereatur veniam: quique pro culpis suis sperabat gehennam, tanto duce jam confidat revocari ad patriam. Potui per me te, sancte Pater, offendere, sed non potui per me te mihi placare. Factus est adjutor meus tuus dilectus filius, meam participans humanitatem, ut curaret infirmitatem; quatenus unde culpam emiserat offensionis, inde tibi immolaret sacrificium laudis, meque per hoc tuæ redderet pietati placabilem: quo sedens

ad dexteram tuam, semper me substantiæ ostenderet esse consortem. Ecce ipse mea, ecce tota fiducia.

3. Si me pro mea, ut dignum est, despicias iniquitate, respice saltem misertus in me pro dilectæ sobolis charitate: in filio attende, quid propitius in servo. Vide carnis sacramentum & carnis remitte reatum. Recole, quod bonus perpeßus est filius; & obliuiscere, quod malus operatus est servus. Quoties beatæ prolis tibi saucia patent vulnera, delirescant obsecro vulnera mea. Quoties rubet pretiosus sanguis pio de latere, deleantur supplicio tabes meæ pollutionis. Et quia te caro lacescit ad iram, caro te inflamat, precor, ad misericordiam: ut sicut caro seduxit ad culpam, caro deducat ad veniam. Multum quidem est, quod mea meretur impietas; longe autem majus est, quod Redemptoris mei possit pietas: Magna enim est mea iniustitia, multo vero maior est Redemptoris mei iustitia. Quanto enim superior est Deus homine, tanto mea malitia est inferior bonitate ejus, ut qualitate, ita etiam quantitate. Quid enim delinquere posset homo, quod non Dei filius redimeret, factus homo? Quæ tantum superbia tumeret, quam non tanta humilitas sterneret? Quidnam esset mortis imperium, quod nati Dei non destrueret crucis supplicium? Nimirum Deus meus, si æqua lance iniquitas peccantis hominis, & redimentis gratia librentur auctoribus: non tantum oriens distat ab occidente, seu inferior separatur infernus à summo cali

car-

cardine : quantum pietas redemptoris superat malitiam peccatoris.

4. Iam lucis optime creator, jam culpis ignosce meis, pro dilecti filii tui laboribus immensis. Iam quæso, ejus pietati mea impietas, ejus modestiæ mea perversitas, & mansuetudini donetur ferocitas. Iam sua humilitas meam superbiam; patientia ejus meam impatientiam, benignitas duritiam; obedientia inobedientiam; tranquillitas inquietudinem; dulcedo amaritudinem; suavitas iram, charitas lucrifaciat crudelem oblationem. Iam divini amor numinis Patris omnipotentis, prolisque beatissimæ sanctæ communicatio, paraclete sanctæ Spiritus, mœrentium clementissima consolatio, Spiritus alme, jam cordis mei penetralibus potens illabere virtute: & tenebrosa quæque neglecta lucis latibula, luminis corusci fulgore, pius inhabitator laxifica; tuique roris abundantia, longe ariditatis marcescentia squalore, visitando fecunda. Saucia interioris hominis arcana tui amoris jaculo; & repentis jecoris medullas flammis salutaribus penetrando succende, sanctique fervoris igne illustrando, mentis & corporis universa depasce: pota tuæ voluptatis torrente, ut jam nihil mundanorum degustare libeat venenata dulcedinis. Iudica me, & discerne de gente non sancta causam meam. Doce me, quia Deus meus es tu, facere voluntatem tuam.

5. Credo ergo quemcumque inhabitaveris, in eo Patris ac pariter Filii domicilium condis. Beatus, qui te merebitur hospitem

habere : quoniam per te Pater & Filius apud  
eum facient mansionem. Veni jam, veni be-  
nignissime dolentis animæ consolator, in  
opportunitatibus & tribulationibus adjutor.

Veni mundator sceleris, curator vulneris;  
Veni fortitudo fragilium, relevator laben-  
tum. Veni doctor humilium, destructor  
superborum. Veni orphanorum pius pater,  
consolator miserorum, viduarum dulcis ju-  
dex. Veni spes pauperum, refocillator defi-  
cientium. Veni sydus navigantium, portus  
perfragantium. Veni, ô omnium viventium  
medicus singulare, morientium unica salus.  
Veni sanctissime Spiritus, veni, & miserere  
mei. Aptam me tibi, & condescende propi-  
tius mihi: ut mea tuæ magnitudini exigui-  
tas, tuoque robori mea imbecillitas, secun-  
dum tuarum multitudinem complaceat mi-  
serationum. Per Iesum, &c.



## O R A T I O N E S.

1. **M**iserere Domine famulis & famula-  
bus tuis N. & dirige actus eorum  
quotidie in bonum, & omnia peccata eo-  
rum dimitte. Et dimitte in cor eorum talem  
intellectum, ut ex toto corde tibi fideliter  
serviant, & tibi placeant, & omni tempore  
in tuo sancto servitio permaneant. Per Do-  
minum nostrum.

2. Famulos & famulas tuas, quæsumus  
Domine, fratres & sorores meas, omnes-  
que debitores meos, corpore pariter & men-  
te purifica, ut in tua inspiratione compuncti,  
noxias delectationes vitare pravaleant. Per  
Dominum nostrum Iesum Christum.

3. Dignus est mercenarius vel operarius  
mercede sua: orationibus tuis credit, & op-  
tat juvari, & sarcina peccatorum à te suble-  
vari. Per Dominum nostrum.

*Finit Meditationum B. Anselmi.*



D I V I  
B E R N A R D I  
M E D I T A T I O N E S  
D E V O T I S S I M Æ,

humanæ conditionis cogni-  
tionem.

*Alias, Liber de Anima.*

C A P V T I.

*De dignitate hominis.*



Uti multa sciunt, & seipfos ne-  
sciunt: alios inspiciunt, & seip-  
fos deserunt. Deum quærunt per  
ista exteriora, deserentes sua in-  
teriora. quibus interior est Deus.

Idcirco ab exterioribus redeam ad interiora,  
& ab interioribus ad superiora ascendam; ut  
possim cognoscere unde venio, aut quo va-  
do, quid sim, vel unde sim: & ita per cogni-  
tionem mei valeam pervenire ad cogniti-  
onem Dei. Quanto namque in cognitione  
mei proficio, tanto ad cognitionem Dei ac-  
cedo.

2. Secundum interiorem hominem tria  
in mente mea invenio, per quæ Deum reco-  
lo, conspicio & concupisco. Sunt autem hæc  
tria; memoria, intelligentia, voluntas sive  
amor. Per memoriam reminiscor, per intel-  
ligentiam intueor, per voluntatem ample-  
ctor.

**Et**or. Cum Dei reminiscor, in memoria mea eum invenio; & in ea, de eo, & in eo delector, secundum quod ipse mihi donare dignatur. Intelligentia intueor quid sit Deus in seipso, quid in Angelis, quid in Sanctis, quid in hominibus, quid in creaturis. In se ipso est incomprehensibilis, quia principium & finis, principium sine fine, finis sine fine. Ex me intelligo, quam incomprehensibilis sit Deus, quoniam meipsum intelligere non possum, quem ipse fecit. In Angelis est desiderabilis, quia in eum desiderant prospicere. In Sanctis est delectabilis, quia in eo assidue felices latantur. In creaturis est admirabilis, quia omnia potenter creat, sapienter gubernat, benigne dispensat.

3. In hominibus est amabilis, quia eorum Deus est, & ipsi sunt populus ejus. Ipse in eis habitat tanquam in templo suo, & ipsi sunt templum ejus. Non dedignatur singulos neque universos. Quisquis ejus meminit, eumque intelligit, ac diligit, cum illo est. Diligere eum debemus, quoniam ipse prior dilexit nos. Ad imaginem & similitudinem suam nos fecit, quod nulli alii creatura donare voluit. Ad imaginem Dei facti sumus, hoc est, ad intellectum & notitiam Filii, per quem intelligimus & cognoscimus Patrem, & accessum habemus ad eum. Tanta cognitio est inter nos & Dei filium quod ipse imago Dei est, & nos ad imaginem ejus facti sumus. Quam cognitionem etiam ipsa similitudo testatur: quoniam non solum ad imaginem, sed & ad similitudinem ejus fa-

Esti sumus. Oportet itaque id, quod ad imaginem est, cum imagine convenire, & non in vacuum nomen imaginis participare.

4. Repraesentemus ergo in nobis imaginem ejus in appetitu pacis, in intuitu veritatis, & in amore charitatis. Teneamus eum in memoria, portemus in conscientia, & ubique praesentem veneremur. Mens siquidem nostra eo ipso ejus imago est, quo ejus capax est, ejusque particeps esse potest. Non propterea ejus imago, quia sui meminit mens, seque intelligit, ac diligit: sed, quia potest meminisse, intelligere ac diligere, à quo facta est: quod cum facit, sapiens ipsa fit. Nihil enim tam simile est illi summæ sapientiæ, quam mens rationalis, quæ per memoriam, intelligentiam, & voluntatem, in illa Trinitate ineffabili consistit. Consistere autem in illa non potest, nisi ejus meminerit, eamque intelligat, ac diligit. Meminerit itaque Dei, ad cujus imaginem facta est; eumque intelligat, diligit atque colat, cum quo potest semper esse beata.

5. Beata anima, apud quam Deus requiem invenit, & in cujus tabernaculo requiescit. Beata, quæ dicere potest: Et qui creavit me, requievit in tabernaculo meo, negare siquidem requiem cæli ei non poterit. Cur ergo nos deserimus, & in his exterioribus Deum quarimus, qui apud nos est, si nos velimus esse apud Deum? Revera nobiscum est, & in nobis: sed adhuc per fidem, donec videre mereamur per speciem. Novimus, inquit Apostolus, habitare Christum  
per

per fidem in cordibus nostris ; quia Christus in fide , fides in mente , mens in corde , cor in pectore. Per fidem ergo recolo Deum creatorem , adoro redemptorem , expecto salvatorem : credo videre in omnibus creaturis , habere in semetipso ; & quod his omnibus ineffabiliter jucundius atque bearius est , cognoscere in seipso. Patrem namque & filium cum sancto Spiritu cognoscere , vita est æterna , beatitudo perfecta , summa voluptas.

6. Oculus non vidit , nec auris audivit , nec in cor hominis ascendit , quanta claritas , quanta suavitas , & quanta jucunditas maneat nos in illa visione ; quando Deum facie ad faciem videbimus , qui est lux illuminatorum , requies exercitorum , patria redeuntium , vita viventium , corona vincentium. Ita in mente mea , quandam imaginem illius summæ Trinitatis invenio , ad quam summam Trinitatem recolendam , inspiciendam & diligendam , ut ejus recorder , ea delecter , & eam complectar & contempler , totum id quod vivo , debeo referre. Mens imago Dei est , in qua sunt tria ; id est , memoria , intellectus , & voluntas. Memoriam attribuimus omne quod scimus ; etiamsi non inde cogitemus. Intelligentiam tribuimus omne , quod verum cogitando invenimus , quod etiam memoriam commendamus. Per memoriam Patri similes sumus ; per intelligentiam , Filio ; per voluntatem , Spiritui sancto. Nihil in nobis tam simile Spiritui sancto est , quam voluntas , vel

S S

amor,

amor, siue dilectio, quæ excellentior voluntas est. Dilectio namque donum Domini est, ita quod nullum hoc dono Dei est excellentius. Dilectio namque quæ ex Deo est, & Deus est, proprie Spiritus sanctus dicitur, per quem charitas Dei diffusa est in cordibus nostris, per quem tota Trinitas in nobis habitat.

## CAPVT II.

*De miseria hominis, horrore mortis, & distributione supremi iudicis.*

1. **S**ecundum exteriorem hominem, de parentibus illis venio, qui me ante fecerunt damnatum, quam natum. Peccatores peccatorem in peccato suo genuerunt, & de peccato nutriverant. Miseri miserum in hanc lucis miseriam induxerunt. Nihil ex eis habeo, nisi miseriam, & peccatum, & corruptibile hoc corpus, quod gesto. Ad illos vero se feno, qui morte corporis hinc exierunt. Cum eorum sepulchra respicio, non inuenio in eis nisi cinerem & vermem, fatorem & horrorem. Quod ego sum, ipsi fuerunt: & quod ipsi sunt, ego ero. Quid sum ego? Homo de humore liquido. Fui enim in momento conceptionis de humano semine conceptus: deinde spuma illi coagulata modicum crescendo caro facta est. Postea plorans & ejulans traditus sum hujus mundi exilio; & ecce jam morior plenus iniquitatibus, & abominationibus. Iam jam presentabor ante districtum iudicem, de operibus meis rationem redditurus.

2. Væ mihi misero, cum venerit dies illa iudicii, & aperti fuerint libri, in quibus omnes mei actus & cogitationes, Domino præsentandæ, recitabuntur. Tunc demisso capite, præ confusione malæ conscientiæ, in iudicio coram Domino stabo trepidus & anxius; utpote commemorans scelerum commissæ meorum. Et cum dicetur de me: Ecce homo & opera ejus; reducam ante oculos omnia delicta & peccata mea. Quadam namque vi divina fiet, cuique sua opera, bona vel mala, in memoriam revocentur, & mentis intuitu mira celeritate cernantur, ut accuset vel excuset scientia conscientiam; atque ita simul & singuli, & omnes judicentur.

*Iudicium faciet gestorum quisque suorum.*

*Cunctaque cunctorum cunctis arcana patebunt.*

Quod enim nunc confiteri erubescimus, tunc omnibus manifestabitur: & quicquid hic dissimulando palpamus, totum illic vindex flamma comburet.

*Ignis ubique ferox ruptis regnabit habenis.*

Quantoque diutius Deus nos expectat, ut emendemus, tanto districtius judicabit, si neglexerimus.

3. Cur ergo tantopere vitam istam desideramus, in qua quanto amplius vivimus, tanto plus peccamus? Quanto est vita longior, tanto culpa numerosior. Quotidie namque crescunt mala & subtrahuntur bona; assidue variatur homo per prospera & adversa, & ignorat quando moriatur. Sicut enim in calo stella coruscans velociter currit, & repente deficit; & sicut scintilla ignis subito extinguatur, & in cinerem redigitur:

*Sic cito finitam datur istam cernere vitam.*  
 Dum enim libenter ac jocundissime moratur  
 homo in mundo, diuque se victurum arbi-  
 tratur,

*Ac multa in longum disponit tempus agenda,*  
 subito rapitur in mortem, & ex improvise  
 anima auferitur à corpore. Verumtamen,  
 cum magno metu, magnisque doloribus,  
 anima separatur à corpore. Veniunt enim  
 Angeli assumere illam, ut perducant eam an-  
 te tribunal iudicis metuendi. Et tunc illa me-  
 morans opera sua mala & pessima, quæ diu  
 noctuque gessit, contremiscit, & quærit il-  
 la fugere, induciasque perere, dicens: Date  
 mihi vel unius horæ spatium.

4. Tunc quasi loquentia simul opera di-  
 cent: Tu nos egisti, opera tua sumus: non  
 te deseremus, sed tecum semper erimus, te-  
 cum pergemus ad iudicium. Vitia quoque  
 multis & multiplicibus criminibus eam ac-  
 cusabunt, multaque falsa testimonia adver-  
 sus illam invenient, quanquam vera ad dam-  
 nationem ejus satis possent sufficere. Dæ-  
 mones vero terribili vultu & horribili aspe-  
 ctu eam terrebunt. Ingenti furore eam per-  
 sequentur & comprehendent, tam terribili-  
 ter quam horribiliter, volentes retinere &  
 possidere, nisi sit qui eripiat. Tunc anima  
 inveniens oculos clausos, & os, aliosque  
 corporis sensus, per quos solebat egredi &  
 delectari in his exterioribus, reuertetur ad  
 se, & videns se solam & nudam, ingenti  
 horrore concussa, desperatione deficiet in se,  
 & cadet sub se. Et quia amore mundi & car-



nis voluptate, Dei amorem dereliquerat; derelinquetur à Deo misera, in hora tantæ necessitatis, atque dæmonibus tradetur in inferno crucianda. Sic anima peccatoris in die qua ignorat, & hora qua nescit, rapitur à morte, & segregatur à corpore, pergitque miseriis plena, tremens & dolens. Et cum nullam excusationem habeat, quam pro peccatis suis possit obtendere, contabescit & pertimescit ante Deum apparere.

4. Ingenti horrore concutitur, & multiplicibus cogitationum æstibus agitur, cum urgente solutione carnis, & subductis è medio omnibus, se & illum terminum considerat, cui appropinquat, & post paululum hoc invenit, quod in perpetuum mutari non poterit. Considerat plane, quam districtus veniat æternus iudex; & ante severitatem tantæ justitiæ quas rationes vitæ suæ ponat. Si enim cuncta opera, quæ intelligere potuit, devitavit; ventura tamen coram districto iudice, illa magis quæ in semetipsa non intelligit, pertimescit. Crescit pavor cum cogitat, quod viam vitæ hujus nequaquam sine culpa transire potuit. Nec hoc quidem, quod laudabiliter vixit, sine aliquo reatu est, si remota pietate judicetur. Quis enim considerare valeat, quanta mala per momenta temporum perpetramus, & quanta bona facere negligimus? Sicut enim peccatum est perpetratio mali, sic delictum est desertio boni. Gravis siquidem iactura est, cum nec bona facimus, nec bona cogitamus, sed cor nostrum per vana & inuti-

inutilia sinimus vagari. Nimis tamen difficile est cortenere, & ab illicita cogitatione fervare. Nimis etiam difficile est terrenas occupationes absque peccatis ministrare. Quapropter nullus semetipsum dijudicare & comprehendere perfecte potest: sed multis cogitationibus occupatus, sibimetipsi aliquo modo manet incognitus, ut omnino quod tolerat, nesciat. Propterea urgente exitu subtiliori terretur metu, quia etiam illa quæ scivit, nunquam se prætermisisse meminit, formidat tamen ea quæ nescit.

## CAPUT III.

*De dignitate animæ & vilitate corporis.*

1. **O** Anima, Dei insignita imagine, decorata similitudine, desponsata fide, dotata spiritu, redempta sanguine, deputata cum Angelis, capax beatitudinis, hæres bonitatis, rationis particeps, quid tibi cum carne, unde ista pateris? Propter carnem, aliena peccata tibi imputantur: & tuæ justitiæ quasi pannus menstruatus reputantur: atque tu ipsa ad nihilum es redacta, & quasi nihilum & inane reputata: Nihil aliud est caro (cum qua tanta est tibi societas) nisi spuma caro facta, fragili vestita decore: sed erit, quando erit cadaver miserum & putridum, cibus vermium. Nam quantumcumque excolatur, semper caro est. Si diligenter consideres, quid per os, & nares, cæterosque corporis meatus egrediatur, vilius sterquilinum nunquam vidui. Si singulas ejus miseria

rias  
tis  
occ  
pro  
proc  
min  
nita  
con  
& in  
quin  
2  
tum  
atque  
fuit  
factu  
strua  
tritu  
Si  
Fa  
Nihil  
dum  
Post  
Si  
Cur  
quod  
tus in  
polite  
vermi  
pulvis  
miseri  
Vnde  
N

rias enumerare velis, quam sit onerata peccatis, irretita vitiis, pruriens concupiscentiis, occupata passionibus, polluta illusionibus, prona semper in malum, & in omne vitium proclivis, plenam omni confusione & ignominia invenies. Propter carnem homo vanitati similis factus est, quia ex illa vitium concupiscentiae traxit, quo captivus tenetur & incurvatur, ut diligat vanitatem, & iniquitatem operetur.

2. Attende, homo, quid fuisti ante ortum, & quid es ab ortu usque ad occasum; atque quid eris post hanc vitam. Profecto fuit, quod non eras: postea de vili materia factus, & vilissimo panno involutus, menstruali sanguine in utero materno fuisti nutritus, & tunica tua fuit pellis secundina:

*Sic indutus & ornatus progressus es ad nos;*

*Nec memor es, quam sit vilis origo tui.*

*Forma, favor populi, fervor juvenilis, opesque*

*Subripuere tibi noscere quid sit homo.*

Nihil aliud est homo, quam sperma foetudum, saccus stercoreum, cibus vermium.

*Post hominem vermis, post vermem factor & horror:*

*Sic in non hominem vertitur omnis homo.*

Cur ergo superbis, homo, non attendens quod fuisti vile semen, & sanguis coagulatus in utero? deinde miseriis hujus vitae expositus & peccato, postea vermis, & cibus vermium futurus in tumulo? Quid superbis, pulvis & cinis, cujus conceptus culpa, nasci miseria, vivere poena, mori angustia?

*Vnde superbit homo, cujus conceptio culpa.*

*Nasci poena, labor vita, necesse meri?*

Cui

Cur carnem tuam preciosis rebus impinguas, & adornas, quam post paucos dies vermes devoraturi sunt in sepulchro? animam vero tuam non adornas bonis operibus, quæ Deo & Angelis ejus præsentanda est in caelis?

3. Quare animam tuam vilipendis, & ei carnem præponis? Dominiqam ancillari, & ancillam dominari, magna abusus est. Totus quidem iste mundus ad unius animæ precium æstimari non potest. Non enim pro toto mundo Deus animam suam dare voluit, quam pro anima humana dedit. Sublimius ergo est animæ precium, quæ non nisi sanguine Christi redimi potuit. Quam ergo commutationem dabis pro anima tua, qui pro nihilo das illam? Nonne Dei filius, cum esset in sinu Patris, à regalibus sedibus pro ea descendit, ut eam liberaret à potestate diaboli? Quam cum vidisset peccatorum funibus irretitam, jam jamque daemonibus tradendam, ut morte perpetua damnaretur: flevit super illam, quæ flere se nesciebat. Nec solum flevit, sed etiam occidi se permisit, ut pretioso sanguinis sui pretio eam redimeret.

*Aspice mortalis, pro te datur hostia talis.*

Agnosce homo, quam nobilis est anima tua, & quam gravia fuerunt ejus vulnera, pro quibus necesse fuit Christum Dominum vulnerari. Si non essent hæc ad mortem, & mortem sempiternam, nunquam pro eorum remedio Dei filius moreretur. Noli ergo vilipendere animæ tuæ passionem, cui à tanta

maje-

maiestate tantam vides exhiberi compassio-  
nem. Fudit ipse lachrymas pro te; lava &  
tu per singulas noctes lectum tuum cordis  
compunctione, & lachrymarum assiduitate.  
Fudit ipse sanguinem suum; funde & tu  
tuum quotidiana corporis afflictione. Quem  
si semel ponere pro Christo non potes, sal-  
tem mitiori quodam, sed longiori martyrio,  
pone. Noli attendere quid caro velit, sed  
quid spiritus poscit. Tunc enim gloriosus  
erit, cum ad Deum suum redierit: ita tamen  
si de corpore nullum peccatum secum tulerit,  
& deteriserit omne sordidum.

4. Si vero dices, Durus est hic sermo;  
non possum mundum spernere, & carnem  
meam odio habere: dic mihi, ubi sunt ama-  
tores mundi, qui ante pauca tempora nobi-  
scum erant? Nihil ex eis remansit, nisi cine-  
res & vermes. Attende diligenter quid sunt,  
vel quid fuerunt. Homines fuerunt sicut tu;  
comederunt, biberunt, riserunt, duxerunt  
in bonis dies suos, & in puncto ad inferna  
descenderunt. Hic caro eorum vermibus,  
& illic anima ignibus deputatur, donec rur-  
sus infelici collegio colligati, sempiternis  
involvantur incendiis, qui socii fuerunt in  
vitiis. Una namque poena implicat, quos  
unus amor in crimine ligat. Quid profuit  
illis inanis gloria, brevis latitia, mundi  
potentia, carnis voluptas, falsa divitiæ,  
magna familia, & mala concupiscentia?  
Vbi risus, ubi jocus, ubi jactantia, ubi ar-  
rogantia? De tanta latitia, quanta tristitia!  
Post tantillam voluptatem, quam gravis  
mise-

miseria! De illa exultatione ceciderunt in magnam miseriam, in grandem ruinam, & in magna tormenta. Quicquid illis accidit, tibi accidere potest; quia homo es. Homo de humo, limus de limo. De terra es & de terra vivis, & in terram reverteris; quando venerit dies illa ultima, quæ subito venit, & forsitan hodie erit. Certum est, quia morieris; sed incertum, quando, aut quomodo, vel ubi. Quoniam mors ubique te expectat: tu quoque si sapiens fueris, ubique eam expectabis. Si carnem sequeris, punieris in carne. Si in carne delectaris, cruciaris in carne. Si curiosas vestes requiris, pro ornatu vestium subter te sternetur rinea, & operimentum tuum erunt vermes. Iustitia enim Dei aliud judicare non potest, nisi quod merentur opera nostra. Qui enim plus diligit mundum quam Deum, sæculum quam claustrum, gulam quam abstinenciam, luxuriam quam castitatem; sequitur djabolum, & ibit cum eo in supplicium æternum.

5. Quis putas tunc mœror erit, quis luctus, quæ tristitia, cum separabuntur impii à consortio Sanctorum, & visione Dei; & traditi in potestatem demonum, ibunt cum ipsis in ignem æternum, ibique semper erunt sine fine in luctu & gemitu? Procul quippe à beata Paradisi patria exulati, cruciabuntur in gehenna perpetua, nunquam lucem visuri, nunquam refrigerium adepturi, sed per millia millium annorum in inferno cruciandi, nec inde unquam liberandi. Vbi nec qui torquet

quet aliquando fatigatur; nec qui torquetur aliquando moritur. Sic enim ignis ibi consumit, ut semper reseruet: sic tormenta aguntur, ut semper renouentur. Iuxta vero qualitatem culpæ, pœnam sustinebit unusquisque gehennæ: & similis culpæ rei suis similibus jungentur cruciandi. Nihil aliud ibi audietur, nisi fletus & planctus, gemitus & ululatus, mœrores atque stridores dentium: nihilque ibi videbitur, nisi vermes, & larvales facies tortorum, atque teterrima monstra dæmonum.

*Vermes crudeles mordebunt intima cordis.*

*Hinc dolor, inde pavor, gemitus, stupor, & timor horrens.*

Ardebuntque miseri in igne æterno, in æternum & ultra. In carne cruciabuntur per ignem, in spiritu per conscientia vermum. Ibi erit dolor intolerabilis, timor horribilis, fœtor incomparabilis, mors animæ & corporis, sine spe veniæ & misericordiæ. Sic tamen morientur, ut semper vivant: & sic vivent, ut semper moriantur. Ita anima peccatoris, aut in inferno pro peccatis cruciatur; aut in Paradiso pro bonis meritis collocatur. Nunc ergo alterum e duobus eligamus, aut semper cruciari cum impiis, aut perpetualiter latari cum Sanctis. Bonum siquidem & malum, vita & mors, ante nos sunt posita; ut ad quod voluerimus, manum extendamus. Si tormenta non terrent nos, saltem invitent præmia.



## CAPVT IV.

*De premio patria celestis.*

1. **P**RAMIUM est videre Deum, vivere cum Deo, vivere de Deo, esse cum Deo, esse in Deo, qui erit omnia in omnibus: habere Deum, qui est summum bonum. Et ubi est summum bonum, ibi est summa felicitas, summa iucunditas, vera libertas, perfecta charitas, æterna securitas, & secunda æternitas. Ibi est vera lætitia, plena scientia, omnis pulchritudo, & omnis beatitudo.

*Est ibi pax, pietas, bonitas, lux, virtus, honestas,  
Gaudia, lætitia; dulcedo, vita perennis,*

*Gloria, laus, requies, amor & concordia dulcis.*

Sic cum Deo homo beatus erit, in cuius conscientia peccatum inventum non fuerit. Videbit Deum ad voluntatem, habebit ad voluptatem, fruetur ad iucunditatem. In æternitate vigeat, in veritate fulgeat, in bonitate gaudeat. Sicut habebit permanendi æternitatem, sic cognoscendi facilitatem, & quiescendi felicitatem. Civis siquidem erit illius sanctæ civitatis, cuius Angeli cives sunt, Deus Pater templum, Filius ejus splendor, Spiritus sanctus charitas. O civitas celestis, mansio secura, patria fertilis & ampla, totum continens quod delectat, populus sine murmure, incolæ quieta, homines nullam indigentiam habentes. Quam gloriosa dicta sunt de te, civitas Dei: sicut latantium omnium habitatio est in te. Omnes latantur in lætitia & exultatione, omnes delectantur

de

facies deco-  
 ratus est ad vi-  
 dentem ad habundantiam, dulcis ad  
 percipiendum. Ipse per se placet, & per se  
 sufficit ad meritum: sufficit ad primum, nec  
 extra id quicquam queritur: quia totum  
 in illo invenitur quicquid desideratur. Sem-  
 per libet eum aspicere, semper habere, sem-  
 per in illo delectari, & in illo perfrui. In il-  
 lo clarificatur intellectus, & purificatur affe-  
 ctus ad cognoscendam & diligendam verita-  
 tem. Et hoc est totum bonum hominis, nos-  
 se scilicet & amare creatorem suum.

2. Quæ ergo nos angit vesania, vitio-  
 rum sitire absinthium, hujus mundi sequi  
 naufragium, vitæ labentis pati infortunium,  
 impiæ tyrannidis ferre dominium; & non  
 magis convolare ad sanctorum felicitatem,  
 ad Angelorum societatem, ad solemnita-  
 tem supernæ lætitiæ, & ad jucunditatem con-  
 templativæ vitæ; ut possimus intrare in po-  
 tentias Domini, & videre superabundantes  
 divitias illas bonitatis ejus? Ibi vacabimus  
 & videbimus, quam dulcis est Dominus, &  
 quam magna multitudo dulcedinis ejus.  
 Videbimus gloriæ decorem, Sanctorum  
 splendorem, & regis potestatis hono-  
 rem. Cognoscemus Patris potentiam, Fi-  
 lii sapientiam, Spiritus sancti benignissi-  
 mam clementiam: & ita habebimus no-  
 ritiam illius summæ Trinitatis. Nunc cor-  
 pora per corpus videmus; imagines eti-  
 am corporum, spiritu cernimus; tunc ve-  
 ro ipsam Trinitatem puro mentis intuitu



mans gloria, & superabundans la-

Ad hac quis idoneus? Profecto ve-  
nitens, bonus obediens, amabilis  
socius, fidelis servus. Verus pœnitens sem-  
per in labore & dolore dolet de præteritis,  
laborat pro futuris cavendis. Vera siquidem  
pœnitentia est, sine temporis intermissione  
de peccatis dolere; sic plangere commissâ,  
ut non committantur plangenda. Irrisor  
namque est & non verus pœnitens, qui ad-  
huc agit quod pœniteat. Si ergo vis verus  
pœnitens esse, cessa à peccato, & noli am-  
plius peccare: quoniam inanis est pœniten-  
tia, quam sequens coinquinat culpa. Omnis  
bonus obediens dat suum velle & suum nol-  
le, ut possit dicere: Paratum cor meum,  
Deus, paratum cor meum. Paratum quod-  
cunque præceperis facere: paratum ad nu-  
tum, nutu citius obedire: paratum tibi vaca-  
re, proximis ministrare, meipsum custodi-  
re, & in cælestium contemplatione requie-  
scere. Amabilis socius omnibus est officio-  
sus, & nulli onerosus. Omnibus est officio-  
sus; quia devotus ad Deum, benignus ad  
proximum, sobrius ad mundum: Domini  
servus, proximi socius, mundi Dominus:  
Superiora habet ad gaudium, æqualia ad  
consortium, inferiora ad servitium. Nulli  
est onerosus, sed inferiora redigit ad utilita-  
tem mediorum, & ad honorem superiorum;  
superiora sequens, inferiora trahens; ab il-  
lis possessus, ista possidens. Fidelis servus cit  
in contemplatione Dei, & custodia sui.

4. Custodiæ ergo tuæ adhibe prius omnem diligentiam : deinde intelligens te nunquam posse sufficere ad te custodiendum, tua industria, divinam implora clementiam : itemque ad contemplandam in te Creatoris tui voluntatem bonam & beneplacentem atque perfectam, Angelicam exora tutelam ; patrociniūque omnium cum Christo regnantium super te roga : curre per singulos, supplica singulis, & simul omnibus clama, & dic: Misere mini mei, misere mini mei, saltem vos amici mei, recipite fugitivum vestrum, sed fratruelem, sed consanguineum in sanguine Redemptoris. En, pauper stat ad ostium, clamat & pulsat: Aperite pulsanti, & conducite eum usque ad Regem; ut prostratus coram eo, indicem ei omnes misérias & omnes necessitates, quas patior. Ad extremum vero, Prælato tuo cor tuum cum omni ingenio consigna: nullum in eo remaneat peccatum, quod non pura confessione deleatur. Iesum Christum etiam super cor tuum sicut signaculum pone. Cum enim Christus cordis ostium custodit, & est cordis ostiarius, ut per illum ingrediantur & egrediantur omnes familiæ cordis, consequenter adsunt millia millium Angelorum, ad fores exteriorum sensuum excubantium: nec audet alienigena irrumperere terribiles illas acies, propter ostiarii reverentiam & Angelorum custodiam.

## CAPVT V.

*De quotidiano sui ipsius examine.*

1. **I**ntegritatis tuæ curiosus explorator, vitam tuam in quotidiana discussione examina. Attende diligenter quantum proficias, quantum deficias; qualis sis in moribus, & qualis in affectibus; quam similis sis Deo, vel quam dissimilis; quam prope, vel quam longe, non locorum intervallis, sed morum affectibus. Stude cognoscere te; quia multo melior & laudabilior es, si te cognoscis, quam si te neglecto cognosceres cursum siderum, vires herbarum, complexionones hominum, naturas animalium; & haberes omnium celestium & terrestrium scientiam. Redde ergo te tibi: & si non semper vel sæpe, saltem interdum. Rege tuos affectus, dirige actus, corrige gressus. In te nihil remaneat indisciplinatum: pone omnes transgressionem tuas ante oculos tuos. Statue te ante te tanquam ante alium, & sic temetipsum plange. Plora iniquitates & peccata, quibus Deum offendisti: indica ei miserias tuas, ostende illi malitiam adversariorum tuorum. Cumque coram eo in lachrymis te maceraveris, precor te, ut memor sis mei.

2. Ego enim ex quo cognovi te, in Christo diligo te; & illuc mentionem tui deferro, ubi & illicita cogitatio supplicium, & honesta promeretur Præmium. Ad altare namque Dei cum peccator sto, sed sacerdos, tui me comitatur memoria. Tu vero mihi vicem

T S

red-

reddes, si me amaveris, & orationum tuarum participem feceris. Ibi recordatione tecum esse præsens desidero, ubi pro te, & tuis familiaribus, devotas preces coram Deo fundis. Nec mireris, si dixi, præsens: quoniam, si me amas, & ideo amas quia imago Dei sum, ita tibi præsens sum, ut tu ipse tibi. Quicquid enim tu es substantialiter, hoc ego sum. Imago enim Dei est omnis anima rationalis. Proinde, qui in se imaginem Dei quærit, tam proximum quam se quærit. Et qui illam in se querendo invenerit, in omni homine eam cognoscit. Visio enim animæ intellectus est. Si ergo te vides, me vides, qui nihil aliud sum, quam tu. Et si Deum diligis, me imaginem Dei diligis; & ego Deum diligendo, diligo te; Et ita dum unum querimus, & ad unum tendimus, semper invicem præsentem sumus, sed in Deo, in quo nos diligimus.

## CAPUT VI.

*De attentione Orationis tempore habenda.*

I. **C**UM ad adorandum sive ad psallendum Ecclesiam intraveris, fluctuantium cogitationum tumultus exterius relinque, curamque exteriorum penitus obliviscere, ut soli Deo possis vacare. Fieri enim non potest, ut aliquando cum Deo loquatur, qui cum toto mundo etiam tacens fabulatur. Intende ergo illi, qui intendit tibi: audi illum loquentem tibi, ut ipse exaudiat te loquentem sibi. Ita fiet, si divinis laudibus solvendis, debita reverentia & sollicitudine assistas,



affistas, super singula verba divina scriptura  
diligenter intendas. Non quod ego ista fa-  
ciam dico, sed quod facere vellem: & non  
fecisse poenitet; & non facere piget. Tu ve-  
ro, cui major gratia concessa est, votis & de-  
votis precibus pias aures Domini ad te fle-  
cte; lachrymis & suspiriis pro tuis excessibus  
illum clementer exora; atque canticis spiri-  
tualibus, in omnibus operibus suis illum  
lauda & glorifica. Nil enim magis supernis  
civibus spectare libet, nil Regi summo ju-  
cundius exhibetur sicut ipse testatur: Sacrifi-  
cium laudis honorificabit me. O quam for-  
tix esses, si spiritualibus oculis semel intueri  
posses, quomodo praeveniunt principes,  
conjuncti pueris in medio juvencula-  
rum tympanistrarum? Videres procul du-  
bio, qua cura, quove tripudio intersunt can-  
tantibus, assistunt orantibus, adsunt medi-  
tantibus, supersunt quiescentibus, providen-  
tibus atque procurantibus praesunt. Diligunt  
siquidem suos concives supernae potestates;  
& pro iis, qui hereditatem capiunt salutis,  
solicite congaudent, omnes confortant, in-  
struunt, protegunt, providentque omni-  
bus. Omnes enim ipsi desiderant adventum  
nostrum, quoniam ipsi de nobis expectant  
civitatis suae ruinas restaurari. Diligenter  
quarunt, & audiunt libenter bona de no-  
bis, solliciti discurrunt, medii inter nos &  
Deum, nostros gemitus fidelissime ad eum  
portantes, ipsiusque gratiam devotissime  
ad nos reportantes. Non dedignabuntur  
esse socii nostri, qui jam facti sunt mini-  
stri

frī nostri. Exultare eos fecimus, quando conversi sumus ad pœnitentiam. Festinemus ergo de nobis eorum latitiam adimplere.

2. Væ tibi quicumque es, qui desideras redire ad vomitum, reverti ad lutum. Putasne placatos eos habebis in iudicio, quos tanto & tam sperato privare vis gaudio? Exultaverunt, quando venimus ad religionem, tanquam super his, quos ab ipsa inferni porta cererent revocari. Quid vero tunc erit, si ab ipsa janua Paradisi viderint redire, & retrorsum abire eos, qui jam alterum pedem habebant in celo? Nam tametsi corpora nostra inferius sunt, corda tamen sursum habemus. Curramus ergo non passibus corporis, sed affectibus mentis, sed desideriis, sed suspiriis; quoniam non solum Angeli, sed & Angelorum creator nos expectat. Expectat nos Deus Pater tanquam filios & hæredes ut constituat nos super omnia bona sua: Expectat nos Dei Filius, tanquam fratres & cohæredes, ut fructum suæ nativitatis & prærium sui sanguinis Deo Patri offerat. Expectat nos Spiritus sanctus; ipse siquidem est charitas & benignitas, in qua ab æterno prædestinati sumus; nec dubium, quin prædestinationem suam adimpleri velit. Ergo quia omnis celestis curia expectat nos, & desiderat; desideremus eam, quanto possumus desiderio. Cum magna namque confusione & rubore ad illam veniet, quisquis videre eam vehementer non desiderat. Quicumque vero jugi oratione &  
assili-

assidua cogitatione in illa conversatur; & securus hinc egredietur, & cum magna letitia recipietur in illam. Vbicunque ergo fueris, intra temetipsum ora. Si longe fueris ab oratorio, noli quærere locum, quoniam tu ipse locus es. Si fueris in lecto, aut in alio loco, ora, & ibi est templum.

3. Frequenter orandum, & flexo corpore mens est erigenda ad Deum. Sicut enim nullum est momentum, quo homo non utatur vel fruatur Dei bonitate & misericordia: Sic nullum debet esse momentum, quo eum præsentem non habeat in memoria. Sed dicis: Ego quotidie oro, & orationis meæ nullum fructum video; sed sicut accedo ad illam, sic & redeo: nemo mihi responder, nemo loquitur, nemo quippiam donat, sed in cassum laborasse videor. Sic loquitur humana stultitia, non attendens, quid inde Veritas promittat, dicens: Amen dico vobis; quia quicquid orantes petitis, credite quia accipietis, & fiet vobis. Noli ergo vilipendere orationem tuam, quoniam ille ad quem oras, non vilipendit eam: sed antequam egrediatur de ore tuo, ipse scribi eam jubet in libro suo. Et unum è duobus indubitanter sperare debemus, quoniam aut dabit nobis quod petimus, aut quod nobis noverit esse utilius. Cogita itaque de Deo, quicquid melius potes; & de te; quicquid deterius vales. De illo amplius credere debes, quam cogitare potes. Omne tempus in quo de Deo non cogitas, hoc te computes perdidisse.

Omnis

Omnis siquidem res aliena est à nobis, tempus autem tantum nostrum est. Vaca ergo; & ubicunque fueris, tuus esto. Noli te tradere, sed commodare. Quocunque loco consistis, cogitationes tuas iacta in Deum, & aliquid salutare in animo tuo versa. Omnis siquidem locus ad meditandum congruus est. Tota ergo facilitate animum colligens, libere tecum habita; & in latitudine cordis tui deambulans, ibidem exanaculum grande stratum Christo exhibe. Mens namque sapientis semper est apud Deum. Illum semper ante oculos habere debemus, per quem sumus, vivimus & sapimus. Ipsum namque ut effemus, habemus auctorem; ipsum etiam ne sapientes simus, debemus habere doctorem; & ut beati simus, internæ suavitatis largitorem. Et in hoc imaginem ejus, hoc est, illius summæ Trinitatis, in nobis cognoscimus. Nam sicut ille est, & sapiens est, & bonus est: sic & nos pro modulo nostro & sumus, & nos esse scimus, & id esse & nosse diligimus.

4. Vtere igitur teipso velut Dei templo, propter illud quod in te est simile Deo. Honor siquidem Deo summus est, illum venerari & imitari. Imitaris, si pius es. Templum enim sanctum est Deo, mens pia; & altare optimum, corejus. Veneraris, si misericors es, sicut ipse omnibus misericors est. Hostia siquidem acceptabilis est Deo, facere bonum omnibus pro Deo. Fac omnia sicut filius Dei, ut dignus sis eo, qui te dignatus est filium vocare. In omnibus vero quæ agis,

agis  
ergo,  
tua v  
neque  
nec al  
qui u  
Magn  
ante c  
Cum  
te pra  
tecun  
tam.  
tibi,  
scitur.  
Nam c  
turo d

I  
x. C  
rapiat  
corpor  
Deus,  
birat)  
Fidelis  
tes in s  
aurem  
tiones  
felicite  
nere d  
fit. In  
mundi  
no cor

agis, Deum esse praesentem cognosce. Cave ergo, ne in eo quod male delectat, vel vilio tua vel cogitatio tua te moretur. nec dicas neque facias quod non licet, etiam si liber; nec aliquo facto vel signo Deum offendas, qui ubique praesens cernit quicquid facis. Magna custodia tibi necessaria est, quoniam ante oculos iudicis vivis, cuncta cernentis. Cum illo tamen semper es securus, si talem te praeparaveris, ut tecum adesse dignetur. Si tecum non est per gratiam, adest per vindictam. Sed vae tibi, si ita tecum est. Imo vae tibi, ita tecum non adest. Illi namque irascitur Deus, quem peccantem non flagellat. Nam quem flagellando non emendat, in futuro damnat.

## CAPVT VII.

*De custodia cordis, & studio orationis.*

**X.** Certum est, quoniam mors ubique minatur tibi: diabolus insidiatur, ut rapiat animam tuam, quando egredietur de corpore. Tu vero noli timere: quoniam Deus, qui in te habitat, (si tamen in te habitat) eripiet te & à morte, & à damone. Fidelis enim socius est, nec deserit sperantes in se, nisi ipse prior deseratur. Deseritur autem, cum cor per pravas & inutiles cogitationes vaga mente discurrit. Idcirco omni sollicitudine & custodia illud custodire & tenere debes, ut in illo Deus requiescere possit. In omni namque creatura, quae sub sole mundi vanitatibus occupatur, nihil humano corde sublimius, nihil nobilius, nihil Deo

Deo similis reperitur. Quapropter nihil aliud querit à te, nisi cor tuum. Munda ergo illud per puram confessionem, & assiduam orationem; ut mundo corde Deum videre possis, per continuam Dei circumspeditionem. In omni loco esto ei subiectus & intentus; & compone mores tuos, ut sis in te placatus. Dilige omnes homines, & omnibus te amabilem exhibe, ut sis pacificus, & Dei filius. Sic eris bonus monachus, sanctus, humilis, & rectus: & cum talis fueris, memento mei.

2. Va mihi, qui ista dico, & ista non facio: & si aliquando facio, non diu persevero. Ista habeo in memoria, & non seruo in vita. Habeo in sermonibus, & non in moribus. Legem in corde & in ore tota die rumino, & contraria legi ago. Lego de religione in ea, & plus diligo lectionem quam orationem. Veruntamen, nihil aliud me docet divina scriptura, nisi religionem amare, unitatem servare, charitatem habere. Ego autem miser & miserabilis, citius curro ad lectionem quam ad orationem; libentius volo legere, quam Missas auscultare. Expectat me aliquis volens de necessitate sua mihi loqui: ego vero librum aliquem accipio, quem ille vel ille velle habere; lego in eo, & legendo amitto fructus charitatis, pietatis affectus, compunctionis fletus, Missarum utilitatem, celestium contemplationem. Nil tamen in hac vita dulcius sentitur, nihil avidius sumitur, nil ita mentem ab amore mundi separat, nil sic

ani-

debe  
oro,  
ore,  
et p  
exter  
enim  
inten  
imo  
no m  
& inf  
quas  
que i  
lissim  
gnatu  
vero  
tidie  
tes, c  
mat a  
ad ce  
sum I  
20.  
ego il  
do cr  
riam I

...tentationes roborat, nil ho-  
 ...xcitat & adjuvat ad omne opus  
 ...omnem laborem, quam gratia  
 ...onis.

## CAPVT VIII.

*De incuria seu negligentia inter oran-  
 dum detestatione.*

**M**iserere mei Deus, quoniam ibi plus  
 pecco, ubi peccata mea emendare  
 debeo. In monasterio namque saepe dum  
 oro, non attendo, quid dico. Oro quidem  
 ore, sed mente foris vagante, orationis fru-  
 ctu privor. Corpore sum interius, sed corde  
 exterius; & ideo perdo quod dico. Parum  
 enim prodest, sola voce cantare, sine cordis  
 intentione. Propterea magna perversitas,  
 imo magna infania est, quando cum Domi-  
 no maiestatis loqui in oratione praesumimus,  
 & insensati aurem avertimus, & ad nescio  
 quas ineptias convertimus cor. Magna quo-  
 que infania, & graviter vindicanda, cum vi-  
 lissimus pulvis loquentem ad se audire dedi-  
 gnatur creatorem universalitatis. Ineffabilis  
 vero est dignatio divinae bonitatis, quae quo-  
 tidie conspicit nos infelices aures averten-  
 tes, obdurantes corda, & nihilominus cla-  
 mat ad nos, dicens: Redite praevicatores  
 ad cor. Vacate, & videte, quoniam ego  
 sum Deus.

20. Loquitur mihi Deus in psalmo, &  
 ego illi, nec tamen cum Psalmum dico, atten-  
 do cujus Psalmus sit. Idcirco magnam inju-  
 riam Deo facio, cum illum precor, ut meam



precem exaudiat; quam ego, qui fundo non audio. Deprecor illum ut mihi intendat, ego vero, nec mihi nec illi, sed quod deterius est, immunda in corde versando, foetorem horribilem aspectibus ingero.

## CAPVT IX.

*De instabilitate cordis humani.*

1. **N**ihil est in me corde meo fugacius; quod quoties me deserit, & per pravas cogitationes diffuit, toties Deum offendit. Cor meum, cor vanum, vagum, & instabile: dum suo ducitur arbitrio, & divino caret consilio, in seipso non potest consistere, sed omni mobili mobilius per infinita distrahitur, & hac atque illac per innumera discurret. Et dum per diversa requiem quarit, non invenit, sed in labore miserum, à requie vacuum manet. Sibi non concordat, à se dissonat, à se resilit, voluntates alternat, consilia mutat, ædificat nova, destruit vetera, destructa reædificat, eadem iterum atque iterum, alio & alio modo mutat & ordinat; quia vult & non vult, & nunquam in eodem statu permanet. Sicut enim molendinum velociter volvitur, & nihil respuit, sed quicquid imponitur molit, si autem nihil apponitur, seipsum consumit: sic cor meum semper est in motu, & nunquam requiescit: sed sive dormiam, sive vigilem, somniat & cogitat, quicquid ei occurrit. Et sicut molendinum arena, si imponatur, ex-terminat, pix inquinat, palea occupat: sic cor

cor meum cogitatio amara turbat, immunda maculat, vana inquietat & fatigat. Ita cor meum dum futurum non curat gaudium, de futuro quærit auxilium, ab amore cælestium elongatur, & in amore terrestrium occupatur.

2. Cumque elabatur ab illis, & involvitur in istis, vanitas illud recipit, curiositas deducit, cupiditas allicit, voluptas seducit, luxuria polluit, torquet invidia, turbat iracundia, cruciat tristitia: sicque miseris casibus submergitur omnibus vitiis, quoniam unum Deum (qui ei sufficere poterat) dimisit. Per multa dispergitur, & huc illucque quærit ubi requiescere possit; & nihil invenit, quod ei sufficiat, donec ad ipsum redeat. A cogitatione in cogitationem ducitur, & per varias occupationes & affectiones variatur; ut saltem varietate ipsarum rerum impleatur, quarum qualitate satiari non potest. Sic labitur cordis miseria, subtrahitur divina gratia. Cumque ad se revertitur, & discurit quod cogitavit, nil reperit, quia non opus fuit, sed importuna cogitatio, qua componit multa de nihilo; sic denique decipit imaginatio, quam demonum format illusio. Imperat mihi Deus, ut præbeam illi cor meum; & quia imperanti Deo non sum obediens & subditus, mihi sum rebellis & contrarius. Unde mihi subjugari non potero, donec illi fuero subiectus; mihiq; serviam nolens qui ei nolo servire volens. Idcirco plura machinatur cor meum uno momento, quam omnes homines perficere

possent uno anno. Cum Deo non sum unī-  
tus, & ideo in meipso sum divisus. Cum il-  
lo vero uniri non possum, nisi per charita-  
tem; nec subijci, nisi per humilitatem; nec  
vere humilis esse, nisi per veritatem.

3. Expediit ergo, ut in veritate me discū-  
riam; & cognoscam, quam vilis, quam fra-  
gilis, & quam labilis sum. Deinde, cum  
omnes misérias meas cognovero, necesse  
est, ut illi inhaream, per quem sum, sine  
quo nihil sum, & nihil facere possum.  
Et quia à Deo peccando recessi, nisi per  
veram confessionem ad illum redire non  
possum. Fateri ergo oportet quod faten-  
dum est: quia nunquam eo modo, aut  
ea intentione qua peccavi, peccata confes-  
sus sum; nec omnium recordatus sum, aut  
propter vetustatem, aut propter multitudi-  
nem: si autem confessus sum, non pure con-  
fessus sum propter turpitudinem: confessio-  
nem etiam meam divisi, ut diversis Sacerdō-  
tibus diversa manifestarem; & ita venia ca-  
rui, ad quam per partes pervenire putavi.  
Execranda namque fictio est, peccatum di-  
videre, & superficietenus radere, non in-  
trinsecus eradicare. Non enim utilis est con-  
fessio, nisi sit in oris veritate, & cordis pu-  
ritate. Et ut tres sint, qui testimonium no-  
bis dicant in cælo, Pater, Filius, & Spiritus  
sanctus: addamus testes sacerdotes cordi no-  
stro, & ori, ut in ore duorum vel trium te-  
stium stet omne verbum.

4. Sed dicis: Sufficit mihi soli Deo con-  
fiteri, quia sacerdos sine eo à peccatis me  
absol-

absol-  
beatu-  
min-  
nam-  
contu-  
sacer-  
mo,  
re no-  
per m-  
go &  
& exp-  
& int-  
ter ho-  
tori.  
mo c-  
confi-  
per g-  
gat,  
venia-  
pœni-  
tatis a-  
confi-  
mus s-  
non p-  
stat,  
non v-  
non c-  
cessita-

absolvere non potest. Ad quod non ego, sed beatus Iacobus respondet, dicens: Confitemini alterutrum peccata vestra. Conveniens namque valde est, ut nos, qui peccando Deo contumaces fuimus, pœnitendo supplices sacerdotibus & ministris ejus simus; ut homo, qui ad gratiam conservandam mediatore non eguit, jam eam recuperare nonnisi per mediatorem hominem possit. Gemat ergo & suspiret, & anxius pro peccato timeat & expavescat; sollicitus discurrat, auxiliter & intercessores quærat: prosternat se humiliter homini, qui humiliter astare noluit creatori. Nam & hoc saluberrimum est, ut homo corde pœniteat, & ore delictum suum confiteatur: quatenus Deus, qui pius adest per gratiam, cor ad pœnitentiam compungat, deinde adsit, ut confitenti peccatorum veniam tribuat. Quod si forte peccator vero pœniteat, sed intercurrente articulo necessitatis ad confessionem pervenire non possit, confidenter credere debemus, quod summus sacerdos complet in eo, quod mortalis non potuit. Et jam apud Deum factum constat, quod homo quidem vere voluit, sed non valuit adimplere; quia confessionem non contemptus exclusit, sed impedivit necessitas.

MEDITATIONES

CAPVT X.

*De impatientia correctionis; & accusatione  
priorum defectuum, ac vitiorum.*

1. **I**N capitulo, ubi peccata mea emendare debui, peccata peccatis addidi. Cum de illis accusatus fui, aut aliquo modo excusavi, aut ex toto negavi, aut quod deterius est, defendi, & impatienter respondi, cum nullum sit peccatum à quo non sim contaminatus, aut contaminari non possim. Iustum est ergo, ut omni occasione remota emendationem promittam, undecunque aut à quocunque accuser, quatenus sic liberari valeam à peccato perpetrato vel perpetrando.

2. Multitudinem iniquitatum mearum expavescens, aliorum transgressiones reprehendere timui; & ideo mortis auctor extiti, quia virus, quod clamando expellere potui, non expuli. Indignatus sum adversus alios, qui me de vitiis meis reprehendebant, & quos amare debui, odivi. Illa quæ mihi nocebant vel displicebant, desideravi ut non essent: sciebam tamen, quod in natura sui erant bona, & à bono factore facta; sed ideo mihi nocebant, quia malus eram & male illis utebar. Nihil enim mihi contrarium est, nisi ego ipse. Mecum est quicquid mihi nocere potest, & ego ipse mihi sarcina sum. Optavi etiam, ut Deus peccata mea nesciret, aut punire noller, aut non posset; & ita volui Deum esse insipientem, injustum, & impotentem. Quod si esset, Deus

non esset. Non est superbia super superbiam meam. Propterea longe à salute mea, verba delictorum meorum. Suspecta est siquidem Deo superbia, & odiosa nec fieri potest, ut cum eo in gratiam revertatur. Diversum utriusque hospitium; nec in eodem cohabitant animo, quibus non licuit cohabitare in cœlo. In cœlo nata est; sed velut immemor, qua via inde cecidit, illuc postea redire non potuit. Cum aër pluvia vel nimio frigore aut calore turbatus fuit, contra Deum inique murmuravi. Omnia namque quæ ad usum vitæ accepimus, ad usum culpæ convertimus. Quapropter justum est, ut qui in cunctis peccavimus, in cunctis feriamur. Sape ad sacrum mysterium vocem meam fregi, ut dulcius cantarem; & magis delectabar in vocis modulatione, quam in cordis compunctione: Deus vero, cui non absconditur quicquid illicitum perpetratur, non quærit vocis levitatem, sed cordis puritatem. Nam dum cantor mulcer populum vocibus, Deum irritat pravis moribus.

3. Licentiam loquendi vel aliquid faciendo, sape nimia importunitate vel calliditate à prælatis meis extorsi: non attendens miser, quoniam ille se decipit, qui occulte vel aperte satagit, ut hoc ei pater ipiritualis injungat, quod ipse desiderat. Acum vel cultellum, vel aliquid vile, multoties nimium desideravi, nec confessus sum, quia peccatum non aestimabam, propter rei vilitatem. Veruntamen non multum distat, quæcun-

que substantia vilis vel preciosa requiratur, dum aqualiter sit corruptus affectus. Non enim cultellus in vitium est, sed cultelli appetitus; neque aurum in vitium est, sed auri cupiditas. In labore non laboravi quantum debui, vel quantum potui. In silentio etiam fui otiosus, quod est maximum peccatum. In silentio namque nemo sic debet esse otiosus, ut in eodem otio utilitatem non cogitet proximi; nec sic actuosus, ut contemplationem non requirat Dei. Parum enim proficit, qui alteri non prodest, cum potest. De vitiis meis multoties me iactavi, putans, esse insigne virtutis, ubi erat lapsus criminis. De virtutibus etiam vitia feci. Iustitia namque dum suum modum excedit, crudelitatis vitium gignit: & nimia pietas, dissolutionem disciplinae parturit: sic saepe vitium est, quod virtus putatur. Sic remissa segnities, mansuetudo creditur; & pigris vitium, quietis virtutem imitatur. Finxi me esse, quod non eram: dixi me velle, quod volebam; vel nolle, quod volebam. Aliud ore dicebam, & aliud corde volebam: & ita sub ovina pelle, vulpinam conscientiam conservabam. Vulpina plane conscientia est tepida conversatio, animalis cogitatio, ficta confessio, brevis & rara compunctio, obedientia sine devotione, oratio sine intentione, lectio sine aedificatione, sermo sine circumspeditione.

3. O quam dura mihi sunt ista, quae loquor! quoniam meipsum loquendo ferio. Veruntamen, quia me peccatorem non nego, sed pec-

CAUSAM



catum meum cognosco : erit fortasse apud Deum pius iudicem ipsa cognitio culpæ, impetratio veniæ. Dicam ergo, dicam miseriam meam, si forte sua pietas moveat illum. Dicam peccatum meum ; quoniam notitia peccati, initium est salutis. Magnam porto coronam, & vestem rotundam : regulam servo jejuniorum, statutis psallo horis ; sed cor meum longe est à Deo meo. Exteriorem superficiem intuens, salva mihi omnia arbitror, non sentiens vermem interiorem, qui interiora corrodit. Vnde Oseas : Comederunt alieni robur meum, & ignoravi ; & ideo pergens totus in ea, quæ foris sunt, & ignarus interiorum meorum, sicut aqua effusus sum, & ad nihilum reductus sum, præteritorum obliviscens, præsentium negligens, futura non providens. Ingratus sum ad beneficia, pronus ad mala, & tardus ad bona.

4. Si me non inspicio, nescio meipsum : Si autem me inspicio, tolerare non possum. Tanta invenio in me, quæ digna sunt reprehensione & confusione ; & quanto me subtilius sæpius discutio, tanto plures abominaciones in angulis cordis mei invenio. Ex quo namque peccare cœpi, nunquam unum diem sine peccato transire potui ; nec adhuc peccare cessio : sed de die in diem peccata peccatis addo, & ea, quæ præ oculis habeo, inspicio, nec gemo : erubescenda video, nec erubesco : dolenda intueor, nec doleo : quod est mortis signum, & damnationis indicium. Membrum enim quod dolorem non sentit, mortuum est ; & morbus insensibilis est

incurabilis. Levis sum & dissolutus, nec me corrigo, sed ad peccata quæ confessus sum, quotidie redeo: nec caveo foveam in quam miser ego cecidi, vel alios cadere feci, aut vidi. Cumque plorare & orare deberem pro malis quæ feci, & bonis quæ neglexi, proli dolor! versum est mihi in contrarium. Nam tepui & frigui & fervore orationis, & jam sine sensu frigidus remansi: & ideo flere me ipsum non possum, quoniam gratia lachrymarum recessit à me.

## CAPVT XI.

*De individuo comitatu continentia nos ubique  
remordentis.*

I. **P**eccata mea celare non possum, quoniam quocunque vado, conscientia mea mecum est, secum portans quicquid in ea posui, siue bonum, siue malum. Servat vivo, restituet defuncto depositum, quod servandum accepit. Si male facio, adest illa; si autem, benefacere videor, & inde extollor, adest illa. Adest vivo, sequitur mortuum: ubique mihi gloria vel confusio est inseparabilis, pro qualitate depositi. Sic sic in domo propria & à propria familia habeo accusatores, testes, iudices, & tortores. Accusat me conscientia, testis est memoria, ratio iudex, voluptas carcer, timor tortor, oblectamentum tormentum. Quotquot enim fuerunt oblectamenta mala, tot erunt tormenta dira in poena. Nam inde punimur, unde delectamur.

## CAPVT XII.

*De tribus inimicis hominis, Carne, mundo & diabolo.*

I. **A**Djuua me Domine Deus meus, quoniam inimici mei animam meam circumdederunt: corpus scilicet, mundus & diabolus. A corpore fugere non possum; nec ipsum à me fugare. Circumferre illud necesse est, quoniam alligatum est mihi: perimere non licet, sustentare cogor; & cum illud impinguo, hostem meum aduersum me nutrio. Si enim satis comedero, & id robustum fuerit, sanitas & fortitudo ejus mihi aduersantur. Mundus vero circumcingit & obfidet me undique: & per quinque portas, videlicet per quinque corporis sensus, scilicet visum, auditum, gustum, odoratum, & tactum sagittis suis me vulnerat, & mors intrat per fenestras meas in animam meam. Respicit oculus, & mentis sensum avertit. Audit auris, & intensionem cordis inflectit. Odoratus cogitationem impedit. Os loquitur, & fallit. Per tactum ardor libidinis, pro aliqua parua occasione excitatur, & nisi illico respuatur, subito totum corpus occupat, urit & incendit. Primo carnem cogitatione modicum titillat: deinde, delectatione turpi mentem maculat; & ad extremum per consensum prauitatis, sibi mentem subjugat. Porro diabolus, quem videre non possum, & ideo minus ab eo mihi cavere, tetendit arcum suum; & in eo paravit sagittas suas, ut vulneret me repente. Narravit ut absconderet laqueos suos, & dixit:

& dixit : Quis videbit eos ? Laqueum posuit in auro & argento, & in omnibus quibus abutimur, cum illis male delectamur, & illaqueamur. Nec solum laqueum posuit, sed & viscum. Viscus est amor possessionis, affectus cognationis, cupiditas honoris, & carnis voluptas ; quibus anima inviscatur, & irretitur, ne pennis contemplationis per plateas supernæ Sion volare possit. Sagittæ diaboli sunt, ira, invidia, luxuria, & cætera, quibus anima vulneratur. Et quis est ille, qui jacula ejus ignea extinguere possit ?

*Proh dolor ! his telis superatur sæpe fidelis.*

*Hec mihi, quot video bella parata mihi.*

Vndique tela volant, undique tentamenta, undique pericula. Quocunque me vertam, nulla securitas est. Et quæ mulcent, & quæ tristant vel molestant, omnia timeo : esuries & refectio, somnus & vigilia, labor & quies, pugnant contra me. Non minus suspectus est mihi jocus, quam ira : multos siquidem jocando scandalizavi. Nec minus prospera vereor, quam adversa. Prospera namque suavitate sua incautum me faciunt, & decipiunt : adversa vero, quia aliquid amaritudinis habent, velut potiones amara me suspectum & timidum faciunt. Magis timeo malum quod facio in abscondito, quam quod in aperto. Malum namque quod nemo videt, nullus reprehendit : & ubi non timetur reprehensor, & securius accedit tentator, & facilius perpetratur iniquitas. Nimirum utrobique bellum, utrobique periculum, utrobique timendum : & sicut in hostili regione

gione versantibus, hac illacque circumspiciendum est, & ad omnem strepitum circumagenda est cervix. Caro suggerit mihi mollia, mundus vana, diabolus amara. Quia quoties carnalis cogitatio mentem importune pulsatur, de cibo & potu, de somno, ceterisque similibus ad carnis curam pertinentibus, caro mihi loquitur. Cum de ambitione seculi, de jactantia, de arrogantia, cogitatio vana in corde versatur, de mundo est. Quando autem ad iram, & iracundiam, & amaritudinem animi provocor, diabolica suggestio est; cui non aliter quam ipsi diabolo resistendum est: nec aliter ab eo cavendum, quam ab ipsa damnatione. Dæmonum officium est, suggestiones malas ingerere: nostrum est, illis non consentire. Nam quoties resistimus, diabolum superamus. Angelos laetificamus, Deum honorificamus. Ipse enim nos hortatur, ut pugnemus: adjuvat, ut vincamus. Certantes in bello spectat, deficientes sublevar, vincentes coronat.

## CAPVT XIII.

*De impugnatione trium dictorum inimicorum.*

1. **C**aro mea de luto est, & ideo lutosas & voluptuosas cogitationes ab illa habeo: vanas & curiosas à mundo, à diabolo malas & malitiosas. Isti tres inimici me impugnant & persequuntur, nunc quidem aperte, nunc vero occulte; semper autem malitiose. Diabolus namque plus confidit in adjutorio

jutorio carnis; quoniam magis nocet domesticus hostis. Illa vero ad subversionem meam cum illo fœdus iniit; utpote de peccato nata, & in peccato nutrita; vitiis corrupta ab ipsa origine, sed multo amplius vitiata prava consuetudine. Hinc est, quod tam acriter concupiscit adversus spiritum: quod assidue murmurat, & impatiens est disciplina, quod illicita suggerit, nec rationi obtemperat, nec inhibetur ullo timore. Huic accedit, hanc adjuvat, hac utitur tortuosus ille serpens, hostis humani generis: cui nullum aliud est desiderium, nullum negotium, nullum studium, nisi perdere animas nostras.

2. Hic est, qui jugiter malum machinatur, argute loquitur, artificiose suggerit, calide decipit. Illicitos motus insufflat, & venenatas cogitationes inflammat; movet bella, nutrit odia, incitat gulam, movet libidinem, desideria carnis instigat, & peccati occasiones parat, & mille nocendi artibus corda hominum pulsare non cessat. Hinc est, quod baculo nostro nos cadit, & manus nostras proprio cingulo ligat; ut caro, quæ data est nobis in adiutorium, fiat nobis in ruinam & scandalum. Gravis lucta & grave periculum est, adversus domesticum hostem pugnare, maxime cum nos advena simus, & ille civis. Ille suam inhabitat regionem, nos exules sumus, & peregrini. Magnum quoque discrimen est adversus diabolicæ fraudis astutiam, tam crebros, imo continuos sustinere conflictus: quem

quem astutum fecit tam natura subtilis, quam longa exercitatio malitiæ hujus.

## CAPVT XIV.

*De desiderio patriæ celestis; & summa  
eiusdem felicitate.*

I. **E**Ripe me de inimicis meis, Deus meus, & ab his qui oderunt me: quoniam confortati sunt super me. Ego vero, qui usque ad hunc diem contra me vixi, jamjam per tuam gratiam mihi vivere incipiam. Sic enim in hoc mundo vivere debemus, ut cum corpus cœperit à vermibus devorari in sepulchro, anima lætetur cum Sanctis in cœlo. Illuc spiritus dirigendus est, quo est iturus. Illuc festinare debemus, ubi semper vivamus, & ubi mori amplius non timeamus. Si sic amamus istam labilem & caducam vitam, ubi cum tanto labore vivimus, ubi comedendo, bibendo, dormiendo, vix carnis necessitatibus satisfacimus: multo magis amare debemus vitam æternam, ubi nullum laborem sustinebimus, ubi summa semper jucunditas, summa fœlicitas, fœlix libertas, & fœlix beatitudo; ubi similes erunt homines Angelis Dei, & fulgebunt iusti sicut Sol in regno Patris eorum. Qualis putas tunc erit splendor animarum, quando Solis splendorem habebit lux corporum? Nulla erit ibi tristitia, nulla angustia, nullus dolor, nullus timor, nullus ibi labor, nulla mors: sed perpetua sanitas semper ibi perseverat.

2. Non iuggerit ibi malitia, nec carnis  
miseria,



miseria, nulla est ibi aegritudo, nulla omnino necessitas: non est ibi fames, non sitis, non frigus, non aestus, non lassitudo jejunii; nec ulla tentatio inimici, nec peccandi voluntas, nec delinquendi facultas: sed totum lætitia, totum exultatio possidet: homines quoque Angelis sociati, sine ulla carnis infirmitate in perpetuum manebunt. Ibi erit jucunditas infinita, beatitudo sempiterna; in qua, qui semel suscipitur, semper tenetur. Ibi est requies à laboribus, pax ab hostibus; amœnitas de novitate, securitas de æternitate, suavitas atque dulcedo de Dei visione. Et quis non illic habitare vehementer desideret, & propter pacem, & propter amœnitatem, & propter æternitatem, & propter Dei visionem? Nullus est ibi peregrinus, sed quicunque illuc venire merebuntur, securi in propria patria manebunt semper læti, & semper satiati de visione Dei. Et quanto plus aliquis hic Deo obediens fuerit, tanto ampliorem ab eo mercedem ibi recipiet: quantoque amplius Deum amabit, tanto propius videbit, quem cernere cupit.

## CAPUT XV.

*De brevi vita hominis.*

1. **D**ies hominis sicut umbra super terram, & nulla est mora, & tunc proprie nihil est, cum stare videtur. Cur ergo thesaurizat in terra homo, cum sine dilatione transeat, & illud quod colligitur, & ipse qui colligit? Et tu homo, quem fructum expectas

expectas in mundo; cujus fructus ruina est, cujus finis mors est? Vtinam sceres & intelligeres, ac novissima prudenter provides! Scio quendam, qui per annos plurimos tecum familiariter vixit, ad mensam tuam sedit, cibum de manu tua sumpsit, in sinu tuo dormivit; cum voluit, tecum colloquium habuit. Hic jure hæreditario servus tuus est. Sed quia ab ineunte ætate delicate nutriti cum, & virga pepercisti, contumax effectus est. Levavit calcaneum suum super caput tuum, & te in servitutem redegit, & tui crudeliter dominatur. Sed fortasse dices: *Quis est hic?* Verus homo tuus: qui conculcat spiritum tuum; qui pro nihilo habet terram desiderabilem: qui sola, quæ carnis sunt, sapit. Homo iste à nativitate cæcus est, & surdus & mutus; inveteratus dierum malorum: rebellis virtuti & veritati; inimicus crucis Christi. Deridet innocentem & simpliciter transeuntem. Ambulat in magnis & mirabilibus supra se: arrogantia ejus est plus quam fortitudo ejus; nullum reveretur: dicit in insipientia sua, Non est Deus. Tabescit bonis, & malis pascitur alienis: immundis cogitationibus pascitur, non fatigabitur in illis transgrediens usque ad finem: dispergit & dissipat propria sicut prodigus, cupit & rapit aliena sicut avarus: turpitudinem, & ignominiam congregat sibi; simulans & callidus provocat iram Dei.

2. Homo iste totus in peccatis natus est, & sic nutritus, amicus iniquitatis, filius mortis, vas iræ in contumeliam, aptus ad interi-

tum. Qui cum talis sit, enarrat justitias Dei, & assumit testamentum ejus per os suum. Odit disciplinam, projicit Dominum suum post dorsum suum. Cum videt furem, currit cum eo, & cum adulteris portionem suam ponit. Adversus filium matris suæ ponit scandalum, super terram etiam thesaurizat iram in die iræ. Vult à te hæreditatem tuam tollere, & de super terram auferre; & tu tantam injuriam non vindicas, sed dissimulas: nec ei verbum durum loqueris, nec vultum iratum ostendis, sed blandienti tibi arrides. Ludis cum illulore; nescis quia Ismael est, qui tecum ludit. Ludus iste non est pueritiæ, nec simplicitatis, vel innocentiae; sed illusio est animæ, sed persecutio, sed mors. Iam te in foveam quam fecit, præcipitavit. Iam effæminatus es, jam jugo miserimæ servitutis pressus, sub pedibus ejus misere & viliter conculcaris. O miser, miserabilis homo, quis te liberabit de vinculo improprietatis hujus? Exurgat Deus, & cadat armatus iste: cadat & conteratur inimicus homo, contemptor Dei, cultor sui; amator mundi, servus diaboli. Quid tibi videretur? Si recte septis, mecum dices: Reus est mortis; crucifigatur. Noli ergo dissimulare, noli differre, noli parcere; sed festinanter, audacter, instanter crucifige hominem istum, sed cruce Christi, in qua est salus & vita; ad quem si ex corde clamaveris, crucifixus tuus audiet te, benigne respondens: Hodie mecum eris in Paradiso.

3. O Christi pietas, ô inopinata salus miser! Tam gratuita est & prompta dilectio

Dei,

Dei,  
dig  
ad e  
mili  
Dei,  
celli  
dore  
nu m  
in d  
tera  
scien  
hæc  
ipsum  
inter  
gnos  
pugn  
can  
que  
huj  
vide  
quo  
cum  
regna

Dei, tam stupenda dulcedo, tam inopinata dignatio, tam invicta mansuetudo; ut qui ad eum clamaverit, exaudiat illum, quoniam misericors est. O quanta est misericordia Dei, quam ineffabilis mutatio dexteræ Excelſi! Heri eras in tenebris, hodie in splendore lucis. Heri in ore leonis, hodie in manu mediatoris. Heri in porta inferni, hodie in deliciis paradisi. Sed quid profunt hæc litteræ admonitionis, nisi deleas de libro conscientiæ tuæ litteras mortis? Quid profunt hæc scripta, lecta & intellecta, nisi temetipsum legas, & intelligas? Da ergo operam internæ lectioni, ut legas, inspicias, & cognoscas teipsum. Legas, ut diligas Deum, ut pugnes & vincas mundum & omnem inimicum: quatenus labor convertatur in requiem, luctus in gaudium; & post tenebras hujus vitæ, videas ortum surgentis auroræ, videas etiam meridianum Solem justitiæ; in quo sponſum cum sponſa proſpicias unum eundemque Dominum gloriæ, qui vivit & regnat per infinita sæcula.

*Finis Meditationum S. Bernardi.*

I D I O T Æ,  
 Viri docti & Sancti,  
 CONTEMPLATIONES  
 De Amore divino.

C A P V T I.

*Quid sit amor.*



Amor (dulcissime Domine Iesu  
 Christe, fons veri amoris) est  
 affectio vehemens cordis &  
 animæ, ac mentis applicatio  
 ad aliquid diligendum: incli-  
 nat enim amor amantem. Ne-  
 que enim in hoc laborat, licet labor non  
 amantibus gravis sit. Neque difficultatem  
 non novit, sed impatiens est, nisi inveniat  
 quod desideret; nec aliud cogitat, quam  
 quod diligit; nec accipit de dilatione sola-  
 tium. Lucerna fulgoris est verus amor, ar-  
 dens in mente per desiderium, & splendens  
 in facie per exemplum. Et hic amor jam nu-  
 dus non est & pure naturalis, sed indutus  
 fontani amoris radio; jam infusus, jam pur-  
 gatus, jam illuminatus & elevatus supra na-  
 turæ potentiam; jam patiens, jam formatus;  
 qui quum forma est, pure naturalis & per se  
 agens informis est, impotens & depressus.  
 Amor naturalis, fulgor oculi in tenebris;  
 amor infusus, fulgor oculi in lumine, vel  
 verius lumen efficax in fulgore. Amor cæte-  
 ros affectus in se ducit & captivat. Viget  
 namque

namque ipse amor, quum præsto est quod amatur, & languet, cum abest: Quod nihil aliud est, Domine Deus, quam tadium quoddam impatientis desiderii, quo necesse est affici mentem vehementer amantis, absente eo quem amat. Natura quippe amoris est, semper amare, proprium postponere, & commune præferre, diversa corda unire, extraneum domesticum facere, corda iracundia ignita extinguere, pacem semper procurare.

2. Amor contra fracta solidat, depressa suble-  
vat, nutantem animum constantem reddit.  
Amor docet & addiscit, & inimicum nescit.  
Amor laudat, amor reprehendit, amor prava  
suspicionem caret. Vbi amor defuerit, nihil  
valet quicquid agitur; contra omnia valent  
quæ cum amore aguntur. Amor hominem  
lætificat, & à terrenis subleuat. Amor nun-  
quam est otiosus, sed semper aliquid opera-  
tur, semper crescit & augetur. Amor vita est  
animæ: & qui non amat, mortuus est. Ve-  
rus amor non requirit præmium, etsi merea-  
tur. Sine amore nec eleemosynæ largitio,  
nec martyrii susceptio, nec aliquorum bo-  
norum operatio proficere ad habendam  
salutem potest. Amor hominem perficit;  
omnia sustinet, omnia patienter portat.  
Amor facilis res est, omnibus se exhibet, nul-  
li se negat. Caput cum bonus & malus, ju-  
venis & senex, vir & mulier, sanus & infir-  
mus, dives & pauper, summus & infimus,  
liber & servus, secularis & religiosus, debilis  
& fortis; nec est qui se valeat excusare, quin

in alios dirigit radios puri amoris. *Quam*  
 tissime Domine Iesu Christe, unde omnis  
 defuit amor, ego sceleratissimus peccator  
 semper frigidus fui, & ab amore multiplici-  
 ter elongatus; singularis fui & sequestratus,  
 ac sine amore & delectatione degens; adeo  
 quod frequenter etiam vixi cum odio & si-  
 multate. Adjuvare ergo me digneris per tuum  
 dulcissimum amorem, & accendere cor  
 meum ad amorem tibi placitum; ut amem  
 & diligam, quæ amare & diligere debeo: ut  
 viam amoris in te amando consequar sempi-  
 ternam, Amen.

## CAPVT II.

*Vnde oritur amor Dei.*

I. **O**Ritur amor (dulcissime Domine Iesu  
 Christe, fons veri amoris) velut la-  
 chrymæ, quæ ab oculis in pectus cadunt:  
 quia ab intellectu amor oritur, & cadit in  
 cor per fidem. *Sic Sancti per fidem vicerunt*  
*regna!* Fides enim sanctissimum bonum est  
 humani pectoris; quæ nulla necessitate ad  
 fallendum cogitur, nec ullo corrumpitur præ-  
 mio, sed est firmamentum stabilitatis & con-  
 stantiæ in animo. Oritur amor à gratia Dei  
 Patris, sicut tu Domine Iesu Christe aman-  
 tium vita dixisti: *Nemo potest venire ad me, nisi*  
*Pater meus traxerit illum:* scilicet per gratiam,  
 ad mei amorem. Intrat vero amor mentem  
 hominum per auditum aurium. Quia dum  
 de aliquo bona aliqua audiuntur, ex ipso au-  
 ditu concipitur amor in corde audientis, ad  
 diligendum illum. Oritur amor per locutio-



temeritatem; quia principium amicitiae est bene loqui: male vero dicere, exordium inimicitiarum. Oritur amor per bona obsequia, praestita invicem & recepta. Nam qui obsequium praestare nescit, injuste perit, imo etiam in odium cadit.

2. O misericordissime Domine Iesu Christe, qui omnia diligis: si ista in corde meo continua meditatione cogitarem, super omnia diligere te deberem: videlicet per fidem, quae sic tibi placet, quod per ipsam omnes sanas & salvas, quia dicis: *Fides tua te salvum fecit*, & sine illa nemo tibi placere potest. Oritur etiam amor ad te amandum per auditum, quia de te scriptum est: *Qui audit me, non confunditur*. Sed beati sunt qui audiunt, & qui te vero amore diligunt. Oritur etiam amor ad te diligendum, per beneficia à te multipliciter nobis collata. Quia quicquid boni habemus, à te habemus: ultra multa dona te ipsum nobis dedisti; quum de caelo propter nos descendisti, te ipsum exinaviens, & formam servi accipiens, minoratus paulo minus à Deo; quum etiam propter nos convitia, flagella, opprobria, contumelias, sputa, & tandem mortem turpissimam crudelissimamque sustinuisi. Sed ego ingratus peccator, licet tanta & tam magnifica dona tua cognoverim, & originem tanti amoris viderim, tibi tamen pauca aut nulla dona rependere curavi. Sed totus ingratitudine plenus, tanquam quodammodo inimicus adversum te me posui: tibi contraria & displicentia,

corde, voce, & opere exercendo. Adjuvet igitur me (clementissime Domine Iesu Christe) amor tuus, remittendo quæ inique egi: & inflammet ad amorem tuum dulcissimum: ut te timendo & efficaciter diligendo, tibi placita agam sceleriter, & adimpleam; iniqua autem toto corde & opere respuam: ut ad regnum perpetuo te amantium perveniam sempiternum, Amen.

## CAPVT III.

*Qualiter nos Deus dilexit.*

I. **D**ilexisti & amasti nos dulciter, (benignissime Domine Iesu Christe, fons veri amoris) dum carnem nostram mortalem humiliter induisti sola dilectione & amore inductus. Dilexisti nos sapienter, o amantium vita Domine Iesu Christe; quia carnem nostram mortalem induendo, omni peccato caruisti. Dilexisti nos fortiter, quia mortem turpissimam & crudelissimam pro nobis miseris voluntarie sustinuisti. Et licet nos in carne visitaveris, non tamen carnaliter amasti, sed in prudentia spiritus. Itaque quos in carne quasivisti, dilexisti in spiritu, & redemisti in virtute. In carnis autem assumptione accommodasti te nobis, in culpa vitiatione consuluisti tibi, & in mortis susceptione satisfacisti Deo Patri: Et sic Domine Iesu Christi, vita nostra, amicus dulcis, consiliarius prudens, & adiutor fortis fuisti. Et nisi amasses nos dulciter, non requisisses in carcere. Sed adjunxisti affectioni & dilectioni sapientiam, qua tyrannum de-

cepisti:

cepisti : Adjunxisti etiam patientiam , qua  
offensum Deum Patrem placasti. Et sicut  
ad operandum salutem in medio terræ , ex  
nimia dilectione semel venisti in carne visi-  
bilis : ita quotidie propter maximam dile-  
ctionem , quam habes ad animas nostras , ve-  
nis invisibilis ad salvandas eas , mentes no-  
stras tua potentia invisibili illustrando.

2. O clementissime Domine Iesu Chri-  
ste , indeficiens amor : si tuam infinitam di-  
lectionem considerarem , non oporteret me  
transfretare maria , penetrare nubes , montes  
transire , quia non grandis mihi restat via ad  
te amandum : solum enim opus est ut cur-  
ram ad me ipsum : scilicet , ad compunctio-  
nem & confessionem : ut sic exeam de ster-  
quilinio miserrimæ conscientiæ , ut illuc  
intrare valeam per gratiam & amorem. O  
misericordissime Domine Iesu Chriсте , ego  
iniquissimus peccator dignus sum & di-  
gnum me sentio odio , non amore tuo ;  
pœna , non gloria. Quia licet cognoverim  
ex tua immensa pietate tuam exuberan-  
tem dilectionem & amorem dulcissimum ;  
tamen his oblivioni quodammodo tradi-  
tis , gratias tibi non rependi , nec meipsum  
disposui , ut tuam dilectionem in me am-  
pliori gratia augeres. Sed tempus ad iracun-  
diam & vindictam provocavi ob miserabi-  
lem vitam meam , quam diversis vitiis &  
peccatis contaminavi. Succurre mihi Do-  
mine Iesu , per tuum sanctum amorem : &  
sic me misericorditer dispone , ut amor tuus  
dulcissimus reformetur in me , per quem

hic vivendo in gratia tua , in fine amore tuo  
perfruar sempiterno, Amen.

## CAPVT IV.

*Qualis est amor Dei.*

1. **O** Amor præceps, amor flagrans, amor  
vehemens, amor te intra te cohibere  
non valens : qui præter te aliud cogitare non  
finis ; fastidis cætera, contemnis omnia præ-  
ter te. Dulciter capis, strenue stringis, sa-  
pienter erudis, gloriose illaqueas, oneras de-  
lectabiliter, foeliciter uris, in dicto expecta-  
ris. Nec consilio temperaris, nec pudore re-  
frenaris, neque rationi subjiceris. Affectu es  
desiderabilis, experientia dulcis, jucundi-  
tate plenus, fruitione æternus, satians &  
reficiens, nunquam fastidium generans. Ni-  
hil (Domine Iesu Christe, fons veri amoris)  
amore tuo suavius, nihil dulcius, nihil uti-  
lius, nihil jucundius. Amor tuus, Domine,  
non molestat, sed cum exultatione & gaudio  
stringitur, & cum securitate desideratur.  
Vbi tuus amor est, Domine, labor non est,  
sed sapor. Seipso contentus est; confundit  
ordines, dissimulat risum, ignorat modum :  
rotumque quod opportunitatis, quod ratio-  
nis, quod pudoris, & quod consilii iudiciue  
esse videtur, triumphat in seipso, & redigit  
in captivitatem.

2. Amor tuus Domine libertatem donat,  
timorem pellit, laborem non sentit; meri-  
tum non respicit, præmium non requirit;  
fessos alleviat, debiles roborat, mortuos laci-  
ficat, esurientes reficit, & deficientes jucun-  
dos

dos reddit. Amor tuus Domine Iesu Christe, qui es fons amoris, imo amor ipse, dissimulat & expectat & sustinet delinquentem, cumque benigne trahit, adducit, & converti facit ab errore viæ ejus. Amor tuus Domine Iesu Christe, fons vitæ est; nec vivere anima potest, quæ non hauserit ex illo: neque haurire potest, nisi præsens fuerit ipsi fonti, scilicet tibi, qui es fons totius amoris.

3. O fons veri amoris, & immensæ dulcedinis; qui nunquam deficis, sed semper reficis. Ego miserabilis peccator, oneratus magno pondere peccatorum, magnam sitim amoris patior: quia à te fonte vivo nimium sum elongatus. Respicere ergo me digneris misericorditer, & deducere me ad te fontem amoris & dilectionis, ut hauriam aquam tanti amoris tui; illam bibam, illa recreer, illius suavitatem & saporem degustem. Ex illa lavetur & mundetur anima mea ab omni macula peccati; ut mundata ab omni inquinamento, tibi placeat & tibi serviât, ac tecum vivat per amorem in infinita sæculorum sæcula, Amen.

### C A P V T V.

#### *De violentia amoris Dei.*

1. **O** Violentia divini amoris, qua sumus omnium, infimus factus est. Hoc namque fecit verus amor, dignitatis nescius, dignatione dives, affectu potens, suavis efficax. Nihil enim, Domine Iesu Christe, fons, imò abyssi amoris, violentius triumphat de te, quam amor. Propter quem  
remer-

temetipsum exinanisti, ut sciremus, plenitudinem effusam esse, altitudinem adequatam, & singularitatem associatam. Atque violentia tui amoris, nos fædos & deformes amavit: non sic tamen ut nos tales dimitteres; sed ut ex fædis pulchros, & ex deformibus formosos faceres. Amasti enim nos, Domine Iesu Christe, abyssalis amor ex abysso amoris; & fecisti te propter nos hominem: subiecisti te, & suscepisti nos; inclinasti te, ut nos erigeres; exinanisti te majestate, ut impleres nos divinitate: descendisti usque ad nos, ut ascenderemus ad te. Non enim est pater, non mater, non amicus, non alius quisquam, qui nos tantum dilexerit quantum tu, Domine, qui fecisti nos. Absorbeat igitur, quæso amantissime Domine, mentem meam ab omnibus, quæ sub cælo sunt, ignita & mellisua vis tui amoris; ut totus tibi inhaream, solaque suavitatis tuæ dulcedine pascar, delecter, & inebrier.

2. O Domine Iesu Christe, quam fœlix bonum est, & quam desiderabile, violentiam tui amoris sentire; quæ pectora nostra radiis tanti amoris quotidie illustrat, pestes mentis sanat, secreta cordis illuminat, mentem fovendo saginat, & animam exhilarando corroborat. O quam dulcis est misericordia & suavitas amoris tui, Domine Iesu Christe, largitor amoris; qua perfruuntur illi, qui præter te nihil diligunt, nihil quarunt, nihil etiam cogitare concupiscunt! Ad amorem tuum præveniendi nos invitas, propripis, & pertrahis; tanta est violentia tui amoris.

Nulla

Nulla  
per  
ma  
cum  
jam  
dicit  
3.  
lice  
impi  
reun  
ætor  
tuan  
delic  
vice  
liari  
Iesu  
per v  
pelle  
dum  
nean

1. S  
vehe  
vehe  
sua  
opera  
ardent  
multa  
agnos  
parit  
anima

Nulla enim est major invitatio, proreptio, & pertractio ad amorem, quam prevenire amando; quia animus, qui prius torpebat, cum se præamari sentit, excitatur. Quod si jam fervebat, quum se amari & præamari didicit, magis accenditur.

3. O amantissime Domine Iesu Christe, licet me indicibiliter amaveris, ego tamen impiissimus peccator, cor lapideum & ferreum gerens, amorem tuum ignitum in pectore meo frigido non recognovi. Et licet tuam dilectionem, quam ultro impendebas, desiderarem mihi impendi: nolui tamen vice versa dilectionem tibi rependere. Auxiliari igitur mihi dignare, piissime Domine Iesu Christe, qui non potest non amare; & per violentiam tui dulcissimi amoris, compelle rebellem animum meum ad te amandum; ut tibi placide serviam, & vitam obtimeam in amore sempiternam.

## C A P V T VI.

*Quomodo cognoscit anima se diligi à Deo.*

1. **S**CIO (benignissime Domine Iesu Christe, amor & amantium vita) quod qui vehementer diligit te, etiam à te infinities vehementius diligi non ambigit. Quique sua singulari intentione, sollicitudine, cura, opera, diligentia, ac studio, incessanter & ardentem invigilat quo pacto placeat tibi, multo magis omnia hæc in te indubitanter agnoscit. Amor enim tuus amorem animæ parit, & tua præcurrens intentio intentam animam facit, sollicitudoque sollicitam. Qualem



Ilem igitur se preparaverit anima tibi, talis & tu eminenter per tuam infinitam misericordiam appares ei. Quia scriptum est: Cum sancto sanctus eris, & cum perverso perverteris. Quare, & cum amante amans, cum vacante vacans, cum intento intentus, & cum sollicito sollicitus.

2. Tanta est, Domine Iesu Christe, amantium summe, benignitas & misericordia tua erga animas nostras: quod si anima ad te vigilat, multo prius vigilas & tu. Si anima consurgit in nocte in principio vigiliarum, & accelerat quantum potest etiam ipsas longe anticipare vigilias: inveniet te, nec poterit te praevenire. Semper enim in tali negotio plus aliquid tribuis gratiae tuae, & plus semper amas: plus quoque extenditur & dilatur amor tuus ad ipsam animam & ante & post. Quae omnia devota & tibi grata anima considerans, & sic admirans tuam ineffabilem Majestatem, cetera non curat; sed tibi soli intendere gloriatur, & se tibi soli (te donante) postpositis curis omnibus, tota devotione custodit.

3. O mater amorum. ô amantissime Domine Iesu Christi, tanta & tam inestimabili bonitate redundas, quod semper amando nos, praevenis nos, quarentibus te exhibes & occurras, diligis imo tua immensa dilectio usque ad inimicos se extendit. Nulli te negas, nullum spernis; sed omnes manu amica vocas & recipis; nisi quantum per peccatum à te invito & nolente contumaciter & inobedienter recedat. Sed adhuc tam immensa & exube-

exuberans est tua dilectio, quod in peccatis miserabiliter jacentes, expectas ad penitentiam, & interdum rebelles redire compellis. Adjuvare igitur me digneris, misericordissime Domine Iesu Christe, ignis & lux amoris. Et accende & illumina cor meum durum & rebelle ad amorem tuum: quo adjuvante, de peccatis & malis meis propter te doleam, digne per te satisfaciam. Opera studiosa & tibi placita, corde puro, humili & amanti exerceam: Ut tua gratia praeveniente, assistente, & subsequente, sic in presenti vita amore tuo vivam, ut illa finita, ad te gloriosa amandum, misericorditer vitam obtineam sempiternam, Amen.

## CAPVT VII.

*De operatione amoris Dei.*

I. **O** Admiranda divina propiationis dilectio. Servi digni non sumus. Tu autem, benignissime Domine Iesu Christe, plenitudo amoris, amorem tuum & dilectionem ostendendo & operando in indignis servis tuis, & (ut de ceteris taceam) in me miserabili creatura tu, à multis variisque periculis me liberaisti. Quia me deviantem reduxisti, ignarum docuisti; dum peccarem, ad poenitentiam expectasti, prostratum crexisti: & ad te venientem, largissima pietate tua suscepisti. Omne meritum meum nihil omnino esse potest, in comparatione operationis amoris tui. Amor tuus dulcissime & amantissime Iesu Christe, operatur in me, sine spe recipiendi à me: *Quia bonorum meorum non eges.*

Neque

Neque quicquam condigne amoris tuo n-  
ferre possum, nec eum explicare sermo ne-  
Quia tantus est & tam immensus amor tuus,  
quod dum peccabam, tu silebas; dum non  
continebam à vitiis & peccatis, tu à verberibus  
abstinebas; dum perseverabam in iniquitatibus multis & diversis, tu vindictam  
differebas.

2. Ad omnem tribulationem & necessitatem apertus mihi fuit dulcissimus amor tuus, & sinus tuæ infinitæ dilectionis expansus; nec consideravit indignum, sed necessitatibus meis omnibus subvenit. O amoris inestimabilis operatio! Sic enim Domine me visitasti, & cor meum durum mutasti, ut amara sentiam nunc illa, quæ antea male dulcia mihi erant; & qui latabar tunc, cum male in rebus pessimis agebam, nunc incipiam tibi recogitare annos meos in amaritudine animæ meæ. Quare ô Domine Iesu Christe, amator bone, qui commoves terram cordis mei, & conturbas eam, sana obsecro) contritiones ejus, quia commota est. Non recedat operatio tui dulcissimi amoris à me creatura tua. Intret in animam meam, & mundet eam à facibus peccatorum. Illustret eam incendio veræ dilectionis. Excitet eam à tepore ignaviæ. Tollat ab ea ignorantiam, & doceat quæ agere & exercere debeam.

3. O misericordissime Domine Iesu Christe, qui omnem amorem superas, cogitare non vaico, quanta dilectione me amasti, & quam liberaliter & gratis. Quia licet te diversis modis offenderem, nec à peccatis cessarem;

facere; tu tamen dissimulabas, nec ad puniendum me accelerabas. Imo, tanquam ovem errantem & pereuntem, ut sacris humeris imponeres, requirebas præ incomprehensibili amore, quo cuncta, quæ fecisti, amas. Gratias itaque tibi ago, & tuo immenso amori, tuæque immensæ pietati & clementiæ; & te humili corde ac simplici precor, ut tua dilectio me non deserat, sed mecum sit, me adjuvet, & me defendat ab omni periculo animæ & corporis. Ut hic ad tuum placitum vivendo tibi semper serviam, te incessanter diligam, & tandem ad dilectionem tuam perveniam sempiternam, Amen.

## CAPUT VIII.

*De magnitudine amoris Dei.*

I. **L**icet (Domine Deus meus) mundus in maligno positus esset, & plenus miseria: tamen pro nobis in mundum, tuum benedictum filium misisti. Imo etiam ex abundantia tui amoris, illum in infernum transmissisti, ut inde suos extraheret. Ad hoc enim misisti ipsum in mundum, ut venditus nos redimeret, occisus vivificaret, injurias passus honoraret, & in filios adoptaret. Misisti igitur Verbum tuum, misisti Spiritum tuum, promittis vultum. Et ne quid in cælestibus vacet, ad opera nostra sollicitanda etiam illos beatos spiritus propter nos mittis in ministerium, & insuper humanam naturam in eadem persona divinæ naturæ associari voluisti. Dilexisti nos Domine gratis, morri destinatos, & vita indignos. Omnes

etiam

enim ducebamur tanquam latrones ad supplicium, quia ad infernum trahebamur. Sed filius tuus superbenedictus nobis subvenit, & pro nobis fidejussit, quem fidejussorem semper in memoria habere debemus, sicut scriptum est: *Gratiam fidejussoris tui ne obliviscaris: dedit enim pro te animam suam.*

2. Tu Domine Deus meus, præ magnitudine amoris tui, non pepercisti filio tuo unigenito, sed pro nobis omnibus illum tradidisti. Et ad te nos attraxisti, dum sororem nostram, scilicet humanam naturam, benedicto filio tuo inseparabiliter copulasti. Sic enim scribitur: *In charitate perpetua dilexite; ideo attraxi te, mihi cratus tuus.* O Domine Deus meus, ignis amoris consumens, gloriosius non potuit nubere caro nostra. Vnde, si matrimonium inter homines sic attrahit eos, ut de inimicis valde amicos faciat: quantum deberet homines id attrahere ad amandum te, quod sororem nostram, scilicet humanam naturam, tuo benedicto filio inseparabiliter copulasti? Scilicet, Domine Deus meus, ego sum ingratiissimus ille, & superbissimus peccator, qui tantam ingratitudinem amoris non considerans, & tam mirabilem copulam non contemplans, me ad reamandum tuum Filium & Spiritum sanctum, unum Deum & unum Dominum, non disposui: sed ad amanda mala, nexia, & iniqua, fui multipliciter inclinatus, & illa ad effectum frequenter perduxi. Adjuvare ergo me dignare, misericordissime Domine, indultor amoris. Et dirige me, ut te super  
omnia

omnia diligam; & tua infinita beneficia recognoscam, mente teneam, & pro ipsis gratias tibi agam: & in fine vitam in amore mihi misericorditer concede sempiternam, Amen.

## CAPVT IX.

*De causa diligendi Deum.*

I. **O** Misericordissime Domine Iesu Christe, causa diligendi te, tu ipse es. Et te diligendi modus est sine modo: quia cum infinite bonus sis, & omnis modus noster diligendi finitus, diligendus es supra omnem modum: Et ideo nihil te iustius nihilque fructuosius diligere potest. Infinitum namque, Domine Iesu Christe, vere amantium amor, meritis es de nobis; quia nobis immeritis temetipsum dedisti. Tu es causa efficiens & finalis amoris & dilectionis, ut occasionem habeas glorificandi nos; quia tu occasionem das, tu affectionem creas, tu desiderium consummas. Tu enim fecisti hominem, imo factus es homo, ut te amemus. Tuus amor amorem nostrum preparat & remunerat: præcedit benignius, & expectatur suavius, & dives est in omnibus, qui invenit illum.

2. Se dat in meritum, se servat in præmium sanctorum, & se distrabit in redemptionem captivorum. Si tuum meritum quæritur, illud est præcipuum; quia tu prior dilexisti nos. Et ideo dignum & iustum est, ut te redamemus: præsertim si mente humili & devota desiderare velimus tutam misericordiam, gratuitam dilectionem, inopinatam

dignationem, invictam mansuetudinem, & stupendam dulcedinem. Quid enim aliud ista faciunt, benignissime & superamabilis Domine Iesu Christe, diligenter considerata; nisi ut considerantis animum ad te viscerabiliter rapiant, vehementer afficiant, faciantque contemnere omnia præter te, Domine? Verus amor tuus, clementissime Domine Iesu Christe, vacuus esse non potest: sed ejus præmium incipienti proponitur, amanti promittitur, & perseveranti redditur. Anima te Domine veraciter amans, aliud præter te sui amoris præmium non requirit; aut si aliud requirit, profecto te non diligit.

3. O mitissime Domine Iesu Christe, ego sum ille perversissimus peccator, qui te posthabendo in transitoriis & caducis amorem cordis mei posui: & illa quæ diu conservare non poteram, tota mente dilexi. Adjuva me, piissime Domine Iesu Christe, amator fortis: & dirige cor meum, ut te amem & diligam, mundana contentinens; ea tanquam inutilia & noxia penitus derelinquam; peccata odio habeam, de præteritis doleam & condigne virtute amoris satisfaciam, & à futuris malis & peccatis præaveam: ut tibi amore sincero & assiduo serviendo & placendo, tandem tuam dilectionem per infinita sæculorum sæcula adipiscar immortalem, Amen.



## CAPVT X.

*Qualiter Deus diligatur.*

**I.** **N**on mirum est, Domine Deus meus, si infidelis minus diligit te; minus enim te cognoscit. Sed quid est. Domine, de me miserabili creatura tua? Te enim per veram fidem agnosco, & te teneo, vita mea non solum gratuitum largitorem, largissimum administratorem, pium consolatorem, sollicitum gubernatorem: sed insuper etiam copiosissimum Redemptorem, æternum conservatorem, ditatorem. & glorificatorem. Urget namque ratio & iustitia naturalis, ut totum me per amorem tradam tibi, a quo me totum habeo. Et si totum me debeo tibi quia me fecisti; ad magis amandum sum tibi obligatus, quia me refecisti; nec tam facile me refecisti, quam fecisti. Nam semel dicendo me fecisti, sed reficiendo & dixisti multa, & gessisti mira, & pertulisti dura; nec tantum dura, sed & indigna.

2. O benignissime Domine Iesu Christe, amor meus, quid retribuam tibi pro omnibus quæ tribuisti mihi? In primo enim opere, me mihi: in secundo vero, te ipsum mihi dedisti: & tunc te mihi dando, me mihi tradidisti. Datus ergo & redditus, me pro me debeo, & bis quidem debeo. Quid ergo tribuam pro te? Nam etiam si me inñitias rependere possem, nihil sum ego ad te. O Domine Iesu Christe, languentes animos amore reficiens, si intelligentia, quam mihi dedisti, uti vellem sicut deberem, cernerem manifeste,

quo modo, imo quam sine modo, à me creatura tua amari merueris, qui prior dilexisti me, tantus & tantum & gratis, tantilum & talem & ingratum. Scio Domine, quod dilectio tua tendit in immensum & in infinitum, quia tu immensus es & infinitus.

3. Quæso igitur Domine, qualis finis debet esse mei, vel modus amoris? Amor enim meus Domine non est gratuitus, sed rependitur debitus. O clementissime Domine Iesu Christe, amicos tuos vivificans amore, extende ad me peccatorem miserabilem tuam exuberantem dilectionem; ut te diligam pro dono tuo & modo meo minus quam iusto. Nam etsi quantum debeo, non possum; non possum tamen ultra, quam possum. Potero autem plus, cum plus donare dignaberis, nunquam tamen prout dignus haberis. Da igitur mihi tuum amantissimum amorem, quo te donante, te diligam & amem; tibi placeam, tibi serviam, tua præcepta adimpleam: à te non separer in presenti & in futuro, sed tecum maneam agglutinator amoris in sempiternum.

## CAPVT XI.

*De triplici modo diligendi Deum.*

1. **O** Immenfitas amoris, dulcissime Domine Iesu Christe, doce me quemadmodum diligam te. Fac mecum tuam misericordiam, ut te amem dulciter, prudenter, fortiter. Dulciter, ne amaritudine avertar; prudenter, ne decipiar; fortiter, ne opprimar, aut ab amore tuo ullo modo, siue mundi

di

di gloria, sive carnis illecebris aut voluptatibus, abducatur. Informes me Domine, tu qui sapientia es, ne seducar spiritu mendacii & erroris. Luceas in me tu, qui es veritas, ne adversitatibus & scandalis offendar. Conforta me tu, qui es virtus, ne deficiam in tuo servitio. Zelum meum inflammet charitas tua, tua scientia cognitionem meam dirigat, & constantia tua propositum bonum firmet; ut praedictis munitus, sim in tuo amore fervidus, circumspectus, & invictus: ne teporem habeam, ne caream discretione, & ne timidus efficiar; sed diligam te Deum meum toto & pleno cordis affectu. Diligam te tota rationis vigilantia & circumspeditione: Diligam te tota virtute, adeo ut nec mori pro tuo amore pertimescam.

2. Sis suavis & dulcis Domine affectui meo, contra fallaces & male dulces vitae carnis illecebras; & vincat fallaciam dulcedinem dulcedo tua vera, quemadmodum clavum clavus extrudit: & sis intellectui pravia lux, & lux rationi; non solum ad cavendas haereticæ fraudis decipulas, & ab eorum versutiis fidei veritatem vindicandam; verum etiam ut nimiam & indiscretam vehementiam in mea conversatione devitem: Tu namque Domine sapientia es, & vis amari non solum dulciter, sed & sapienter: alioqui facillime zelo meo spiritus illudet erroris, si scientiam negligam. Scio namque Domine, quod non habet callidus hostis machinamentum ullum efficacius ad tollendum

dum de corde dilectionem, quam si efficere possit, ut in ea incaute & sine ratione amblem.

3. Domine Iesu Christe, amantium fortitudo, robur & firmamentum, sem fortis & constans ad te amandum; non cedens terroribus, nec succumbens laboribus. Diligam te Domine fortitudo mea, quia tu es firmamentum meum & refugium meum, liberator meus, Deus meus, adiutor meus; amor æternus, amor supereminens; amor, cuius magnitudinis non est finis; amor, cuius sapientie non est numerus; amor, cuius pax exuperat omnem sensum. Diligam te non verbo solum ac lingua, sed opere & veritate. Ut tua gratia in presenti suffultus, in fine ad amantium gloriam, te misericorditer donante, perveniam sempiternam, Amen.

## CAPVT XII.

*Quid sit diligere Deum ex toto corde.*

1. **T**Oto corde te diligere (clementissime Domine Iesu Christe) immensitudo amoris est, non abduci blanditiis, non seduci fallaciis, non frangi injuriis; sed integre te sic diligere ex toto corde, ut ad nullius rei dilectionem cor magis inclinetur, quam ad te; nec delectetur in aliqua re magis, quam in te. Minus enim te amat, qui aliquid tecum amat, quod non propter te amat. Totum namque exis, qui totum hominem fecisti. Diligi enim debes Domine ex toto corde, ratione & creationis, & recreationis. Quia enim hominem fecisti, debet seipsum.

amori

amori tuo : & quia cum redemisti , debet se  
amori tuo. Et tanto magis debet se amanti  
tuo, quam sibi ipsi ; quanto tu maior es ipso,  
pro quo te ipsum dedisti.

2. O benignissime Domine Iesu Christe,  
amor immensus, frange , molifica cor meum  
durissimum: ut si ad alium non valet elevari,  
saltem ad purum amorem sensibilem flecta-  
tur ; scilicet ad benedictam carnem tuam , &  
ad illa quæ in carne gessisti , vel iussisti , ut  
omnia libenter audiam , studiose legam , fre-  
quenter recolam , suaviter mediter, te annun-  
tium contempler devote , aut nascentem,  
aut lactantem , aut docentem , aut jejuna-  
ntem , aut prædicantem , aut miracula facien-  
tem , aut morientem , aut resurgentem , aut  
ascendentem , aut ad iudicium venientem.  
Sic animus meus stringatur in amore tuo , ut  
carnis devitet vitia , fugiat illecebras , deside-  
ria maligna extirpet ; & in te assidue recre-  
etur, atque tuo dulcissimo amore pascatur.

3. Scio Domine , quod per amorem tuum  
vita carnalis excludetur , mundus contemne-  
tur, & efficietur ac perficietur vita spiritualis.  
Ut ipsa in omnibus quæ oportet sentire , te  
sentiatur , & vera fide firmetur ; puritas conser-  
vetur, diabolica circumventio evitetur; augea-  
tur exercitium virtutum , & amor tuus mihi  
dominetur , nec posthac separetur à me , sed  
sic in præsentem me gubernet , conservet , & vi-  
vere faciat, ut te adjuvante & donante, amor  
in regno tuo sit mihi vita sempiterna, Amen.

## CAPVT XIII.

*Quid sit diligere Deum ex tota anima.*

1. **D**iligendus es ( Domine Iesu Christe , totius amoris plenitudo ) ex tota anima , scilicet fideliter , sicut nos dilexisti ; qui maluisti animam tuam separari à corpore , quam animas nostras separari à te. Qui enim diligit tota anima , non timet mortem ; quia dilectio est condimentum dulcorans : nam nihil dulcius aut delectabilius amore. Sine amore omnia sunt insipida & amara : quæ autem sunt amara , quantumcumque sunt amara , fiunt dulcia amore , sicut sancti Patres in desertis probaverunt , utentes pro alimento herbis & arborum corticibus , sicco pane & aqua frigida ; terra pro lecto , lapide pro cervicali , & cilicio pro vestimento : in quibus omnibus propter amorem tuum , saporem , & delectationem , & dulcedinem magnam sentiebant. Omnia namque gravia & difficilia verus amor facit facilia , & quasi nulla. Ideo sancti Martyres omnia tormentorum genera , tanquam dulcia , non solum patiebantur , sed etiam hilariter pro ardenti amore sustinebant. Labor namque non fatigat amorem , tormentum amorem non superat : amor quiete sit inquietior. Quiescit afflictio , quiescit tentatio : sed dilectio quiescere nescit ; requies enim est ei inquietudo.

2. Qui huius amoris gustu inebriatus fuerit , ad omne opus bonum hilarescit : dolet , & non sentit : laborat , & non lassatur : deridetur , nec advertit. Amorem animæ thesau-

rus nullus superat. Nescit enim homo precium ejus : quia omne aurum in comparatione amoris , arena est exigua. Sine amore , dives pauper est : & cum illo , pauper dives est. Quia qui Deum tota anima amat & diligit , jam habet quem amat. Nec eum vere diligere posset , si eum quem diligit , non haberet. Amorem tuum , Domine , alienus amor non occupat , nec ei commiscetur ; quia non possunt commisceri vera vanis , caelestia caducis ; spiritualia corporalibus , summa imis.

3. O clementissime Domine Iesu Christe , incomprehensibilis dilectionis author & infusor , ego miserrimus peccator omni iniquitate plenus , te non dilexi ex tota anima mea ; imo , quod damnabilius mihi est , tuo amore spreto & derelicto , amorem meum posui in mundanis , vanis , & noxiis damnabilibusque rebus. Et sic iste miserabilis amor ducet me ad odium tuum perpetuum ; nisi infinita tua misericordia , infinitus amor tuus , adjuvare me dignetur. Augeatur igitur in me tuus gloriosus amor , qui me trahat ad te , relicto isto transitorio amore , ut in tua dilectione perpetuo valeam manere , Amen.

## CAP V T. XIV.

*Quid sit diligere Deum ex tota mente.*

I. **P**lissime Domine Iesu Christe , totius exaltatio amoris , diligere te debemus ex tota mente ; scilicet memoranter , perpetuo , ac perseveranter ; ut omnes sensus hominis , scilicet voluntas , intellectus , memoria,



ria, & omnes eorum operationes tibi vacent. Quod si in aliorum dilectione occupentur, jam ex tota mente, qui sic occupatur, te non diligit. Scriptum est enim : *Omni tempore diligit, quia amicus est.* Talis igitur dilectio totius est mentis ligamen, viscum & glutinum, hominem tibi indissolubiliter uniens atque ligans. Quia amor est quædam vis mutua & virtus agglutinativa, summa movens ad infima : & novissima, id est, subjecta, ad meliorum, id est, suprapositorum confirmationem ; ut anima hoc glutino glutinata, tibi dicat ; *Dilectus meus mihi, & ego illi.* Tantus est namque amor à tota mente procedens, quod anima tibi unita tali dilectionis glutino, nec pana, nec tormento, nec igne, nec ferro, nec ullo alio supplicio potest dissolvi, nisi adveniat peccati mortalis immunditia. Imo citius ( Domine Iesu Christe, amantium portus ) manus à brachio, caput à collo solveretur, & moveretur, quam anima tali glutino amoris tibi unita & conjuncta, à te aliquo modo separaretur. Res enim forti glutino glutinata, citius rumpitur & frangitur in aliis locis, quam in ipsa conjunctura.

2. Sic etiam est de anima, ut patet in sanctis Martyribus, qui à tuo amore nullis pœnis poterant avelli, vel quantulumcunque separari. Facilius enim pes separaretur à tibia, & caput à cervice, quam ipsi à te. O dilectio, quam magnum est vinculum tuum, quo ligari potuit Deus ! O piissime Domine Iesu Christe, opifex amoris, hoc vinculum te in cruce tenuit, quem omnes fines totius mundi

mundi  
nigniss  
est triple  
te dilige  
tellectu  
lunare,  
& virtute  
Concedo  
Iesu Ch  
gratiam  
tota me  
rati, se  
perman

Qu  
1. H  
Christe  
cussus,  
timens,  
deceat  
homini  
& fortis  
& qui in  
etiam h  
rus & si  
amico su  
est : Cr  
omnes pec  
vel homi  
mine, n  
quis sine

mundi nullatenus tenuissent. Amor, benignissime Domine, ex mente procedens, *est triplex funiculus qui difficile rumpitur*. Quia te diligere debemus ex toto corde, id est, intellectu, sine errore; tota anima, id est, voluntate, sine contradictione; & tota mente & virtute, id est, memoria, sine oblivione. Concede mihi misericordissime Domine Iesu Christe, largitor amoris potentissime, gratiam te amandi toto corde, tota anima, & tota mente; ut à te nunquam valeam separari, sed tecum perpetuo in perfecto amore permaneam, Amen.

## CAPVT XV.

*Quod amor est fortis armatura anima.*

**I.** **H**omo scuto & armatura munitus amoris tui, benignissime Domine Iesu Christe, in tentationis prælio stat inconcussus, invincibilis atque firmissimus: non timens, etiamsi cum ea tota acies dæmonica decertaret. Tu enim, piissime Domine Iesu, homini amorem habenti, bonus adjutor & fortis defensor assistis, quia tu amor es: & qui in tuo amore stat, tecum stat. Assistis etiam homini dilectionem habenti, ut verus & fidelis amicus, qui libenter subvenit amico suo, & eum defendit, sicut scriptum est: *Custodit Dominus omnes diligentes se, & omnes peccatores (id est, dæmones infernales, vel homines pestilentes) disperdet*. Sed, Domine, non sic est de alia virtute: quia tu, si quis sine dilectione aliquid faciat, non sic præsto

præsto es ei, nec assistis ad adjuvandum. Dilectio vera in te Domine Iesu Christe, amator verissime, hominem invincibilem reddit. Eum enim ex omni parte pre-regit & defendit; quod nulla facit alia virtus, scilicet ex una parte tantum. Nam abstinencia à gula tantum defendit, pudicitia à luxuria, & ita de cæteris. Imo alia virtus sine dilectione ex una parte defendit, & ex altera succumbit, dum scilicet de ejus actu & opere oritur jactantia, & nascitur vana gloria. Ut patet in eleemosyna & jejunio quæ nihil valent: nisi tua dilectione directa sint & protecta.

2. Et ideo diabolus hanc armaturam dilectionis invadere summopere studet. Nam si castitas in nobis fuerit sine dilectione, non timet. Quia ipse in carne non premitur, ut in luxuriam dissolvatur. Abstinenciam non timet, quia cibo non utitur, qui necessitate corporis non urgetur. Distributionem rerum terrenarum non timet, si dilectio desit, quia divitiarum subsidis non eger. Sed valde timet in nobis dilectionem veram, qua te diligimus & proximum: & semper concordie invidet, quia dilectionem, quam tenemus in terris, ipse tenere nolit, corruiat à calis. Dilectio tua, Domine Iesu Christe, ab omnibus diligere dignissime, omnem tentationem repellit, non alia virtus; nam alia virtus cum peccato & informis esse potest, ut etiam morales virtutes in philosophis fuere: ideoque non ab omni peccato, nec ab omni tentatione de-

defenso  
contra  
nec m  
nequit  
triumph  
mihi  
tota vi  
amore

1. T  
rem pe  
carum  
tur.  
enorm  
expell  
etiam  
more  
culpa  
esse po  
nem o  
expelli  
virtute  
peccata  
omnia  
dictum  
nam d  
flevit,  
rit, pe  
itis no  
ationi.

defendunt. Sed dilectio tua omni peccato contrariatur, & omni tentationi resistit; imo nec morti, nec tormento succumbit. Vinci nequit; imo de morte obtinet victoriam & triumphum. Hanc veram dilectionem tribue mihi misericorditer, Domine Iesu Christe, tota virtus & vigor amantium, ut tecum in amore maneam in sempiternum, Amen.

## CAPVT XVI.

*Quod per amorem peccatum dimittitur.*

**I.** **T**anta est vis amoris, superamande Domine Iesu Christe, quod per amorem peccata remittuntur. Non est enim peccatum, quod dilectione tua non remittatur. Non culpa, non noxa tam gravis vel enormis; quæ adveniente dilectione tua non expellatur. Non macula tam fæda, tenax, ac etiam inveterata, quæ non dilectione & amore dissolvatur. Quia tua dilectio omni culpæ mortali contrariatur, nec cum aliqua esse potest. Habet enim tua vera dilectio omnem culpam expellere, sicut calidum frigus expellit. Sed non sic est de alia quacunque virtute. Vt patet de beata peccatrice, quæ tot peccata habuit; & tamen dilectionis virtute omnia sunt ei dimissa, quia ab ore Veritatis dictum est: *Remittuntur ei peccata multa, quoniam dilexit multum.* Licet enim abundanter flevit, pedes lachrymis laverit, capillis terferit, pedes osculata fuerit & unxerit: tamen istis non attribuitur remissio, sed soli dilectioni. Quia sine dilectione parum valuis-

sent,

sent, sed fuerunt signa quædam & scintille ignis, à dilectione præparata. Quæ eatenus tibi grata fuere, quatenus ab amore imperata. Dilexit namque te multum, quia ex toto corde, ex tota anima, & ex tota mente. Quod evidenter patet in iis dilectionis signis, quæ ostendit. Dilexit enim te super omnia, sed non nimis; quia tu Domine nimis diligere non potes; imo modus diligendi te, sine modo est.

2. Et in hoc etiam patet nobilitas & valor dilectionis ejus. Quia in excessu non amittitur, nec augmentum ejus in vitium vertitur, sed in commodum & profectum. Contra tamen homo potest nimis jejuna- re; eleemosynas dare, orare, & sperare. Virtutes quoque morales si transcendant modum vel medium, in vitium & malitiam convertuntur. O clementissime Domine Iesu Christe, amator bone, ego malus & vitiosus peccator, ista mente revolvens, nec mente, nec opere ad effectum perduxì; sed à vero amore & dilectione elongatus, & totus frigidus factus, in peccatis & vitiis innumerabilibus, tempus meum miserabiliter consumpsi. Adjuvare me digneris, misericordissime Domine Iesu Christe, immense fons amoris: & ut peccata mea benigne remittas, dilectionem tuam mihi digneris infundere sempiternam, Amen.

## CAPVT XVII.

*Quod amor est via rectissima ad Deum.*

1. **V**era dilectio (benignissime Domine Iesu Christe, qui es merces amoris) est via rectissima veniendi ad te. Nec opus est aliqua alia virtute, in cuius exercitio potest esse via obliqua. Sed solum amore & dilectione, quæ ad caelestem patriam vere ducunt. Quia alia quacunque virtus informis esse potest, & cum peccato: Et ex ejus actu saepe oritur vana gloria, quæ ut ventus impedit viatorem, imo impellit in chaos inferni. Nam peregre pergens, carnis afflictionem assumens, eleemosynas erogans, saepe vento vanæ gloriæ impetitur; & dum ad pœnitentiam ire credit, labitur in infernum. Non ergo Domine Iesu Christe, susceptor amoris & largitor, jejunium, oratio, eleemosyna, est via recta omnino: sed amor & dilectio tua est via rectissima absque devio: via brevis absque radio: via plana absque tumultu: via clara absque nubilo: via secunda absque periculo: via jucunda cum bono socio, scilicet cum te Domine amantissimo duce: via veniendi ad æterna gaudia, quæ non permittit viatorem ad dexteram, quæ est prosperitas, nec ad sinistram, quæ adversitas est, declinare.

2. Ista via amoris, Domine Iesu Christe, dux amantium æternæ, est vera, non ficta, neque palliata: via cordialis, non verbalis; via fructuosa, non ociosa; via non solum sermonis, sed etiam operis; via cauta,

non improvida; prudens, non fatua: ita quod persona ametur, & culpa refutetur. Via magna, non modica; ita quod animam suam ponat quis pro amicis suis. Via constans, non momentanea, sicut tu Domine in fine ostendisti: quia cum dilexisti tuos, in fine dilexisti eos. Si quis igitur, Domine Iesu Christe, amator constantissime, ad patriam caelestem velit celeriter pervenire; per viam dilectionis & amoris ambulare debet. Quia qui amat ardentius, currit velocius, & pervenit citius. O misericordissime Domine Iesu Christe, qui ob nimium amorem, etiam non amantium misereris: iniqua & perversa atque falsa fuit dilectio mea. Quia non fuit cordialis, sed verbalis: non vera, sed ficta: meos amicos in suis sceleribus & peccatis defendi; & sic iniquos odio non habui. Amavi fortunam, & ea mutata, amorem mutavi. parce mihi, piissime Domine Iesu Christe, misericordissime amator, & veniam dare mihi dignare; & concede mihi misericorditer tantam ad te amandum gratiam, ut relicto vano amore tibi non placito, te super omnia amem, & diligam assidue; & sine alienius temporis interpositione nec à tua dilectione separer, sed cum ea permaneam per infinita seculorum secula, Amen.

## CAPUT XVIII.

*Quod amor obtinet, qua jure petuntur à Deo.*

- I. **A**mor & dilectio, clementissime Domine Iesu Christe, qui es ipse amor postulata



postulata à te, prompte & facile obtinet. Quia illum, qui te veraciter diligit, libenter exaudis, & postulata ei concedis. Quia scriptum est: *Dilexi, quoniam exaudiet Dominus vocem orationis meae.* Tam exuberans est amor tuus, dulcissime Domine Iesu Christe, spiritualis amator, quod tu diligenti te, una cum spiritualibus bonis, bona etiam temporalia tribuis & concedis, sicut dictum est a te: *Si obedias mandatis meis, ut diligatis Dominum Deum vestrum; & serviat ei in toto corde vestro, anima & mente vestra: dabo pluviam temporaneam & serotinam, ut colligatis fructum vini & olei, & fenum ex agris.* Ostendis etiam & extendis diligenti te misericordiam, sicut scriptum est: *Faciens misericordiam in millia milliura iis, qui diligunt me.* Infundis etiam sapientiam tuam diligenti te, sicut scriptum est: *Unus est altissimus, & sapientiam suam ( id est, datum suum ) prabet diligentibus se.* Tribuis etiam & liberaliter concedis diligenti te gaudium & latitiam, sicut scriptum est: *Dilexisti iustitiam, & odisti iniquitatem: propterea unxit te Deus Deus tuus, oleo latitiae.*

2. Diligentes igitur te, Domine Iesu Christe, amantium remunerator largissime, exaudis, & eisdem multa bona impertiris. Sed non sic illis evenit, qui te non diligunt, nec diligere volunt. Non enim eos exaudis, sed potius te provocant ad iram, cum aliqua à te petunt. Quia cum indignus ad intercedendum mittitur, irati animus ad deteriora provocatur. O misericordissime Domine, quoties provocavi? Quia indignissimus &

nefandissimus peccator, multa à te petii, & nullo dignus eram: quia te non dilexi corde & opere, sed solum verbo & lingua. Quare non amore, sed odio dignus eram, poena, & non gloria. Sed in tuo indicibili amore confido, piissime Domine Iesu Christe; te, fons inexhaustibilis amoris: quem à me obsecro non retrahas; sed illum mihi clementer concedas, quo inflammare digneris cor meum frigidum, ad amandum & diligendum te; ut sprete dilectione transitoria & caduca huius miseræ vitæ, ad te elever per puram dilectionem in te manentem, per assiduam contemplationem, in sæcula sæculorum, Amen.

## CAPVT XIX.

*Quod amor Dei defendit & liberat à malis.*

1. **F**idelis & verus amicus es, (Domine Iesu Christe, amator vigilantissime) qui diligentes te custodis, liberas & defendis à malo & periculo; sicut ostendisti in servo tuo Daniele, te toto corde diligente: qui coniectus in lacum leonum, illæsus te protegente fuit extractus, & penitus liberatus. unde dixit: *Recordatus es mei, Domine, & non dereliquisti me.* Liberas igitur Domine diligenter à malo, & à leonis infernalis insultu, & illæsum eripis ab eodem. Et quia sicut fidelissimus amicus liberas à malo, protegis & defendis, clamat Propheta in persona cuiuslibet te amantes: *Diligam te Domine fortitudo mea. Dominus firmamentum meum, & liberator meus; Deus meus adiutor, & sperabo in eum,*

*eum, Protector meus, & cornu salutis mea, & susceptor meus.*

2. O misericordissime Domine Iesu Christe, ineffabilis dulcedo amoris: ineffimabilis est dilectio tua, quæ semper adjuvat peccatorem, & defendit. Peccat enim miserabilis peccator prava suggestionem & cogitationem; sed tu es diligenti te *fortitudo*, ne cogitatio possit introire. Quod si peccator ultra procedat, scilicet ad delectationem, tu es tunc ei *firmamentum*, ne possit delectatio invalescere. Cum autem peccator ad consensum voluntati laxat habenas, tu Domine illi es *refugium*, ut consensui contradicat. Quando vero defendit peccatum, tu ei *liberator* es, ut ab audacia abhorreat. Si latenter peccare vult, tu illi es *adjutor*, qui ibique præsens es, ne id faciat: sed si patenter, tu es ipsius adversus nequitiam *protector*. Si autem inducatur in consuetudinem, tu es ei *cornu salutis*. Si vero falso seducatur, vel desperatione aut induratione conficiatur, tu ejus, ne desperet, neque induretur, *susceptor* es.

3. Fidelissimus igitur amicus es, Domine, & tua vera amicitia omnem aliam excedit amicitiam. Tu semper diligis, in vita & morte. Tu diligis in prosperitate & adversitate, & etiam magis felicem mortuum, quam infelicem vivum. Tu Domine plus in immensum amas, quam amaris; & etiam amas, licet non ametis. Tu propter patres amas filios; imo propter unum bonum in civitate vel societate, amas multos malos.

O amantissime Domine Iesu Christe, ego miserrimus & praviſſimus peccator omni dilectione vacuus, ſed malitia & iniquitate plenus, te, ut debuiffem, non dilexi: ſed cor durum & vagum habendo, ad diligenda frequenter mihi damnosa & noxia ipſum applicui, quod erigere digneris Domine ad te amandum ſemper: ut vita mea & gloria mea ſit dilectio tua ſempiterna, Amen.

## CAPVT XX.

*Quod amor Dei reficit hominem.*

I. **N**on honor, non pecunia, neque aliqua terrena ſubſtantia, nec etiam virtus, nec ars aliqua vel ſcientia, (beniſſime Domine Ieſu Chriſte, plenitudo amoris) poteſt implere animam, & ſatiare conſcientiam, ſed ſola & vera dilectio tua. Nam dilectio aut eſt cum gratia, aut ſine: at ſine ea non poteſt eſſe dilectio vera. Illud autem quod in via poteſt ſolum reficere & quietare animas, eſt gratia, cum qua ſimiliter eſt dilectio vera. Et quia qui diligit te Domine, habet te, ſicut ſcriptum eſt: *Si diligimus invicem, Deus in nobis manet*: non poteſt eſſe pauper, quia Deum habet quem amat. Et quomodo poteſt eſſe pauper, qui te, qui es omne bonum, habet in conſcientia? Qui habet aurum in arca, dives non eſt: ſed qui te habet in conſcientia, dives eſt. Unde ſcribitur de te: *In me ſunt divitiae & gloria, ut dum omnes diligentes me, & theſauros eorum repleam.*

2. O miſericordiſſime Domine Ieſu Chriſte,

ste, in amore ditissime, qui ditari cupit, & satiari, dilectionem veram debet habere, quæ mentem reficit, perficit, & eidem sufficit. Nam qui verâ dilectione caret, etiamsi omnes divitias mundi haberet, & insuper sapientiam, fortitudinem, simplicitatem, pulchritudinem, omnes denique virtutes à Philosophis conscriptas, pauper tamen & miserabilis esset; quia illis non contentus, alia semper appeteret. Ideo de quodam diligente terrena scribitur: *Tu dicis, quia dives sum & locuples, & nullius egeo: & nescis quia tu es miser & miserabilis, pauper, nudus & cæcus? Suadeo tibi emere aurum ignitum, ut locuples fias.* O clementissime Domine Iesu Christe, amor consumens, quantam doctrinam nobis peccatoribus ostendisti pro salvatione nostra moriendo; ut emamus aurum ignitum, per quod intelligitur amor & dilectio! Quia sicut aurum excedit omnia alia metalla, sic dilectio omnes alias virtutes.

3. Debet autem hoc aurum esse ignitum amore tuo, & delectatione tuâ summe inflammatum. Neque emitur nummo vel denario, sed bona voluntate, bono desiderio, bono affectu. Vnde hac dilectione nihil melius emitur, & nihil charius est, cum possidetur. O piissime Domine Iesu Christe, locuples in amore, ego sum miser & miserabilis, pauper, nudus, & cæcus. Da mihi hoc aurum ignitum, hoc est, dilectionem tuam, quo inflammetur mens mea, ut reficiatur & quietetur in te, & ipse ditatus gratia & dilectione tua, ad regnum amoris perveniam sempiternum, Amen.

## CAPVT XXI.

*Quod amori Dei est insistendum.*

1. **I**nsistendum est (clementissime Domine Iesu Christe, amator bone) dilectioni tuæ; quia dilectio non est nisi boni, & tu es fons totius bonitatis. Tu es pater creatione & deitate: Tu es frater redemptione & humanitate: Tu es Dominus naturalis, non extraneus. Quicquid habemus, à te habemus; & in fine à te expectamus premium sempiternum. Et ideo conveniens est, ut te diligamus, & tuæ dilectioni continue insistamus, sicut scribitur: *Audi Israël, quid nunc requirit Dominus, aut quid petit à te? Nisi ut timeas Dominum Deum tuum, & ambules in viis ejus: & diligas eum, & servias ei in toto corde tuo, anima & mente tua: custodiasque mandata Domini, ut bene sit tibi.* Israël quilibet fidelis Christianus, per fidem te videns: qui ad diligendum te maxime est astrictus, qui à te magis dilectus. Nam dilexisti nos, & lavisti in sanguine tuo. Tu consulis nobis, & mones dulciter, non acriter, quæ à nobis requiris: scilicet, ut te timeamus, dum dicitur: *Vt timeas Dominum Deum tuum.* Unde in timore tui originem suam habet dilectio; quia scriptum est: Timor Domini initium dilectionis. Quæ vires accipit & augetur exercitio aliarum virtutum, dilectione imperato. Et ideo dicitur: *Et ambules in viis ejus:* id est, bonis operibus; utpote, elemosyna, jejunio, oratione, & cæteris. Et  
his

his enim vegetior redditur dilectio , sicut ignis lignorum appositione.

2. Completur autem dilectio tui Domine ex affectu interioris amoris ; ideo dicitur : *Vt diligas Dominum Deum tuum.* Completur etiam ex actu exterioris honoris : ideo dicitur : *Vt servias ei in toto corde tuo, anima, & mente tua.* Conservatur denique mandatorum tuorum observatione, ideo dicitur : *Custodiaque mandata Domini, ut bene sit tibi.* O benignissime Domine Iesu Christe, quem iustissimum est amari, utilem & salubrem regulam te diligendi nobis clementer dedisti. Nam summa aequitatis est, ut te timeamus ; summa levitatis, ut in viis tuis ambulemus, summa bonitatis, ut te diligamus ; summa dignitatis, ut tibi serviamus ; summa aequitatis & sanctitatis, ut mandata tua custodiamus. O piissime Domine Iesu Christe, amator misericors & iuste, non ponderes peccata mea ad vindictam, sed misericorditer mihi ea condonare digneris : desque mihi gratiam tuam, ut per timorem tui, oriatur in me vera dilectio per affectum interioris amoris, & per actum exterioris honoris compleatur, & per observationem mandatorum tuorum conservetur, ut mihi bene sit te amando, nunc & in perpetuum, Amen.

## C A P V T XXII.

*De utilitate & facilitate amoris.*

1. **V**erba tua verissima sunt, misericordissime Domine Iesu Christe, (ex-



emplum & forma amoris) qui dixisti: *Iugum meum suave est, & onus meum leve*. Hoc est, Domine, te veraciter diligere & amare, quod summe suave est & leve, adeo quod nullus habet, nec habere potest causam, aut excusationem aliquam te non diligendi. Vnde si alicui dicatur quod jejuner, dicere potest: corpus habeo fragile. Si dicatur ei, quod det, potest dicere: pauper sum. Si dicatur ei, ut oret, & limina Sanctorum visitet, potest dicere: infirmus sum. Sed cum ei dicitur: Dilige Deum & proximum, nullam habet excusationem. Quare benignissime Domine Iesu Christe, dilector amoris; scio, quod tam facile est te diligere, quod ex hoc corpus non affligitur, pes non pungitur, caput non dolet, venter non iacitur, lingua non vexatur, crumena non evacuatur; quia dilectio proprie consistit in anima, & inde sequitur, quod qui amat, non laborat.

2. Non est dilectio super facultatem hominis, ita quod non possit eam perficere. Nec est dilectio longe ab eo, scilicet ultra cognitionem ejus, ita quod non possit eam apprehendere, sed est juxta hominem, scilicet in ore ejus & in corde, ut impleat eam, & diligat te Domine, qui es summe gloriosus, summe delectabilis, & summe preciosus. Amicitia namque est respectu boni honesti, delectabilis aut utilis: quæ omnia sunt in te Domine Iesu Christe, superamabilis & superbone. Ex dilectione homo vivit vita gratiæ, & multiplicat bona opera,

ut te  
est, I  
lectio  
gradu  
test, c  
facian  
profe  
Scio  
mode  
ction  
verto  
me  
ad vi  
neo,  
nue p  
ergo  
Christ  
ocalo  
quitar  
meur  
dum  
que a  
quid  
enten  
ne, &  
tuam

1. F  
que e  
luni c

ut terram viventium possideat. Facilis res est ( Domine Iesu Christe superamande ) dilectio, à qua nullus, cuiuscunque status, gradus aut conditionis existat, excusari potest. O miser & miserabilis peccator, quid faciam? Oculata enim fide hoc video & cognosco, quod facere deberem, & non facio. Scio ( clementissime Domine ) me nullo modo aliter tibi placere posse, nisi per dilectionem. Ad illam meum animum non converto, illam vilipendo. Ad illam habendam me non dispono, sed inclinationes meas ad vitia & peccata perficio. In illis permaneo, in illis delector, in illis fere continue prostratus miserabiliter jaceo. Respicere ergo me dignare, piissime Domine Iesu Christe, animarum per amorem purgator, oculo tuæ pietatis & misericordiæ. Dele iniquitatem meam maximam, & inclina cor meum pravum & perversum ad te diligendum & amandum. Non recedam à te, neque à tua benignissima voluntate: sed quicquid præcipis faciam; quicquid prohibes, evitem totis viribus, cogitatione, locutione, & opere; ut te donante, dilectionem tuam oblineam sempiternam, Amen.

## C A P V T XXIII.

*Quod diligere Deum est summe leve.*

I. **F**RUCTUS & utilitas ( Domine Iesu Christe, totius dilectionis author ) quæ ex dilectione tua acquiritur, non solum est æterna gloria, de qua dictum est:

*Quod*

*Quod nec oculus vidit, nec auris audivit, nec in cor hominis ascenderunt; qua preparasti diligentibus te.* Sed etiam est utilitas magna in hac vita, quia diligens te Domine, si contingat eum deficere vel errare, dulciter corrigitur & castigatur à te, sicut dilectus filius à patre, qui de servo extraneo non curat. Vnde magnum signum amoris tui est, Domine, correptio & immissio flagelli. Sed homines desperatos & perversos quolibet ire permittis, & in præcipitium peccatorum incidere. Quia quem diligis castigas; & flagellas omnem filium quem recipis. Diligens te, Domine, pacifice conversatur: est enim in pace conscientie, & tranquillitatis jucunditate, non in simulate & odio.

2. Diligens te Domine diligenter, per te à malo præservatur. Sicut enim homo pupillam oculi sui sedulo custodit, & eam summe diligit: sic tu Domine Iesu Christe, amator bone, amicam & dilectum tuum protegis, & defendis, & custodis; ne in peccatum labatur, neve à diabolo affligatur. Scriptum est enim: *Qui diligitis Dominum, odite malum: custodit animas Sanctorum suorum, de manu peccatorum liberabit eos.* Custodis animas, non cutem carnis splendidam, non possessiones & terras, quia talia tibi chara non sunt. Sed custodis animas sanctorum, ne in peccatum labantur: & de manu peccatoris liberas eas, ne à dæmone affligantur. Diligens te (Domine Iesu Christe, amantium gloria) multum honoratur: quia actus diligendi, est actus tuus & Angelorum, non dæmonum.

Tu

Tu enim diligis, quia scriptum est: *Ego diligentes me diligo.* In Angelis autem est vis & actus maximi amoris, quo ad te Domine, quo ad eos, quæ sui sunt consortii, & quo ad nos. Diligunt enim adeo quod ordo supremus, ab ardore charitatis nominatur Seraphim. Diligentem te Domine suscipis ad poenitentiam, eidem remittis offensam; & tua maxima pietate inenarrabilique benignitate, ac inastimabili largitate, gratiam misericorditer donas & tribuis.

3. O misericordissime Domine Iesu Christe, semper amari plus quam dignissime, quanta miseria ego nequissimus peccator plenus sum; qui perspecta tanta utilitate tui amoris, te propter temetipsum diligere debebam! Quod si pauper teipsum diligere nolebam, saltem propter meipsum & utilitatem meam te diligere debebam. Ut ex inordinato amore tandem venirem ad verum amorem tuum; qui est diligere te non ob aliud, sed propter teipsum solum. Mihi ergo digneris succurrere benignissime, & creare in me cor mundum; ut ab iis quæ tibi displicent, abhorrendo, & in ea penitus execrando, te diligam & amem, & tibi serviam, tibi obediam, præcepta tua adimpleam; ut te vere, ordinate, non ob aliud quam ob teipsum, diligam per infinita sæculorum sæcula, Amen.

## CAPVT XVII.

*Quod amor est vestis preciosa anima.*

I. **I**nuitatus ad tuas cœlestes nuptias (dulcissime Domine Iesu Christe, amantissime celestis sponsæ) vestem nuptialem deferre debet: ne si forte intret sine veste nuptiali, ejiciatur iussu tuo extra, & projiciatur in tenebras exteriores, ubi semper est & erit fletus, & stridor dentium. Ista vestis (o benignissime Domine) est amor & dilectio, quæ excellit omnes alias virtutes. Ista vestis ex preciosis filis, id est, tuis beneficiis homini collatis, est contexta, & subtili magisterio facta, & decorata: quæ designatur per tuam tunicam inconsutilem, quæ nec scissa fuit, nec divisa. Quia amor, neque dividi debet, neque scindi. Et qui eum dividunt vel scindunt, peiores videntur quam milites te crucifigentes, qui tuam tunicam dividere noluerunt.

2. Ista vestis nuptialis, Domine Iesu Christe, sponsæ amoris, summe potens & efficax existit. Quia defendit hominem à frigore cupiditatis, & ad tuum amorem hominem inflamat, ipsumque ornat plurimum & venustat. Ista vestis nuptialis sola distinguit filios regni, & perditionis. Quia qui eam defert, regnum tuum intrabit, ut conviva tuus & filius charissimus; qui vero ea caruerit, etiamsi deferat omnes alias vestes, id est, omnes alias virtutes, expelletur à regno tuo. Ista vestis operit multitudinem peccatorum. Ista vestis commendabilis est

est colore & valore; est enim deaurata, vel potius aurea, juxta illud: *Assitit Regina à dextris tuis in vestitu deaurato.* Et sic ista vestis ornat animam, quod sine ipso ornatu, indigna est anima calum ingredi. Ista vestis nuptialis munit hominem, quia fortis est ut mors dilectio. Ejus etiam preciositas patet ex materia. Quia si preciosum sit, quod trahitur ex metallis, gemmis & animalibus, longe preciosius est quod ex te trahitur. Ista autem vestis nuptialis ex te venit, & à te procedit. Ex ea quoque regimur, vivimus, & ditamur. Qui enim hanc vestem habet, nihil ei deest: & sine ista nihil ei prodest.

3. O misericordissime Domine Iesu Christe, celestis sponse, ego miserabilis peccator nudus sum, & cum hanc vestem nuptialem non habeam, non sum dignus ut intrem ad tuas celestes nuptias, sed ut projiciar in tenebras exteriores. Succurre ergo mihi, piissime Domine Iesu Christe, aterni nuptialis convivii dispensator largissime; & da mihi tua benignitate hanc vestem gloriosissimam, ut invitatus & vocatus ad tuas semper eternas nuptias, illuc cum veste nuptiali intrem, ibique cum amicis tuis amore tuo perpetuo fruam, te laudem, te admirer, te glorificem aternitatis Regem, & gloriosissimum sponsum, viventem, & regnantem in sacula sæculorum, Amen.

## CAPVT XXV.

*Quod amor à malis animam custodit.*

1. **V**erus amor (Domine Iesu Christe, amantium conservator) custodit hominem à peccatis. Custodit namque ab æmulatione, sive invidia, quæ vehementer corrumpit animam. Inde enim provenit, ut anima in malis proximi delectetur, & in bonis contristetur. Sicut verus amor facit, ut in bonis proximi delectetur, & in malis contristetur: quia sicut viror naturaliter delectatur visum corporis, sic bona naturaliter delectant animam. Custodit Domine, verus amor ab ambitione, quæ est, cum quis quærat sui exaltationem, & proximi dejectionem. Ut sic altior factus, à pluribus videri possit, & in admiratione haberi. Nam verus amor, sui exaltationem & proximi dejectionem non quærît. Custodit Domine verus amor ab amore nimio proprii boni; ex quo solet fieri, ut homini nullo modo cura sit de bonis proximi, imo cum scandalo sua repetat: quærît namque propria commoda, & negligit aliena. Verus autem amor, quæ sua sunt non quærît, sed quæ tua sunt, Domine.

2. Custodit etiam verus amor à maligna cogitatione super injuriis vindicandis: Talis autem cogitatio, quasi ferrum in vulnere semper hæret. Et ideo scribitur: Auferte malam cogitationem ab oculis meis. Verus namque amor, Domine, omnia remittit propter te; repellitque non solum actum, sed



sed etiam omnem cogitationem. Custodit Domine verus amor, ne gaudeat homo super iniquitate, quod est diabolicum, & signum magna corruptionis animæ, & elongationis à te, cum talis iniquitas summe tibi displiceat. Sed verus amor, Domine, semper gaudet de bono, & non de malo. O misericordissime Domine Iesu Christe, amantium custos fidelissime, dum præmissa omnia & singula mente revolve, sentio me à vero amore elongatum. Quia invidia plenus fui & sum, me ipsum exaltavi, & proximum dejeci. Me nimis dilexi, animum habui vindictæ cupidum, in malitia gaudium concepi. Et denique ad omne malum, propter amoris tui defectum, multipliciter pronus fui. Adjuva me, piissime Domine Iesu Christe, largitor & conservator amoris. Et da mihi verum amorem indelicientemque; ut ab iis, quæ tibi displiceant, abhorream; & quæ tibi placeant, recipiam, teneam, & adimpleam; ut in fine tuam gloriam perenniter & sine fine diligam, Amen.

## CAPVT XXVI.

*Quod amor in se continet doctrinam veritatis.*

I. **P**erfectus amor (clementissime Domine Iesu Christe, qui omnes perficis amantes) docet veritatem; quia in dilectione tota lex pendet & prophetæ. Quicquid latet, & quicquid patet in divinis sermonibus, & in tota sacra scriptura, dilectio ipsa comprehendit; Quia scriptum est:

A. P.

Ple-

Plenitudo legis est dilectio. Nam tota lex, imo tota scriptura, aut præcipit & consulit ea quæ faciunt ad tuam & proximi dilectionem, sicut patet in præceptis affirmativis; aut inhihet & dissuadet illa, quæ impediunt & dirimunt dilectionem, ut liquet in præceptis negativis. Quid ergo est quod scribitur: Qui proximum diligit, legem implet: nisi, quod qui diligit proximum, diligit & te Deum? Quia eadem est virtus & dilectio, qua quis utrumque diligit. Ut idem est radius, quo quis Solem & terram intuetur: sed illum in imo tuæ dilectionis radio diligit, te autem in illius summo. Aliarum autem rerum dilectio, qualis est in mundo, ô Domine Iesu Christe, Sol amoris, miserabilis profecto est & stulta, & exprobrabilis infania; quod scilicet relicto tuo amore, dilectioni aliarum rerum homo adhæreat. Sed benignissime Domine Iesu Christe, ad verum amorem reluctor ego gravissimus peccator, dando meipsum voluntarie quodammodo in reprobum sensum: tuam veram & animæ meæ contemnendo dilexi vanam voluptatem, interdum fortunam & temporalem facultatem non considerans, quod qui amat divitias, fructum non capiet ex eis.

2. Dilexi frequenter mundanam vanitatem, contra consilium scripturæ, dicentis: Filii hominum, ut quid diligitis vanitatem? Interdum dilexi irrationabiliter cognationem & propinquitatem meam plus quam te, & sic non eram te dignus. Qui amat patrem aut matrem plus quam te, non est te dignus.

Ali-

Aliquo  
am su  
ter co  
Et ideo  
niter,  
nem &  
stam,  
preher  
tiam t  
gis, q  
peram  
bilis &  
ptuar  
dam,  
miser  
miseri  
tem n  
forme  
recum  
verita  
Ame

1. A  
tix p  
quia  
ideo  
dilige  
regen  
Euan  
supu  
gis e

Aliquoties dilexi munera & dona, sæpe etiam superstitiones & deliramenta; frequenter contumelias, detractiões, ac convitia. Et ideo dignus eram ut maledictio mihi veniret, sicut scriptum est: Dilexit maledictionem & veniet ei. Dilexi interdum vindictam, & malitiam, & iniquitatem, quas reprehendit scriptura, dicens: Dilexisti malitiam super benignitatem, iniquitatem magis, quam loqui æquitatem. Ista fuit, ô superamande Domine Iesu Christe, miserabilis & iniqua vita mea, non attendens scripturam, dicentem: Nolite diligere mundum, nec ea quæ in mundo sunt. Sed tu misericors & miserator Domine, ignoscere misericorditer mihi dignare; & illustra mentem meam, ut te perfecte diligam, ut sic informetur anima mea doctrina veritatis; ut tecum, qui es amor & veritas, in amore & veritate vivam per infinita sæculorum sæcula, Amen.

## CAPVT XXVII.

*De amore, quo Deus diligit hominem.*

I. **A** Mantissime Domine Iesu Christe, tu diligis hominem, qui servat munditiæ puritatem. Simile enim suum diligit. Et quia tu purus es, & omnium maxime purus; ideo diligis puros, sicut scriptum est: Qui diligit cordis munditiam, habebit amicum regem. Sic enim dilexisti beatum Ioannem Evangelistam, de quo scribitur: Hic est discipulus ille, quem diligebat Iesus. Diligis etiam Domine hominem, qui tenet sa-

pietatis claritatem atque veritatem. Quia scriptum est: Neminem diligit Deus, nisi qui cum sapientia est; quia non potest venire commodum neque honor de amicitia stulti. Ideo Domine dilexisti Salomonem, sicut scribitur: Vocavit Dominus Salomonem, & dilexit eum. Diligis Domine Iesu Christe, amator innocentissime, illum qui amat innocentiam levitatem, sicut dicitur: Scio Domine Deus (ait David) quod probas renes & corda, & simplicitatem & non dolo-ritatem diligis. Diligis etiam Domine amicitiam amicitiae rependentem, & servantem amicitiae firmitatem, sicut tu Domine dixisti: Ego diligentes me diligo. Hoc namque iustum est, quod qui diligitur, diligat. Sic enim Moysem dilexisti, sicut scribitur: Dilectus Deo & hominibus Moyses.

2. Diligis Domine Iesu Christe, amantissimum liberalissime, illum, qui ostendit effectum beneficentiae suae largitatem. Quia hilarem datorem diligit Deus. Largi enim & pii diliguntur à te. Sicut patet etiam de Martha, cuius animus erat largitate & pietate fecundus. Ideo scribitur: Diligebat Martham Iesus. Diligis Domine illum, qui sectatur iustitiam & aequitatem, quia scriptum est: Qui sectatur iustitiam, diligitur à Domino. Sic enim dilexisti Domine Samuellem aequitate solidum, sicut scriptum est: Dilectus à Deo Samuel Propheta. O dulcissime Domine Iesu Christe, omnium perfecte amator, dum omnia praedicta in mentis meae secreto considero, erubescio, imo corde

corde  
in m  
sis pra  
ligere  
re. Se  
tiam c  
digner  
peccata  
tatione  
tionem  
me di  
infini  
Amen

1. I  
m  
excell  
tissim  
oleum  
dilecti  
Ista ve  
miner  
nomin  
despec  
stula,  
gentes  
tum f  
exigu  
perun  
quod  
nere

corde deficio præ timore: Quia non sentio in me miserabili peccatore aliquam ex causis prædictis, ob quam tu debeas me diligere, sed potius ob opposita odio habere. Sed tamen ad tuam immensam clementiam confidenter accedo, ut parcere mihi digneris, & remittere misericorditer omnia peccata mea. Et sic me disponere in cogitatione, locutione & opere, ut per innovationem tibi placeam; & causam habeas me diligendi: ut te diligentem me, per infinita sæculorum sæcula vicissim diligam, Amen.

## CAPVT XXVIII.

*Quod amor est excellentissima virtus.*

**I**Nter ceteras virtutes (benignissime Domine Iesu Christe, semper amabilis, excellentissime) vera dilectio est excellentissima; & ideo oleo comparatur: Quia sicut oleum aliis liquoribus supernat, sic vera dilectio alias virtutes vel gratias antecellit. Ista vera dilectio sic reddit tibi Domine hominem charum & preciosum, ut filius tuus nominetur. Qui autem illum non habet, despectus est, & erit coram te sicut stilla fistulæ, de quo & similibus scribitur: Ecce gentes quasi stilla fistulæ, & quasi momentum statera reputata sunt, & quasi pulvis exiguus. Scio Domine Iesu Christe, operum & virtutum astimator iustissime, quod licet talis exerceat opera de genere bonorum, parvi tamen valoris sunt,

sunt, si dilectionem non habeat; nec ex ipsis operibus, quantumcunque fuerint preciosa, obtinere valebit regnum celorum, nisi ea faciat in dilectione & amore. Hac enim vera dilectio unit hominem tibi tanquam capiti, & fidelibus tanquam membris. Ideo hac unio valde chara debet esse homini. Sicut enim unitas, quæ est inter caput & corpus, diligitur; sic etiam incomparabiliter diligere debet unitas, quæ est ex vera dilectione inter te & hominem; & abscissionem & separationem tantæ veritatis summopere cavere debet homo, & fugere plus quam proprii capitis abscissionem. Sine hac vera dilectione, nullum verum bonum adest homini; imo in vanum & frustra habentur cetera bona, saltem quantum ad salutem æternam obtinendam. Si autem homini adsit vera dilectio, habet omnia bona vel in se, vel in aliis.

2. Vera dilectio, Domine, est scientia & sapientia, de qua scribitur: Dilectio Dei honorabilis sapientia. Vnde non solum scientia esse videtur, quia scientia in multis hominem regere non potest, vera autem dilectio potest. O misericordissime Domine Iesu Christe, amantium rector & gubernator, quoties hanc unionem veræ dilectionis ego miser & sceleratus divisi & fregi perpetracione multorum & diversorum peccatorum! Et proinde opera mea inutilia feci, & tempus mihi datum ad operandum bonum peridi. Adjuva me piissime Domine, & dele iniquitates meas. Et reforma in me veram dilectionem, qua mediante opera talia hic impleam,

pleam  
dem p

1. O  
amore  
proxim  
ad te e  
nia. S  
est pro  
tus, t  
rnat p  
ralia e  
natur  
contu  
amor  
cum t  
ra. A  
metu  
te oro  
paren  
tur, n  
aman  
pta a  
Et lig  
amor  
ligit  
non  
dilige  
ober  
2.  
Iesu

pleam, quo ad regnum amoris æternum tandem perungere valeam, Amen.

## CAPVT XXIX.

*De amore Dei & proximi.*

1. **O**Rdinata dilectio (clementissime Domine Iesu Christe, qui omnia per amorem ordinas) est amor verus ad te, & proximum. Nam hominis amor ordinatus ad te est, si te amet propter te, & super omnia. Si autem amor quo quisquam te amat, est propter temporalia, non est amor ordinatus, sed tibi contumeliosus. Quia qui te amat propter temporalia, plus amat temporalia quam te. Vnde cum tali amore preponatur creatura tibi creatori, non est hoc sine contumelia & offensa tui. Non enim est amor ordinatus, nisi tu super omnia ameris, cum tu in infinitum melior sis omni creatura. Amor vero proximi ordinatus est, si ametur proximus propter te, & quia æque ad te ordinate amandum creatus est. Si autem parentes aut propinqui plus quam tu amantur, non est talis amor ordinatus: neque sic amans est te dignus. Duo enim sunt precepta à te nobis data: Dilectio Dei & proximi. Et licet duo sint precepta, tamen unus est amor, quia alius amor non est quo quis diligit proximum, & quo diligit te, alioquin non esset propter te. Nec potest te quisquam diligere, qui in proximi dilectione nescit oberrare.

2. Cogitatio namque hominis, Domine Iesu Christe, veræ dilectionis ordinator,



semper debet esse ad te diligendum, & proximum: te quidem ex toto corde, & ex tota anima, & ex tota mente; proximum autem sicut seipsum: ut scilicet caveat inferre proximo, quæ sibi inferri nollet: & impendat ei beneficia quæ sibi vellet impendi. Ista namque, benignissime Domine, semper sunt attendenda, semper cogitanda, semper retinenda, & semper totis viribus exercenda, & adimplenda. Per amorem autem proximi cognoscitur amor tuus, Domine, conservari & nutrir: nam qui vere te amare negligit, diligere proximum nescit. O misericordissime Domine Iesu Christe, qui solam amas ordinatam dilectionem, quid dicam aut quid faciam ego durissimus peccator, qui præ maxima duritia cordis mei non te ordinate dilexi, neque proximum propter te; sed frequenter propter utilitatem propriam consequendam, aut damnum evitandum: & ita non fuit in me verus amor, sed adulterinus. Auxiliari mihi digneris, piissime Domine Iesu Christe, charitatis & pæchæ dilectionis ordinator, parcendo mihi peccatori, & misericorditer impertiendo immensam clementiam tuam, & cor meum lapideum sic mollificando, ut ad te tota mente converterat, te diligam, & proximum propter te; ut tecum in ordinata charitate vivam in æternum, Amen.

## CAPVT XXX.

*De amore inimicorum.*

1. **M**Agnum est, (dulcissime Domine Iesu Christe, qui nihil odis) si erga hominem, qui nihil mali mihi fecit, sum benevolus, & pacificus. Sed Domine, illud multo majus est, & magnificentissimæ benignitatis tuæ similis, si meum diligam inimicum, & ei, qui malum mihi intulit, & adhuc inferre vult, si possit: bonum semper velim, & faciam si possim: à tua gratia & benigne Domine hoc procedit. Nihil tibi in natura similis est, quam homo, qui malevolis & inimicis ludentibus placabilis est. Qui enim diligit inimicum, imitatur te, qui dilexisti nos cum adhuc inimici essemus. Et non solum dilexisti, sed & tunc pro nobis mori morte turpissima voluisti, & pro crucifixoribus rogasti. Nobis quoque præcepisti, ut inimicos diligeremus, sicut scriptum est: Diligite inimicos vestros, & benefacite iis, qui oderunt vos. Et sequitur præmium, quod promittis. Ut sitis filii Patris vestri, qui in calis est. Vna namque est & summa (Domine Iesu Christe, cui proprium est misereri & parcere) probatio dilectionis, si nos cum diligamus, qui nobis adversatur, & bona nostra impendit. Probari etiam solet dilectio per solam odii adversitatem. Vnde sicut homo vincitur humana felicitate, sic diabolus vincitur inimici dilectione.

2. O Domine Iesu Christe, in amo-

A a s

rem

tem misericordissime, & in misericordia  
 amantiſſime; ſcio, quod ſeparatio à re,  
 mors eſt anima: & contra, unio per dile-  
 ctionem tecum, vita. Sicut igitur quilibet  
 naturaliter amat vitam corporalem, & mor-  
 tem timet: ſic & amare debet veram dile-  
 ctionem, & vitare odium. Quia, qui non  
 diligit, manet in morte: in morte enim  
 culpa jam talis eſt, & debitor eſt mortis  
 æternæ. O clementiſſime Domine Ieſu  
 Chriſte, à quo exulare non poteſt amor,  
 licet tibi non ſint occulta, qua ego nefan-  
 diſſimus peccator geſſi; tamen corde & ore  
 confeſſor, me inique vixiſſe, & præ mea  
 malitia & iniquitate, vera dilectione carniſſe.  
 Inter alia, Domine, qua male concepi &  
 egi, eſt quod inimicum odio habui. Et licet  
 ſcirem ex mandato tuo, quod eum diligere  
 deberem, vilipendi tamen & ſprevi manda-  
 tum tuum. Simultatem contra multos con-  
 cepi, & conceptam corde & animo comple-  
 vi. Et ſi quandoque factò non compleve-  
 rim, ad detractiões tamen & infamationes  
 proceſſi. Succurre mihi, piſſime Domine  
 Ieſu Chriſte, per tuum benedictum & miſe-  
 ricordem amorem, veniam mihi conceden-  
 do, ut vitam meam miſerabilem emendem:  
 & ſic te diligam, & alios propter te, ut hic  
 amor nunquam deficiat, ſed in vitam perdu-  
 ret ſempiternam, Amen.

## CAPVT XXXI.

*Contra amorem sui ipsius.*

I. **Q** Vis est (benignissime Domine Iesu Christe, per quem & cum quo æternus processit amor) qui te vere diligit? Credo & scio Domine, quod ille solus novit se vere diligere, qui veraciter te amet, & sedulo agit, ut te, qui es summum & verum bonum, amando fruatur. A te Domine manat vera amicitia, quam non temporalibus commodis, sed gratuito amore metiri convenit. Nemo enim potest veraciter seipsum amare, qui te veraciter non amaverit. Nam te amando, seipsum amat; te autem non diligendo, seipsum non diligit. Quia amor proprius & privatus, oculum mentis vehementer claudit; & est omnium causa, radix, & fomes malorum. O Domine Iesu Christe, Sol unde fluunt radii amoris, quanta insania plenus est ille, qui solummodo seipsum amat! Nam talis perversio amoris, est fundamentum abjectæ charitatis, & crescit usque ad contemptum tui. Duo namque amores civitates duas faciunt, scilicet Hierusalem & Babylonem. Cælestem Hierusalem facit amor tui usque ad contemptum sui; sed infernalem Babylonem facit amor sui usque ad contemptum tui.

2. O iniquum & perversum amorem, qui sic me miserum peccatorem colligavit & incitavit, ut verum amorem abjicerem & contemnerem; & se toto corde

am-

amplecterer, se desiderarem, se tenerem, se uterer toris viribus: & se celando in occulto pectoris, in culpam facile pravi cordis laberer & operis. O misericordissime Domine Iesu Christe, qui solus amari dignissimus es, quid faciam ego iniquissimus peccator? Quem amatorem potero invenire, qui me diligat, cum nullum dilexerim nisi meipsum, & in peccatis innumerabilibus vixerim? Quis me liberabit à ventura ira, à rugientibus preparatis ad escam, & à laqueo infernali? Meipsum juvare non possum, neque te requirere audeo, cum te non dilexerim. Imo quia neminem dilexi, neminem audeo in adiutorium meum invocare. Sed ad tuam immensam pietatem recurro; ô amor, qui errantes reducis; qui misericors es & miserator, & neminem vis perire, sed salvas sperantes in te. Succurre ergo mihi, & da veniam de peccatis; & gratiam, ut nunquam me respiciam, sed te, vel me in te; ut diligam te toto corde, nec à tua dilectione unquam recedere valeam, sed ipsam conservem nunc, & in vitam sempiternam, Amen.

## CAPVT XXXII.

*Contra amorem mundi.*

I. **S**Cio & expertus sum ego ingrati-  
mus peccator, (clementissime Domine Iesu Christe, supercelestis amator) quod amor mundi, animas, quas ingreditur, quietas esse non patitur: semper enim suspicionibus vanisque terroribus sollicitat eas.

Talis

Talis  
tores  
sed  
ne ex  
tuo a  
nequa  
nit: q

2.  
confi  
undic  
si per  
mato  
pollu  
te De  
lit, te  
cipit.  
ner  
Non  
net,  
nem v  
muta  
vertit  
tur,  
sum t  
bitat.

3.  
increa  
creatu  
propr  
toria  
tione  
pro g  
virtut  
serico

Talis namque amor mundanus premit amatores suos, & non adducit eos ad bonum; sed qui tali amore uritur, à tuo amore Domine excluditur. Talis amor mundanus cum tuo amore non jungitur, nec ei congruit, neque ad societatem filiorum tuorum pervenit: qui se à carnali generatione non dividit.

2. Amor mundi Domine sese cum suis consolationibus, ne dicam desolationibus, undique ingerit: per auditum namque, quasi per fenestras irruit: & mentes suorum amatorum vehementer occupat. Animam polluit, charitatem violat, proximum lædit; te Dominum spernit, amorem tuum repellit, totum hominem capit, ac eundem decipit. Cum labente labitur: & cum cum tenere quispiam credit, de facili evanescit. Non consolatur, sed contristat; non permanet, sed fugit. Ejus dulcedo in amaritudinem vertitur; ejus pulchritudo in horrorem mutatur: ejus desiderium in pœnam convertitur. Qui hujusmodi amorem amplectitur, decipitur, & præcludit sibi ipsi ingressum tui amoris: quia ubi amor mundi inhabitat, non ingreditur amor tuus.

3. O benignissime Iesu Christe, amor increate, vix mihi impiissimo peccatori, qui creaturam amando, te creatorem deserui, propter condita conditorem reliqui, transitoria dilexi, & sempiterna sprevi. Desolationes pro consolationibus suscepi, pœnam pro gloria, mortem pro vita, peccatum pro virtute, & mendacium pro veritate. O misericordissime Domine, respicere me dignare oculo

oculo pietatis & misericordiae, & mihi misericorditer ignoscere. Aufer à me amorem facili; & da mihi gratiam, ut te amem & diligam corde & opere: nec ab amore tuo separer, sed in ipso permaneam in perpetuum, Amen.

## CAPVT XXXIII.

*Contra amorem divitiarum.*

1. **C**erta experientia didici (benignissime Domine Iesu Christe, sine mensura in amore dives) quod nihil laboriosius est in hoc mundo, quam terrenis æstuarè desideriiis. Nam terrenarum divitiarum amor infatigabilis est; & longe amplius desiderio torquet animam, quam refrigeret usu suo. Taliū quoque divitiarum acquisitio, magni laboris est; possessio magni timoris: & amissio, magni doloris. Qui illas amat, te Dominum amare non potest! sed cum ipsis labentibus, labitur in perditionem: & qui eis innititur per amorem, cum ipsis defluit in mærorem. Qui enim eas invenit, requiem perdit; & cum vigilat, augmentum cogitat: cum dormit, fures somniat. In die est afflictiis, & in nocte pavidus, semper autem mendicis. O clementissime Domine Iesu Christe, cujus amor nullum fallit; video per effectum, quod laqueus est in auro, viscum in argento, & pedica in prædio. Quia qui aurum petit, strangulatur; quia argentum, visco hæret: & qui prædia, alligatur. Qui mane quarrit lucrum, vespere reperit animæ detrimentum, & sic deperit quicquid agitur.

2. Ad



2. Ad tuum Domine extremum iudicium sine ulla temporis interapedine & continue volens nolens properat : & amat quod necessario relinquit ; id vero negligit , ad quod necessario pervenit. Amat namque illa , quæ possessa onerant , amata inquinant , & amissa cruciant , quæque arētius parta quam concupita constingunt. O misericordissime Domine Iesu Christe , qui solus vere amandus es , ego nefandissimus peccator , quæ scripsi & scribo , scivi & veraciter scio talia esse. Sed tanta est malitia mea & iniquitas , ingratitude & superbia , quod omnia tibi placita consilia & præcepta tua protervo animo contempni & sprevi ; & ad miseras divitias mundi , cor meum penitus inflexi. Illas concupivi & desideravi : & ut eas acquirerem , laboravi , & ad hoc ipsam vigilavi ; & quascunque vias adinvenire valui , adinveni. O piissime Domine , adjuvare me digneris ; & delere tua maxima misericordia omnia peccata mea ; segregare mentem meam à desideriis terrenis ; elevare illam ad divitiarum coelestium desiderium , quæ in solo tuo consistunt amore : ut eas auxilio tuo consecutus , te perpetuo diligam , & tuo amore fruam in sæcula sæculorum , Amen.

## CAPVT XXXIV.

*Contra amorem perversum mulierum.*

1. **A** Mor carnalis ( benignissime Domine Iesu Christe , spiritualis amator , & vere in spiritu & spiritualiter amande ) insatiabilis est. Quia extinctus reaccenditur , & post

post copiam rursus inops, animus non  
viridem effeminat; & præter passionem  
quam sustinet, nihil sinit aliud cogitare:  
quia rationis oblivio est, & insanix est proxi-  
mus. Talis perversus amor turbat consilia,  
altos & generosos spiritus frangit; à magnis  
& altitudinis cogitationibus ad parvas & hu-  
millimas attrahit, iracundos & temerarios  
facit. Insuper, qui tali amori conjungitur,  
tentationibus communis subiacet. Talis amor  
est laqueus animæ, discrimen vitæ, mors sua-  
vis, blanda percussio, interfectio leniens,  
mel fœlicum, pernicies delicata, dulce vene-  
num, malum spontaneum, sapida jugulatio,  
& omnium rerum calamitas. Nam Adam  
& Evam de paradisi delitiis eiecit, cœlestis  
terrenos fecit, humanum genus in infernum  
demersit. Vitam abstulit mundo, laborem  
& pressuram invenit, & malum quod ad  
mortem perducit. Fœdat pueritiam, perdit  
juventutem, & incitat ac inquietat emor-  
tuam carnem, & senectutem.

2. Talis amor (Domine Iesu Christe, san-  
ctitatis, munditiæ, & puritatis amator, est  
veræ amicitix inimicus, ineffugabilis pœna;  
noxium malum, naturalis tentatio, deside-  
rabilis calamitas; domesticum periculum;  
mali natura, boni colore depicta; continua  
solicitude, indeficiens pugna, quotidianum  
damnum; domus tempestatum, solitudinis  
& orationis impedimentum; continentis  
viri naufragium, adulterii las, perniciosum  
prælium, & pondus gravissimum. O miseri-  
cordissime Domine Iesu Christe, casti con-  
ditor

ditor amoris, qui me de nihilo creasti, & tuo preciosissimo sanguine redemisti; tuam misericordiam supplex imploro, corde & opere efflagito, ut cor meum fragile longe facias à tali amore.

3. Erue me à tanto periculo, defende me à tam miserabili casu: protege me à tanta circumventionem inimici. Libera me, misericordissime Domine, à tanto laqueo perditionis. Da mihi fortitudinem resistendi, concede mihi veniam peccatorum. Eleva mentem & cor meum, ut te amem & timeam, tibi placeam & serviam: te verum Deum, corde, ore, & opere confitear, & agnoscam, & à tua infinita misericordia me non repellas. Fac me perseverare in bonis & tibi acceptis operibus, ut in præsenti sic vivam, & semper ad ulteriora procedam; in fine hujus transitoriae vitæ meæ, vitam inveniam in amore tuo sempiternam, Amen.

*Finis Contemplationum Idiota de  
amore divino.*



*Handwritten text, mostly illegible due to ink bleed-through and fading. Visible fragments include "Sicut erat", "in hoc", and "E b".*

# I N D E X

## CAPITVM

### MEDITATIONVM

D. AVR. AVGVSTINI,  
Hipponensis Episcopi.

|   |        |
|---|--------|
| <b>I</b> nvocatio Dei omnipotentis ad morum & vite<br>reparationem.   | Cap. x |
| Hominis accusatio, & commendatio misericordis<br>divine,  | 2      |
| Hominis conquestio, qui propter inobedientiam à<br>Domino non auditur,  | 3      |
| Iudicii timor,  | 4      |
| Invocatur Pater per Filiam,   | 5      |
| Hic representat homo Patri passionem Filii,   | 6      |
| Hic recognoscit homo se causam esse passionis,  | 7      |
| Hic exponit homo Deo Patri passionem Filii in sui<br>reconciliationem,  | 8      |
| De invocatione Spiritus sancti,   | 9      |
| Oratio servi Dei de se humiliter sentientis,  | 10     |
| Oratio ad sanctam Trinitatem,   | 11     |
| Confessio omnipotentis Dei, & maiestatis ejusdem,   | 12     |
| Qualiter generi humano dignatus est subvenire<br>Deus Pater, & de Verbi incarnatione, & gratia-<br>rum actione, | 13     |
| De fiducia quam habere debet anima in Domino<br>Iesu atque eius passione,                                       | 14     |
| De immensa charitate Patris atque ad<br>manum,  | 15     |
|   | D3     |

|  |  |    |
|--|--|----|
|  | <i>De duplici Christi natura , qui nobis miseretur , &amp; pro nobis interpellat ,</i>                             | 16 |
|  | <i>De gratia quam habere debet homo Deo pro beneficio redemptionis ,</i>   | 17 |
|  | <i>Oratio devotissima ad Christum ,</i>  | 18 |
|  | <i>Hic distinguit inter sapientiam qua domus Dei est , &amp; sapientiam qua divina est ,</i>                       | 19 |
|  | <i>Hic orat homo , ut ipsa quoque domus Dei oret pro eo ,</i>  | 20 |
|  | <i>Quantis amaritudinibus vita ista sit respersa ,</i>   | 21 |
|  | <i>De felicitate vite , quam preparavit Deus diligentibus se ,</i>   | 22 |
|  | <i>De felicitate anime sancte hinc exeuntis ,</i>  | 23 |
|  | <i>Oratio ad Sanctos , ut nobis succurrant in periculis ,</i>  | 24 |
|  | <i>Anime desiderium ad civitatem supernam Hierusalem ,</i>   | 25 |
|  | <i>Hymnus de gloria paradisi , Petri Damiani Cardinalis Ostiensis , ex dictis B. Augustini ,</i>                   | 26 |
|  | <i>Laus continua quam facit anima , ex contemplatione superna divinitatis ,</i>                                    | 27 |
|  | <i>Quid sit quodammodo Deum cernere &amp; tenere , &amp; qualiter sit de Deo sentiendum ,</i>                      | 28 |
|  | <i>Oratio explicans plurimas Dei proprietates ,</i>  | 29 |
|  | <i>De pluralitate personarum &amp; unitate in Deo ,</i>  | 30 |
|  | <i>Oratio ad Sanctam Trinitatem ,</i>  | 31 |
|  | <i>Quod Deus vera &amp; summa vita est ,</i>   | 32 |
|  | <i>Laus Angelorum &amp; hominum ,</i>  | 33 |
|  | <i>Hic conqueritur homo quod non compungitur in contemplantione , ex quo Angeli quoque tremunt Deum videntes ,</i> | 34 |
|  | <i>Oratio cor multum movens ad devotionem , &amp; divinum amorem ,</i>   | 35 |
|  | <i>Oratio devotissima ad laudes habendas ,</i>   | 36 |

|   |    |
|---|----|
| <i>In ista oratione mens humana copiosius compungi-</i> |    |
| <i>tur, si in quiete dicatur,</i>                       | 37 |
| <i>Oratio in tribulatione,</i>                          | 38 |
| <i>Oratio multum devota ad Filium.</i>                  | 39 |
| <i>Oratio utilis,</i>                                   | 40 |
| <i>Oratio devota de recordatione passionis Christi,</i> | 41 |



# INDEX

I  
S O  
D  
D  
De ad  
De mo  
Quid  
De cas  
De mu  
De dig  
De om  
De me  
De spe  
De laq  
De mi  
Quod  
in ex  
Quod  
De Dia  
Quod  
De ben  
De fer  
Quod  
Quod  
ligit  
Quod  
mar

# I N D E X

## C A P I T V M

### S O L I L O Q V I O R V M

D. Augustini Hipponensis Episcopi.

|   |        |    |
|---|--------|----|
| <b>D</b> E ineffabili dulcedine Dei ,   | Cap. I | 2  |
| De miseria & fragilitate hominis ,  |        | 2  |
| De admirabili lumine Dei ,  |        | 3  |
| De mortalitate humana natura ,  |        | 4  |
| Quid sit nihil fieri ,  |        | 5  |
| De casu anima in peccatis ,   |        | 6  |
| De multiplicibus beneficiis Dei ,   |        | 7  |
| De dignitate hominis futura ,   |        | 8  |
| De omnipotentia Dei ,   |        | 9  |
| De incomprehensibili laude Dei ,  |        | 10 |
| De spe erigenda ad Deum ,   |        | 11 |
| De laqueis concupiscentiarum ,  |        | 12 |
| De miseria hominis & beneficiis Dei ,   |        | 13 |
| Quod Deus perpetua inspectione considerat opera & intentiones hominum ,             |        | 14 |
| Quod homo per se nihil potest sine divina gratia ,                                  |        | 15 |
| De Diabolo & multiplicibus tentationibus ejus ,                                     |        | 16 |
| Quod Deus est lux justorum ,  |        | 17 |
| De beneficiis Dei ,   |        | 18 |
| De fervore dilectionis , vel charitatis ,   |        | 19 |
| Quod Deus subjecit omnia servituti hominum ,  |        | 20 |
| Quod ex consideratione bonorum temporalium colligitur magnitudo cœlestis consilii , |        | 21 |
| Quod divina dulcedo omnem presentem mundi amaritudinem tollit ,                     |        | 22 |



|   |    |
|---|----|
| <i>Quod rota spes nostra &amp; desiderium cordis nostri de-</i><br><i>beat esse in Deum ,</i>           | 23 |
| <i>Quod salus nostra ex Deo est ,</i>   | 24 |
| <i>Quod voluntas humana inefficax sit ad bona opera</i><br><i>sine divina gratia ,</i>                  | 25 |
| <i>De antiquis beneficiis Dei ,</i>   | 26 |
| <i>De Angelis deputatis ad custodiam hominum ,</i>  | 27 |
| <i>De profunda prædestinatione, &amp; præscientia Dei,</i>  | 28 |
| <i>De illis , qui prius sunt iusti , &amp; postea impii effi-</i><br><i>ciuntur, &amp; è converso ,</i> | 29 |
| <i>Quod anima fidelis sit sanctuarium Dei ,</i>   | 30 |
| <i>Quod neque per sensus exteriores , neque interiores</i><br><i>inveniri potest Deus ,</i>             | 31 |
| <i>Confessio vera fidei,</i>  | 32 |
| <i>De confessione propria vilitatis ,</i>   | 33 |
| <i>Consideratio divine majestatis ,</i>   | 34 |
| <i>De desiderio &amp; siti anime ad Deum ,</i>  | 35 |
| <i>De gloria cœlestis patriæ ,</i>  | 36 |
| <i>Oratio ad sanctam Trinitatem ,</i>   | 37 |

## INDEX

I N D E X  
CAPITV M  
M A N V A L I S  
D I V I  
AVRELII AVGVSTINI

Hipponensis Episcopi.

|          |   |       |
|----------|---|-------|
| <b>P</b> | <i>Rafatio ejusdem.</i>                                   |       |
|          | <i>De mirabili essentia Dei ,</i>                         | Cap 1 |
|          | <i>De indicibili scientia Dei ,</i>                       | 2     |
|          | <i>De desiderio anima sitientis Deum ,</i>                | 3     |
|          | <i>De miseria anima , qua Dominum nostrum Iesum</i>       |       |
|          | <i>Christum non amat , nec querit ,</i>                   | 4     |
|          | <i>De desiderio anima ,</i>                               | 5     |
|          | <i>De felicitate anima , à terreno carcere resoluta ,</i> | 6     |
|          | <i>De gaudio Paradisi ,</i>                               | 7     |
|          | <i>De regno calorum ,</i>                                 | 8     |
|          | <i>Quomodo post nimios ploratus mœstam animam</i>         |       |
|          | <i>consolatur Deus ,</i>                                  | 9     |
|          | <i>De dulcedine divini amoris ,</i>                       | 10    |
|          | <i>De preparatione nostra redemptionis ,</i>              | 11    |
|          | <i>De gaudio ,</i>  | 12    |
|          | <i>Quod verbum incarnatum sit causa spei nostre ,</i>     | 13    |
|          | <i>Quod quanto major sit de Deo meditatio , tanto sit</i> |       |
|          | <i>&amp; dulcior ,</i>                                    | 14    |
|          | <i>Quod desideranda sint pro Christo tribulationes in</i> |       |
|          | <i>hac vita ,</i>   | 15    |
|          | <i>Quomodo regnum cœlorum possit acquiri ,</i>            | 16    |
|          | <i>Quid sit &amp; quid habeat Paradisus ,</i>             | 17    |
|          | <i>Quod homo non valet Deo vicem reddere , nisi per</i>   |       |
|          | <i>amorem ,</i>   | 18    |

|   |    |
|---|----|
| <i>Quod in nobis Deus requirat sibi simile,</i>   | 19 |
| <i>De confidentia animæ amantis Deum,</i>   | 20 |
| <i>Quid fecit Deus propter hominem,</i>   | 21 |
| <i>De recordatione vulnerum Iesu Christi D. N.</i>                                      | 22 |
| <i>Quod recordatio vulnerum Christi est efficax remedium contra omnes adversitates,</i> | 23 |
| <i>Meditatio ad amorem Christi,</i>   | 24 |
| <i>Nihil potest anima sufficere præter summum bonum,</i>                                | 25 |
| <i>Quid sit cognitio veritatis,</i>   | 26 |
| <i>Quid in nobis operetur missio Spiritus sancti,</i>                                   | 27 |
| <i>De operatione ejus qui diligit Deum,</i>   | 28 |
| <i>De vera cordis requie,</i>   | 29 |
| <i>Quicquid mentis aspectum à Deo retrahit, omnino fugiendum est, atque execrandum,</i> | 30 |
| <i>Quod visio Dei perdita sit propter peccatum, &amp; miseria inventa sit,</i>          | 31 |
| <i>De bonitate Dei,</i>   | 32 |
| <i>De delectabili fruitione Dei,</i>  | 33 |
| <i>Summum bonum appetendum est,</i>   | 34 |
| <i>De mutua charitate Sanctorum in cælis,</i>   | 35 |
| <i>De pleno gaudio vitæ æternæ,</i>   | 36 |

I N D E X  
CAPITVVM  
MEDITATIONVM  
B. ANSELMI.

De redemptione generis humani.

LIBRI I.

|          |  |        |
|----------|--|--------|
| <b>Q</b> | <i>Vid sit virtus salvationis, &amp; ubi,</i>            | Cap. 1 |
|          | <i>Cur sit occulta, &amp; tam diu dilata,</i>            | 2      |
|          | <i>Qua &amp; cujus necessitate se sic humiliavit,</i>    | 3      |
|          | <i>Quomodo dicatur factus obediens, &amp; hujusmodi,</i> |        |
|          | <i>cum sola libera voluntate hoc fecerit,</i>            | 4      |
|          | <i>De meditatione circa hoc, &amp; de quo gaudendum</i>  |        |
|          | <i>circa passionem Christi,</i>                          | 5      |
|          | <i>De beneficiis homini à Christo exhibitis,</i>         | 6      |
|          | <i>De gratiis agendis super his,</i>                     | 7      |

LIBRI II.

|          |   |        |
|----------|---|--------|
| <b>Q</b> | <i>Vanam à Deo oranda,</i>                                  | Cap. 1 |
|          | <i>Dei misericordiae &amp; bonitatis ad nostram in-</i>     |        |
|          | <i>dignitatem applicatio,</i>                               | 2      |
|          | <i>Indignitatis nostrae exaggeratio,</i>                    | 3      |
|          | <i>Quom in nostra indignitate nihil aliud quam de-</i>      |        |
|          | <i>speratio inveniatur: Dei hac summa bonitas at-</i>       |        |
|          | <i>que dulcedo predicatur,</i>                              | 4      |
|          | <i>Quomodo nos Deus, ad perseveranter quarendum</i>         |        |
|          | <i>occultorum suorum judiciorum dulcedinem, in-</i>         |        |
|          | <i>citet,</i>   | 5      |
|          | <i>De vero intercessore, atque instituti hujus disposi-</i> |        |
|          | <i>tore,</i>  | 6      |

B b s

Re-

*Redemptoris innocentis, perditı nocentis, inter se  
comparatio; ac hujus renovatio,* 7

*Qualiter sese creatura renovata patri caelesti in sa-  
crificium totam offerat, eique ad serviendum cu-  
piat consecratam,* 8

*Orationes.*



INDEX

I N D E X  
 C A P I T U M  
 M E D I T A T I O N U M  
 D. BERNARDI.

|  |        |
|--|--------|
| <b>D</b> <i>E dignitate hominis ,</i>                          | Cap. 1 |
| <i>De miseria hominis , horrore mortis &amp; distri-</i>       |        |
| <i>ctione iudicis supremi ,</i>                                | 2      |
| <i>De dignitate anima , &amp; vilitate corporis ,</i>          | 3      |
| <i>De premio patriæ cœlestis ,</i>                             | 4      |
| <i>De quotidiano sui ipsius examine ,</i>                      | 5      |
| <i>De attentione orationis tempore habenda ,</i>               | 6      |
| <i>De custodia cordis , &amp; studio orationis ,</i>           | 7      |
| <i>De incuria seu negligentia inter orandum detesta-</i>       |        |
| <i>tione ,</i>   | 8      |
| <i>De instabilitate cordis humani ,</i>                        | 9      |
| <i>De impatientia correctionis &amp; accusatione proprio-</i>  |        |
| <i>rum defectuum ac vitiorum ,</i>                             | 10     |
| <i>De individuo comitatu conscientia nos ubique re-</i>        |        |
| <i>mordentis ,</i>   | 11     |
| <i>De tribus inimicis hominis , carne , mundo , &amp; dia-</i> |        |
| <i>bolo ,</i>  | 12     |
| <i>De impugnatione trium dictorum inimicorum ,</i>             | 13     |
| <i>De desiderio patriæ cœlestis , &amp; summa ejusdem fe-</i>  |        |
| <i>licitate ,</i>  | 14     |
| <i>De brevi vita hominis ,</i>                                 | 15     |

# I N D E X

## CAPITVM

### I N I D I O T Æ

#### CONTEMPLATIONES

de Amore divino.

|  |        |
|--|--------|
| <b>Q</b> uid sit amor,                       | Cap. 1 |
| Vnde oriatur amor Dei,                       | 2      |
| Qualiter nos Deus dilexit,                   | 3      |
| Qualis est amor Dei,                         | 4      |
| De violentia amoris Dei,                     | 5      |
| Quomodo cognoscit anima se diligi à Deo,     | 6      |
| De operatione amoris Dei,                    | 7      |
| De magnitudine amoris Dei,                   | 8      |
| De causa diligendi Deum,                     | 9      |
| Qualiter Deus diligatur,                     | 10     |
| De triplici modo diligendi Deum,             | 11     |
| Quid sit diligere Deum ex toto corde,        | 12     |
| Quid sit diligere Deum ex tota anima,        | 13     |
| Quid sit diligere Deum ex tota mente,        | 14     |
| Quod amor est fortis armatura animæ,         | 15     |
| Quod per amorem peccatum dimittitur,         | 16     |
| Quod amor est via rectissima ad Deum,        | 17     |
| Quod amor obtinet, quæ iuste petuntur à Deo, | 18     |
| Quod amor Dei defendit & liberat à malis,    | 19     |
| Quod amor reficit hominem,                   | 20     |
| Quod amoris Dei est insistentum,             | 21     |
| De utilitate & facilitate amoris Dei,        | 22     |
| Quod diligere Deum, est summe leve,          | 23     |
| Quod amor est vestis preciosa animæ,         | 24     |
| Quod   |        |



|   |    |
|---|----|
| <i>Quod amor à malis animam custodit ,</i>            | 25 |
| <i>Quod amor in se continet doctrinam veritatis ,</i> | 26 |
| <i>De amore , quo Deus diligit hominem ,</i>          | 27 |
| <i>Quod amor est excellentissima virtus ,</i>         | 28 |
| <i>De amore Dei &amp; proximi ,</i>                   | 29 |
| <i>De amore inimicorum ,</i>                          | 30 |
| <i>Contra amorem sui ipsius ,</i>                     | 31 |
| <i>Contra amorem mundi ,</i>                          | 32 |
| <i>Contra amorem divitiarum ,</i>                     | 33 |
| <i>Contra amorem perversum mulierum ,</i>             | 34 |



INDEX

I N D E X  
in hunc  
DIVINI AMORIS  
FASCICVLVM.

A.

**A**ccusatio hominis, & divinæ misericordiæ commemoratio, 8, 244, 248

**Adversitates**, *V. Passio Christi.*

**Amaritudo**, *V. Dulcedo.*

**Amoris divini dulcedo**, 211. **Meditatio ad amorem Dei inflans**, 226. Non valet homo vicem Deo reddere nisi per amorem, 220. **Amantis Deum confidentia**, 159, 222. **Amoris Dei magnitudo**, 337. **Amor obtinet quæ à Deo iuste petuntur**, 355. **Utilitates ex amore Dei**, 361. **Amor Dei à malis tum impedit, tum liberat**, 356. **Reficit hominem**, 358. **Est via ad Deum rectissima**, 353. **Iugum leve est**, 364. **Veritatis doctrinam in se continet**, 369. **Qualiter Deus diligatur**, 341. **Per amorem peccatum dimittitur**, 351. **Dei amori insistentum**, 360. **Dei & proximi amor**, 375. **Quem Deus hominem diligit**, 371. **Amor Dei vestis est preciosissima**, 366. **Est animæ fortitudo**, 356. **Causa amandi Deum**, 339. **Quid sit Deum ex tota anima diligere**, 346. **Quid sit Deum diligere ex toto corde**, 344. **Amor Dei**  
quid

# INDEX.

- quid sit , 324. qualis , 330. Triplex  
 modus diligendi Deum , 342. Amor  
 est virtus excellentissima , 373. Amoris  
 divini violentia , 331. Qualiter Deus  
 nos amârit , 330. Vnde oriatur amor  
 Dei , 326. Quomodo possit anima scire se  
 à Deo diligî , 333  
 Angeli ad hominis custodiam deputati , 172  
*V. Laus.*  
 Animæ dignitas , 279. Fœlicitas animæ hanc  
 vitam exuentis , 49, 207. Anima divinita-  
 tem supernam laudat , 55. Dei sanctua-  
 rium est anima fidelis , 175. Animæ de-  
 sideria , 206. Desiderium animæ ad super-  
 nam Hierusalem , 52. Animæ deside-  
 rium erga Deum , 190. Anima Deum  
 firiens , 203. Animæ fortitudo , amor  
 Dei , 356

## B.

- B**eneficia Dei homini impensa , 28, 136,  
 150, 164, 253. Deo gratiæ agenda pro  
 beneficiis , 28, 37, 253. Multiplicia bene-  
 ficia , 124, 136  
 Bonitas Dei , 236, 237, 249  
 Bonum summum appetendum , 238. Sum-  
 mum bonum animam tranquillam fa-  
 cit , 86, 228, 232

## C.

- C**arnis nostræ mala, 318  
 Charitas Patris immensa erga hominem, 32. Mutua sanctorum charitas in cælis, 240. *V. Dilectio.*  
 Christus & Deus & homo est, 34, 36.  
 Christus nobis miseretur, & orat pro nobis, *ibid.* Humilitas Christi magna, & cur se tantopere abjecerit, 248. *V. Obediens.*  
 Compunctio. Homo conqueritur quod in contemplatione non compungatur, 75. *V. Oratio.*  
 Concupiscentia, 134. *V. Laquei.*  
 Confessio veræ fidei, 182. Vilitatis propriæ confessio, 186. *V. Hominis indignitas.*  
 Dei omnipotentis & majestatis ejusdem confessio. 26  
 Confidere in Deo, 30. Animæ amantis Deum confidentia, 106, 226  
 Conscientia ubique præsens est, 314  
 Consilium divinum, *V. Temporalia bona.*  
 Cordis requies vera, 87, 228, 231  
 Cordis humani instabilitas, 306. *V. Desiderium.*

## D.

- D**esiderium cordis nostri sit fixum in Deo, 160  
 Devotio. *V. Oratio.*  
 Deus in nobis requirit sibi simile, 221  
 Quid-

# I N D E X.

|   |                      |
|---|----------------------|
| Quidnam Deus egerit pro homine.   | 223.                 |
| Deus est summa & vera vita,   | 70.                  |
| Fruitio Dei delectabilis,   | 237.                 |
| In Deo personarum unitas, earumque distinctio,                              | 66.                  |
| Fugiendum est quicquid avertit à Deo,                                       | 233, 298.            |
| Quid sentiendum de Deo, & quid sit Deum cernere & tenere,                   | 61.                  |
| Deus inveniri non potest per sensus exteriores, neque etiam per interiores, | 174                  |
| Diaboli tentationes,  | 145                  |
| Dilectionis sive charitatis fervor,   | 154                  |
| Diligentis Deum operationes,  | 231                  |
| Divinitatis supernæ laudes,   | 26                   |
| Divitiarum amor,  | 316, 382             |
| Doctrina veritatis, <i>V. Amor Dei.</i>                                     |                      |
| Dulcedo divina, 248. Ineffabilis, 111. Omnem mundi amaritudinem tollit,     | 158.                 |
| Quomodo querenda,   | 254. <i>V. Amor.</i> |

## E.

|                                    |     |
|------------------------------------|-----|
| <b>E</b> ssentia Dei,              | 201 |
| Examen Dei quomodo sit institutum. | 297 |

## F.

|  |        |
|--|--------|
| <b>F</b> elicitas, <i>V. Anima. Gloria celestis. Paradisus. Vita æterna:</i> |        |
| Fiducia peccatoris in Iesu & ejus passione,                                  | 30     |
| Filii invocatio,   | 39, 96 |
| Frui Deo,  | 237    |

C C

Gall.

# I N D E X.

## G.

- G** Audium spirituale, 213. Plenum gaudium in vita æterna habetur, 241.  
*V. Paradisus. Passio Christi.*  
 Gloria celestis, 55, 194. Gloriæ celestis premium, 292  
 Gratiarum actio pro Christi passione, 106  
 Gratitude hominis pro beneficio redemptionis, 37  
 Gratiæ Deo agendæ, *V. Beneficia. Passio Christi.*

## H.

- H** Ominis dignitas, 127, 278. Indignitas, 196, 248, 259. Misericordia & fragilitas, 115, 282. Mortalitas, 119. Inimici, 315. Deus omnia imperio hominis subiecit, 155. Nihil potest homo absque divina gratia, 133  
 Hymnus de paradisi gloria, 55

## I.

- I** mpii. *V. Iusti.*  
 Incarnatio Verbi, 28. Christi incarnatio nostræ spei causa est, 214  
 Inimicorum amor, 377  
 Inimici, *Vide Homo.*  
 Inobedientia causa est cur homo non audiatur à Deo, ac proinde conqueritur, 11

Inten-

# I N D E X.

|   |     |
|---|-----|
| Intentio, <i>V. Opera.</i>                    |     |
| Intercessor verus,                            | 278 |
| Iudicium extremum,                            | 282 |
| Iusti aliquando facti sunt improbi, & contra, | 171 |
| Iugum leve est, amor Dei,                     | 363 |

## L.

|   |     |
|---|-----|
| <b>L</b> aus Dei incomprehensibilis, 35. Angelorum & hominum, | 83  |
| Lux justorum Deus,  | 136 |

## M.

|  |         |
|--|---------|
| <b>M</b> ajestatis divinæ consideratio, Mala. <i>V. Amor.</i>                                      | 108     |
| Morris consideratio,   | 304     |
| Meditatio de Deo quo frequentior, eo dulcior,  | 217     |
| Miseria magna hominis, 136. Nec amanti, nec querenti Deum,   | 200     |
| Misericordiæ divinæ commendatio, & hominis accusatio, 9, 10, 244, 248. <i>V. Bonitas. Dulcedo.</i> |         |
| Missio. <i>V. Spiritus sanctus.</i>  |         |
| Mori libenter,   | 49, 207 |
| Mundi amor,  | 380     |

## N.

|   |     |
|---|-----|
| <b>N</b> ihil fieri, 120. Nihil absque divina gratia. | 142 |
|---|-----|



## O.

**O**bediens cur dicatur Christus factus,  
cum omnia libera voluntate fecerit.

248

**Omnipotentia Dei.**

130

**Opera bona non potest hominis voluntas perficere, nisi gratia Dei juvetur.**  
163. **Opera nostra continuo Deus in-**  
**tuetur; item & nostras intentiones,**

139

**Orandum intente,**

305

**Orationes, 241. Oratio ad Patrem, 15.**  
**ad S. Trinitatem, 26, 68, 198. 201. ad Fi-**  
**lium, 96. ad Christum, 39. Spiritus sancti**  
**invocatio, 24. Oratio ad compunctio-**  
**nem habendam, 88. Humiliter de se**  
**sentientis oratio, 26. In tribulatione, 95.**  
**De passione Domini, 106. Qua petitur**  
**Paradisi aditus, 209. ad Sanctos, ut in**  
**periculis nobis sint auxilio, 50. Ad mo-**  
**rum & vitæ reparationem Dei invocatio,**  
**7. Oratio movens ad amorem divinum, &**  
**ad devotionem, 77. ad laudes habendas,**  
**83. Oratio Dei proprietates plurimas ex-**  
**plicans, 62. Pro seipso deprecatio, 319**  
**Valde utilis oratio, 101. In oratione quæ**  
**sint à Deo petenda,**

243

## P.

**P**aradisi gaudia, 218. gloria, 55. Quid  
sit Paradisus, & quid in se contineat,

218.

# I N D E X.

218. *V. Gloria celestis. Gaudium.*

Passio Christi est peccatoris fiducia, 30. Recordatio illius est efficax remedium contra omnes adversitates, 225. Homo Patri repræsentat passionem Filii ejus orans, 16. Deo Patri exponit homo passionem Filii, ut sui misereatur, 21. In Passione Christi qua de re gaudendum est, 250. Passionis ac vulnerum Christi recordatio, 224. Homo agnoscit se esse causam passionis Christi, 18, 19. *V. Oratio. Gratiarum actio.*

Pater invocatur per Filium, 15  
Peccatum misérias invexit, & Dei visionem nobis sustulit, 235. Lapsus animæ in peccatum, 123. Peccatum non debet exulari, 322. *V. Amor.*

Pericula. In periculis implorandum auxilium Sanctorum, 51

Præscientia Dei, 168

Prædestinatio Dei, - - - 109. *ibid.*

Proprietates Dei, 62

Proximi amor, 375

Psalmos canendo oportet hominem esse intentum, 398

Q.

Quærere. *V. Dulcedo divina.*

R.

**R**edemptionis nostræ virtus, 243. præparatio, 212. Pro redemptione gratitudo hominis, 37. Nostri redemptionis cur occulta, & diu dilata, 244

C c 3

Redem-

# I N D E X.

Redemptoris & redempti comparatio , 279  
 Reformatio , 282. Pro reformatione vitæ &  
 morum, Dei invocatio , 7  
 Regnum celorum , 209. Quomodo acquiri  
 possit, 281

## S.

**S**alvatio. *V. Redemptio.*  
 Salus nostra ex Deo est, 243  
 Salut i hominum quomodo subvenit Pater ,  
 87  
 Sanctorum charitas in celis , 240  
 Sanctuarium Dei est anima fidelis , 173  
 Sapientia duplex , una divina , alia vero Dei  
 domus , 42  
 Scientia Dei , 202  
 Sensibus nec exterioribus , nec interioribus  
 Deus inveniri potest , 174  
 Spes nostra in Deo , 133  
 Spiritus sancti invocatio , 24. Quid in nobis  
 operetur missio Spiritus S. 230  
 Sui ipsius amor, 353. consideratio, 313.

## T.

**T**emporalium bonorum consideratione ,  
 celestis consilii magnitudo colligi-  
 tur. 156  
 Tentationes, *V. Diaboli.*  
 Timor judicis , 13  
 Tribulatio, *V. Oratio.*  
 Trinitatis invocatio , 26, 68, 198, 201  
 Tristitia, *V. Dulcedo.*

Veri-

I N D E X.

V.

|  |     |
|--|-----|
| <b>V</b> eritatis cognitio quid sit,                         | 229 |
| Veritas. <i>V. Amor Dei.</i>                                 |     |
| Vestis animæ preciosa, amor Dei,                             | 366 |
| Via ad Deum, amor Dei,                                       | 353 |
| Vicem Deo reddere, <i>V. Amor.</i>                           |     |
| Virtus excellentissima, amor Dei,                            | 373 |
| Vita hominis brevis est,                                     | 320 |
| Vita præsens amaritudinibus plena est,                       | 46  |
| ad Vitæ & morum reparationem, Dei invocatio,                 | 7   |
| Vitæ æternæ felicitas, quam Deus præparavit se diligentibus, | 47  |
| Vita vera, <i>V. Deus.</i>                                   |     |
| Voluntas humana uti inefficax sit,                           | 163 |
| Vulnera Christi, <i>V. Passio.</i>                           |     |

F I N I S.

## APPROBATIO.

Hic liber Meditationum S. AUGUSTINI Episcopi Hipponensis, cum adjunctis Soliloquiis & Manuali, item Meditation ANSELMII, BERNARDI & IDIOTÆ, denuo utiliter excudetur. Actum Daaci, 17 Decemb. Anno 1607.

*Georgius Colvenerius, S. Theol.  
Doctor & Professor, &  
librorum in Academia  
Dnacena Visitor.*

Osob ofiarowania  
 Pannie Nas: Maryey  
 Naswiezja Panno Marya Ma-  
 ro Boza y Dziewico niepokala-  
 ja n. nalizby grzeszny zlo-  
 n. K swiętego oblicza twego naj-  
 dogodniejszy pragnąc służyć  
 tobie y ufając wielkiemu miło-  
 sierdziu twemu przed obecno-  
 ścią błogosławionego Syna twego  
 y wzytkiego Dworu Niebieskiego  
 oddając się dziś tobie zawstęę y  
 niewolnika wiecznego w Bractwie  
 niepokalanego Poczęcia twego biorąc  
 tobie za osobliwą Matkę Pa-


1847

Corrupta et inuentio  
Negro Neapolitano.


In ore humano ad dant  
passiones. Amor, odium, irasci-  
tia, fuga, gaudium, melan-  
cholia, spes, desperatio,  
timor, audacia, et ira.

























Biblioteka Jagiellońska



stdr0029676

Non fac futura  
Corrige praetita

---

in ita  
-it  
vis  
remu  
b al  
trilos  
ly si  
bus i  
C. Pe  
Pai h  
llos.  
grd co  
ly n  
Pup g  
hey,  
ment  
rit or  
milla b  
pur.

In itine peccator omnium  
est superbia. Ecclesiasticus.  
Si vis beatu esse, cogita hoc  
primum, contemere et ab  
ab aliis contemni. quidam.  
Philosophoru.

De superbis resistit humi-  
libus am. dat gratiam.


S. Petrus apostolus.

Oratio humiliantis se, penetrat  
oculos. Ecclesiasticus.

Cor contritum et humiliatum  
Deus non despiciet. David.

Super quoniam recessit spiritus  
meus, misit super humiliter et ter-  
mentum in meum. Isaias.

Perit omne quod agitur si non  
veritate aut humiliter dictu  
dicitur. S. Gregorius Papa.



Libro  
Apocriti  
Gra

